



Perlegi hunc Librum, cui Titulus [*Tentamina Physico-Theologica de Deo, &c.*] In quo nihil reperio Fidei Ecclesiæ Anglicanæ aut bonis Moribus contrarium, multa verò, quæ ingenio & eruditione non vulgari conscripta adversus Atheos, cum Epicuri de grege, tum alios, dignum reddunt, qui

Imprimatur,

Ex adibus Lond.

Feb. 15. 1664.

*Tho. Grigg. R. in Christo P.
D. Humfr. Ep. Lond.
à Sac. Domest.*





Perlegi hunc Librum, cui Titulus [*Tentamina Physico-Theologica de Deo, &c.*] In quo nihil reperio Fidei Ecclesiæ Anglicanæ aut bonis Moribus contrarium, multa verò, quæ ingenio & eruditione non vulgari conscripta adversus Atheos, cum Epicuri de grege, tum alios, dignum reddunt, qui

Imprimatur,

Ex adibus Lond.
Feb. 15. 1664.

Tho. Grigg. R. in Christo P.
D. Humfr. Ep. Lond.
à Sac. Domest.



TENTAMINA
PHYSICO-THEOLOGICA
De D E O:

SIVE N. 3. 25

THEOLOGIA SCHOLASTICA

Ad Normam Novæ & Reformatæ Philo-

sophiæ Concinnata, & Duobus Libris comprehensa:

QUORUM ALTERO

De Dei Existentiâ adversus Atheos &

Epicureos ex ipsis Ipsorum Principiis disputatur.

ALTERO

De Ejusdem Essentiâ & Attributis:

PRIMO

Secundùm Theologiam Ethicam, ubi Explicatur Quantum Hactenus
Alii in Gentilium sententiis de summi Numinis Naturâ Erudis Hallucinati fuerint:

DEINDE

Secundùm Theologiam Christianam, Et quid de Divinâ Essentiâ
ac Attributis statuendum sit differitur.

Quibus Postremò accedit specialis dissertatio de Primo Numinis Attributo

ÆTERNITATE.

Authore *Samuele Parkero* A. M. nuperrimè
è Societate Ss Trinitatis *Oxon.*

L O N D I N I,

Typis A. M. venales apud *Jo. Sherley* ad Insigne Pelicani in Parvâ Britannîâ, & *Sam. Thomson*
ad Insigne Capitis Episcopi in Cœmeterio *D. Pauli, & Rich. Davis* OXON. 1665.

PHYSICO-MATHEMATICA
DE D. F. O.



2924:11

REVERENDISSIMO

In Christo Patri & Domino, Domino

GILBERTO

Providentiâ Divinâ, Archiepiscopo

Cantuariensi, Totius *Angliæ* Primati

& Metropolitano ;

Et Augustissimo Principi

CAROLO II.

Magnæ Britannia, Francia, & Hibernia

Regi, à Secretioribus Consiliis.



ULLUS dubito quin mirearis
(Præfulum Amplissime) in-
ter Majorum Gentium Cli-
entelas Pedibus tuis provalvi
Recentem quendam Ignota
Frantis Clientulum: & forsan obstupefcis ho-

a. 3.

minis

EPISTOLA DEDICATORIA.

minis *Fiduciam*, qui tua *supremis negotiis* occupati *Tempora* tam tenui *srenâ* morari ausit. Nolumus tamen *Munusculi* *Tenuitatem* excusare, quòd scilicet *Supremum Numen* nec *Cultorum humilitatem*, nec *Munerum vilitatem* aspernetur; Quippe novimus *Maximo Jovi* olim *Tusculo* fieri, *Dîsq;* *humilem feriri Agnulam* perinde ac *Hecatombas*; atque præsertim in primo cujusque *Libamine* *Superos* *levissimis minutis*, setis nempe & capillis permulceri.

Quorsum enim istiusmodi argutiis *audentiam* meam *vestra Auspicia* implorantis *causatum irem*, cum Te *Patronum* efflagitet ipsa *Instituti Ratio*, ipsa *Opellæ materies*? Etenim cum velim *Deo Opt. Max.* *studiorum primitias* consecrari, quî *facilius litaturas sperarem*, quàm si (*prisco ritu*) in *Summi Pontificis dextram* libandas submitterem? Ne autem mirum videatur si *immaturas istas & crudas adduxerim*, cum quòd *Influentis & Radiis* quibus-

EPISTOLA DEDICATORIA.

buscunque desuper fœnerandis destituta adole-
verint; tam quod Animæ Germinantis Impetum
repreſerint, quorum potius intererat tenella
Conaminum Germina Radiis maturantibus in-
spirasse: Si vero Fubare vestro assentur (Il-
lustrissime Præsul) fiet non modò ut revera in
Lucem prodeant, verùm fortè ut indies matu-
rescant, dum tandem studia nostra ad meliorem
frugem pervenerint. Quì enim, si quid valeant
cælitus Influentiæ, fieri possit, quin fœtus quan-
tumlibet tenellus & immaturus nascatur, (ut
plerumque solent Adolescentium partus minus
vigoris & maturitatis adipisci) cui Tanti
Syderis aspectus faveat, tandem fœlici Genio
& Sorte fruatur.

Neque porro Materiæ dignitas humilioris
Patronatûs Authoritate uti permisit; sibi po-
stulat Immenſa Numinis Majestas Sacratif-
simos & prorsus Augustos Mæcenates; Si mi-
nus itaq; Operis Authori, saltem Argumento ac-
cedas.

EPISTOLA DEDICATORIA.

cedas Patronus. Quinetiam cum Pro Aris dimicaverim, cujus potius Auxilia implorarem quàm vestra, Venerande Antistes, qui iis tanquam Numen Tutelare præsideas.

Neque equidem (ut liberè dicam) quenquam novi cujus rebus magis quàm vestris conducant Conatibus nostris subvenire; Quippe cum prodii Numinis Vindex, non video cujus tantundem intersit, ut Victor evadam, quantum Summi Pontificis: Nempe si Optimo Numini Imperium abrogetur, quid sequitur nisi protinus Maximo Pontifici abrogandum esse? Si diruatur Capitoli Immobile Saxum, quorsum diutius superesset Ædes Flaminea? Si denique sit Religio fabula, Umbra statim fiet Sacerdos: Propterea cum Religionem propugnare volui, mihi non modo Dignitatem Vestram, (cujus utpote Cordi pariter ac Curæ sit) demereri, sed & Rationibus vestris juxta ac Divinis inservire

EPISTOLA DEDICATORIA.

*vire videor; Adeo res eadem sit de Numine
bene mereri, atque de vestrà Clementiâ.*

*Nuper prodière Dimidiati & Triviales
quidam Philosophi, qui Philosophiæ specie
Atheismum vindicare gloriantur: Scilicet ho-
minum Propudia sceleribus obruta scelerum
Vindicem Imperio, quò impunè abeant, exuere
moliuntur: Sic Flagitia Flagitiis (tanquam
Pelion Offæ) cumulando, eo tandem usq;
Impietatis evehuntur, ut ipsum Cælum Supe-
rosq; laceffant. Hosce Gigantum Fra-
terculos non sat duxi expugnare, nisi Telis
ex ipsius Philosophiæ penu depromptis confode-
ram; ut fabulantur Superos olim Titaniam
Prolem iisdem Montibus, quos in Cælum ja-
culabantur ipsi, Obruisse.*

*Non sum Nescius viros esse aliquin cor-
datos, qui Philosophiam, quam adornare molior,
Atheismo famulari arbitrantur, atq; adeo Reli-
gionem, nisi eversa istâ, incolumem non esse; &*

b

proinde

EPISTOLA DEDICATORIA.

*proinde ut alteram tueantur, alteram eversum
eunt, quo demum fit ut in Religionis causâ non
tam cum Impietate, quàm cum Philosophiâ dimi-
cetur. Cæterum tam rato invicem devinciuntur
Fœdere Religio & Philosophia, ut Nemo qui-
dem alterius hostis fuerit, qui non bellum eodem
tempore Alteri indixerit. Dempto Numine pe-
nitus evanescit Philosophiæ solertia: Naturæ
Theatrum, si quod aliud, serid ^{Quæ in unguine} po-
stulat, neque enim unius Phænomeni exitus ritè
solvi potest, nisi tandem in Scenam deducatur
Numinis Providentia: Propterea sicubi Sacrae
Paginae Atheorum proterviam redarguant,
continuo ad Naturæ solertiam remittunt, utpote
quam Supremus Opifex suæ sapientiæ
Monumentum & Præconem reliquerit: unde ce-
cinit Vates se cætera prope Atheum professus.*

--- Cum dispositi quæsissem fœdera Mundi
Præscriptosq; Maris fines, Annique meatus,
Et Lucis Noctisq; vices; tunc omnia rebar,
Consilio firmata Dei. ---

Fam.

EPISTOLA DEDICATORIA.

ſam verò (Illuſtriſſime Antiſtes)
etiãſi Tentamina noſtra eundem exoptant Ar-
bitrum, quem gloriantur Patronum, haud
tamen iis Gratiã veſtram latè in veſtras
Laudes eundo Ambire inſtitutum eſt, non modo
quòd hanc fidenter polliceatur Operis Inſtitu-
tum, ſcilicet in ſcientiæ Pietatiſq; vindicias
conſcripti; verum etiã quòd planè novimus
Generoſam veſtræ Clementiæ Indolem (ut men-
tis cujuſque Heroicæ) tam nolle ſuas Virtutes
in ſe laudari, quàm velle in aliis provehi: Tua
itaq; vivant Præconia, ſi quibus tam Erectus
Animæ contigerit Genius, ut ſint tuas Virtutes
imitando: Verùm Ego quorſum quæ latè per om-
nium ora volitarunt, (quas utiq; Ipſe non aliter
novi, quàm quoniam vulgo innotescunt) perora-
tum irem? Dum itaq; Principes, Eccleſia, Aca-
demie, & totus deniq; Britanniæ Orbis Veſtræ
Dignitatis Vigilantiã, Pietatẽ, Pruden-
tiam, Eruditionẽ, Munificentiam prædicare

EPISTOLA DEDICATORIA.

*conspiraverint, mihi in Choro & Vulgo
Laudantium sito sat fuerit, si Laudibus tam
Illustri Concentu celebratis Plausus addide-
ro: Nisi quòd porrò liceat Optimum Nu-
men obtestari, ut Amplissimis Vestrae Cle-
mentiae Dotibus Benignissimam Providentiam
semper accumulare pergat, quòd mactus omni
Gloriâ ac Virtute, Gestisq; Optimis ad Apicem
Terrenae Beatitatis evectus, serò tandem in
Triumphantis Ecclesiae Gloriam & digni-
tatem cooptetur.*

[Sic Comprecatur

Clementiae Vestrae

Humillimus Cultor

Sam. Parker.

ELENCHUS RERUM.

C A P. I.

De prisca Philosophis, qui vulgo Athei habentur.

ANaxagoras, Theodorus, Diagoras, Epicurus, aliiq; Philosophi vulgo Atheismi incusantur. Prædictos Philosophos, etiam si Athei fuissent, cordatiores iis fuisse, ~~quod~~ qui sunt Græciæ prorsus ridiculam superstitionem amplexati. Superstitio magis Deo exosa est, quam Atheismus. Philosophi, qui pro Atheis habentur, non ipsam Religionem, sed Ethnicam superstitionem contempsisse videntur. Cujus indicia sunt: Primò quòd ipsorum Delatores non criminantur eos omnem religionem sustulisse; sed solum aniles quasdam ceremonias. Secundo quòd Athenis in eos animadversum sit. (1) Cujus urbis superstitio fœdissima erat, & (2) tam severa decreta adversus illos qui illam omni punctulo non tenerent, ut nemo, cui scrupulus aut prudentia aut probitas, à delationibus securus esse potuerit. Tertiò, missa Socratis causa, quòd olim Nomen Christianum eodem crimine oneraverint. Cl. Stillingfleeti exceptio diluitur. Prædicti Philosophi singulatim ad Tribunal vocati Atheismi absoluntur. Primo Anaxagoras, deinde Theodorus Cyrenaicus, tum Protagoras, proximè Diagoras, & Euhemerus, & postremo Epicurus; Providentiam Mundi Gubernationi abrogavit præ nimiam Beatitudinis Divina affirmatione: defenditur adversus Lactantium. In eadem sententiâ cum Epicuro Arnobius. Petulantes Stoici Epicuro infesti cum Atheum esse impudenter calumniantur: Ut aliis exosum propinarent, supposititias Epistolas, quibus pene omnes alii Philosophi turpissimis convitiis perstringuntur, Epicuri nomine confingunt. Johannis Jonsii super hac re dissertatiuncula. Pia Epicuri de Deo sententia ~~avertit~~ seu propriis verbis affertur. Laertii de eo testimonium. Nemo denique Epicuro ~~adversus~~ impingit, qui non pariter planè fateatur eundem Numen aliquod agnovisse. Eum solum per consequentias criminantur. Isto pacto liceret cuivis hominum Sectæ Atheismum obijcere.

Cap. 2. Adversus Atheos disputatio.

Mittitur questio ista, an Deus lumine naturali investigari possit? Quare. Probatur esse Ens aliquod ingenitum, cujus probationis

non

ELENCHUS RERUM.

non interest an causarum naturalium series sempiterna fuerit, necne. Deus à seipso existit negativè non positivè. Adversus Atheos non concluditur probando esse Rem aliquam aternam, nisi porro evinceatur ratione eam pollere, esseque Causam Mundi Architectricem. Ad quod itaque pergitur. Ratio, cur Deus nunquam Miracula edidit, ut Atheismum redargueret. Mundus sapienti Opifice extructus. Postulatum disputationi subternitur. Speciatim convellitur Epicuri hypothesi de Mundi Origine, quoniam qua illam dirunt, alias quascunq; subvertunt. Proponitur. Cui primo obijciatur Atomorum Infinitudo, deinde totidem multiplicari vasus, quot sunt Atomi; tum Pondus atomis ingenitum. Epicurus Democrito plus sapuit. Acceleratio motus Atomorum decidentium. Quæritur quorsum Atomi huc potiusquam illuc fluant. Quæritur utrum pari an impari velocitate deferantur. Si omnes atomi deorsum deciderent, Mundus quoq; jugiter deorsum rueret. Motus declinationis in Atomis Cicetone convellitur. Defenditur Cicero adversus Gassendum. Accommodatior pro Epicuro proponitur hypothesi, & diruitur. Obijciatur diversa atomorum Magnitudo. Figura. in quibus totidem repetuntur casus, quot sunt Atomi. Concessis hisce omnibus commentis aquam nihilominus Epicuro hæere. Datur Epicureis mundum, si Chaos foret, ad Providentiam non referri potuisse. Cum autem elegantissima sit machina Providentiâ Architectricè desiderat. Proponuntur pauca Providentiæ specimina in Sole. Unde ex omni immensitate punctum, quod occupat, unice commodè elegerit. Unde tam opportune istum, quem tenet, ordinem, neq; propiorè, neq; remotiorem. Unde Sol Terra, aut Terra Soli circumgyretur. Unde in Orbem potiusquam in Diailleum, aut quovis alio motu feratur. Unde tantâ velocitate. Unde per lineam Eclypticam, & cur per Eclypticam obliquo feratur motu. Unde huc usque excurrat, & non ulterius. Unde huc usque in Septentrionem proventus ad Austrum reducatur, & vice versâ. Provocantur Athei ut hypothesi confingant, quibus explicetur quomodo sine Providentiâ Solis motus peragatur. Desunt cause, quam propugnamus, hostes. De Lunæ Institutione; quorsum propius quam Phæbus ad utrumq; polum evagetur. Quorsum illius Discus diversimodè excavetur. De Planetarum constanti motu & harmoniâ. Providentiam postulat, ne tota terrarum superficies aquis obruatur. De Lacunis & Anfractibus quàm opportune in Terra Globo excavatis. Non esse aternas Terra & Oceani vicissitudines. Varii maris Æstus. Salsedo. De percolatione Aquarum, ut fontes dulces saturiant. De Pluviis. Chymici nullâ arte possunt Aquas dulces

ELENCHUS RERUM.

dulces à marinâ abstrahere. Omnium Anacrophalosiss. Deinde ab Artis Operibus ad Natura Opera arguitur. Hac istis solertiora sunt, & proinde plus Artis postulant. Balbi Ciceroniani præclara dissertatio. Ineptum esse Cotta ad Naturam effugium. Naturam aut Rationem esse aut Temeritatem & Fortunam.

Cap. 3. De Generis Humani Ortu, & Corporis Humani Structurâ.

Gemina Dei Imago Sol & Homo. Putidissimas esse fabellas, quibus expedire conantur Athei, qui genus humanum sine Providentiâ progigni potuit. Mittuntur Poetarum fabula. Philosopharum hypothese perinde commentitia. Proponuntur. Singulas evertere opera pretium non est. Speciatim itaque evertitur Epicurea, que fingit homines è terra pustulis nasci quibus prodisse. Providentiâ fuisse utrumque nasci sexum in omni Animantium genere. Non modo homines, sed & reliqua omnia Animantia eo ritu nasci necesse esset. Mirum est nullos unquam jam inde è Terrâ prodisse. diluitur primum responsum, quod scilicet non idem sit Terra vis & temperamentum. Diluitur secundum, nempe quod non eadem sit Calorum Positura. Obiter sugillantur Cardanus, Pomponatius, Vaninus. Vana Paracelsi jactatio. Arguitur ab innumeris periculis & incommodis, quibus obnoxii forent istiusmodi Terra Fatuus. Tam præclara est Corporis humani Structura, ut nullo casu, qualiscunque fuerit, fieri potuit. Proponitur Institutum Philosopho Christiano dignum. De Galeni libro de usu partium. Exemplo proponitur utilitas Manuum. Proponuntur diruenda hypothese, quibus Athei ea in Corpore Phenomena, que præ aliis quomodo casu fieri potuissent, expediendo esse se existimant. Oesophagum, Ventriculum & Intestina non potuisse casu excavari. Non potuisse Cor, Venas & Arterias nisi Providentiâ efformari. Non potuisse Nares impetuosâ spiritûs eruptione disrumpi. Non potuisse nervos nisi solertissimâ ratione & consilio fieri. Proponitur duplex objectio: una à quotidianâ Animantium generatione, altera à sponte ortis. Objectiones istas perplexius Atheos irritare ostenditur. Ad primam reponitur Facultatem Generatricem Providentiâ institui. Brevis enumeratio Organorum generationi inservientium. Admirabilis mucua partium generationem peragentium adaptatio in utroque sexu. Femina, prout rei opportunitas postulat, iisdem partibus, quibus viri, aut frumitur aut disfrumitur. De Aristotelis opinione,

ELENCHUS RERUM.

opinione, qui faminam esse virum imperfectum statuit, & Quid de eâ sentiendum sit. Quam mirificâ Providentiâ in infinitis animantium Generibus, partes generatrices in utroque sexu invicem adaptantur. Natura obvio est coitus Desiderium & Veluptas. Prædictorum Anacephaloſis. De miris seminis virtutibus & stupendâ Facus formatione. Gassendi super hâc re dissertatio. Obiter ab Illustriſſ. viro diluitur calumnia. Solertiſſima Juſtini argumentatio à factus formatione ad poſſibilitatem futura reſurrectionis. Præciditur in Natura voce refugium. A Providentiâ eſſe inſtinctum, quo bruta animalia fatum nutritioni & educationi providere moventur. Inſtinctus neque ab Imitatione, neque à Veluptatis & Doloris ſenſu oriuntur. Altera obſectio examinatur. Malè & iniquè ab Inſectorum exortu ad hominis exortum arguitur. Subtiliſſima inſectorum machinula ſolertiſſimam cauſam Architeſtricem producit. Providentiæ eſſe conſtantem & perpetuum eorum Inſectorum ortum. Appoſita huius rei è Gassendo illuſtratio. Dein arguitur ex pudendo hypotheſeorum defectu, qua inſectorum exortum ſine Providentiâ moderatrice expeditum eunt. Argumentum ab Artis Opusculis exaggeratur. Plerumq; non ſunt animalcula è putri materiâ, ſed è ſeminulis ibi latitantibus. Deus mundi initio quibuſdam particulis ejuſmodi vim indidit, quâ ſeminum moleculas contexerent, & elaborarent. Non tanta Inſectorum varietas, quanta videtur. Quibus uſibus inſerviant Inſectâ.

Cap. 4. Generalia aliquot Capita Adverſus Atheos.

1. Qui Deum agnoſcit, præclara ſententiæ ſuæ argumenta offert: Eſſentiâ Dei argumenta adverſus illius exiſtentiam duci, ubi Lucia-nus ad partes vocatur. 2. Abſurdè & præpoſterè ab Effentiâ Dei argumenta adverſus illius exiſtentiam duci, ubi Lucia-nus ad partes vocatur. 3. Conſodiuntur Athei non modo argu-mentiſ noſtris, ſed & propriis, iſdemq; implicantur nodis, quos ut ſolvant, divinam naturam abrogatum eunt. 4. Noſtrâ cauſâ nihil omnino referre, quas mundi hypotheſes amplectamur. Ubi porro oſten-ditur Philoſophiam nequaquam eſſe Atheiſmi tyrocinium. 5. Mu-titas & imperfectas eſſe hypotheſes, quibus Athei Natura Phenomena ſine Providentiâ expeditum eunt. 6. Ut multa Phenomena expédiant, de materia particulis & rebus inanimatis, tanquam mente, mentiſque affectibus prædita forent, loquuntur. 7. Atheos nihil lucrari, cum Natura Phenomena ad cauſas naturales referunt, ſed perplexius ir-retiri. 8. Noſtrâ non referre utrum natura opera peragantur me-
chanico

BLENCHUS RERUM.

chanico quovis causarum naturalium Artificio, an omnia immediato Dei concurſu perficiantur. 9. Invidiſſimum eſſe ratiocinium, quod ab artium operibus ad Naturæ opera ducitur. Ubi quod excipiunt mox Artificialia artificum indiſtriâ quodidie effici videre, cum nihil tale in naturalibus intueamur, fuſuſculè perſtringitur. 10. Neque quicquam eſt, quod aliqua in rerum Naturâ melius fortasſe diſponi potuiſſent. 11. Iniquum eſt ut argumenta noſtra quidquam præjudicii ad haviolationibus & commentitiis hypotheſibus patiantur. 12. Quo clariuſ totius noſtræ argumentationis viſ percipiat, oportet ut mens à conſuetudine oculorum deſueſcat. 13. Ariſtotelia Hypotheſis de Eternitate mundi iſdem abſurditatibus laborat, ac Epicurea. Totius argumenti conſuſio.

Cap. 5. Rejicitur Cl. Cartefii Adverſus Atheos Argumentatio.

DUplex Cartefii ſophiſma. Primum proponitur. Cui reſpondetur. Nos nullam Dei ideam aſſequi poſſumus: ubi monetur ut probeat Mentis Ideas plus eſſe quàm Phantaſia Apparentias. Nullius ſubſtantie ne quidem materialis ideam efformare poſſumus. Obiter perſtringitur fanatica Platonis Philoſophia. Dei attributa non adequatè capimus. Quicquid infinitum eſt intellectum fugit. Proponitur problema de Infinito Cartefianiſ ſolvendum. Queritur unde compertum habeam mihi ideam Dei à Naturâ indiſtam eſſe. Ex innatis ideis probatum eundè Epicurei humanam eſſe Dei formam. Sæpe gentis cuiuſq; mores & inſtituta pro natura decretis oſtentantur. An certè ſciant Cartefiani, ſi ſemper ab omni humanum ſocietate ſepoſiti fuerant, num ullam Dei ideam adverterent. Cartefiani dogmata, qua probare nequeunt, pro anticipatis natura notionibus præſidenter obtrudunt. Fundamentum Argumenti Cartefiani. Obſcuritas terminorum, quibus utitur Cartefius. Queritur ſine Realitas Objectiva finita an infinita. Queritur an ſit ſubſtantia, necne. Non habemus adequatam & perfectam Dei ideam. Mens humana inſtructa eſt facultate ideas fabricandi, Cartefii argumento mundorum infinitudo probari poſſet. Quomodo mens humana rem perfectiſſimam comminſci poſſet. Quid per Infinitum intelligitur. De Eſſe Formali & Objectivo idearum. Realiter idem ſunt. Nihil perfectionis à nobilitate objectorum ideis accedit. Cauſa, qua Eſſe formale idea producit, producere valet Eſſe objectivum. Reſpondetur ad quaſtionem Cartefianorum. Defenditur doctiſſ. Theologus adverſus Cartefium. Reſpondetur ad ſimilitudinem ex picturis deſumptam.

ELENCHUS RERUM.

Proponitur alterum Cartesii sophisma. Id Cartesius non excogitavit, cum inter Scholasticos multum vexetur. Anselmus primus illius auctor. Olim à viris doctis impugnatum. Rejicitur duplex Aquinatis responsum. Duo alia responsa afferuntur.

LIBER SECUNDUS.

C A P. I.

Gentilium de Deo Placita perperam ad Supremum, quem colimus, Deum traduci : Sed aut de Sole aut de Anima Mundi, que Suprema Omnium Numina esse censuerunt, intelligi oportere.

Explicatur Quotplex sit Gentilium theologia. --- *Qui Exortus. Unde ortus sit Solis siderumque cultus. Solem Deo per omnia similem. Hellenismi ortus, & Apotheosos causa. Statuarum cultus origo. Poetas Gentilitia Theologia fabellas assuisse. Quorsum Philosophi illorum fabulas mythologicè interpretati sunt. Perperam Gentilium de Deo placita Deo Opt. Max. accommodari. Mittitur de Trinitate, quatenus è Gentilium scriptis innotescit, dicere. De iis solùm Dei Attributis, qua naturali ratione innotescunt, agitur. Mittuntur Philosophorum sententia, qui post Christianismi exortum vixerunt. Sol & Anima Mundi Gentilium suprema Numina. Antiquior Solis quàm Mundi cultus. Quomodo Virtus Solem & Animam mundi in unum Deum conciliavere. Nullus erat fiderum cultus antediluvianus. Duplicique ratione probatur. Cl. Seldeni responso occurritur. Explicantur Genes. cap. 6. commata 2, & 11. Solarem cultum non multum à diluvio exortum fuisse. Maimonedis, Isaaci Maronite, Mosi aliisque testimoniis probatur. Fuisse Catholicum. Paganorum ortus. Unde mos in locis sublimibus sacrificandi. Solem Jovis & Summi Numinis nomine designari. Solem non modo pro supremo sed & pro unico Numine habitum fuisse. Solis poluorumque poluorumque isitium dedisse. Solem Universi Opificem, omniumque deinceps Parentem olim habitum fuisse. Dominum. Gubernatorem. Sol unde Heliogabalus nuncupetur. Gentilium sacra Obscena ad vim Solis*

ELENCHUS RERUM.

Solis generatricem spectare. Sol idem qui Priapus, Idem cum Priapo Baal Peor. Generalis Solis Providentia. Sol vocabulis & titulis plerumque imperium & dominium denotantibus ornatur. De Baal. Beelsamen. De Molocho, & infantum in ejus honorem vivicomburiis. Reprehenditur Vossius. De Mithrâ. De Adone. Sidera ex Veterum opinione Intellectus prædita. Illorumque Intellectus nostro longè acrior. Stellis mentem eo solùm consilio tribuerunt, ut aptæ forent Numina haberi. Qui animam mundi venerati sunt, Soli & Celo tanquam Totius capiti Principatum tribuere. Specialis Solis Providentia. Anima Humana Æthere nascuntur. Sol Omnium & singulorum Inspector. Sol singula prævidet & præstituit. Opinio de Solis Providentiâ Astrologia divinatrici originem dedit. Telesmata immo & ipsa oracula vim suam divinatricem à siderum Influentiis accepisse crediderunt Veteres. Fatum & Parcas esse vim Siderum. Veteres stellis suam cuique ordinem assignarunt, primum vero & Regium Soli. Hinc nata Astrologia & Ethnica Religionis intima connexio. Unde denique veteres Astrologi Religionum ortus & interitus ab Astris provenire statuant.

Cap. 2. Veteres Philosophi Animam Mundi Supremum esse Numen censuerunt.

Veteres materiam quandam ætheream esse Animam mundi dixisse: eamque esse summum omnium Numen. Expressa Varronis, Plinii, Pythagoræ, aliorumque opinio. Cur Egyptii bruta animantia colere. Cur Patres cum Deum definitum eant, disertim Mundum illiusque partes excludant. Apud Veteres Deus idem cum Naturâ. Quorsum Philosophi Poetarum fabellas ad res Physicas accommodavere. Mundum sub Jovis nomine designari. Philosophos, qui unicum esse Numen statuerunt, ad Animam mundanam respexisse. Voce τὸ Πᾶν & Universum & Deum significari contra A. Steuchum Eugubinum innuitur. Isti solum Philosophi, qui Mundum immensum esse dixere, Dei Immensitatem statuerunt. Cum Dei Omnipresentiâ predicarunt, Dei Nominem Spiritum mundanum intelligunt. Voce Spiritus non rem immaterialem, sed pertenuem quamlibet substantiam intelligunt Philosophi. Apud quos animus, anima, Spiritus, &c. nihil aliud significant quàm Aerem & Ætherem, æreamque quamvis substantiam. Mens & vīs apud veteres non substantiam, sed facultatem denotant.

EELENCIUS RERUM.

Anima Mundana rerum omnium creationem; providentiam; imperium tribuere. Unde nata divinatio per mundi Elementa. Fatum esse cum natura ordinem, quem fabricavit Spiritus aethereus. Cur Deos Fato subesse vellent Stoici. Cur Poeta fingant Parcas ex Caeli Terraeque coitu praeferri. Opinio veterum particulares quaslibet animas ex anima mundi oriri. Keteres animam immortalem dixisse, solum quod crederent eam dissoluto corpore in animam mundi refundi. Animas omnes semper esse partes anima mundanae. Hippocratis aliorumque; è praeceptis Stoicorum Ignem nihil aliud fuisse quam Animam mundanā. Unde Stoici substantiam Anima humana igneam esse autumaverunt. Igni quicquid Divinum est attributum. Unde est quod statuant solum Jovem mundi conflagrationi superesse. Platonis & Aristotelis opinio de Diis ambigua. Plato Socratis fato perterritus animi sui sententiam dissimulavit. Eiusdem inconstantia. Obscuritas. Plato geminum mundum, visibilem & intellectualem, suprema Numina esse credidit. Numen Primum extra huius mundi parietes abegit. Aristoteles summum Numen intra Caelos coegit. Ipsum Caelum Deum esse aperte docuit, Zabaiistas secutus.

Cap. 3. Gentilium Theologiam Historicam Plerumque Sacrae Historiae Perperam accommodari.

RES Græcicas passim viris doctis ad Hebraicas aptari. Aliarum Gentium gesta rebus hebraicis perperam accommodari. Precariam & commentitiam esse posse analogiam inter res Græcicas & Hebraicas triplici capite probatur. (1) Quod fortuita esse potuit. (2) Quod tanta varietatis sit Græcorum de Diis historia, ut fieri non possit, quin ad alias historias quasvisq; analogiam gerat. (3) quod per exiguas arripiant analogias, quales in quibuslibet facillime investigari queant. Vossius, Bochartus, &c. sapientulæ ad partes vocati.

Cap. 4. De substantiâ & Essentiâ Divinâ.

Cujusmodi sit Dei substantia nos penitus celari. Anomatorum arrogantia. Triplex fons ignorantiae nostra circa divina. (1) Immensitas Majestatis divina. Quid sit incomprehensibilitas. Ineffabilitas. Deus nulla voce rectè vocis exprimitur. (2) Eiusdem Invisibilitas, 17-

ELENCHUS RERUM.

jam Omnia nusquam apparuisse. Angelos Dei Personam gessisse. Enigmatica & Symbolica, non reales fuisse Dei representationes in Prophetarum somniis. Non potuisse olim Majestaticam Dei representationem impunè videri. Exod. 33. 20. explicatur rectè Cl. Episcopi Glossæ. Unde adeo frequens Gloriæ Dei mentio in S. Codice. (3) Intellectus, quando Corpori alligatur, imbecillitas. Intellectum nihil percipere, nisi quod sit materia conditionibus imbutum. Examinatur Dei definitio. Quid sit Spiritus inquiritur. Illorum opinio, qui spiritum extensum esse volunt. Opinio Stoicorum, Epicureorum, Tertulliani Omnia esse corporea. Spagyricorum medium aliud quod inter corpus & spiritum assignantium opinio. Singularum è prædictis opinionibus censura. Prima incerta est. Secunda non modò non quædam est, sed & periculosa, ac prorsus obscura. Tertia aut secum pugnat, aut ad alteram è prædictis transit. Concluditur tum Spiritus tum Dei solius indagari non posse. Denique tam incorporeo quàm corporeo prestare. In S. Codice Deus per analogiam ad corpus sennè, quod Spiritum appellamus, Spiritus dicitur. Non minùs propriè Lux & Ignis appellatur quàm Spiritus. Transitur à Dei substantiâ ad ejus essentiam. Essentia Dei infinita est. Infinitatem Essentia Divina aliud quidpiam esse ab ejus Immensitate & Aternitate. Quorsum quidpiam finitum & infinitum dicatur. Perfectionem Essentia in Actualitate consistere. Infinitam Actualitatem esse, cui nulla immiscetur Potentialitas. Infinitudinem Essentia Divina in essendi necessitate positam esse. Quid velint Scholastici, cum Deum Actum purum appellant. Infinitatem Essentialem Dei ab iis labefactari, qui Deum positivam sui ipsius Causam esse volunt. Causa cur Divinâ potentiâ Infinita Essentia produci nequit. Cur Deus solus à seipso negativè esse potest. Quod Deus à se sit negativè fundamentum habet positivum, sc. Immensitatem suæ perfectionis. Nova methodus probandi Infinitatem Proprietatum Dei. Unde Veteres Deum Τὸν ὄντα cognominarunt. Nomen Tetragrammaton non Dei Essentiam, sed Constantiam & veracitatem connotare. Falsè sit Deum in Categoriâ aliquâ includere. Quid sit Categoriâ. Peripateticos similiter se gerere in Categoriis assignandis. Irridendam esse eorum superstitionem, cum Deum religiose è Categoriis excludant.

ELENCHUS RERUM.

Cap. 5. De Dei Attributis In Genere.

Distinguitur inter Perfectiones absolutas & quodantenns sic dictas. Plerasque Controversias de Divinis Perfectionibus ex eo provenire quod ad istam distinctionem non attendatur. Ex innumeris Dei Virtutibus eas solum nobis innotescere, quarum simulachra in Creaturis edidit. Divinas Perfectiones ex creatis triplici viâ Causalitatis, Eminentix & Remotionis investigari. Demonstratur prima, quod quicquid Perfectionis creaturis insit à Deo emanaverit. Demonstrantur secunda & Tertia, quod quicquid Imperfectionis Creaturis insit a Deo non deriverit. Viam Remotionis pertinere ad solas Perfectiones materiales. Viam eminentia ad solas Perfectiones Spirituales. Perfectiones Materiales Deo Eminenter convenire, Spirituales formaliter. Quid velint Mystici Theologi cum statuunt omnia de Deo Affirmanda & Neganda. Perfectiones Dei Physicas olim Attributo Maximi denotari, Morales Attributo Optimi. Esse Deum à Deo & absolute Optimum Maximum. Virtutes Ethicas, quæ non nisi Corporeis conveniunt, Deo non convenire, convenire verò omnes alias. Quaritur an fas sit passiones Deo tribuere. Veterum Plerique Affectus omnes in Brutâ Animæ parte collocarunt, Stoici verò in parte rationali. Perperam Utrique. Quorsum Scholastici Affectus à Deo ablegaverint. Affectu quoque includuntur mentis affectio & Corporis Commotio. Corporis commotio non tam affectus est quàm illius effectus. Quomodo anima suas motiones Corpori communicet. Affectum pars, quæ animæ est, quidni Deo conveniret? Passiones non esse distinctas ab invicem facultates. Esse eas voluntatis operationes, & proinde posse Deo convenire. Passiones ritè temperatas virtutes esse, & propterea perperam Deo abrogantur affectus, si eidem tribuantur Virtutes. Demum differitur affectus veros & proprios Deo convenire. Reprehenditur Maimonides. Unde Zeldetopia Deo respectu Israelitica Idololatria tribuitur. Quid sit misericordia. Plurimque vocabulū impropriis S^c Codice designatur. Misericordiam in Deo esse Amorem Benevolentix erga miseros. Quid sit Ira Divina. Quicquid ad intrinsecā affectuū nostrorū naturā pertinet affectibus Divinis inesse. Affectus Divini etiamsi à nostris differrent, tamen nihil impedit quin eandē nomenclaturā sortiantur. Item, quæ huc usque movi, de verbis non esse. Si sit Logomachia, non me sed adversarios in culpā esse. Affectus, qui impotentiam respiciunt, Deo adpropinquatōis tribui. Esse tamen proprios affectus alienis nominibus expressos. Dolorem

in

ELENCHUS RERUM.

in Deo esse propriè illius Odium. Pœnitentiam in hominibus esse dolo-rem, in Deo Iræ. Episcopius & Crellius sugillantur. Nulli affectus à Deo amovendi quatenus affectus, sed quòd speciales defectus includant. Quæritur an Attributa Dei invicem distinguantur. Vindicatur Taurellus. Qualitates à Corporibus non esse distinguendas. In spiritualibus facultates perperam à substantiis distinguì. Res fusius in Intellectu & Voluntate diducitur. Aliquam multis argumentis demonstratur ea non posse ab invicem distinguì. Inferitur reliquas Dei facultates ab invicem non discrepare. Quæritur an conceptus nostri de Divinis Attributis sine negativi. Dei Attributa nihil Negationis reipsa in se continere. Conceptus nostros de iis esse potius confusos & indefinitos quàm negativos.

Cap. 6. De Æternitate.

Voces, quibus Æternitas in S. Codice exprimitur, eam non nativâ vi vocis, sed à naturâ rei, cui tribuuntur, significare. Dei Æternitatem nonnunquam in S. Codice comparatè exprimi. Probat-ur durationem divinam sempiternam esse. Inquiriur sine Æternitas successioni expers necne? Quid sit concreta sive interna duratio. Durationem rei ab ejusdem existentia non distinguì. Durationem rei permanentis esse extrinsecè solum successivam. Quomodo discriminetur permanentium duratio à successivis. Durationem rei cujusque permanentis esse illius quietem. Ignem corporibus omnibus permixtum esse, eaque absumere. Res non Tempore sed Physicis causis immutantur. Substantia cujusvis pariter ac Dei permanentiam successioni expertum esse. Mutationes naturales Rerum hypostasin non attingere. Explicatur Boetiana Æternitatis definitio. Durationis Abstractæ perquam tenuem esse Realitatem. Locum & Tempus præ exilitate realitatis sua Intellectum nostrum penè effugere. Locum & Tempus non esse Res solidas & positivas. Tempus ab Æternitate discriminari non aliter quàm Pars à Toto. Definuntur Æternitas, Tempus, Ævum. Parallelismus inter Locum & Tempus. Scholasticorum sententia Tempus à Motu emanare. Obiter sugillatur Hob- biana Temporis definitio. Motum non esse Temporis causam, sed solum externam illius Mensuram. Fusiusculè adversus prædictam Scholasticorum sententiam disputatur. Potius motum successionem suâ à Tempore adipisci, quàm Tempus à Motu. Et Preßius urgetur Tria Argu-

ELENCHUS RERUM.

Argumenta adversus Aeternitatis Indivisibilitatem. Diluuntur varia Responsa. Diluuntur Objecta à Psalm. 90. 4. & 2. Pet. 3. 9. Nulla Mutatio Deo accedit Aeternitatis successione. Alia aliquot Objecta dissoluntur. Si capium fugiat, qui suat aeterna successio, fugit quoque qui non suat. Non capium fugit Aeternitatis successio sed infinitas. Tamen si forent Objectiones, quae solvi non possent, tamen nihil valerent adversus Aeternitatis successione, quod perinde omne Infinitum tollant. Geometria Postulata si ad Infinitum quodvis aptarentur prorsus incerta aut absurda forent. Demonstratur Spatii Immensitas. Eà de re egregia Lucretii argumentatio. Quicquid objectionatur adversus Aeternitatis successione perinde impetit spatii immensitatem. Aeternitas nullà primà parte inchoatur. Ex Infinito finitorum Numero fit tandem infinitum. Istam propositionem Aeternitatis prima pars, quae assignari potest, assignari potest, tamen si Identica sit, tamen, quod falsa hypothese innitatur, falsam esse ostenditur. Cavendum esse à voculà Omnis quoties de Infinito agitur. Postremam objectionem ipsam Aeternitatem à parte post abrogare. Queritur an Aeternitas sit Incommunicabilis Dei Proprietas. Haud pauci veterum Mundi Aeternitatem collegerunt ex Infinitate Benignitatis Divina. Istà Ratione quidlibet fere probari potuisse ostenditur. Divina Benignitas Libera est, & proinde potest pro arbitrio quodlibet magis minusve perfectum efficere. Qui Dei Bonitatem necessario optime operare volunt, illius Bonitatem, Potentiam, sapientiam, Dominium indigne imminuunt. Afferitur & probatur Mundum potuisse ab aeterno fieri. Aliud esse Initium Essentiae, aliud durationis. Nihil contra Possibilitatem Aeternitatis Mundana, quod, cum de Aeternitatis successione egerimus, non diluimus. Laudatur Cartesius, quod noluit Atheismum refutare ab impossibilitate seriei sempiterna in causis & effectibus. Desideratur in Cartesio constantia. Circa Infinitum quodlibet nos non posse ratiocinari.

LIBER

LIBER PRIMUS.

C A P. I.

De Antiquis Philosophis, qui Atheismi vulgò incusantur.

INTER veteres Philosophiæ Professores omne Numen sustulisse perhibentur *Anaxagoras Clazomenius Ionica Secta Antistes, Theodorus Cyrenaica Sectator, Bion Boristhenites ejusdem Auditor, Diagoras Melius, Euhemerus, Protagoras & Epicurus.* Hos cæteri pene Omnes Philosophi tam Ethnicum quàm Christiani infinitis convitiis lacerant, maledictis configunt, atque in eos tanquam *Cyclopum Sobolem & Mezentios* Deorum Contemptores tum Diis tum Hominibus. exosos Iracundi involant: Cæterum quid de iis statuendum sit, si mitius judicare lubeat, paucis ostendamus.

Imprimis igitur etiamsi tales fuerint, quales fuisse perhibentur, tamen plerisque aliis *Philosophis*, qui seiplos ad insanam Vulgi superstitionem demiserunt, longè Cordatiores fuisse facile crediderim: Plerunque enim adeo turpes aut ineptæ fuere *Ethnica Superstitionis* Ceremoniæ, ut fieri non potuit, quin Philosophi (modò tales omnino fuerint) Deum (si quem agnoverint) ab istiusmodi Ineptiis planè abhorrere videant, ut sanè è Philosophis Nemo iis favere potuerit, nisi qui prius aut Sincero Numinis cultui omnino valedixerat, aut saltem tantilli esse reputaverat, ut nihil referre crederet, cui

aut quomodo aut deniq; an omnino peragatur. Atheos nullius, quantumlibet fædæ & putidæ, Superstitionis piget, sed quodlibet adorant, modò inde Capiti consulatur, adeo ut æquius reliquos omnes Philosophos, quotquot inanis & frigidis Vulgi Ritibus passim uti consuevere, tanti criminis suspectos teneamus, Deoque, quem adorare simulaverant, planè illussisse & clanculum renunciassse arbitremur. Ut *Plato* quanquam Græcicam Superstitionem aperte *Læris de Legibus* procul à suâ *Republ.* tanquam foedissimam & Philosophis indignam abigendam esse prædicat, eandem tamen in *Timæo* non modo amplexandam, sed etiam divinitus traditam concionatur; Et vulgo quidem pernotum est eum nihil non de Diis vulgi ritu fabulari, ne tandem Socratis poculum exhauriret. Sic & fertur *Aristotelem*, dum *Etruscia* *Cereri* Sacra fecisse videbatur, Scurto suo immolasse.

Laert. l. 5.

Jupiter Trag.

Quid quæso agerent Philosophi, cum Deorum flagitia, adulteria, stupra, Intemperantiam, ærumnas, servitutes, perturbationes adverterent? Unde *Momus Luciano* inducitur Atheos in publico Deorum conventu excusans, ὅτι αὐτοὶ δὲ θεοὶ παρὰ τὸν αἰῶνα ὅτι καὶ ἐρωτοῦν, καὶ πορνείᾳ, καὶ δαυδῶν, καὶ ἀπομύμῃ, καὶ σαρκασμῶ, καὶ μυσταῖς ἰσοπεθῶνται ἑκάστῳ, καὶ ταῖς, μακροῖς καὶ ἀσφατοῖς ἀξάντες ἢ τὴν ἀρετήν, ἢ ἀρετὰς ἀποκρίνεται, καὶ ἕτεροι λόγῳ τίθειν τὰ ὑμέτερα; Quam ex Poetis audiunt nos amare, vulnerari, servire, vinculis obstringi, seditionibus turbari, innumeris molestiis implicari, præsertim cum beati & immortales esse contendamus: quid aliud quàm nos jure deriderent, & flocci facerent? Quomodo à risu temperarent, cum dispicerent (inquit *Tertullianus*) *Mœcum Anubim*, *Masculum Lunam*, & *Dianam* flagellatam, *Forvis* mortui Testamentum recitatum, & tres *Hercules* famelicos irrisos, & *Mercurium* Mortuos canterio examinantem? His adjice *Cælum* castratum, *Saturnum* profugum, *Joventem* vagientem, à *Briareo* liberatum, ne à cæteris Diis ligaretur, *Squammatum*, cornutum, plumatum, & in aurum præ libidine conversum *Dæum*, *Vulcanum* fabrum, *Apollinem* imberbem, *Æsculapium*.

Æsculapium Apollinis filium *Βαβυλωνία* prolixè barbatum, *Bacchum* ramo ficulneo muliebria patientem, *Sauviciatam Venerem*, *Martem* vinctum, utriusque adulterium deprehensum? Quid agendum erat cum putidos, aniles, crudeles, foedos ritus aspicerent? Quid cum Præstigias Sacerdotum illiberales, sordidas? Quid cum Incantationes impias? Quid cum Superstitiones fabulosas & ab omni ratione vacuas? Quid cum *Elenfinia Mytheria*, *Bacchi Orgia*, *Veneris Sacra*, quæ quomodo *Athenis* (ubi in prædictos Philosophos animadversum erat) celebrata *Ἀρχελαχιδὸν Μυθῶν* *Mundi probrum* merito appellat *Clem. Alex.*? Quid denique cum totum undiq; Deorum cultum aut Immanitate, aut Foeditate, aut ludicris Ineptiis refertissimum? Aut sanè obtusi admodum sint necesse est, aut meticulosi, qui tam vefanas Religiones non abdicarent; adeo ut indubium sit cæteros Philosophos (nisi prorsus Fungi & Buccones fuerint) quotquot Plebeculæ Religionem amplecti videbantur, præ metu duntaxat, quod nequaquam crederent, simulavisse.

In Protrep.

Cæterum Nostri liberalioris ingenii sese in Libertatem assidentes, veritatem passim propalare sustinuerunt, & immanes Superstitiones palam annexi sunt abrogare. De quibus itaque Lanctantius, *Impugnata sunt à Prudentioribus falsa Religiones; quia sentiebant esse falsas: sed non est inducta vera; quia qualis aut ubi esset, ignorabant.* Et *Clemens Alex.* de impudicis *Ethnica Superstitionis* ceremoniis edisserens, sic demum concludit, ὃν δὴ χάριν θαυμάζειν ἐπιστοί μοι, ὅτι πρὸς τὸν Εὐήμερον ἔ

Lib. 2. c. 3.

Ἀγχαλῆνον, καὶ Νικητορα, καὶ Κίπριον, καὶ Διαγόρα, καὶ Ἰσπύρα, καὶ Μίλιον, τότε Κυρηναῖον ἐπὶ τέτοις ἡμετέροις, ὁ θεὸς αὐτῶν, καὶ πῶς ἄλλως συχρῆς, συρρῆτος βιβλικῶς καὶ κληρονομικῶς ὁμοῦται πρὸς τὸν λόγον ἀνθρώπων καὶ ἀμφὶ τοῦ θεοῦ τέτοις παλιν, Ἀβῆς ὀπικλήριον, εἰ καὶ ἔαλθῃσαν αὐτῶν μὴ νενοκῶτας, ἀλλὰ καὶ πλάνητα παρὰ τὸν νόμον. ὅτι ἡ σμικρὴν εἰς ἀληθείας φρονήτως ζῶντες ἀναρῶται ἀπὸ τοῦ, &c. *Quæ de causâ venit mihi in mentem admirari, quonam modo Euhemerum Agrigentinum, & Nicanorem Cyprium, & Diagoram & Hipponem Melium,*

In Protrep.

& illam post hos Cyrenæum, cui nomen erat Theodorus, & multos alios, qui moderate ac continenter vixerunt, & reliquis hominibus acrius hunc de Diis istis errorem perspexerunt, Impios & Atheos cognominarunt, qui etiamsi veritatem ipsam non consideraverint, tamen errorem quidem certè suspicati sunt: quod quidem non parum existit semen ad excitandam scintillam ad intelligentiam veritatis. Vide his suffragantem Josephum lib. 2. adv. Appionem. An non longè satius sit omnem Religionē aspernari, atq; sit eam tanquam genuinam agnoscere, quam fictam, spuriam, & inanem esse arbitramur? *Fandudum* (inquit Arnobius) *me fateor mecum reputantem in animo rerum huiusmodi monstra solitum esse mirari audire vos dicere quenquam ex his Athenum, Irreligiosum, Sacrilegum, qui Deos esse omnino aut negent aut dubitent; * cum sit rectius multò Deos esse non credere, quàm esse illos tales.* Quemadmodum si inter solos Pontificios versarer, eorumq; Religionem tot anilibus tricus & ineptiis inquinatam animadverterem; & si fidei Normâ forem omnino destitutus, ex quâ Religionem Christianam à Pontificiorum nugis abhorreere perspicerem; & si deniq; nullæ superessent historiæ, quibus innotesceret quâ ratione huiusmodi Deliria irrepsissent; si ita, inquam, se res haberet, confiteri non piget me Religionem Christianam valdè suspectam habiturum esse; immò tanquam ineptam, frigidam, nec Aniculis dignam penitus repudiaturum, neque aliter Nomini Christiano infensus forem, atque sim Pontificio.

His porrò an è Plutarcho adjiciam crassius & Vehementius adversus Numinis Majestatem Superstitione quàm Atheismo peccari, atq; igitur longè clementius in dictos Philosophos animadverti oportere, quàm in eos, quotquot unâ cum Vulgo turpissimâ superstitione provolvebantur, etiamsi id serio egerint? *Ὁ μὲν τομίζων* (inquit) *θεὸς ἴδ', ἀνθρώπος ἔστιν; ὃ δ' τοιότους τομίζων θεὸς οἱ διανοήσαντες, ὃ μακρὰ δόξαις ἀνοσιωπίας συνίστην; Ἐγὼ γὰρ ἐν τῷ ἐθέλωμι μᾶλλον τὰς ἀνθρώπων λέγων περὶ ἐμῶν, μᾶτε γαρνέειν τὸ ἄξιον*

μυθεῖ

Lib. 5.

* Lib. 4.

αὐτὸς Διόνισ.

μὴν ἱδὲ Πλάτωνα, ἢ λέγειν ὅτι Πλάτωνος εἶναι ἀνθρώπου ἀτίθειαι, ἀπομαρτυροῦντες, εὐχερὲς τοῖς ὀφθαλμοῖς, ὅτι τοῖς τυχεῖσι πτωχικοῖς, μικροῦσι, &c. *Qui opinatur nullos esse Deos, impius est? qui tales esse credit, quales superstitiosus, non longè magis impiis opinionibus tenetur? Ego sanè malim inter homines de me hunc esse sermonem, nullum omnino esse Plutarchum, quàm hoc dici esse Plutarchum hominem inconstantem, vafrum, ad iram proclivem, vindicta ob levisimas causas cupidum, ob minima quaque indignantem, &c. Et protinus ὁρῶς ὃ δια. αὐτὸν ἔτι Θεῶν οἱ δευσιδαίμονες φερεῖσιν, ἐμπόδιον, ἀπίον, ἐμεταβίβλους, πτωχικοῖς, ὀφθαλμοῖς, μικροῦσι, ἀπομαρτυροῦντες, εὐχερὲς τοῖς ὀφθαλμοῖς, ὅτι ἀνίχνυται καὶ μιστὴν τὴν δευσιδαίμονα καὶ φοβήσθαι τοὺς Θεοὺς. Kides quid de Diis sentiant superstitiosi? stupidos, infideles, inconstantes, vindicta cupidos, crudeles, & qui minimis rebus offendantur eos esse putant: unde necesse est superstitiosum Deos & odisse & horrere. Et quidem (ut pergit) quid tam contumeliolè dixit aut dicere potuit Niobe de Latonâ (maximè sibi exosâ) quàm de hac credere fecit superstitio fatuos homines? An non præstaret nullam usquam Funonem extitisse arbitrari, quàm Vetulam fuisse adeo tetricam, crudelem, & sanguinis sitientem, ut quæ diceret*

— τῷ Ἐγὼ μέσον ἦσαν ἰδμεν
Ἐδέ μοι τοῖς θεοῖς φέρων.

— *Utinam medium Fecur ejus
Nacta vorare queam.* —

An non denique melius erat Carthaginensibus jam inde ab initio *Critiâ* vel *Diagorâ* ad condendas leges adhibito decrevisse nullum esse Deum, quàm talia Sacra facere, qualibus Saturno operabantur? Præstat sanè Nullum Numen agnoscere, quam aut Brutum aut Impium esse arbitrari.

Verum enimvero plusquam verisimile videtur prædictos Philosophiæ Antistites non omnem Religionem, sed solum Idola, Gentilitios Deos, & Græcanicam δευσιδαίμονιαν derisui habuisse,

De Idol. l. i. c. i.

habuisse, atque idcirco ^{admirantur} damnari. Sicut Cl. Joh. Gerh. Vossius, *Rationi magis consentaneum est, Atheos vocatos, à nostris quidem, quia sic apud Gentiles legissent; à Gentilibus verò, quia Deos Gentium pro Diis non haberent.* Quid enim vulgarius, quàm eos, qui Superstitionem oppugnant & abrogare adnituntur, à Superstitionis Mancipiis Atheismi crimine notari; etenim cum nullam esse Religionem præter suam arbitrantur, si qui eam convellere moliantur, in eos ita debacchari solent, quasi omnem funditus delere conarentur. Cujus rei exemplo esse possunt *Pontificii*, qui ingenti fiducia & plenis buccis primis Reformandæ Ecclesiæ Authoribus Atheismum exprobrare solent. Quod quidem Philosophis istis accidisse non obscuris Indiciis comprobandum arbitramur.

Var. Hist.
lib. 2. cap. 31.

(1) Imprimis enim ipsis ab ipsorum delatoribus non Crimini datur omnem omnino Religionem, sed solum fuitiles quasdam ceremonias contempsisse. Quemadmodum *Alianus*, testium adversus Clientes nostros haud minimus, cum narravisset *Euthemerum*, *Diogenem Phrygem*, *Hipponem*, *Diagoram*, *Epicurum Barbaris Indis*, *Celtis*, *Aegyptiis* impietate præeuntes fuisse in contemptum Deorum delapsos: continuo subnectit, *Sed Barbari hi, quos dixi, contendunt & esse Deos, & Nostrum curam gerere, & præsignificare futura per Aves, Signa vel Omina, Viscera, & alias quasdam observationes & doctrinas, &c.* Quasi pietatis erat ludicris divinationis Artibus auctoritatem ac fidem tribuere; & impietatis, aniles divinationis ritus despiciatui ducere: Et profectò quid usitatus apud *Ethnicos Scriptores*, quàm ex Divinatione Providentiam elicere, ex Providentiâ Numinis existentiam; quocirca si qui divinationem abrogatum irent, statim postulabantur tanquam omnem Providentiam, & proinde Divinum Numen penitus explodere voluissent? Sic nihil tertium admittebant inter *Ἀθεότητα* & *Δεσιδευομένην*, & exinde quotquot *Δεσιδευομένην* Juem, quæ totum Orbem infecerat, evasissent, quamvis alio-

qui

P. Luciani Sup.
Tragad. ubi dis-
ceptatio de
Providentiâ
ad Oracula sy-
eorum pradi-
ctiones devot.
vitur.

qui bene pii, in Atheorum censu numerabantur. Verum hujusce Apologiæ Æquitas & Ratio clarius constabunt, cum tandem ad specialem cujusque delationem pervenerimus, in quibus scilicet nihil, quod ipsius Religionis contemptum importet, reperiatur, sed semper, solum quòd aliquam Superstitionis partem aut neglexerint aut irriserint, incusantur, adeo ut ex ipsis eorum delationibus liqueat, solum eo quod superstitionem oderint, Atheismi accusatos fuisse.

2. Deinde advertendum est *Athenis* in prædictos Antistites animadversum fuisse, ubi scilicet severissimæ Leges turpissimam superstitionem præscriperant.

1. Etenim primò sicut Græcia præaliis Regionibus olim Superstitionum sæcunda (adeo ut *Anacharis* Scytharum Rex neque ignobilis Philosophus civem quendam, qui Græcorum mysteria in Scythiâ imitari aggressus est, morte mul-
taverit, (referente Clemente Alex.) ὡς ἀναδρον αὐτοῦτος

In Protrep.

Ἐλθοι μάχην ὡς, καὶ τὴν θηλείαν τοῖς ἀνδρῶν διδιδασκαλον ἰσὺς
 ut pate qui effeminatus evasisset apud Græcos, & femininum
 morbum alios Scytharum doceret:) Ita Athenæ præ reliquis
 Græciæ Urbibus superstitioni deditæ fuere, unde vulgo dicebat
 Deorum Patria & Officina; hinc Athenienses exagitat Co-
 micus, quod Ἀγρυπνῶν αὐτῶν καὶ πάλιν παρτοῦσαν αὐτὴν Ἀθηνῶν Athenas
 in Egyptum mutavissent: Immo adeo tandem ibi pergrassata
 fuerat Superstitionis lues, ut Urbs ὅλη βρωμὴς, ὅλη θύμα θεῶν καὶ
 ἀνάνημα, inquit Xenophon de Repub. Athen. Insuper Reipub.
 Institutis decretum erat Cives unâ cum Diis Patriis θεῶς ξένους
 Deos Peregrinos hospitio exceptos colere; ex quo ibidem
 quotannis celebrabatur Festum θεοξένια, adeo ut Proclus iis
 exprobraverit, quod omnes Barbarorum Deos & Ritus accer-
 fiverant. Et Plinius suâ ætate statuas ultra ter mille Athenis
 numerat. Denique eo usque adulationis & turpitudinis pro-
 lapsi sunt Athenienses, ut ipsum Demetrium (quamvis Divi-
 nis honoribus eum ornassent & suffibus coluissent) adu-
 lationis scœditate offenderent, quem propterea de iis dixisse
 fertur.

V. Athenarum
deip. l. 6. c. 14.

feritur. Athenienses omnes ipsius aiale viriles & generosos
animos amisisse.

† Aelian. var.
hist. l. 5. c. 17.

Adv. Appion.
lib. 2.

In ejus vitâ.

2. Et sicut Atheniensium cultus omnium turpissimus, ita
leges (cruenti isti Draconis ^{Δρακόνος}) ad cultum spectantes
omnium acerbissima: Veluti † ^{et sic reulior ὁ νόμος ὁ δὲ ἥσυχος}
cidisset, cum morte multarunt. Memorat insuper Josephus
Athenienses vel verbo solummodo præter illorum legem de Diis
loquentes inevitabiliter punivisse. Sic de Stilponē narrat
Laetius, in Areopagum pertractum fuisse, quod *Minerva*
effigiem Deum non esse dixerat, rem autem non inficiatum
fuisse, sed rectē se locutum asseruisse: <sup>οὐ γὰρ τὸ θεὸν λέγει, ἀλλὰ
θεῶν θεὸς ὃ τὸν θεὸν ἀπείπει.</sup> Non enim Deum esse sed Deam: Deos
quippe Mares esse: Areopagitas tamen (retricos illos Rha-
damanthos) nihilo placatiores factos jussisse continuo ipsum
Urbe excedere. An critica Grammatici quæstioncula exilio
digna? Si ita, Quidni pueri non jacturâ Natis, sed morte aut
exilio Solæcisimos expiarent? Quinetiam ne delicta quælibet
circa Sacra impunē irent, mos erat Senatū postērâ Mysteri-
orum die convenire. Andocides in Oratiōe ^{ἀνδρόκλειος ὁ ῥητορὴς}
Senatus illis confessurus erat
secundū legem Solonis, quæ jubet postērâ mysteriorum die
confessum facere in Templo Eleusinio. Immo verò Res Bru-
tas & Indinimatas, si circa Religionem deliquerant, in Judicia
vocare solenne erat; sic in Festo ^{ἐκδοσίῳ} quotannis Bovem
immolabant in memoriam Bovis istius *Athei* occisi, quod
sacras fruges in Bacchanalibus aut Diipoliis attingendo teme-
raverat: Et insuper bipennem, quæ Bovem occiderat, in
judicium vocabant; eam tamen, actione solenni Pompâ ex-
positâ, quæ Judicium clementia, absolvabant. Pausanias,
^{παυσανίας} *ibi* (de Pryta-
neo loquitur) de ferro, aliisq; inanimatis iudicium fit.

In Atticâ.

Jam cum adeo inutilis & ludicra fuerit Atheniensium super-
stitio,

Ritio, cumque fuerint sancita tam severa decreta adversus eos, qui illam omni punctulo non tenuissent, qui pote quin, quibus minimus vel sapientiæ vel probitatis scrupulus, aliquo pacto tum Superstitioni renunciarent, tum ad *Areopagi Tribunal* postularentur? v. g. Capitis periculo tenebatur quisq;

ὅς τις μὴ αἰὲν ἠέρας ὑπάρχων ἐν τοῖς, ἡμετέροις ὅποις νομίται.

Deos venerari atque Heroes patrios & Indigenas publicè secundum patrias sanctiones: Istam legem citante Porphyrio lib. 4.

de ἀρετῇ. Et memorat Pollux quo die quispiam è juventute Atheniensi in Albo Civium inscribatur, jurare se semper Sacra & Numina Patria culturum. Cæterum *Leona*,

Lib. 8. c. 9.

Lamia scædissima Demetrii Scorta, *Eurichus*, *Ademantus*,

Athenaus deip.

Oxythemis sordidissimi ejusdem Assentatores (ut *Deos*

L. 6. c. 14.

alios Novitios & turpes præteream, ut *Orthanem* & *Conissalum* è *Priapi* famulitio, *Tychonem* è *Veneris*) in Heroum

numerus relati fuerant, & in eorum honorem *Aræ* ac *Delubra* extructa: Itaque aut turpia hujusmodi Monstra Libatio-

nibus, Pæanum cantibus, cunctisque Religionis ceremoniis

colenda, aut contemptus adversus *Deos patrios* rei sint ne-

cesse est. Atque hinc quidem patet quam iniquè agant Viri

Docti, cum quemyis impium esse opinantur, quoniam ab

Areopago sic esse judicabatur, quæ tamen palmaria & pene

unica objectio est, quâ prædicti Philosophi impetuntur.

3. Postremò quòd qui illos Atheismi accusarunt, aliis, quos

pientissimos fuisse abundè novimus, pari vehementia Atheismi

scelus intentarunt, solùm quòd apertè à vesanâ eorum su-

perstitutione abhorruissent: ut enim *Socratem* præteream, cui

Anaximandrum, *Aristophanem*, & *Melissum* crimen impietatis impe-

gisse pervulgatum est, tamen nec *Lysia* apologiis, nec meis opus

est, quibus illi impietatis nota abstergetur, quippe hoc abunde

præstiterunt *Melissus* morti damnatus, *Anaximandrus* ab *Heracleotis*

exterminatus, *Palestræ* & *Gymnasia* ob *Socratis* mortem

Athenis clausa, æneaque imago in *illius* honorem ab ipsis ju-

dicibus resipiscentibus erecta, & denique totius orbis de *So-*

quidem Christiani absolvantur, *sin minus infantes Philosophi,*
adeo utroque damnare par est, aut neutros *improbi* *et* *coluquid*

“Verum excipit Vir Cl. Aliam esse Christianorum cate-
“sam, aliam Philosophorum, quoniam constat illos non modo
“Ethnicorum superstitionem aspernatos esse, sed præstantiori
“Numinis cultui nomina dedisse: de his autem nihil quid-
“quam tale constare, ideòque non infantes pronunciandos
“esse, nisi quoque pariter liqueat, dum superstitionem pessum
“dederint, præstabiliori cultu usos fuisse. *consequenter* *reprehenduntur*

“Ceterum impræsentiarum ut mistam non deesse argumen-
“ta, quibus Philosophos, qui tanquam athei præbidentur,
“non omnem religionē conculeavisse adstruatur: hæc inquam
“misto, cum ab illis Atheorum infamiam abstergere aggredimur,
“id quod volumus non aliud est, quam quoniam Græciæ vulgus
“Atheos fuisse æstimabat, quotquot *deinde* *non* *erant*,
“quod ex eo liquet, quoniam Christianis, Judæis, aliisque
“atheismi actionem passim intendebant, quis superstitionis ex-
“pertes erant? propterea cum nulla sit alia ratio, extra hanc
“unam (quæ agnoscitur apprimè falsa esse) quæ nos ad
“tam iniquam de Philosophis illis opinionem moveret, quam
“immaniter iniquum esse arbitramur ab *eadem* *causa* *tam* *corpis*
“conviti reos agere: si enim Gentiles novimus in Christianis
“Atheismi inculandis mendaces esse, iisdem, dum Philosophos
“eiusdem culpæ infimulant, fides subtrahenda est, præsentem
“cum aliunde suppetant conjecturæ, quæ molliorem de illis
“perluadeant censuram. Neque hinc causamur eosdem pios
“esse, sed impios non esse, cui abunde favere dicimus, ut prius,
“parem Christianorum causam, sic tamen si nulla reperirentur
“eorum pietatis indicia, nihilominus multo iniquissimi essemus,
“si imperatis reos esse vel suspicemur quidem. Atque ita
“etiamsi à pari Christianorum causa penitus infantes esse non
“probantur, tamen inde penitus elevantur ad veriorum testi-
“monia, nempe si Christianum nomen propter rejectam super-
“stitionem in Atheismi crimen vocaverint, sequitur eadem

Stillingsfleet
Orig. sac. l. 1.
cap. 1. §. 2. 10.

21. quæ. 2. d. 1

1. 1098.

de causa eos Philosophorum nomina deculisse, vel saltem cum abunde compertum sit quidquid huiusmodi criminis Christianis attingunt meras esse calumnias, propterea perquam iniquum esse arbitramur, si propter solas eorum delationes praedicti Philosophi in reos referantur. Ceterum plerisque religionis haec expertes fuisse in confesso erit, cum singulorum accusati-ones seorsum expenderimus. Ut igitur unum & alterum, de quibus vix quidquam memoratur, praeteream. Imprimis *Anaxagoram* coram tribunali sistamus.

Hic a *Cleone* quodam impietatis accusabatur, *Athenis* exulabat quinque talentis impletus, & nisi restitisset *Pericles* capitis damnatus, *quod* *Salem* *cadentem* *et* *ignitam laminam* *dixerit*, quod idem repetit *Laertius* in Epigrammate suo, quale potuit conficere Poetarum haud Princeps.

Cadentem ferri massam Phaetonta putavit
Quondam, & ob id morti addictus Anaxagoras.

Eadem testantur *Augustinus de Civit. Dei, lib. 19. cap. 41. Plutarch, de placitis Philos. lib. 2. Plin. lib. 2. cap. 58.* Et quae quæso in hac opinione impietas? Bene erat *Thalesi* *Anaximandro*, *Anaximenes*, aliisque *Anaxagora* decessoribus, quod Philosophiam *Athenis* non docuissent, si enim id evenisset, verisimile est eos idem, atq; ille, fatum expertos fuisse. Primus enim *Anaxagoras* ex *Fanis* scholam traduxit *Athenas*. Ceterum ut pergant, testatur *Hermyppus* apud *Laetium*, *Periclem*, cum nullum ei crimen impingi comperisset, dixisse, *quis calumniis inducti hominem occidere.* Suffragatur *Plutarchus* in vita *Pericli*, additq; *Cleone* ex *Periclis* odio *Anaxagoram* accusasse:

Laert. in ejus
vita.

Plutarch au-
tem in *Periclis*
vita refert eum
a *Pericle*
propter periculi
suspicionem.
Urbe emissum
fuisse.

Clem. Alex.
Strom. l. 1.

Laert. in
Aristippi vitâ.

Deum nuncupari) appellatum: Accusatum fuisse fertur ab
Euclide Hierophante, & nisi eum *Demetrius Phalerensis* eru-
isset, in *Arcium* pagum tractus fuisset, quod mysteria Deo-
rum (sacra tunc sacrilegiis omnibus tetriora) tunc quatuor
nondum initiatus aperuisset. Quâ in re sicut nihil impietatis
deprehendimus, ita supersunt quædam pietatis suæ vesti-
gia, eo quod fateatur *Laert.* ipsum ipsius librum de *Dus* in-
scriptum non contemnendum vidisse: & postea narret, cum
quidam illi in *Ptolomeum* jocanti objecisset illum non solum
Deos, verum & reges ignorare: quo pacto (respondit *The-*
odorus) illos ignoro, quandoquidem te *Diis inimicum* puta-
ubi non modo Deos esse se arbitrari profitetur, sed vide-
tur iracundo verborum tenore, subinnuere se inique con-
temptus adversus Deos accusatum esse: quibus accedit
quod conquestus est quæ ille dextrâ tradiderat, hæc audi-
tores sinistrâ accepisse, Memorante *Plutarcho*, Brevi vide-
tur festivæ & audacis indolis fuisse, adeoque palam for-
tasse & fidenter risu & joci carpsisse *Atheniensem* *Idolo-*
maniam, eoque in periculum venisse. Ingenii festivitatem,
ut complura alia, sic speciatim indicant illius verba apud
Laert. cum scil. adstruxisset *Stilpo* *Megarensis* coram *Are-*
opagitarum tribunali, *Minervam* Deum non esse, quia
fœmina erat, proinde Dea, jocosè luisse fertur *Theodorus*

De *Iside* &
Osiride, & de
tranquil.

In vitâ *Stilponis*

Plato & *Por* idem *Stilpon* : & *aristoteles* dicit & *aristoteles*
Unde hoc noverat *Stilpo*? num amata palli ipsam inspu-
erat. Audaciæ autem specimen dedit egregia illa respon-
sione, quam *Lysimacho* crucem minitanti respondit. *Ista*,
quasi, ista horribilia minitare purpuratis tuis: *Theodori* qui-
dem nihil interest, humine an sublimè putrescat. De eodem *Laert.*

Cicer. Tuscul.
Quest. l. 3.
In vitâ *Stilponis*

Ado. Heres.
tom. 2. l. 3. in
trañ. de expof.
fidei cathol.

Protagoras, cui *Diogenem Smyrnæum* vel potius *Cyrenæum*
addit *Epiphanus*, non accusatur Deos sustulisse, verum de
iis duntaxat dubitavisse, *Plato* idem *Stilpon* & *aristoteles*
Stilpon, *Ido* & *Ido* *Stilpon*, &c. De *Diis* quidem statuerè neque,
neque

neque an sint, necne: Ob hoc autem principium operis
positus ab Atheniensibus est, librique in foro cremati
sunt sub præconis voce. Eadem *Sydas* in *Πρωτοβουλα*: verum
non tam rem in dubium vocare videtur, quam eo temporis
ea de re utpote Juveni nimis ardua non disputaturum pro-
fiteri; Quemadmodum interpretatur *Cacilius* apud Minutium
Felicem, illum *consulte* potius quam *profane* de *Divinitate*
disputare.

In Obvio.

Diagoras Atheorum parens & antistes ducebatur, adeo ut demum illius impietas in diverbium abierit. Diagoras Melius de prophanis & perfidis & impiis dicitur, inquit Suidas in voce Diagoras; Si tamen hujus ἀθέου audire velis, gemina esse perhibetur, tum quod Hercules statuum in focum injiciens dixerit, In hoc decimo tertio Agone, ut quondam Euristee, mihi infervias oportet, à quo Joco in Deam stipitem Athens audivit, Etiam si Poema suum inde exorsus est, quod omnia supremo Numine gubernentur. Tum quod arcanos Orphici sermones vulgo exponeret, Eleusinia item & Cabeirorum mysteria nondum incipiens publicaret. Lex enim erat Asiica, Τὸν ἑσπέρην τὰ μυστήρια τὸν θάνατον. Qui mysteria vulgaris, capitalis est. Hinc Aethylos in vitæ discrimen venit, cum in tragediis nonnulla quæ hæc initia spectabāt, evulgasse crederetur. Unde ἡλικὸς τὸ ἑλδοθῆναι in diverbium abiit, de iis qui secreto de re quâpiam arcana tractarunt. Adeo nimirum scrupulosè Gentiles mysteria sua celabant, ut antequam licebat quemvis ἰσχυρὸν Inspectorem admitti, oporteret quàm plurimis inferioris dignitatis fungi officiis v. g. ad ἰσχυρὸν dignitatem in Μίσθρα (Persarum Numinis) mysteriis transibant per octoginta officiorum gradus, uti perhibet Athenagoras. Hinc mysteria propalare longè pessimum censuerunt sacrilegium: Adeo ut timuit Vennsinus Poeta sub eodem tecto habitare, eodemque navigio vehi, quo socium haberet mysteriorum evulgatorem.

Glem. Alew.
protr.

Athenag. legat.
pro Christ.
Sam. Petit.
de legibus Anti-
cū, p. 33.

In legat. pro
Christ. 1852

Vetabo,

Carm. l. 3.
Ode 2.

*Vetabo, qui Cereris sacrum
Fulguris arcana, sub iisdem
Sit trabibus, fragilemque, necum
Solvat faselum, saepe Diespiter
Neglectus incesto addidit integrum.*

Lib. de Iside
& Osyride.
In Oshawio. p.
11. ed. Ouzel.
l. 1. de nat.
Deor.

Nec *Diagora* impietati dispar est ista *Euhemeri*, qui Impius & Impostor audit à *Plutarcho*, quod Deorum natales, patrias, conjugia, progenies, res gestas, sepulcra dinumerat, & per provincias monstrat, ut refert *Minut.* *Felix*: & *Cicero* cum de hominibus egisset, qui in Deorum censum relati erant. *Qua ratio* (subjungit) *maximè tracta est ab Euhemero, quem noster interpretatus & secutus est, præter ceteros, Ennius, & alibi, si bene memini, Ab Euhemero autem & mortis & sepultura Deorum demonstrantur.* Quod factum quoniam omni impietate vacare sentimus, non est, ut eidem ulla impietas imputetur.

Apol.

Protrept.

l. 1. Strom.
In Sermona
compend.
Biblioth. p.
1083.

De *Epicuro* aliquanto prolixius agemus, atque id propterea quod ab omnibus omnia Numina conspuisse creditur, & tam paucos defensores nactus est, ut ipse jam secundus accedam. *Epicuri fateor nomen* (ut de *Christiano Tertull.*) *infestum esse, sed saltem nominis crimen est, Quotusquisque enim doctorum reperitur, qui in Epicurum non liberè debacchetur: à Clemente Alexand. δὴ πάντων ἀνθρώπων* dicitur *per omnia impie se gerens, & ἀρχὴν & ῥαβδον impietatis Princeps.* *Epiphanius de Epicuro differens* (ut id *Quint. &c.* n. *liber n. xlvii* dicitur ad *modum*). Extat porro oratio adversus *Epicurum* mendaciis & calumniis referta, ab *Himerio* sophista composita apud *Photium*; passim cum denique vellicant *Plutarch. Galenus, Cicero. Arnob. Lactant. Orig. &c.* Ceterum Ego utcumque fateor *Epicuri* opinionem ab estimatione Dei Deo prorsus indignâ ortam esse

esse (censuit enim Dei felicitatem mundi curâ & gubernatione turbatam esse, at quàm anile est credere immensam sapientiam ullâ curâ vexari posse!) utcumque insuper agnoscam quicquid Dei Providentiam mundo abrogaverit proclives ad atheismum efficere, & universum Dei cultum abolere, tamen inficias eo *Epicurum* aut consukò Deos & religionem sustulisse, aut ab contemptu de iis erravisse. Quod enim eum persuasit Deorum providentiam auferre (unde etiam Deos ipsos sustulisse accusabatur) nihil aliud fuisse constat, quàm eximiam existimationem, quâ sese imbuisset de beatitate, maiestate, & beneficentiâ divinâ, sic *Lactantius*, tametsi in *Epicurum* longè æquo acerbior sit, tametsi iniquè & detortè ejus dogmata referat, & quæ honesta sunt pravâ & iniquâ interpretatione vexet, tametsi denique summis viribus probare sataget, ex *Epicuri* sententiâ nullos esse Deos, tamen *Epicurei* delirii caput esse confitetur, *Quod putaret Epicurus a Deo esse alienum malum facere atque nocere, quod ex affectu iracundia nascitur*; sic enim (inquit) *Epicuri* ratiocinatio processit, si Deus mundum gubernet, impiis irascitur, ira tranquillitatem delibat, quicquid tranquillitatem delibat a Dei beatitate alienum est. Atqui sanè nescio plus perfectionis Deo deterat *Epicurini* opinio an *Lactantii*, qui ita *Epicurum* refutat, quasi Deus suam Divinitatem & beatitudinem retinere non posset, nisi provideret rebus humanis; *Qua igitur (inquit) in Deo potest esse beatitudo si semper quiescat & immobilis torpet? Et rursus Deum sc. à mundi administratione vacare non posse, si vivat aut vigilet. Quiescat esse quomodo potest, qui vivit & sentit? nam quies aut somnus res est aut mortis.* Quasi Deus non satis beatus per seipsum foret, nisi cum creaturis versaretur, & mundi administratione torporem & somnum, qui aliàs in illum irrepsisset, excuteret. Rectius longè *Epicuri Schola* de Naturæ Divinæ longè absolutissimâ *avlapxat* statuit, quippe quòd sit, *ipsa sua pollens opibus, nil indiga nostri*; ac quæ (uti ejusdem Scholæ alius)

De solâ seq.
c. 17.

Dei à Dei. c. 9.

Dei à Dei. c. 17.

Lucr.
Velleius apud
Cic. de nat.
Deor. l. 1.

De nat. Deor.
ib. 1.

Adv. Gentes,
lib. 1.

Adv. Gentes,
lib. 2.

De nat. Deor.
lib. 3.

sua sapientiâ & virtute gâudeat; verum obiter illa, ut ad institutum revertar. Fontem Epicurei erroris fuisse æquo cauciorum metum, ne aliquid perfectionis à Deo delibaretur luculentius patescit ipsorum Epicureorum testimoniis. Sic Velleius apud Ciceronem. Quod æternum, beatumque est, id nec habere ipsum negotii quicquam, nec exhibere alicui, itaque neque irâ neque gratiâ teneri, quod, quæ talia essent, imbecilla essent omnia. Jam vero si ab hac sententiâ (sola enim hujuscæ est adversus eum calumniæ origo) Epicurus Atheus habendus est: quot pari ratione, non modo eruditi sed & eximie pû in Atheorum classem transcribendi! Ut enim reliquos mittam, ne sim justò prolixior; Atheusne Arnobius? (Spero Lactantium erga Præceptorem suum mitiorem fore) tamen multò similior hic Epicuro, quàm sit simia bestia turpissima nobis; etenim dum comprobare satagit Deos irâ adversus nomen Christianum commotos examina malorum, quæ tunc temporis mortales urebant, non immississe, perorat, Et tamen O magni cultores utque antistes numinum, cur ut irasci populis Christianis angustissimos illos asseveratis Deos, ita non advertitis, non videtis, affectus quàm turpes, quàm indecoras numinibus attribuantis insanias? &c. quasi Deus irasci non potuit, nisi insaniret: & multa hujusmodi passim in illius libris observare est, ut cum docet nec animas humanas Dei progeniem esse, nec actus, quibus vita humana transigitur, Summo Numini curæ esse: minora (inquit) hæc illo sunt, & magnitudinis ejus destruentia patefatem; & inde Angelorum curæ permissa esse voluit. Verum ut pergamus: Non desunt, qui suspicantur Epicurum ne quid invidiæ aut criminis subeat apud populum Deos posuisse, ut Cotta apud Tullium, cum quos verbis asseruit, re sustulit; sed præterquam quòd iniqua hæc conjectura omni justò fundamento careat, eum purgant acerrimi ipsius hostes, Non erat (inquit Lactant. jam citatis Cotta verbis respondens) tam versutus Epicurus, ut fallendi studio ista loque-

loqueretur; cum hac etiam scriptis ad eternam memoriam
 consignemus: sed ignorantia veritatis erravit, indoctus enim
 à principio verisimilitudinis unius falsa sententia, necessario
 in ea, qua sequebantur, incurrit. Prima ejus sententia fuit
 iram Deo non convenire, sed uno affectu amputato etiam ceteros
 affectus adimere Deo necessitas ipsa cogebat. Si nullus affectus
 in Deo est; quia quicquid afficitur imbecillum est; ergo nec
 cura ullius rei nec providentia est in eo; huc usque pervenit
 sapientis hominis disputatio. Quin & Cicero eos, qui hoc
 idem de Epicuro suspicati sunt, de homine minime vastro male
 existimare docet, &c. Verum ille Deos agnovit populi
 timore, qui se nunquam voluit populo placere: qui adeo
 aperte populi superstitionem deriserit? An non pariter erat
 periculi Martem, Jovem, Venerem, Vulcanum, aliosq; id
 genus fabularum Deos, atq; erat omne numen repudiare?
 quisnam igitur, qui sibi persuadeat, quod Epicurus, qui
 prius palam professus est, posterius præ timore dissimularit.
 His amplius ut ad calumniarum fontem adversus Epicurum
 digitum intendam, sic se res habet.

Inter innumeras Philosophorum sectas, qualibet unam
 quandam præ reliquis sibi inimicam habebat, sic Peripatetici
 adversantur Platonici, Cyrenaici Cynici, Epicurei Stoici;
 unde est quod Arrianus Stoicos, quorum mores à Stoicismo
 abibant, Epicureos inversos nuncupet. Stoici autem sectæ
 Genius (quæ Epicuream cane & angue pejus exosam habuit.)
 Imprimis ventosus & petulans erat. Sic Rubellio Plauto apud
 Tacitum objicitur quod assumpsisset Stoicorum arrogantiam,
 sectamque, & Cic. 3. de nat. Deor. Asotos ex Aristippi, acer-
 bos ex Zenonis schola exire. Nimirum proxime ad Cy-
 nicos accesserunt Stoici, fuit enim Zeno Stoicorum Princeps
 Cynici Cratetis Auditor. Societas quadam inter has sectas est, inquit Laerte,
 unde Satyricus, Et qui nec Cynicos nec Stoica Dogmata curat,
 A Cynicis tunica distantia. Et sanè Stoici Cynicismum ad

De nat. Deor.
 lib. 1.

Inter Stoicos
 & Epicuri se-
 ram secutos
 Pugna perpetua
 est. Quintil. l. 5.
 Instit. Orat. c. 7.
 Annal. 14.

Juven. Sat. 13;

Lib. 6.

virtutem (inquit Stoicis) esse statuendam
 & Κονίτην (inquit Laertius) εἰρησάτι, αὐτοῦ ἐν ἀπὸν ὁδοῖ
 Cynicismum dixere brevem ad virtutem viam: Epicurus
 autem è contra inter Κυεῖας Δόξας posuit τὴν Κονίτην.
 Dein Stoici pariter aliorum derisui admodum obnoxii fuisse
 videntur, quis enim à risu sibi temperaret, cum homunciones
 aspiceret jactitantes se viros solos esse, cæteros sapientiam
 profectos foeminas, sese quantumlibet tetricos affectibus va-
 care, & injuriis omnibus obnoxios, ab iis nihilominus securos
 esse, se solos Sapientes, Liberos, Divites, Reges, Deo pa-
 res, &c. Quis insuper cachinnos inhiberet, cum austera
 & veneranda Silicernia intueretur de tricis & affaniis tanto
 æstu ad invicem digladiari, quippe etiam vulgo innotuit Stoicos
 totâ ætatē litibus circa nugas logicas & Grāmasticas impen-
 disse. Epicuri autem cum Philosophia tum indoles toto Cœlo
 à Stoicismo aliena fuere, Stoicorum enim logicam contempsit,
 unde Hieronymus adversus Rufinum. Quoniam Stoici logicam
 sibi vendicant, & tu hujus scientiæ deliramenta contemnis, in
 hac parte Epicureus es. Quinimo viri lepida nacti ingenia non
 potuerunt, quin tristes eorum & graves ineptias largo risu
 carperent, quod subinnuit Cic. cum profiteatur se dolere tan-
 tam Stoicos Epicureis irridendi sui facultatem dedisse, non enim
 ignoras (pergit ille) quàm ista derideant, &c.

Comicus apud
 Athenæum. l. 12
 Ἀκούει
 Στόικας ἑμπε-
 ρεῖ ἄνθρωποι. Vos
 Stoici nugiven-
 duli me audite.

De Divinat. l. 2.

Hinc petulantes senes Epicuro infensi non modo Epicurea
 dogmata in pravam sensum detorquere satagunt, sed & in
 ipsam Epicurum omnibus convitiis debacchantur: sacrilegus
 statim, & bellua, & quid non flagitiosum audit. Quorum
 palam fit invidia ex eo quod quamlibet eum accusandi ansam
 arripuerint: Colotes Epicuri discipulus præceptoris solertiam
 admiratus procidens ipsum ad genua complectitur, hinc com-
 miniscuntur Epicurum discipulos docuisse, ut divinos honores
 sibi deferant, & quoniam testamento mandavit Epicurus sua
 natalitia annuo convictu celebrari, honores divinos affectavisse
 vociferantur: At Aristoteli, Theophrasto, Lyconi, qui per-
 inde

inde in sui memoriam vani statuas erigi curaverunt, nihil vale
 culpæ vertitur. Atqui porro *Stoici* calumniatoribus ipsum
 potius *Epicurum* quam *Epicuri* dogmata exosum esse inde
 verisimile videtur, quod etiam si *Aristippus* Sectæ insignis Laert. in
Aristippi viâ.
 (*Cyrenaica* scilicet) Princeps expressè docuit voluptatem cor-
 poris quantumcunque foedam, beatitatem supremam esse,
 præstantioresque corporis quam animi voluptates, ta-
 men neutiquam totidem acerbis convitiis laceratur, quot
Epicurus, si igitur *Epicurum* exploserunt propter sententiæ
 torpiditatem, quidni etiam *Aristippum*? Cæterum impri-
 mis *Epicurum* oderunt malevoli, deinde fortiter calumniantes
 sinistram illi imputant sententiam, quo omnibus exosum
 propinarent, etenim illos non potuit latere *Epicurum* ab
Aristippi sententiâ apprimè abhorruisse: (quam tamen eidem
 perquam fidenter affinxerunt) utpote qui diserte exelulit
 sensuum oblectamenta, & summâ cum cautelâ solus mentis
 tranquillitatem se intellexisse monbit. Horum denique omni-
 um omnes calumnias abundè falsimonice revincunt *Epicuri*
 mores, qui utcumque pleno ore intemperantiæ & luxuriæ
 incusetur, cui nempe vitio vertunt ævum egisse in gula, otio,
 Venere, aliisq; retris voluptatibus demersum, tamen quis non

—— *Epicurum*

Suspicit exigui latum plantaribus horti?

& profecto tam impudentis & putidæ calumniæ vanitas nullo
 negotio redargui potuit, si sat sint quotidiana ejus in victu
 ratio, si *Laertii*, *Plutarchi*, *Ciceronis*, *Seneca*, *Porphirii*,
 aliorumque omnium, etiam quotquot *Epicuro* minus æqui
 fuere, testimonia.

Nec denique satis reputabant malevoli isti calumniatores
 suis maledictis *Epicurum* confodere, nisi alios quoque omnes
 ei infensos redderent, & propterea supposititias epistolas,
 quibus reliqui fere omnes Philosophi foedissimis conviciis per-
 stringuntur,

stringuntur, Epicuri nomine confinxerunt, ut eo dolo reli-
 quas sectas adversus Epicurum concitarent; de quibus epi-
 stolis à Diotimo confectis vide Laetium lib. 10. Hæc cum
 meditarer, ad manus pervenit Liber plusquam Aureus Jo-
 annis Fonsi de Scriptoris historia Philosophica, qui eximie
 hujus rei specimen in Diotimo Staiico disseruit; en illius
 verba. Diotimus Stoicus Zenonis Epicurei, omniumque Epi-
 cureorum acerrimus insectator epistolas quasdam, quibus Philo-
 sophorum priscorum vita perstringeretur, nomine Epicuri fictas
 edidit & hæc ratione Epicurum ejusque discipulos contemptum
 atque ludibrio exposuit. Optimè verò factum à Laetio, lib. 10.
 qui veritatis amore fraudem detegit, & Epicuro neque istas,
 neque alias lascivas epistolas, confectas quippe à Diotimo Stoi-
 co, esse tribuendas, aliterque de Epicuro sentiendum esse docet.
 Audis is malè non suo merito aut culpâ, sed Stoicorum iniqui-
 tate, atque invidia. Cicero Stoicorum partes quandoque secutus,
 Epicurum carpit; verum non rara accuratius re perpensa bone-
 stè de eo sentit & loquitur. E quo & Senecâ egregius de Epi-
 curo testimoniis aliquot allatis, subjungit, Diotimo autem im-
 postori malè ista fraus cesiit, ita ut morte eam luere coactus fu-
 erit. Etenim Zeno Epicureni non modò Stoicis convicia reddi-
 dit, sed Diotimum istum quoque de falsis atque spuriis epistolis
 Epicuro suppositis accusavit, remque eo deduxit, ut capitis
 damnaretur. Ut refert ex Demetrio Magnete Athenæus, 13. 9.

Οἷοντι (leg. Διότιμι) ὁ ἡδίστος τῶν κατ' Ἐπικούρου βιβλία καὶ τῶν Ζωῶν & τῶν
 Ἐπικούρου Ἐκρινόμενα, ἀποκρίθη, ὡς ἦντος ἀντιγράψας. ὁ Μαχόντις ἐν τῷ τῶν Ὀπταρινέων.

Eundem porro adeas, lib. 1. cap. 20. Cum autem inter Sectas
 Epicuream & Stoicam tantæ flagrarunt inimicitia, inde fieri
 potuit Antiquos Ecclesiæ Doctores Epicuro plerumque æquo
 acerbiores extitisse, quòd utique è Porticu in Ecclesiam in-
 graverint. Quid adjiciam quod subnotavit Cl. Ser. Vossius.
 "Utique alius sectæ homines in Epicurum maledicè sint,
 "tamen testantur qui cum eo versati fuisset admodum piū
 "in Deos, patriam & parentes, beneficū in fratres, ami-
 "cos,

Lib. 2. cap. 25.

De Philos.
 sectis. c. 8. §. 16.

“cos, servos: gravem ac temperantem, & simplicissimis
 “ac vilissimis cibis, & paucissimi vini poculo, imo solo pane

“cibario & aquâ contentum: sic ut epulari sibi videretur.

“si paulum haberet casei ^{modicum}, ut ipse in epistolis refert.

Adeo ut demirer sane cuiquam, qui prae se Philosophiæ

nomen dedisse ferat, tantam impudentiæ vim & calumniandi

suppetuisse, ut Epicuro pravos mores affingeret, nisi Crebro

viris probis ejusmodi calumnias evenire prius deprehendissem.

Vita mala est (inquit Seneca) Hoc per capita malignissima

& optimo cuique inimicissima, Platonis objectum est, objectum

Epicuro, objectum Zenoni. Qui plura de Epicuri pietate,

temperantiâ aliisq; virtutibus desiderat, adeat Magnum

Gastendum De Vita & Moribus Epicuri, Eruditiss. Men-

gium in observat. ad lib. 10. Laertii, Senecam passim in

Epistolis, Ciceronem præsertim de finibus & quasi. Tusc.

Gifanium in præfat. ad Lucret. Plutarchum libello de

Fraterno Amore. Quorum jam ipsius Epicuri de Diis verba

subjicerem, quæ in epistolâ ad Menæceum sic se habent. Im-

primis Deum Animal-immortale, beatumque existimato, (sic

dixerunt etiam Aristoteles, Plato, aliq;) quemadmodum com-

muni Dei notione definitum est; cave item ne quidquam, quod

ab immortalitate alienum sit, aut à beatitudine abhorreat, ipsi

attribuas: Omnia verò, quæ illius Immortalitati conjunctam

Beatitudinem servare possunt, in eo opinare. Scilicet Diis revera

sunt (est enim evidens illorum notitia) at quales eos vulgo

homines existimant, minimè sunt; non enim eos tales veri

possunt quales existimant. Impius est proinde, non qui vulga-

res Multitudinis Deos tollit, sed qui Multitudinis opiniones

Diis accommodat. Non enim Germana Anticipationes sunt,

sed suspensiones falsæ ea, quæ vulgò de Diis ab hominibus tradun-

tur. Ubi videmus eum piè admodum, de naturâ Divinâ cen-

suisse, simul & impias Vulgi de eadem opiniones improbasse;

& proinde eâ pietate præditum fuisse, quam Reliqui impie-

tatem appellarent, cum omnia de Diis Placita à vulgaribus

aliena:

De vitâ beatâ,
 c. 18.

Lib. 10.

De irâ Dei. c. 9.

aliena sēper impia omniq; Religioni contraria reputarent. Quid deinde evidentius trito *Laertii* testimonio, quo *ἡ μὲν δὲ πρὸς τοὺς θεοὺς ἐστὶν ἀπίστη & ἀλογία* *Affectus pietatis Epicuri erga Deos ineffabilis esse dicitur*; quàm immani intervallo ab Atheismo distat ineffabilis pietas! Quid denique provocarem omnes *Epicuri* hostes vel unicum proferre Scriptorem, qui *Epicuro* Deorum contemptum affingat, qui quoque non fateatur eundem Numen agnovisse, non enim *Epicurum* ex ipsius verbis criminantur sed per consequentias ab ejus sententiâ pertractas, nempe quia Deo (quem existere agnovit) res humanas curæ esse negavit, inferre pergunt illum revera omne Numen, perinde ac si exertè negaverit, sustulisse; sic *Lactant.* Cum *Providentiam* (inquit) sustulit, etiam Deum negavit; cum Deum esse professus est, & *Providentiam* simul esse concessit. Alterum enim sine altero nec esse prorsus nec intelligi potest; ita quia *Providentiam* exterminavit, Deos quoque abrogasse colligunt. At si fas sit quemvis sententiæ à suâ per consequentias deductæ inculcare, tametsi eam disertè inficiaverit, quis *ἀβόητος*, quis impietatis insons? Quid *Stoicos* dicam Deum fato subjugando, illum consequenter sustulisse? quid *Academicos* de omnibus addubitando, de Diis omnem certitudinem aspernatos esse? quid *Peripateticos*, qui Dei simplicitatem delibando, re (ut æstimant fere omnes) ipsum Deum abegerunt? Nonne dum inter nos ipsos alterutrinque de Dei decretis conflietatur, utrinque exprobratur impotentiam Deo attribui, proindeque Deum tolli: hinc nimirum Deum modo cruentum, & sanguinis sitientem esse, modo peccati reum, quibus quid Deo abjunctius? illinc inficiari Divinam omniscientiam, *πανόριον*, sapientiam? Singuli igitur tales Athei sumus, qualis Epicurus.

Hæc fortean aliquantò fufius quàm par est diduxi; tamen nō est, ut non modo veniam datum iri sperem, sed etiam conatus meos ingenuis gratos fore, cum nullum opus illis optatius esse scio, perinde ac nullum mihi amœnius, quàm ut calumnias ab inson-

infantibus abstergerem : Sed superest ut quam Philosophis sententiam adseruimus , firmiter adstruamus , ut sicut Atheos sustulimus , tollamus pariter & Atheismum ; sed ad hoc proximo capite pergendum.

C A P. II.

Contra Atheos Disputatio.

NON opus est, ut viam disputationi præstruamus contra *Scholasticorum* & *Socinianorum* nonnullos (non enim totius est sectæ opinio) disputando præstari posse id quod aggredimur ; posse utique Numinis existentiam demonstrari, quippe si ritè provinciâ hac defungamur, possibile esse sequitur. Solvant igitur, si valeant, subsequencia argumenta, & protenus concessum erit, nulla afferri posse : sin id non valeant, sat firmiter citra specialem disputationem adversus eos conclusum est. Cæterum ne singula, quæ in hoc negotio usurpantur, corradam argumenta, unicum duntaxat diducere placuit, geminâ tamen probatione conflatum, quarum alterâ existere quidpiam æternum, improductum, atq; ex sese necessario existens, reliquorumq; omnium causam adstruetur, alterâ vero illud improductum, quidquid sit, intellectu, & ratione pollere : quibus evictis, superest, cum omnia, quæ nostra appellare licet, ab istâ supremâ causâ accepimus, obligari nos venerationis, amoris, gratitudinis specimina eidem exhibere : eumque, quandoquidem rationis compos sit, non modo, qui religione colatur, capacem esse, sed & cultum postulare. Quemlibet nimirum insigniter de nobis meritum, præsertim si sapientiâ & ratione præditus sit, jugi cultu, amore, & adoratione excipimus ; tali itaque venerabundam & omnium

nium supremam adorationem exhiberi decet, qui tum omnibus majestatis & sapientiæ numeris emineat, tum longè optimè de nobis mereatur; quem nempe sumus, immensæ hujus machinæ Conditorum esse, nostrumque omnium parentem evicturi. Sed imprimis de priore probationis membro, quod sic perteximus.

Vel datur ens necessarium, propter se existens & *ex se* existens, vel omne ens ex se, suâve naturâ non existit, sed olim genitum fuit; id prius, quod contendo: sin autem (quod posterius est) omnia ex se non existant, consequetur nihil omnino esse posse; siquidem quod ex se non est, propterea quod non potest suam sibi erogare naturam, necessario aliquid desiderat, cui Acceptam referat. Si proinde omnia entia ex se fuissent non entia, non potuissent existentia exordium ducere, quoniam nihil existeret, à quo ducere pote sit. Neq; quidquam refert an præcludatur causarum & effectuum processus in infinitum. Sint enim entia, quæ sempiternâ hæreditate successerunt: aut utiq; ex se sunt, aut deinceps ex se non sunt: si ex se non sint, cum impossibile agnosceatur ut omnino extarent nisi ab aliquo alio ente (quippe si ipsa eorum natura non exigat existentiam, eandem præexistenti debent) sequitur, quod ex se non sint, ab aliquo alio esse; quod ipsum etiam vel ex se, & infectum, vel ab alio productum extitit; si ex se fit, id contendo; sin minùs, quod unde oriatur adhuc rogo; Atq; ita demum, quoniam in æternâ causarum & effectuum serie, res, quarum aliæ aliis successerunt, à seipsis non extiterint, tandem aut quidpiam esse fateamur plusquam necesse est, quod propter se existens cæteris à se non existentibus impertiat existentiam: aut aliquod ens, quod ex se non fit esse, neque tamen ab alio, ac proinde non modo quod non est, ipsum sibi essentiam largiri, sed etiam quod ex se non fit, ex se esse: at quàm sit hæc contradictio fatua & exhibenda: Adhæc ut aliquantò specialius agam. Sempiterna

piterna foret successio, vel (ut loquuntur Platonici) *ἀμειψιμή*, seu rerum ejusdem ordinis, vel *ἑτερομετρήσιμη* diversi ordinis, ita sc. vel ut homo hominem ab æternis seculis seriatim genuerit, vel ut species humana superiori quodam fuerit rerum ordine procreata, & hic itidem ab adhuc nobiliori, qui insuper ab alio, & sic deinceps : Si successio fuerat rerum ejusdem speciei, natura humana, aut quævis alia alijs speciei, siquidem ex se non existat, utpote quæ existentiae necessitatem non exigit, non potest æterna secula perdurare, nisi ab alio quopiam ab æterno effecta fuisset, quod enim ex se non est, impossibile est ut quamvis existentiam consequatur nisi quam ab aliquo alio acceperit, nedum æternam, alias quod ex se non est, æternum ex se foret, quo quid pote repugnantius? Sin vero successio fuerat rerum diversæ speciei, adeo ut causa semper sit effectui expletior, tum nisi suprema demum reperiatur omnigenâ perfectione cumulata, & ex se existens, quæque item reliquis essentiam impendat, nunquam extitisse potuissent, eo quod sibi ipsis principium esse non possint, sed porro superiori ortum debeant, quæ superiora in infinitum usq; ascendunt, si omnia ex se nihil sint, nunquam (uti supra) aliquid fuissent, propterea cum quædam extare videamus, cogimur demum naturam aliquam attingere, quæ non ex se non sit, & proinde (quod idem valet) ex se sit. Ex quibus sequitur, siue causarum & effectuum series aliquando inchoata fuerit, siue ab infinito ævo effluerit, quendam Supremum existere à seipso, sibiq; ipsi cumulatissimè sufficientem, qui reliquorum, quotquot extiterunt, fons sit & origo,

Hunc summum habeto Divum, hunc Perhibeto Jovem.

*De nat. deor. l. 2.
Cic. ex Eurip.*

Hic autem non abs re erit *Seneca*, *Plotini*, *Lactantii*, aliorumq; lapsum obiter adnotare, qui quidem ita Deum à seipso esse docuerunt ut pariter sese positivè (ut aiunt) procreavisse statuunt: quod de *Seneca*, & *Plotino* in confesso

De fals. relig.
l. 1. c. 7.

est, & *Lactantii* verba (utcumq; emollire velint nonnulli) disertiora sunt, quàm ut ad sanam interpretationem perducì possint. *Quia fieri* (inquit) *non potest, quin id, quod sit, aliquando esse ceperit, consequens est, ut quando nihil ante illum fuit, ipse ante omnia ex seipso sit procreatus.* Neque refragatur schola *Cartesiana*, quæ Deum à seipso esse positivè contendit, & inter axiomata per se nota, illud recenset ut quodlibet sit à causâ, vel à se positivè, & tam, quàm à causâ: *Velhufii* verba sunt de initiis prim. Phil. p. 47. Et similia passim *Cartes.* in meditat. metaph. ut autem innumeros locos preteream, quid aliud vult isto, cum dicit. *Hoc quod à se sit sive quòd nullam à se diversam habeat causam, non à nihilo, sed à reali ejus potentia immensitate esse percipimus, nobis omnino licet cogitare illum quodammodo idem præstare respectu sui ipsius, quòd causa efficiens respectu sui effectûs, ac proinde esse à seipso positivè.* in Respons. ad object. primas. Quæ verba in respons. ad object. quartas objectionibus acerrimi viri coactus emollire satagit, & subtiliter pro acumine suo, sanâ se interpretatione (quamvis nihil tale antea cogitavisse facile credo) liberavit, sc. cum dixerat Deum esse à seipso positivè, voluisse id, propter quod Deus causâ non indiguit, esse quid positivum, scil. potentia, sive essentia immensitatem, quam causæ efficientis quodammodo vices præstitisse dixerat, quia propter eam existit, existentiam aliunde non accipiens. Atqui sanè si Deus ipse se fecit (*Seneca* vocem agnosce) An non effectus sui ipsius ipse foret, atque à seipo alienus, siquidem ab effectû causa diversa est? Sequeretur pariter eundem sibi prævium esse, aut simul esse & non esse, etenim quod facit, actu est, priusquam efficiat, at vero quicquid fit, non antea actu est, quàm fiat, perinde igitur impossibile est, ut quidquam à seipso producat, ac sit, ut eodem momento, quo existat, non existeret. Quamobrem

obrem aptiora vocabula viderentur, si Deus nuncupetur ἀγνῶν & aut ἀπῆν & , aut ἀπαρ & quam (uti ab *Orpheo*) προφῆτης & , aut ἀποφῶς (ut ab *Apollinis* oraculo) Aut Αὐτογῶνς, (ut à *Sybillâ*) aut, (ut ab aliis) αὐτῆν & , aut (ut à *Nonno*) αὐτῆν & , aut deniq; (ut *Famblico*) αὐτοπάτηρ.

*Paraphras. in
Joban.*

Nam tametsi vulgò abutamur istis vocibus ad sanam significationem, tamen propriè subinnuunt Deum sibi causam fuisse, non secus ac qui αὐτοδιδάκτ & dicitur, se se erudivisse sibi; magistri vices præstitisse. Deus autem non magis à seipso procreatur, quam à quovis alio. Neque (ut *Iust. Martyr.*) αὐτοπῆγκτ & ex seipso productus, sicut neq; ἐπεπαῖκτ & ab alio productus, sed semper tam productionis expers, quàm initii extitit: ut alibi prædictus pater αὐτὸς ὃς ἔστι μὴν & αἰ αὐ, γενῶν δὲ μὴ ἔχον, *solus Deus semper est sed generationem non habens*: Hæc obiter, ad institutum igitur redeamus oportet.

*In consut. Græc.
respons.*

In Patanet.

Quamvis plerumq; in superiori disputatione *Scholastici*, aliique omnes subsistant, quasi luculenter satis adversus *Atheos* conclusum esset: tamen huc usq; nos inter & illos convenit: utrinque enim æternum aliquid & impro ductum agnoscitur, hinc supremum nec non Venerandum Numen; Illinc primam omnium materiam, sive sit ista atomorum congeries, sive quævis alia mundi principia: propterea tantum disceptatur, an quod impro ductum esse in confesso est, ejusmodi sit, ut cultu id & adoratione prosequi oporteat, necne. Si enim consilii sit rationisque exors (quod volunt *Athei*) frustra & perabsurdi essemus, id si veneremur; sin ratione polleat, agnoscunt omnes veneratione excipi oportere, si igitur rationem & sapientiam eidem vindicavero (quod posterius argumenti membrum est.) Id totum adstruam quod totis viribus inficiantur *Athei*. Cæterum hoc enitar probando mundum, Architecto, qui rationis, providentiæ, consilii compos sit, extructum esse, quod si efficiam, omnium, etiam *Atheorum*

orum (qui omnes nervos intendunt, ut Mundi Opificem tollant) suffragiis Numen esse constabit, quod cultu & religione adorare par sit, Universi nimirum Dominum & Parentem: Quinimo tametsi fingatur Mundi Conditorum non omnium supremum existere, sed superiori cuidam subesse, tamen ad supremum tandem omnium, quantumcunq; procedamus, tum ingenitum, tum sapientiæ refertissimum assurgendum est. Propterea evictio mundum eum, quo constat, ordinem non temerè adeptum esse, sed præpotente, solertissimoq; Artifice constructum fuisse; omnia Atheismi fundamenta funditus diruemus; ad quod igitur jam proximè pergendum.

Solenter pridem observatum est, Deum nunquam miracula edidisse, ut Atheorum impietatem redargueret, nimirum sagacissimam naturæ Institutionem nihilo obscuriora Naturæ Divinæ specimina prodere, quàm quæ naturæ vires superant portenta & prodigia. Quicquid nempe in mundo aspicimus, Prodigium est: Quid enim majorem tum potentiam, tum solertiam desiderat, quàm mundi fabricam adeo immensam, venustam, tantâq; varietate mirabilem efficere? Adeo ut si quispiam extiterit, qui sibi persuadeat mundi *vincipulcrum* non consilio, sed temeritati referri posse, haud scio an quidquam tam procul ab omni verisimilitudine amoveri posset, quod illi absurdum & respuendum videretur. Ut attendenti per-quâ manifestum est.

Mundi enim ordinem, Naturæq; leges præscripsit causa, ut sapiens & rationis compos, aut extiterunt nullâ ratione & Providentiâ institutæ: si prima, talis est illa Deus qualem esse contendimus: Secundum quis admitteret, Qui quanta hujus sit Machinæ amplitudo, dispositio, ordo, utilitas, motum, varietas, conspiratio, pulchritudo seriò contempletur. Potuitne sublata Providentiâ tam mirabilis structura constare? Potuitne bruta & rationis experts materia per se, & citra aliam quamcunq; causam tali ordine disponi, qui luculen-

lentissimè, quicquid providentiam fateatur, prodit. Id si fiat, quidni etiam *Palatia & Capitolini Tempia* sine Artifice extitere? Dicis sine Providentiâ Naturam extitisse: sed fingas Providentiâ fuisse extructum; an non præclarissimam & stupendam *Conditoris* sapientiam argueret? Quid autem iniquius, obtusius, quam ut, quod summam præ se fert Providentiam, aliò, quàm ad Providentiam referatur? Cæterùm Rationem & Providentiam agnoscendam esse, ubi totidem & tam clara illius prostant vestigia, postulatum tam æquum & perspicuum videtur; ut id sine ulteriori probatione tanquam fundamentum istis, quæ sequuntur, substruemus: Præsertim quod ex Naturæ Phænomenis infra recensendis istius postulati æquitas abundè adstruetur. Propterea solum superest probandum rerum Naturam tam præclara Providentiæ specimina exhibere; quod quoque adeo perspicuum est, ut penè verendum sit, ne opus nimæ & superfluæ industriæ videatur; quippe ita comparata est Natura, ut divinâ quâdam ratione se institutam fuisse apertè non modò clamare, sed & quodammodo perorare videatur. Omnia enim Naturæ phænomena ita mirificè ad suos quæque fines destinantur, ut non nisi solertissimâ ratione institui potuissent: ejusmodiq; præterea sunt, ut eam structuram, quâ constant, adipisci non possent, nisi ab immensâ, longèq; incredibili casuum complexione: Atqui vero quàm deploratæ foret vesaniæ, opus, cujus amplitudo, & subtilitas innumeris intervallis omnia rationis & artis opera superent, non ad rationem sed casuum pene innumerabilium, & eventu longè difficilium temeritatem referre. Quæ res ut luculentius elucesceret, par esse videbatur tripartitâ disputatione uti. Primò in genere demonstrare mundum non temerè sed summâ potentiâ & consilio extitisse; deinde citra rationem & consilium non potuisse compingi eo modo, quem hæriolatur *Epicurea* Hypothesis; neque postremò eo, quem *Cartisiana*. Cæterum istarum disquisitionum secundâ paulò insius fortè diductâ, per-

spexi

spexi statim reliquis abundè adeo satisfactum esse, ut super-
 vacaneum seorsim deducere videretur, Quippe haud potui
Epicuri hypothesein ritè & penitus convellere, nisi quoq;
 afferrem quæ rem in thesi, seu genere labefactarent; super-
 vacuæ perinde & otiosæ industriæ esset eandem rem in ge-
 nere distinctè considerare: Ac quoniam pleraq; quæ ad-
 versus *Epicuream* dici possunt, sponte quaslibet alias speciales
 Hypotheses, si ad eas referre lubeat, perinde ac eam subver-
 tant, nolui speciatim *Cartesianam*, aut quamvis aliam sugillare.
 Nempe tametsi excogitaretur hypothesis, ad cujus nor-
 mam mundus minori casuum complexione, quàm inferat
Epicurea, conslari potuit, tamen nihilomelius rem solveret;
 quo eaim pauciores casus latam hypothesein sequerentur, eò
 plures antecedere necesse foret, quippe ejusmodi hypothesis
 supponeret res in tali statu positas, in quo ut ponantur ne-
 cessario requiritur aut causa rationis particeps, aut nihilo fa-
 cilior casuum complexio, quàm ad somnium *Epicureum*
 postulatur: adeo ut etiamsi minùs perplexa foret *Cartesiana*,
 aut quævis alia *hypothesis*, tamen seclusis ratione & consilio,
 quæ illam instituerant, perinde portentosa foret, ac quæ max-
 imè. Verum tantum abest ut *Cartesiana* speciatim sit quâ-
 cunque aliâ verisimilior, ut fundamentis innitatur, quæ
 manifestæ experientiæ, juxta & rationi repugnant; quo
 pacto ita ipsa hypothesis labefactatur, ut non modo exinde
 liqueat non posse casu conslari, sed ne quidem eo modo sa-
 pientiâ architectricè conflatam fuisse: Quippe nisi daretur
 absoluta mundi plenitudo, tota *Cartesii* structura (ut qui
 eam intelligunt, non possunt nisi promptissimè agnoscere)
 funditus concideret; at vero vix quidquam clarius & solidius
 convellit & abrogat Philosophia, quam ejusmodi plenitu-
 dinem, ut facilè, si id jam opportunè fieri liceret, evinci
 posset: Et sanè quàm impar sit solvendis omnibus Naturæ
 Phænomenis specimen perbreve, solidum tamen, ingenuè
 exhibuit *H. Morus* in Epistolâ ad *V. Cl.* quæ apologiam com-
 plectitur pro *Cartesio*, &c.

Quod

Quod itaque ad *Epicuream* Hypothesin attinet, eam generalius describit *Lucretius*.

*Sed quibus ille modis conjectus materiai
Fundavit Cælum, ac terram, Pontique profunda,
Solis, Lunæ cursus ex ordine ponam;
Nam certè, neq; conciliis primordia rerum,
Ordine se quaq; atq; sagaci mente locarunt,
Nec quos quaq; darent motus pepigere profecto:
Sed quia multa modis multis primordia rerum
Ex infinito jam tempore percita plagis,
Ponderibusq; suis, consuerunt concita ferri,
Omnimodisq; coire, atq; omnia pertentare,
Quacumq; inter se possent congressa creare;
Propterea fit, ut magnum volgata per ævum
Omiginos catus, & motus experiundo,
Tandem conveniant: ea qua conjuncta repenti
Magnarum rerum fiant exordia sæpe
Terræ, maris, & cæli, generisq; animantium.*

Lib. 5.

Posuit infinitam atomorum vim undiq; per vacui immensitatem diffusarum, quibus ingenito pondere deorsum propulsis, duplicem motum tribuit: alterum *κατὰ καθυγὴν* perpendicularem seu ad lineam, alterum *κατὰ πηκύντην* obliquum seu *declinationis* (ut duplicem alium motum omittam, quorum alterum *κατὰ πῶνιν* seu *impulsionem*, *κατὰ πάλιν* alterum, seu *concussionem* appellitat, quos prætereo, quoniam à prædictis motibus oriuntur, qui igitur si tollantur, pereant alii necesse est.) *Perpendiculari* corpuscula desuper, sive è regione vertici nostro imminente decidentia deorsum abscedebant, quo quoniam motu licet in infinitum abeuntia nunquam coirent, idcirco *declinationis* alterum commentus est, quo particulæ deflecentes aliæ in alias deciderent. Id quod olim cecinit *Lucret.*

*Quod nisi declinare soleant, omnia deorsum,
Imbris uti gutta, caderent per inane profundum;
Nec foret offensus natus, neq; plaga creata
Principis, ita nil unquam Natura creasset.*

Has deinceps ineffabili & pari Penicilate casitantes, Cæcâ nescio quâ Fortunâ occurſare, ac multis ictibus modò retrò refilire, modo obliquè deſecti, & innumeris repercuffionibus hinc inde agitari, variisq; demùm luctis ad invicem commiſſas mutuis complexibus irretiri, donec uſq; tandem in unam quandam maſſam, qualis eſt mundi machina, coaluiſſent. Hæc uberiùs edifferuit longè Venerandus iſte Philoſophiæ Antiſtes Magnus *Gaſſendus* Philoſophorum, quotquot ſuo dicam anſpotius omnibus ſeculis floruerè, facilè Princeps, cujus Ingenio & Candori deſunt elogia, cujuſq; nomen præterire nullis encomiis ornatum pene mihi religio eſt. Hunc, inquam, ſi lubeat conſulas. *Phyſ. Sect. 1. Lib. 3.*

Ut integrum hunc proceſſum, ſingulaſq; illius partes ſtriſtim examinem.

1. Imprimis non poſſum *Epicuro* non objicere Atomorum infinitudinem, ſeu (ut *Lucretius*) *numerum innumerum*, unde nimirum ſequitur nullum omninò inane extitiſſe; quo dato ruat neceſſe eſt tota *Epicuri* Philoſophia, quæ Vacuola aſſert ad ſolvenda pleraq; Naturæ Phænomena: ſequi tamen manifeſtum eſt, quoniam infinita corpora proportionem habent ad infinitos locos, ideoque vel infinita loca ſeu ſpatia adequatè opplentur infinitis corporibus, quo interciperetur omnis motus naturæque actio, *Epicurus* enim nullum niſi, per vacuum, motum admittit: aut aliqua loca corporum vacua ſunt, & ſic quædam reperientur loca extra infinita, plures enim numerarentur loci partes quàm Atomî, ac Atomî tamen infinitæ; ſed iſtis inſiſtere non libet.

2. Totidem

2. Totidem multiplicari oportet casus, quot sunt Atomi, iis enim ad invicem nullum intercessit commercium, nullave dependentia, cum altera alterius causa non erat, sed quælibet ab aliis independens sibi ipsa principium existerat; & proinde pro immenso atomorum numero casus adaugeri necesse erat; siquidem cuiq; fortuitum erat, quod cœteræ existerant, potuit nimirum subductis reliquis extitisse, non secus atq; cum fuerint; vicissimq; reliquarum omnium quæq; existentiam sortita est independenter ab aliis. Quo pacto quot numerantur atomi tot fortuitos casus seu potius fortuitas necessitates (quippe atomorum existentiam necessariam esse volunt) recensere par est.

3. Quod ad gravitatem seu pondus ingenitum, quod atomis *Epicurus* tribuit; agnosco eum *Democrito* plus sapuisse, qui (referente *Stobæo*) censuit *μετὰ συνήθειαν βαρὺ μὴ ἐκ ἑαυτοῦ, κινεῖται δὲ καὶ ἐκ τῶν ἀλλοτρίων ἐν τῷ ἀκίνητῳ*. Gravitate carere, moveri autem in infinito mutuis pulsibus. Verum unde sibi mutuò impingere potuissent, nisi prius moverentur? Quis potuit mutuis impulsus motum ciere, quandoquidem ex motu impulsus sequi statuatur *Democritus*? Idcirco necessariò fatendum est motus, qui ante impulsus cietur, aut internam energiam, quam *Epicurus* atomis inesse voluit, causam esse, aut esse motricem vim ad externo inditam, *Democrito* proinde externum impulsorem non agnoscente; ad vim internam necessariò confugiendum erat. Sed utcunq; *Democrito* non nihil perspicacior *Epicurus*, tamen non parum hallucinatus est: Imprimis quòd gravitatem vim internam esse autumaverit: Nam extrinsecus impressam esse liquet ex disparitate motus, qui à gravitate nascitur, Decidua enim triplici proportionem accelerantur, (ut si lapis primo momento unam orgyam percurrat, secundo tres percurreret, tertio quinq;, quarto septem, & sic deinceps) & motus proinde gravium inæquabilis cum sit, naturalis esse, sive à vi infinità cieri nequit, nam vis interna semper eadem est (saltem in immensum

Eclog. Phys. l.
1. c. 17.

augeri non potest) & proinde pari valore agit, siquidem suas vires non cohibere aut fortius exerere potest pro arbitrio, cum non ex electione, sed ex naturali necessitate operetur, quamobrem scitè recentiores nonnulli unicum motus naturalis *æternæ aquabilitatem* esse definiverunt, foris vero impressi seu violenti *aquabilitatem*: unde efficitur motum deorsum à principio interno non provenire; eo quòd innata principia utpote semper eadem, eodem modo & vigore operantur, deciduorum autem descensus impari vigore peragitur. Alio quoq; modo urgeri possunt à dictâ acceleratione motus: cum scil. quoquam momento accedat celeritatis incrementum, cum insuper atomi ab æterno deciderunt, necesse est ut, quæ adhuc descendere pertendant, cum per infinita momenta fuerunt mōtæ, infinitos celeritatis gradus adeptæ sint: siquidem uno & altero accelerentur quolibet momento, quo fieret ut infinitum spatium quolibet momento percurrant; nempe infinities celeriori pernicitate præcipitantes quàm primo momento (quod docendi ergo comminisci fas est) non possunt non percurrere eâdem temporis mensurâ infinities majus spatium: atqui si quovis momento pertranseant immensitatem, ubi quæso motui locus subsequente momento pateret? sed hujusmodi argutiis insistere nolo. Detur autem gravitatem esse vim corpusculis ingentem, eâq; aliquò propulsentur atomi; sed age unde, amabò, huc priusquam illuc propendeat gravitatis indoles? An quoniam ab alterâ parte superum jacet, ab alterâ inferum? quî verò in immensitate supra & infra, sursum, & deorsum assignari possunt? an non pariter circumcirca omnes patefiant plagæ? Cur igitur in hanc potiusquam in illam partem corruerant atomorum imbres? an non quævis atomus in occasum ruens, libera erat in oppositam regionem avolare, cum perinde inferior sit, ac illa in quam tendebat? Adhæc vel pari omnes velocitate deferebantur, vel impari; si æquali (ut vult *Epicurus*, qui perperam statuit *Æquè ponderibus non æquis concita ferri*,

Si enim ingenita gravitas unicum sit motus principium, quotusquisq; hominum, cui mens sana, non videt necessario ex disparibus gravitatis gradibus disparem pronasci motum) nunquam coaluissent, quæ enim æquè moventur, semper eandem ad invicem tuentur distantiam, ideoq; quæ non ab initio cohærebant, nunquam cohærere possent: sin inæquali, unde erat ut hæc rapidius, illa tardius descenderet? Hinc rursus totidem redirent casus, quot deciderent atomi, etenim fortuitum foret alias perniciousè abripi, alias tardiusculè delabi. Sed finge corpusculis innatum pondus ea omnia in eandem plagam deorsumve protrudere: An non totus quoq; mundus jugiter deorsum rueret? Nempe omnes atomi, è quibus coaluit, uno impetu deorsum contendunt, nihil verò est, quod decidentibus obstet, neque possunt sibi invicem obstare, omnes enim communi pondere impulsæ deorsum nituntur, ex quo si una fortè in alteram illideret, illam utpote sponte naturæ cedentem vehementius præcipitaret, ipsa neutiquam resiliens, cum utraq; spontaneo nisu delabatur: Quin & tamen si reflecti potuit, nihilominus naturalis gravitatis adnifu à repercussionis vi redempta rursus deorsum protruderetur

Durissima cum sit

Ponderibus solidis, neq; quicquam à tergis obstet.

Lucret. l. 2.

Alterum porro motus genus, obliqui scil. seu declinationis rejicere oportet, quoniam nulla ejus causa assignari potest. Hinc passim Cicero falsè & acriter *Epicurum* sugillavit. *Quam De Fall.*
declinationem (inquit) sine causâ fieri, si minus verbis, re cogitur (Epicurus) confiteri. Non enim atomus ab atomo pulsa declinat. Nam qui potest pelli alia ab aliâ, si gravitate feruntur ad perpendicularum corpora individua rectis lineis ut Epicuro placet? Sequitur enim, ut si alia ab aliâ nunquam depellatur, ne contingat quidem alia aliam. Ex quo efficitur ut jam sit atomus, eaq; declines, declinare sine causâ. Et sæpe

Phys. sect. 1. l.
3. c. 7.

sæpe alibi : ut *Lib. 1. de Finibus* concludit. *Nec tamen id tujus causâ hac finxerat affectus est. Nam siue omnes atomi declinabunt, nulla unquam coherescent, siue alia suo nutu rectè ferentur : erit hoc quasi provincias atomis dare, quæ obliquè ferentur.* At excipit *Cl. Gassendus* objici idem nemini non posse, non modò *Epicuro* sed *Peripateticis* quoq; & *Stoicis*, aliisq;, quòd provincias principiis suis dent, nam in rebus compositis reddere rationem diversarum affectionum, ex assumptis principiis aliquatenus possumus, at de ipsis principiis dicere nihil aliud licet, nisi quòd hæc isto, illa illo modo se habeant ex suæ naturæ necessitate, ut nemo dicere valeat quorsum astra omnia non ferantur motu *Æquatori* parallelo, quorsum item omnes *Planetæ* per *Eclypticam* non incedant, &c.

Cæterum *Viro* eximio respondere in promptu est quòd, si de rebus loquatur, ut, submoto supremo omnium Moderatore, sese haberent, facile agnoscerem hanc objectionem perinde omnium hypotheses impetere, cùm necesse esset, ut principiis suis pro libidine & absq; causâ aliis alias dispertirentur provincias. Sin de rebus, prout supremâ mente comparantur; quid absurditatis sequeretur? An non par est ut imprimat particulis suas provincias is ipse, qui eas ad certos quosdam fines creavit? An non potuit *Deus* quamlibet atomum, quò libuit, propellere? Neq; id intendit *Cicero*, quasi absurdum æstimaret atomis provincias dari, sed quia *Philosophiâ* omni alienum reputavit, id temerè fieri, & sine causâ, quæ illis eas dederit. Quid enim sibilis dignius, quam qui rerum causas investigare præ se ferat, quidvis prout suis conjecturis faveat citra causam comminisci? hoc enim quid aliud est, quàm causas sine causis assignare? Age quid quæso si fingamus atomos decies millenos deorsum abeuntes, an non ineptum est, quinq; millibus declinationem affingere, reliquis abnegare? quid enim quæve causa illas inclinare fecit, quod non & reliquas inflecteret? An *Philosophum* decet, modò sarta tecta

recta sit commentitia sua hypothesis, quidvis pro arbitrio fingere, & rebus diversos motus tribuere, cum nulla omnino sit ratio, quin eodem tenore ad unum omnes moveantur? Imo cum omnis exigit ratio, ut sit similis omnium motus; quandoquidem ea fuerit omnium atomorum natura, talesq; propensiones, quæ eundem motûs tenorem progignant; gravitas nimirum ex ipsius *Epicuri* placitis, quibus hæc in re iuffragatur experientia perpetuo ciet motum exquisitè perpendicularem. Quidni insuper nobis liceat, quod *Epicuro* abnuimus, rerum principiis provincias assignare, quas utique illis præscripsit sagacissimus eorum Auctor: neq; quidquam precarium comminiscendi arguamur, quoniam bene novimus partium mundi, ex earum concinnitate, quamq; solerte quodam architecto attemperatam fuisse: ideoq; quas cuique provincias indidit, agnoscere minimè commentitium erit, sed ipsius rei veritati consonum. Quanquam lubens fatear Philosopho alienum esse omnia quæ sita semper in summi Numinis arbitrium refundere, sc. cum de aliis naturæ causis perquiritur, quod esset (ut aiunt) cum de cepis interrogamur, de aliis respondere. Id tamen aliquando non modo licere, sed & necessarium esse negarion potest: quippe Philosophiæ opus est naturæ causas omnes tam internas quam externas eruere: Veluti si quis interroganti quomodo aut quibus organis nos calore ignis afficiat, responderet, quia ita fieri instituit Deus, prorsus frustra foret, inquiritur enim de causis (ut aiunt) materiali & formali, quas instituit Deus, ut calorem efficiant: seu quid sit in igne, quod calefaciat, & quomodo: reperto autem calefaciendi modo, si is unde sit inquiratur, quousq; procedatur, aut ad Dei institutionem referre oportet, aut ad fortunæ temeritatem, absurdum autem posterius, ergo verum prius, incongruum igitur esse concludimus opportunas rerum principiis provincias temerè evenire, id ipsum quod *Epicuro* objectat *Orator*, minimè verò ut provincias accipiant à tali causâ, quæ illis leges præscribere valeat. Hactenus pro virili Oratorem adversus Philosophum.

Iosophum propugnauimus. Sed ad institutum redeundum est. Caterum motus, quos suis *Epicurus* atomis tribuit ulterius insequi haud operæ pretium est, quoniam hypothesis, ad quam eos accommodauit, falsâ esse omnibus agnoscatur: Etenim reputans *Epicurus* planam esse mundi figuram infinitè productam, talem commentus est motum, quali particulæ propulsæ aptæ forent corpus istiusmodi nempe planæ figuræ constituere, hinc inquam sit, quod asseruerit atomos motu parallelo ab immensitatis regione supernâ adventantes deorsum proripi, quoniam igitur manifestæ falsitatis revincitur de planâ mundi superficie delirium, nemo est, sicut neq; ipse *Epicurus*, si hodiè viveret, qui istiusmodi motum atomis tribueret, sed alium magis idoneum ad corpus orbiculare (cujusmodi mundum esse indubium est) compingendum excogitaret. Quocirca si priorem *Epicuri* hypothesis nimiam industriâ subruere conarer, viderer (quod aiunt) hircum mulgere. Verum potius aliquis alius fingendus est motus, quo promptius corpuscula in figuram rotundam coirent; Veluti si fingamus (quo nihil appositius comminisci possem) atomos ex omnibus circumcirca plagis exiliisse, v. c. alias infernè seu è locis nostris pedibus subiectis emeruisse, alias vicissim supernè delapsas esse, ab austro alias, alias à septentrione, has ab Oriente, ab Occidente illas, & à quâquam deniq; regione quasdam, & tandem omnes ad invicem oppositas oppositis occurrisse. Posito tali figmento, par restat difficultas: nam ne quidquam ex prædictis rursus urgeam, sciscitari solum vacat compendii gratiâ, Quænam causa atomos à plagis circumjacentibus ad unum punctum potiusquam quemvis alium locum impelleret? spatium ipsum, an atomi natura? (nihil enim tertium, secundum Deo, reperire est.) Non spatium, quod utiq; nihil est, verum nihili vis nulla, nulla actio, & tamen si potuit, quare potius hoc *atomus* punctulum attraheret, quàm quodvis aliud? unde adeo validam vim præ aliis adeptum est, ut ad se à reliquis omnibus arripiat? Quæ illius puncti communicatio cum particu-

lis immensum ab eo submotis ? Quibus nunciis ad se vocat, quoque consilio conventum est illuc confluere ? Si deinceps dicas atomos suâ naturâ illuc ferri, perinde est, ac si diceres illuc vergere, quia illuc vergunt ; etenim hoc ipsum est quod requirimus, undenam atomorum natura illuc feratur ? Quorsum enim atomos credamus esse non posse, nisi porro jugiter moveantur ? At vero si atomi esse possunt citra motationem, non à naturæ necessitate motitari consequetur. Quinetiam quamvis ex ipsâ atomorum naturâ pullularet motus, undenam fieret, ut definiatur ad statum hoc punctum ? Cur non ad quodvis aliud, infinita nimirum alia æquè patebant, in quæ pariter abire atomis liberum erat ; Deinde natura unam paucasve atomos versus eundem locum protrudere posset, quî vero hujusmodi propensitas totidem contigit, quot integram mundi molem composuere : præsertim cum atomos è variis immensitatis cardinibus emergere statuitur : si enim ob naturæ necessitatem aliquot ab Ortum adventantes in Occasum abibant, quamobrem non omnes, & è contra cur non in Ortum omnes ? undenam unius sit natura in hanc plagam abire, alterius in oppositam ? Quorsum denique uterq; atomorum exercitus in oppositam sibi regionem non tenderet, viz : quæ ab Occidentali plagâ in Orientalem unde non ulterius in Occidentalem proriperentur ? & quæ ab Orientali, quî contigit, ut non profundius in Orientalem demergerentur ? Propterea cum atomus ἀπλῶς, & quatenus atomus non certâ quâdam motatione rapitur (sic enim singulæ in eandem partem confluerent) Aliud quiddam desiderandum est, quod atomorum motum seu ἐμίστην (fruor Epicuræ voce) definiat, quod has ab Ortum in Occasum propellat, vicissim & illas ab Occasu in Ortum. Fingamus denique totidem sparsos undique fuisse homines per immensitatem Oculis captos, quot fingitur fuisse atomos, quisquamne reperitur, qui credat eorum decies, sexcenties millies millenos fortè non communicatis conciliis, nulloq; præfixo carcere ad unum punctum

tanquam conjuratione factâ pertendisse. Aut si eosdem jaculari fingamus, an non insani sit credere quòd eundem scopum, quem ubi esset non novissent, omnes aptissimè ferirent? Et tamen multò difficilior est atomorum confluxus. Quid porro subjicerem quàm precario assumat *Epicurus* diversas atomorum magnitudines; alias enim subtiliores esse voluit, crassiores alias?

Lucet.

*Semina cum porrò distent, differre necesse est,
Esse minora igitur quadam, majoraq; debent.*

Age vero unde tanta magnitudinum varietas? unde subtiliores hæ, crassiores istæ? num necesse erat ut tantus majorum numerus extaret, & tantus minorum? Næ hic sane innumerabilem casuum complexionem redire necesse est.

Denique (ut innumera alia præteream) unde tanta in atomis figurarum varietas? Docuit enim *Epicurus* dissimilimè esse inter se figuratas; adeo ut immensam formarum varietatem mens humana assequi non valeat, nempe planæ sunt, rotundæ, gibbæ, angulatæ, hamatæ, aduncæ, cubicæ, hispida, læves, Cylindricæ, pentahedricæ, hexahedricæ, heptahedricæ, conicæ, aliæq; deinceps id genus propemodum infinitæ; imo non desunt, qui *Epicurum* carpunt, quasi particulas docuisset sub infinitis figuris reperiri. Verum posuisse eum quadantenus solum infinitas testatur non modò *Laertius*, cum narrat *Epicurum* infinitas esse dixisse, non quia re seu *ἐνυπὸν* infinitæ essent figuræ, sed eò duntaxat, quòd adeo forent multigenæ, ut ægrè percipi possent; sed etiam *Plutarch. lib. de plac. Phil.* ἵ) δὲ τὰ σχήματα τῶν ἀτόμων ἀπερίληπτα, ἐκ ἀπειρῶν figuræ atomorum non posse percipi, haud vero esse infinitas. Sed utcunq; sit, Dicis amabò *Epicure*, an Geometriam etiam calleat fortuna, quæ tam Diversimode atomorum figuras dolaverit: Quid obstitit, quo minus omnibus corpusculis, eandem figuram inussisset? quod si contigisset, nihil nisi massa quædam iners & inutilis ex illis compingi potuit:

v. g. si omnes fortitæ fuissent istiusmodi figuras, cujusmodi aquæ naturam constituunt, illarum confluxu fieret duntaxat ingens & immensa aquarum vorago: si porro angulatæ omnes, uncinatæve efformatæ fuissent, in molem coiverant aridam, nullâq; humiditate foetam; aut deniq; si quâvis statâ alteriusmodi figurâ imbutæ fuissent, aggeriem composuissent omni ex parte, homogeneam, ac ideo inutilem. Quinimo quamvis omnibus aliis figuris donatæ fuissent, interim tamen unicâ duntaxat è cæteris caruissent, manca & inutilis extitisset rerum natura, viz: si fortè ex innumeris discrepantibus figurarum myriadibus, defuissent atomi fluxæ, labiles lubricæ, (è quibus aquam constitutam esse censent *Epicurei*) æternâ sterilitate inutilis & deformis fuisset tota, quæ ex iis compingeretur, rerum massa; Aut si sub tali figurâ, quæ ad Solis compositionem requiritur, non extitissent, æternis tenebris squalida jacuisset rerum universitas. Quin porro etiam si fortè multo plures atomos aqueâ figurâ signatas fuisse contigerat, totam telluris molem obruissent; aut insuper si pauciores fuissent particule terrestres, & totidem aqueæ, quot jam sunt, aut plures, perpetuum pariter contigisset diluvium.

Postquam superiora omnia arripuerunt, fidenter statim & intrepidè præsumunt mundi ordinem, harmoniam, elegantiam, stabilitatem, motuumq; vicissitudines vagis atomorum erroribus non modò minimè difficulter concinnari, sed quodammodo necessario; quasi viz non potuit aliorsum, atque cecidit, evenire. Quàm rotundè asserunt corpuscula undequaq; perinane vagantia tandem in elegantem hanc, quam videmus, mundi machinam coire. Sic *Epicurus* in epist. ad *Herodotum*, Cum mundus procreatus est, eos factos fuisse circumplexus convolventium se atomorum, ut creatis exinde corporibus cælestibus nata sit in ipsis hæc necessitas, ut & sic moveantur, & tales circuitus obtineant. Neq; secus *Velleius Ciceronianus*, In hæc igitur immensitate latitudinum, longitudinum, altitudinum infinita

*vis innumerabilium volitat atomorum, quæ interjecto inani co-
hærescunt tamen inter se, & alia alias apprehendentes conti-
nuantur; ex quo efficiuntur hæ rerum forma atque figura,
quas vos effici posse sine follibus ac incudibus non putatis.
Quasi nihil ad mundi structuram ulteriùs desideraretur, quàm
ut concurrant atomorum agmina. In unum pariter lapides,
ligna, clavos, calcem, aliq; rudera temerè congerant, quid
dubitent, quin ita singula suis locis reponerentur, ut tandem
magnificum quoddam ex iis construatur Palatium? E Rotu-
lis, Malleo, Nola, aliisque id genus machinulis ad invicem
commisissis, aliisque alias apprehendentibus efficiantur horolo-
gia aliq; automata, quæ vos *Epicurei*, effici posse sine follibus
ac incudibus non putatis; Cadaveris membra discerpta ad
invicem apponantur, fiet exinde ejusmodi machina, quæ om-
nes viventium functiones obtineat. Quodvis factu facile erit,
si id dicere sufficiat.*

Cæcâ & temerariâ atomorum vertigine confusam quan-
dam aggeriem conflare potuisse demus, nequaquam verò ap-
primè adeo admirandam naturæ concinnitatem; cumuli, non
structuræ ex rudibus temerè Congestis oriuntur. Sic si
mundus nihil aliud foret, quàm rudis & indigesta quædam
corporum congeries, omnis symmetriæ, elegantiae, ordinis,
usq; expers, quin temerè, & citra concilium tam rudis mo-
les conflaretur, haud vehementer adeò contenderem: Atq;
hæreret solum scrupulus, qui primò *Epicurum* vexavisse fer-
tur; sc. *ἐν τῷ τὸ χεῖρ ἐγένετο*. Veluti si lapides, ligna, cæ-
menta, columnas aliq; rudera variè & perturbatè congesta
aspicerem, ejusmodi struem artificis cujuscumq; industriæ &
solertiæ non referrem. At vero Domum concinnè compa-
ctam, ex temerario lapidum, trabium, clavorum (quæ si lu-
beat fingas movendi facultate donata esse) concursu ex-
structam fuisse vel quidem suspicari puderet: sed indubi-
tante architecti cujusdam opus esse crederem. Sic porro consu-
tam syllabarum, literarum, vocabulorum farraginem fortuitò
com.

commisceri potuisse concederem : sed verò cum elegantem librum perlegero, concinnari ex literis (tametsi mobilissimas esse fingamus) in debitum situm & ordinem sponte volitantibus, effugit omnem suspicionem. Si deniq; viderem auri argentique indomiti massas, æs rude, lapides scabros, ebur impolitum, lignum, gluten, gypsum inter se variè confundi : *Phidia* esse istud molimen nescirem : At si hæc incudibus & malleis in membrorum similitudinem formari, alia tornari, alia concinnâ varietate excavari aspicerem : si aurículas, labra, oculos, brachia, pedes elaborata intuerer, ordinata dein, disposita, anfulis, variisq; ad invicem commissuris revincta, immensamq; *Fovis Olympii* effigiem fabrefactam, *Phidia*, alteriusve cujusdam Artificis opus esse, nisi planè insanire placuisset, indubiè crederem. Quibus omnibus, ejusmodiq; innumeris aliis nihil omnino, quod responderi potest, suppetit, quàm alia esse Naturæ opera, alia Artis, diversamq; eorum esse rationem ; Quod tamen quam absurdum sit, postmodum, cum de eâ re egerimus, liquebit. Brevi interim, quoad ejus fieri potest, unum aut alterum Naturæ, seu potius ejus Authoris, solertiæ specimen strictim aperiâ. Quippe si in mundum, eaq; quæ in eo oculis sese nostris ingerunt, paulò attentiores intuitum convertamus, tanta sese prodet subtilitas, tanta omnium inter se conspiratio, ut mutuis sibi sint auxiliis, tam opportuna & uniformis varietas (quâ nihil factu difficilius) ut longè evidentissimum fiet magis ea, quam quævis artis opera à casu & temeritate abhorre, & plus solertiæ, quæ illa fabrefaciat, desiderare.

Imprimis quid cum -- *suspiciamus magni cœlestia mundi
Templa super, stellisq; micantibus Æthera fixum.*

Ubi solum perpendamus leges, quàm appositæ & salubres soli præscribantur ; & primo attendere oportet quantillum spatium sit, quod sol occupat, si comparetur ad immensam omnium spatiorum diffusionem ; in tot scil. spatia paris cum ipso

ipso sole extensionis dispertiri potuit immensitas, quibus recensendis ipsa Arithmetica minimè sufficeret. Imo totus & prope immensus terræ, coeliq; complexus quantillus est, si ad immensitatis amplitudinem comparetur. Sol enim Terræ secundum *Ptolomai* hypothesin coeli supremi respectu puncta jam habentur: & si placeat hypothesi *Copernicana*, omnis omnium Planetarum complexio, quanta quanta sit, in punctum, respectu vastæ syderum fixorum diffusionis, evanescit. Jam verò si Sol respectu spatiorum, in quibus discurrant cæteri omnes Planetæ: si deinde omnium Planetarum constellation respectu totius Coeli supremi expansionis: si denique Coeli supremi expansio respectu immensitatis tam infra conceptum exigua & quasi pro puncto habeantur; Quàm infinitis gradibus eadem immensitate Sol minor habendus est? Ex quibus aliquantum patescit quàm portentoso casu solis corpuscula in eâ regione, quam nunc occupant, cohaeserunt: siquidem tot erant parium spatiorum myriades, in quibus coire possent. Ita demum cum unicus duntaxat locus idoneus sit, & infiniti alii minùs (nostrum respectu) commodi, in quos pariter atomi abire possent, num fas erit vel suspicari atomos fortè fortunâ, desertis cæteris, in hunc tametsi tam angustum, quoniam tamen unicè commodus videbatur, confluisse? Fingas rursus immensitatis campos in sexcentum mille portiones vastæ coelorum convexitati (si tale quidquam revera sit) æquales tanquam septis dispertiri; singulæ istarum portionum particulis è quibus solare corpus creatur, pariter patebant; atq; inde quàm enormis fuerit casus eas in hanc, quam obtinent, regionem contendisse, potiusquam aliam quamvis? Proportionem enim tenet unus ad sexcenta millia, quo tamen numero licuit millies, millies, millies majorem assignare.

Cum deinde Sol intra Coeli supremi claustra confederat, unde tam opportunè in orbem, quem lustrat, concesserit? Nèmpè si locum illo, quem tenet, propius aut longius am-

tum

tum occupaverat, ipse idem, qui omnium saluti & conservationi studere videtur, quemq; totidem egregiis & stupendis finibus inservire sentimus, non modò inutilis, sed maxime præ omnibus noxius evaderet; & qui jam Naturæ Parens audit, suam sobolem, aut ipse interficeret; aut abortivam, saltem teneram exponeret: ut scil. si Lunæ orbem lustraverat; Zodiacum, perinde ac Luna, spatio menstruo percurreret, atq; inde tempestatum vicissitudines, quæ annuæ jam sunt, menstruæ fuissent, unicusq; mensis hyemis æstatisq; vicissitudines complexus fuisset, quo eventu tolleretur omnis vegetatio; brumale enim frigus fruges, quæ per æstatem proveniant, priusquam maturuissent, enecaverat, subductis autem terræ frugibus, fame contabescat necesse est tota animantium familia. Præterea ex tam arctâ vicinitate sequeretur periculum conflagrationis terræ: vel saltem adeo largus & vehemens in terram effunderetur ardor, ut penitus eam adureret, & si minus in cineres redegisset, saltem vehementi adeo calore affligeret, ut inutilis & habitationis incapax efficeretur, Sol deinceps si ad fixas usq; aut longè ulterius sese subduxerat, penitus langueret terra, sempiterno squalore horrida, utpote in quâ tum lumine tum calore Solis destitutâ, nihil aut proveniret aut pubesceret, nihilo enim splendidior fulgor, aut validior æstus à Sole ad nos appelleret quàm ab ipsis inerrantibus, vel si paulò vividiores radios Sol emitteret, tamen languidiores forent, quàm ut quidquam solatii terræ consulere.

Ad hæc porro tametsi tam appositum contingeret intervallum Solem inter & Terram interjectum esse, tamen suis sedibus immota hærete potuissent. Quâ quæso naturæ necessitate, aut Sol terræ circumgyretur aut terra Soli: quodnam principium circuitûs quâ diurni, quâ annuarii assignari possit? Præsertim si figuram molis circumductæ advertamus, ad quam alia casuum complexio accersenda est, nam sive Sol sive terrâ (utrum autem nostrâ non refert) per Zodiacum feratur; vel figuram ad volubilitatem comparatam habet, v.g.

sphæricam, vel ad illam ineptam: si primam, Providentiæ erat formam ad motum tam utilem accommodatam induisse. Quòd autem si figuram asciverat ad motum ineptam, cubicam puta, aut Pyramidalem, aut cylindricam, in eo, inquam, casu, aut omnis motus expers perseverasset; aut si moveretur, illud multò magis consilio referri oportet, nam motum cieri in corpore, quod secundum naturæ seu necessitatis leges ad motum non comparatur, vehementer sanè arguit superiorem esse causam, quæ illi vim motricem indidit, quod enim non sponte, aut nō nisi operosè movetur, & tamen summo cū fructu moveri videmus, quis sanæ mentis ad fortunam; & non potius prudentiam, referret? Qualemcunq; igitur formam adepti sunt planetæ (de cæteris enim quodammodo par ratio est ac de Sole & terrâ) eo quod constat illos moveri, Providentiæ indicium est; Nam si figuram faciliè mobilem habent, Providentiæ est talem figuram corpori dare, quod tanto cum fructu moveri statuitur; sin talem, quæ à se circuire inepta foret, adhuc Providentiæ specimen est, cū utique videamus moles tantas, quæ tamen si minus ad motum comparentur, moveri, ex quo tanta sequatur utilitas.

Tametſi ſubinde Sol terræ fortunæ vialiquò propulſetur, unde tamen in orbem contorqueri contigit? Quid alterum alteri circumvexit? Fortuituſne etiã hic motus, qui alio quovis fit utilior? An non Sol perinde proclivis, ne dicam longè proclivior, ad quemvis alium motum, utpote ſimpli-
ciorem, quàm ad circularem aut Ellypticum? Quare non po-
tius in Diallelum motu directo Sol moveretur; Quo pacto
neq; ſubter terram demergeretur aut viciffim emergeret, ſed
continuo aut ſupra aut infra verſaretur: atq; ita alteri dun-
taxat hemiſphærio ſeſe indulgeret; cum interim pars oppo-
ſita æterno ſqualori & tenebris damnaretur? Ne ſigillatim
monſtrare pergam Solem hinc inde, ante, pone, ad lævam & ad
dextram, ſurſum & deorſum, modo huc, modo illuc vagum
& inſtantiem aberrare poſſe. Quid item pernitiem morſus
ſolaris

solaris adderem? Quis nullo stupore percussus advertere posset solem, terramve, utcumq; corpora tantæ molis longè velocius abripi, quàm globulum tormento explosum? quod utriusq; rationem subducenti indubium erit) præsertim si attenderit commodis, quæ mundo inde conciliantur; quotquot sc: ex noctis dieiq; vicissitudine oriantur.

Cæteris adhuc mirabilior est motus per lineam Eclipticam,

*Cur suspensus eat Phæbus, cursumq; reflectat
Huc illuc, agiles & servet in Ethere metas?*

Manil.

Solertior est circumgyratio obliqua quàm recta, atq; adhuc obliqua intra Zodiacum, quam extra: semperne fortuna quod præstabilius optat?

Quid si in eodem Æquatoris Parallelo Sol continuo verferetur? An non pene integer telluris tractus utrinq; extra Tropicos tam Australem quàm Borealem exporrectus perpetuâ obrigeret hyeme, uti quibus caloris energia haud vegetior quam etiamnum tempestate Æquinoctiali appelleret, plerisq; vero multò languidior, qualem utiq; hyeme sentimus?

His amplius si fortè Alterutrinq; extra Zodiacum jaceret solaris orbita, ingens pariter terræ portio Cymmeriis tenebris oppressa horresceret: Nimirum si Sol continuò Australi Hemisphærio immineret, ingens ille terræ tractus, qui à Tropico Cancræ ad usq; Polum Borealem excurrit, jugi & non intermissâ hyeme langueret: quod idem vicissim tractui à Capricorno ad usq; Polum Australem expanso eveniret, si Solem intra Æquatoris partem Borealem compingi contigisset. Atqui verò longè præstantiori concilio instituitur solaris orbita: Sol nempe per Eclipticam inæquali fertur motu, ut æquales singulis regionibus dispenset influentias, Quemadmodum in terras zonæ torridæ subjacentes calorem prope modum perinde temperatum effundit, atq; in illas, quæ ipsis temperatis subsunt, ut enim mittam locos Æquatori subje-

Etos abundè aquosos esse ad pluvias & vapores suppeditandos in aëris refrigerium: memòro solùm perennes flatus interdiu in Occasum spirantes, qui immodicos aliàs æstus temperant, ut & frigidarum noctium prolixitatem, quæ mirè ardores diurnos mitigat, quibus, inquam, medetur malo, cui omnia perpetuo secula pene ad usq; nostrum nullum excogitare potuissent remedium: omnis enim antiquitas (excepto uno *Polybio*, qui libellum super hâc re edidit, & perpaucis fortasse aliis) zonam torridam propter vehementes æstus habitationi minimè idoneam credidit; nec cogitare potuit, quî occurreretur ardoris vehementiæ. Sagaciorne Fortunæ temeritas omnibus pene omnium ætatum Philosophis, ut id reipsa efficiat, quod quomodo efficeretur illi nullo modo assequi vel conjecturâ valuissent, antequam ab experientiâ ex *Lusitanorum* navigationibus accepissent. Neque adnotatu indignum est Anni rationem ita illis, qui in zonâ torridâ ubiq; terrarum habitant, dispositam esse, ut cùm Sol iis proximus est, & præcipuè cùm rectâ imminet, tum demum frigus & pluvias patiuntur, ac propterea hoc tempus hyemem vocant, mirè statuente supremâ Providentiâ, ut eâ tempestate flatus marini, qui frigus & pluvias (contra quàm alibi fiat) secum apportant, indefinenter à Zephyro & Austrozephyro spirant. In terras deinceps extra tropicos sitas validiores vibrantur radii, ut maturescant fruges, priusquam *Phæbi* curriculum in opposita signa convertatur: Etenim præterea quòd Sol ibi multo diutius verticibus immineat, propter noctis brevitatem parum cohibetur calor interdiu impressus, quo citius ætatis proventus maturescant, at verò si ibi locorum tantoperè temperarentur diurni calores, quantoperè sub zonâ torridâ, ne vix ante brumale tempus fruges ad maturitatem perducerentur. Ad hæc quid quod ubiq; terrarum æqualiter inter se dividantur tempestates frigidaæ cum calidis (nam sicut intra Tropicos dies & noctes continuò idem spatium sortiuntur, ita extra Tropicales lineas dierum hyemalium

*Il. Vossius de
mot. marium &
vent. c. 5.*

ium brevitās æstivorum prolixità compensatur; unde demum tanta annuatim diei portio fit, quanta intra Tropicos) nisi ut omnia moderatè temperentur, hinc enim tellus neq; nimia caliditate torret, neq; nimia frigiditate constringitur. Deniq; ut compendifaciam (pene enim opprimor argumenti copiâ, quæ sese ultro ingerit) dum Sol alternatim suos radios dispensat, optimè Universo consulit, & etiam absens abundè prodest; dum enim alias regiones benigno calore vegetet, alias deserit, ut ne nimio ardore exhaustiantur, sed vires refarciant, utiq; pluviis & frigore solis recessum sequentibus temperatæ.

Postremò *Qui limite Phæbus-Contentus medio?* unde huc usq; excurrat, & non ulterius? Unde lineas sibi præstitutas non transiliat? Inter alia commoda non minimum est, quòd ad viventium salutem frigore opus sit pariter ac calore, ex eo autem, quòd non propius ad polos serpat, venti algentes, utpote qui è locis prope à Polis spirant, accommodatissimè temperant solis ardores, qui alias aqueum humorem rerum conservationi apprimè necessarium exhaustirent. Rursus (abrumpere enim ægrè sustineo quod ultrò excurrit filum) *Quid legem cursibus addis?* Quid Solis vestigia in septentrionem vergentis, Austrum versus reducat? quidve ab Australibus signis in Borealia inflectat? An (quod ait *Cleanthes*) *ne longius à cibo discedat?* An non potius si sibi permittatur in immensitatem evolare? Quo casu retrorsum abduci potest? Quicquid temerè agat, eodem tenore agere pertendit quantisper potest, qui igitur, si Sol temerè circumvolvatur, quòd semel tendat non semper pertendat? Næ equidem tam æquabili, opportuna & implexâ varietate Sol temperatur, ut nemo adeo obstinatè sibi oculos claudere valeat, qui temeritati eam referri sustineat. Aut si qui fuerint, jubeo, provoco ut hypothèses qualescunq; comminiscantur, quæ quibus casibus, quâ sorte, quâve necessitate (secluso, qui intellectu polleat, moderatore) motus solaris quoquo modo accidere potuissent, expedirent. Et fidenter

Claud.

Virg.

Cic. di N.D.
lib. 3.

(priusquam innotescant) recipio quàm putidæ, quàm ineptæ, quàm sibi contradictoriæ, quàm penitus falsæ sint & largo irrisu dignæ ostensurum esse. Neque hoc præ nimia mei fiduciâ dico, quàm enim ut omnium, ita speciatim harum rerum sim ignarus planè scio, sed partim certissimæ ipsius rei evidentie innixus, quæ disputantem neq; subtilem neq; admodum eruditum postulat, partim quod adverterim quam propugno causam hostes desiderare, & nihilo magis, quàm oppugnatione caruisse, imò plurimum inde damni passam esse, quòd perpaucis admodum hostibus impetita fuerit, adeo ut utcunq; conscius sim immane quantum damni ab eorum, qui eam sunt defendere professi, imbecillitate passa sit; tamen mihi in ambiguo hæret, plusne detrimenti à defendentium an appugnantium imbecillitate contraxerit. Et enim pridem compertum est errantium, quibus perspicacia & acumen, obstinaciam, aniam præbendo sagaciori disquisitioni, veritatem demum vehementer stabilire, præsertim autem cum instituitur disputatio adversus insanas & incertas adversariorum hypotheses (quo loco etiamnum versamur) quæ enim fictæ hypotheses quantumcunq; falsæ, priusquam innotescant, subruentur? Veluti dum quæ primò mentem subierunt festinanti calamo jam nunc effuderim, multa capita nec fortè contemnenda prorsus omitti, alia, quæ diduxi, justò obscurius, alia strictius nihil deniq; fusè & plenè satis diduci facilè concesserim; quibus tamen defectibus fortè compensaretur, si uberiorè dissertatione excuteret oppugnantium pervicacia, nec dubito quin vagæ ipsorum conjecturæ & hypotheses (quas solus excogitare non valeo) aliquam multas meditationes aliter non animadvertendas suggererent. Rarò prodit veritas non lacessita. Sed reprimendus qui immoderatè incalescit calamus.

Ut igitur pergatur, subicere non vacat, quæ super Lunæ institutione dici possunt, quæ (uti *Plinius* olim) sydus in tenebrarum remedium à naturâ repertum, aut (ut *Arist.*) ὡς τὴν ἀμέσην ἡμέραν ἰσχυρὴν tanquam nocturna solis vicaria.

caria. Solummodo attende eam cursum suum non perinde ac solem intra tropicos definire, sed aliquot ulterius gradibus evagari, quo fit ut uberiores lucis copiam regionibus propius à polis sitis per prolixas noctes impertiatur: hinc propius ad septentrionalem mundi plagam vergit hybernâ tempestate, quò luculentius hyemalium noctium tenebras & frigora temperet, atq; eâdem vicissim causâ æstate, cum utique Sol aliquantò profundius in septentrionem demergitur, tanquam desertorum miseresceret, ad Austrum ipsa deflectit. Neque diu hærendum est in concilio evolvendo, quod in Lunæ superficie tornandâ sese prodit, si enim Lunæ facies exquisitè lævis & æquabilis foret, radii à sole in eam incidentes non nisi uno ex puncto ad nos reflecterentur sc. *in quo anguli incidentiæ reflectionisq; nostri respectu exaquantur*: Cæterum cum Lunæ discus diversimodè excavetur, & montibus quasi ac convallibus scabrescat, lumen à variis ipsius superficieu-
lis ad nos resiliens undiq; spargitur, non secus atq; multiplicatæ reflectuntur species à speculo cujus superficies facieculis inæquabilibus divaricetur. An quidquam adjiciam de concinentibus Planetarum intervallis, mirabilique motuum, quos peragunt, varietate & constantiâ? Prætereo autem tam consonantes & concinnos Pythagoræ & Platoni visos fuisse, ut per musicæ & harmoniæ proportiones eorum rationes & *æque* indigetarent: non enim (quod vulgo creditur) harmoniam sonus, a sed ordinis & symmetriæ sphaeris coelestibus tribuebant: ut itidem *Kepleri* somnia omit-
tam, (ob quæ tamen inventa, ac si *Archimedeæ* forent, non mediocri lætitiâ exultat) qui quinq; libris non parvo volumine comprehensis, ineptè satis molitus est analogiam quandam in proportionibus intervallorum & motuum planetarium ad figuras geometricas & modos musicos expedire. Utcunque autem hujusmodi conjecturæ temerariæ, commentitiæ, & aniles videantur, brevî observatu haut indignum est eos certas quasdam lineas non perrumpere, sed omnium citra erro-

rem

• Vide Plin.
nat. hist. l. 2.
c. 22.

rem aut confusionem discretam quemque suam constanter terere orbitam. Ecquo casu evenire potuit tot ingentes fabricas, quot quantaq; sunt Planetæ omnes cum suis satellitibus, affleclis, lateronibus, ansis, &c. in orbes adeo certis spatiis discretos considerare? Qui evitari potuit quo minus aliquot aut eandem calcantes semitam sibi mutuò occurrerent, aut saltem citra ordinem huc illuc pervolventes sibi invicem identidem impingerent? Ullamne casûs speciem prodit tam exquisita, varia atq; uniformis symmetria, An non eximiam potius sagacitatem? Quid enim plus solertix artificiiq; postulat quàm varietas uniformis & ordinata? quippe nihil difficilius factu quàm in varietate confusionem devitare. Nec deniq; vacat ad sydera fixa subvolare, tamen, si sint totidem quasi Soles, & libero æthere pendeant, quod contendunt *Epicurei*, neq; sane prorsus vero absimile est: Quam mirus & enormis eventus est eorum nullum (licet tantum non infinita censeantur) iusto propius terrarum orbi consedissee: Quod si contigisset, quot incommoda secutura forent, quoniam mihi non sit recensendi otium, facile advertet Lector. Proximus occurrit terrarum orbis, cui tot providentiæ specimina impressa, quot, si ritè enumerentur, iustum volumen desiderant, iis igitur nè in immensum excrescat oratio, missis, aliquantò immorari placuit in nonnullis ad aquæ rationem spectantibus. Cæterum compendii causâ transilio, sicut alia multa, ita quæ supra objecimus, si sc. pauciores fuissent particule terrestres, aut plures aqueæ, nihil ex earum congressu factum iri præter lutum *camposq; liquentes*. Detur autem par utrarumque apparatus, Providentiæ quantæ, ne cænosam voraginem ex confusâ & intimâ immixtione efficerent, ne item aqua totam obducatur terræ superficiem! An non sitis naturalis sit, ut quod gravius est subsidat, quod levius emineat? Qui igitur fiat tot terrestres atomos quantumcunq; graviores aqueis supereminere, si in totum naturali propensione permitterentur? An naturalis propensio in situm præ-

præternaturalem reponeret? Sive porro mare sit terrâ eminentius, sive terra mari, parum refert: si utique prius, aqua præ fluxilitate, & partium mutuâ protrusione, ad loca decliviora deflueret, totamq; telluris molem utpote demissio-rem inundaret; ex lege enim naturæ est, ut undæ proclivè, sive è prolixiore perpendicularo in decurtatius volvantur. Sin posterius (quod veritati & naturæ consonantius) id ipsum est quod perquiro, quomodo quod levius est sponte naturæ infra gravius deprimatur? & nisi ad opificem quendam, qui taliter disposuerit, perfugiat, non modo nova casuum complexio admittenda est, verum etiam talium, quales rerum naturis repugnent, qui quomodo eveniant cogitari nequit, nisi omni tum Philosophiæ, tum experientiæ contra eamus. Etenim quid deinceps quod terræ globus tot lacunis & anfractibus excavetur, nisi ut in iis quasi vasis immensa aquarum copia stagnaret, ne omnia absorbeat circumquaq; nullo inhibente obstaculo effusa? Quid obstitit quò minus tota telluris superficies exquisitè æquabilis & lævigata foret, siquidem ex naturæ legibus, undecunq; oriatur gravitas, quæq; terræ portio infra aquam subsideret? Unde peculiari quasi artificio terebrari videntur fluidi liquoris conceptacula. Quinetiam telluris prominentias, si quæ fortè contigissent, abradere potius aquarum decursus, secumq; abripiens in lacunas propelleret. Si nullæ contigissent, aquarum torrens nullis irretita obstaculis, nullas terræ partes delibaret, quibus inæqualitates superstruat. Næ mirabilius terram non perpetuum diluvium pati, quam semel olim passam fuisse. Neque omnino prætereundum est, quod statuunt æternitatis mundanæ assertores, speciatim *Aristoteles*, qui *Meteor. lib. 2.* & passim alibi prolixam disputationem pertexuit, ut ostenderet æternas esse Terræ & Oceani vicissitudines, ita ut quod olim siccum erat, nunc aquis obruatur, & quod pelagus sit, continuâ terræ in mare devolutione tandem repletum iri, & aquis extra alveum extrusis, siccum iri. Unde pangit *Naso* ad
men-

mentem *Pythagora* (qui utiq; *Aristoteli* hâc in re præ-
ludit)

15 *Metam.*

*Quodq; fuit campus, vallem decursus aquarum
Fecit, & eluvie mons est deductus in aquor;
Eque paludosa siccis humus aret arenis,
Quæque sitim tulerant, stagnata paludibus hærent.*

Atqui vero si (quod contendunt) Maris alveus terræ portuunculis continenter in eam delatis, sensim repléatur, hoc pacto oppletis undiq; cavitatibus, eveniret demum terræ superficiem prorsus exæquari, aquasq; marinas extra alveum protrusas in universam terram diffluxuras: Quippe exundarent aquæ in littora, antequam aggererentur terræ portuunculæ in cumulum littoribus eminentiorem, unde nō prorsus priorem alveum abdicarent, sed minus profundum efficiendo, amplio-rem efficerent: tantum enim accederet latitudini, quantum detraheretur profunditati, & sic aquæ sensim omnia occuparent. Quæ necessario evenire non contendo, sed iis duntaxat, quæ hariolantur adversarii, probabiliora, magisq; naturæ legibus consonantia; Quod satis ad inanes eorum conjecturas nulliq; fulchro subnixas sufficienter evertendum. Quinimo cum velint mundum perpetuâ vicissitudine perire, interim incendiis, interim diluviis, vicissimq; renasci, tantum abest quo minus sese expediant, ut magis involvantur. Nam si tot tamq; arduæ casuum series desiderentur ad mundum compingendum, quantò difficilius erit ut sæpius idem recurrat eventus, ut si difficile fuerit cæcum quempiam forte fortunâ scopum ferire; eò mirabilius, quo sæpius hoc inveniat. Cæterum versuti homines fidentur asseverando id quod fieri impossibile est, sæpe factum fuisse; aut ut nobis eo consilio ejusmodi eventus familiares fiant, efficerent; quo promptius contingisse crederemus: aut ut impossibilitatem adaugendo, quod minus impossibile est, fieri posse videatur. Sic dum mundum fortunæ ductu sæpiusculè exoriri audacter asserunt, semel hoc fieri
non

nō adeo impossibile videri reputant, ostendant igitur quomodo semel accidere hoc posset, priusquā sapius accidisse autemēt.

Verum ut procedamus. Sicut comperimur aquas stagnis & paludibus conclusas acescere, & noxios humores exhalare, ita aquæ in unum alveum congestæ situ fæterent. Huic igitur malo duplici providentiâ occurritur.

Imprimis variis ubique marium æstibus agitur, uno utiq; solisequo, & omnium præcipuo in zonâ torridâ, quo sc. undæ Solis cursum perpetuò comitantur, constantiq; gyro ab Oriente in Occidentem volvuntur. Ex quo sublequitur alius priori omnino contrarius, inde *ἀντίκλιτος* dictus, ab Occidente nimirum in Orientem: Undæ enim priore motu abreptæ cavitationem ponē relinquunt, ad cuius compensationem utrinq; à Lateribus hinc Septentrionali, illinc meridionali retrò aquæ allabuntur. Quo duplici motu totus undiq; concutitur Oceanus; Priore, omnia æquora Solis orbitæ subjecta & ulterius; Posteriore demum quicquid inde aquarum pateat ad usq; utrumq; Polum. His an addam tertium, quem reciprocum appellamus, quo mare spatio 12 horarum pleraq; littora adfluat & refluat? Tametsi reipsa non alius sit à *generali Solisequo*; nullus enim sub zonâ torridâ deprehenditur refluxus, sed solummodo sub temperatis, neque propriè fit uspiam aquæ refluxus, sc. per eandem viam remeatus, sed potius defluxus, detumescencia & restitutio, sic postulante libramenti ratione, cum flaccescit impetus generalis affluxus. Quod autem in sinubus, Littoribus, & fluviorum ostiis contingat refluxus, ideo fit, quia aqua generali affluxu illuc impellitur, quo cessante remeat in eosdem locos, è quibus protrudebatur. Atq; adeo refluxum non totum pelagus attinere, sed speciales quasdam regiones.

2. Quoniam sali insit facultas corpora, quibus ingeritur, à putredine immunia præstandi, Æstibus marinis accedit subinde falsedo, quæ mari undiq; universo permiscetur; eoq; copiosius, quò propius Æquatori jaceat, & parcius, quo lon-

gius inde polos versus submoveatur, quippe cum locis calidis citius putrescant aquæ, quàm frigidis, uberiori sale condiri exigunt. Cæterum aqua salia quandoquidem neq; apta sit animantium potui, neq; terræ humectationi, & proinde si salia ubiq; existeret, omnes, quæ in sicco versantur animantes, interirant necesse esset: hinc duplici arte aquæ dulcis à sale separationi provisum est.

1. Aquæ guttulæ subterraneos meatulos perreptant, ac transudatione per arenam ac argillam colatæ particulas salinas (quas tessellas referre autumat *Lucretius*, *Cartesius* bacillos, & proinde facile arenis adhærescere) deponunt, ipsæ tandem quibusdam locis, cujusmodi præcipue habentur montium radices, coeuntes tanquam in cisterna colliguntur, &

Qua via scēta semel recto pede detulit undas

Sparsum per omnes terræ plagas scaturiunt. Atq; in regionibus longiùs à Pelago submotis (quæ proinde fontium sunt magis indigæ) majores præ aliis & plures quam alibi profiliunt scaturigines. Ubi plurimum fluminum commoda sigillatim memorare licet, qualia inundationes sæcundiferæ *Nigri*, *Gangis*, *Indi*, * *Euphratis* quæ in *Mesopotamiam* quotannis quasi novos agros invehit: & imprimis, Nili *Διυπη & ποταμῖο*.

* *De nat. Deor.*
l. 2. Homer. od.

^a *Virg.*

^b *Lucan.*

^a *Qui viridem Egyptum nigrâ facundat arenâ. Quoniam*

^b *Sic jussit Natura parens decurrere Nilum*

Sic opus est Mundo.

Quid autem hujusmodi memorem, qui compendii gratiâ innumera præteream, quæ longè insignioribus commodis infervant, & multò sagaciorem solertiam prodant?

2. Tenuiores aquæ particulæ Solaribus radiis tanquam funiculis ex oceano exantlantur, & quâdam sublimatione (ut loquuntur *Alchymistæ*) à salinis particulis divelluntur, vi caloris eo usque sublata, dum radiorum solarium reflexio desinat, ubi aut ventis impellentibus, aut regionis frigore compri-

primuntur, & plurium pluriumq; jugi accessu in grandiusculas guttulas coalescunt, quæ magis magisq; ingravescentes deorsum guttatim quasi per cribrum effusæ in terram defluunt: unde benignè rigantur agri, cuncta nascentia foventur, dives undiq; telluris proventus & alimentum ab invalescente æstu & siccitate propugnantur, & ad maturitatem quodq; suam provehitur, tota deniq; nutricatur natura. Tantâ postremo subtilitate fit utroque processu aquarum à sale separatio, ut chymici, quantumvis multum & diu laborarunt modum invenire, quo aqua dulcis posset à marinâ abstrahi, hætenus tamen frustra id tentarunt. Licet enim sal fixum utpote gravius decoctione ab aquæ particulis sursum elevatis separare possunt, tamen sal volatile propter spirituosam subtilitatem ita arctè unitum est aquæ particulis, ut nullo pacto valeant eo usq; divellere, donec potui viventium apta fiat aqua. Quod tamen quàm facilè naturæ solertiâ efficitur! Circa prædictorum & similium phænomenon causas nihil est quorsum perquiramus; nam præterquam quòd plerisq; quæ hætenus assignantur nonnihil desiderari videatur, & quod in phænomenis ipsis indigetandis eas quodammodo subinnumus; tamen si veræ fuerint, si falsæ perinde elucet vis Providentiæ, quæ illas ita disposuerit, ut adeo commodis eventibus famularentur. Supremi enim Opificis Providentiæ maximè perspicua est in mutuâ rerum conspiratione, & ab invicem dependentiâ, quæ quocunq; modo consistat, si constare liqueat, pariter elucescit.

Ut autem omnia rudi quâdam anacephaleosi complectamur. Jam si deniq; cogitemus quòd quamvis atomi solares fortè coalescerent, nisi tamen contigerat ista coalitio eo spatio quo contigit, Sol inutilis exstitisset: si itidem eum locum occupasset, immotus tamen in eodem hæreret, adhuc inutilis; si motam assecutus, neq; circularem, minime utilis: si circularem, neq; obliquum, minus quoq; utilis: si obliquum, neq; eâdem orbitâ, quam tenet, inutilior adhuc; si eâdem orbitâ,

*Varen. geogr.
l. 1. c. 13.
prop. 11.*

neq; vestigia relegeret, quamprimum ad limites certos appulisset, huc usq; demum longè inutilior. Quæ omnia tamen si simul evenirent, hætenus tamen inutilia, nisi certo quodam loco alius concreverit globus, ad cujus quoq; coagmentationem eo loci, tot desiderantur casus, quot recensuimus postulari, ut Sol eo loco, quem occupat, existeret; imò omnia hætenus nullius forent usûs, nisi plusquam immensâ aliorum casuum serie terra, quibusdam lacunis excavetur, aqua in eas colligatur, æstuet, falsugine conditur, in flumina & pluvias convertatur; si denique ex his omnibus conspirantibus, solertissima & summa utilitas, quâ vix admirabilior excogitari possit. Si que vicissim cogitemus quàm innumerabiles desiderentur casus, ut tanta extet atomorum multitudo; quàm deinceps innumeri alii, ut moveantur; quot itidem his adjiciendi ut ad invicem occurrant; his innumeri ulterius, ut coalescant, infiniti deinde alii ut in ita pulchram figuram consiliant; plusquam subinde infiniti alii, ut hoc loci eveniat Solis contextura; quot postea alii ut motum fortiantur; quot, ut circularem; quot, ut obliquum; quot, ut retrorsum à Solstitiali signo ad brumale remearet, & à brumali vicissim ad Solstitiale; quot, ut tandiu in his perseveraret; quot deinceps, ne terra & aqua ubiq; permisceantur; quot, ne terra perpetuo submergatur; quot, ne aqua acesceret; quot, ut in flumina & pluvias abiret; deniq; si in uno omnium (quibus tamen innumeros alios accendere longè facile sit) aliter contigisset, foret cæteros omnes frustra conspirasse: Si quis, inquam, perpendat hinc infinitas infinitorum casuum complexiones; illinc infinita, implexa & ab invicem infinitis modis dependentia rerum omnium emolumenta, ac tot casus simul conspirare posse, vel tantam mundi solertiam & conspirationem à casu causâve brutâ suique nesciâ provenire credat; quid sequitur? ut taceam, se ipse spontè exutâ ratione obstinatè belluam esse velle proclamat. Superest argumentum à minori ad majus, quo ab Artis operibus ad opera Naturæ

taræ arguitur; quod quoniam non modò per se stabile videtur, sed etiam jam ante disputata invictis præsidis ulterius tueri, brevissimè, quoad fieri par est, stringam.

Quandoquidem indubium sit Artis opera longè infra Naturæ concinnitatem & magnitudinem subsidere; si igitur hujus opera citra opificis consilium conformari potuissent, quid non & parili casu quæ Artis sunt, perficiantur? Adsumamus *Posidonii* aut *Archimedi* sphaeras, quis eas, earumq; conversiones cœlestium motui, quem æmulantur, non comparandas esse inficias iverit? Quæ itaque fingi potuit Atomos variè confusèq; agitata non ante ad invicem irretiri, quàm in adeo exquisitæ sphaeræ figuram conspirare evenisset, neq; si fortè in eam confluxissent, non statim, quæ temeraria & irrequieta earum mobilitas, dissilire, sed quæ nunquã ante inter se revinctæ fuerant (alioqui movere non pertenderent) quàm primum in ornatam istam machinam coissent, complicari, & tandiu sub eadem perseverare, tot quoq; tamq; varios constantèq; motus peragere? Verbo quis memoratas sphaeras Artifice Formari dubitaret, propterea quid id ipsum de Mundo dubitet? Cæterum hoc argumentum licèt diversi diversimodè expediant, Nemo tamen omnium aut disertius aut validius, quàm *Balbus Stoicus* apud *Ciceronem*: *L. 2. de N. D.* cuius igitur verbis cum adeo apposita sint, licet admodum pertrita, si rem exequar, operam haud ludam. Sic igitur ille. *Quòd si mundum efficere potest concursus atomorum, cur porticum, cur templum, cur domum, cur urbem non potest, quæ sunt minùs operosa & mulò quidem faciliora? Et rursus: Hoc qui existimat fieri potuisse, non intelligo cur non idem puer, si innumerabiles utiùs & viginti forma literarum vel aureæ, vel quales libet aliquò conjiciantur, posse ex his in terram excussis Annales Ennii, ut deinceps legi possint, effici: quod nescio an ne in uno quidem versu possit tantum valere fortuna. Ejusdem & hæc: Ut si quis in domum aliquam, aut in gymnasium, aut in forum venerit; cum videat omnium rerum ratio-*

nein, modum, disciplinam, non possit ea sine causâ fieri judicare; sed esse aliquem intelligat, qui præsit, & cui pareatur: multo magis in tantis motibus, tantisq; vicissitudinibus tam multarum rerum, atq; tantarum ordinibus, in quibus nihil unquam immensa, & infinita vetustas memita sit, statuatur necesse est ab aliquâ mente tantos Naturæ motus gubernari. Præclare rursus: Quis hunc hominem dixerit, qui cum tam certos Cæli motus, tam ratos Astrorum ordines, tamq; omnia inter se connexa, & apta viderit; neq; in his ullam inesse rationem, eaq; casu fieri dicat, quæ quanto consilio gerantur, nullo consilio assequi possumus? An cum machinatione quâdam moveri aliqua videmus, ut spheram, & horas & alia permulta, non dubitamus, quin illa opera sint rationis? Cum autem impetum Cæli admirabili cum celeritate moveri, vertiq; videamus, constantissimè conficientem vicissitudines anniverfarias, cum summâ salute, & conservatione rerum omnium; dubitamus quin ea non solum ratione fiant, sed etiam excellenti quâdam, divinâq; ratione? At ne plura congeramus, omnium solertissimè quæ sequuntur. Si ergo meliora sunt ea quæ naturâ, quàm illa, quæ arte perfectâ sunt, nec ars efficit quicquam sine ratione: ne natura quidem rationis expertis est habenda. Quis igitur convexit signum aut tabulam pictam cum aspexeris, scire adhibitam esse artem: cumq; procul cursum navigii videris, non dubitare quin id ratione atq; arte moveatur: aut cum solarium contemplatus fueris intelligere declarari horas arte non casu: mundum autem, qui & has ipsas artes, & earum artifices, & cuncta complectatur, consilii & rationis esse expertem putare? Quid si in Scythiam aut in Britanniam spheram aliquis tulerit, hanc quam nuper familiaris noster effecit Posidonius, cujus singula conversiones idem efficiunt in Sole & in Luna, & in quinque stellis errantibus, quod efficitur in Cælo singulis diebus & noctibus: quis in illâ barbarie dubitet, quin ea sphaera sit perfectâ ratione? Hi autem dubitant de mundo, ex quo oriuntur & fiunt omnia, casum ipse

ipse sit effectus aut necessitate aliquâ, an ratione, an mente divinâ: & Archimedes arbitrantur plus valuisse in imitandis sphaerae conversionibus, quàm naturam in efficiendis, præsertim cum multis partibus sint illa perfectâ, quàm hæc simulata solertiùs. Quibus quid illius adversario Cottâ reponitur? solummodo ad Naturæ vocem confugit. Ita prorsus existimarem (inquit) si illum (mundum) edificatum, non, quem admodum docebo, à naturâ conformatum putarem. Atq; nâ hoc quidem unicum eorum effugium; cæterum quàm putidum, quàm ineptum! Age enim edoceatis, quæsumus, Venerande Præsul, & quotquot Naturæ sitis Miriones, quæ subsit Naturæ voci significatio, An mundi sit ordo, vel quidpiam mundanum ordinem constituens? si primum, idem agitis, quasi interroganti unde ita Solers omnium rerum ordo & natura, responderetur, esse ab omnium rerum ordine & naturâ; præterea hic mundi ordo seu natura vel temerè, vel consultrice Providentiâ exortus est, si temerè, eodem, unde elabi capiunt, revolvimur; sin Providentiâ, ergo Opifex rationis compos naturæ disciplinam sancivit; si secundum, sc: quidpiam mundi ordinem instituens, vel hoc quoq; rationis compos, quod contendo; vel expers, & sic omnia rursus in temeritatem recident; adeo necessarium est omnia demum vel rationi vel temeritati referre. Nam quodcumq; fuerit natura, vel ratione pollet, vel rationis exors, si primum, Deus est, si secundum, temeritas. Unde scitè Lactantius cautiore verborum tenore de Numinis existentia quæsitum proponit. *Natura sitne Providentia, qua rebus omnibus consulat, an fortuito vel facta sint omnia vel regantur;* huic quid regeret Cottâ? Num Naturam à Naturâ esse factam? Apage responsum nec Cottâ nec Pontifice dignum. Præclare quoque E Senecâ Lactantius. *Sive enim natura sive aether, sive ratio, sive Mens, sive fatalis Necessitas, sive divina lex, sive quid aliud dixeris: Idem est quod à nobis dicitur Deus: nec obstat appellationum diversitas; cum ipsâ significatione ad unum omnia*

L. 3. de Nat.
Deor.

De falsâ Rel.

Ibid. c. 3.

De orig. error.

nia revolvantur. Idem vero præclariùs alibi. *Natura enim, quâ dicitur orta esse omnia, si consilium non habet, efficere nihil potest, si autem generandi aut faciendi potens est, habet ergo consilium & propterea Deus sit necesse est. Nec alio nomine appellari potest ea vis, in quâ inest & providentia excogitandi, & solertia, potestasq; faciendi. & postea Deus ipsa natura est, cum igitur ortum rerum tribuis Natura, ac detrahis Deo, in eodem luto hasitans, versuram solvis. A quo enim fieri mundum negas, ab eodem planè fieri mutato nomine confiteris. Et profectò, idem est ac si negarent Horologium ab artifice fieri, sed ab arte: Natura enim aut ars divina est, aut artis divinæ opus, quod dudum demonstravimus. Sed de hisce satis.*

C A P. III.

*De Generis Humani Exortu, & Corporis
Humani Structurâ.*

INTER res creatas Deus geminam sui Imaginem constituisse visus est. Solem puta, & Hominem; ut enim homini rationem indulgendo, eum ad imaginem sapientiæ suæ condidisse dicitur: Ita in Sole Bengnitatis, Potentiæ, & Activitatis suæ specimen eatenus exhibuit, quatenus Sol ex ipsius præscripto prodigâ quâdam benignitate vires suas & beneficia ubique diffundat, rerum generationi & mutationi præsideat, & materiæ particulas divinâ quâdam activitate exagitet, & in præclarissima opera demum disponat. Sicut igitur priori capite potissimum ex hujus œconomîæ supremi omnium Conditoris potentiam, solertiam, Providentiam conspicuam efficere adnixi sumus; superest in homine, altero Numinis quasi speculo, divinæ sapientiæ illustrissima specimina intueamur.

amur. Scilicet in cujus corpore totidem prostant solertissimi Opificis documenta, quot membra, è quibus nullum tam vile, tam exiguum, quin apertissima sapientiæ vestigia prodât; ut sanè quodque sit illustrissimum Numinis præconium, & plus Deum Opificem arguat, quàm exquisitissimum quodvis artis opus Artificem; ut sanè mihi ingenti quidem stupori sit quempiam Anatomicè peritum Atheismo litare; perinde equidem se gerit, atque si quis postquam diu exquisitissima *Apellis* opera contemplari assueverat, inde demum collegisset fuisse nullo Artifice elaborata.

Atqui tamen quàm vehementer Atheisimi fautores tam præclaram structuram temerè & Fortunæ manibus effectam esse pertendunt; quod autem ut obtineant, ad putidas & aniles nescio quas fabellas confugiunt, variique varia commenta, & fabulosas hypotheses cōfingunt, quibus expediant quî genus humanum sine Providentiâ parente, quique solâ Fortunâ & temeritate progigni potuit: Verum adeò putidæ, futiles, vesanæ, & purè commentitiæ sunt quas fecerunt fabulas, ut eas (si iis ritè attendatur) seriò refutare solius operâ & otio abutentis videatur: Verum cum ab iis solùm Atheismus patrocini-um quærat, cumque præter istas nihil habeant Athei, quo se tueantur, & illustrissima Providentiæ argumenta eludant, abundè operæ pretium erit & ipsas funditus convellere, ut clarè liqueat Atheismus, tantoperè ab ipsâ quidem verisimilitudine vacat, nullis nequidem fabulis & commentis propugnari posse. Id quo expeditius præstem primò narrandum est, quid super hâc re confinxerint; tum deinde commenta quæcunq; ità redarguere adnitar, ut non modò quicquid hæc genus confictum est, sed & quicquid fingi possit, radicitus subvertatur, quod abundè fiet, si evictum fuerit nullo casu quocunq; sed solâ Providentiâ corpus humanum extrui potuisse.

Mitto varias Poetarum fabellas, quòd nemo tam à ratione relictus sit, qui homines ex *Dædalionis* & *Pirrhæ* saxis enaros credat,

credat, aut *Myrmedonas* ex formicis exertos aut gentem vi-
ram truncis & duro robore natam : Quod & cecinit *Papinius*

4. Thebaid.

Quercus Laurique ferebant

*Cruda puerperia, ac populos umbrosa creavit
Fraxinus, & fatâ viridis puer excidit orno.*

Lib. 2. v. 10.

Aut, *satum Japeto terram mistam fluvialibus undis finxisse
in effigiem moderantum cuncta Deorum.* Quanquam cum
Lactantio dicendum sit : Cùm Poeta hominem de luto à *Prometheo* factum fuisse dixerunt, res eos non sefellit, sed nomen
artificis. Ut inquam ista, aliaq; ejusmodi præteream : iis
solum insomniis, quæ somniantur Philosophi, immoran-
dum est, quanquam & ista non minus, quàm quæ ludunt
Poetæ, tanquam fabulas inanes aspernari & rejicere licuis-
set ; siquidem pariter pura puta commenta sunt ; neque enim
ista aliter nobis quam Poetæ tanquam proprio duntaxat inge-
nio conficta propinant ; ita ut sanè quâ ratione commentitias
istas Philosophorum hypotheses quis pro veris admittat,
eâdem fere quidquid Poetis effectum est, revera gestum fu-
isse arbitretur. De primo hominum ortu duæ *Diodoro Siculo*
& *Censorino* memorantur celeberrimæ Physiologorum sen-
tentia: Quarum prima hominum genus ab æterno sine ullo
generationis principio extitisse statuit ; Ad quod delirium
satis supra demonstravimus nostrâ nequaquam interesset, an
genus humanum ab æterno extiterit, an tandem aliquando
extare ceperit ; etenim etiamsi ab æternis seculis fuerit, cum
existentiam à naturali essentia exigentia sive necessitate adi-
pisci non potuerit, necesse est ut eam alterius beneficio con-
sequatur, & subinde vel à causâ rationis compote, quam
Deum appellamus, enatum est, vel rationis experte, & ita
demum ad secundum Philosophorum delirium devolvimur,
qui statuunt hominem è terrâ fortuito & sine Architecto pro-
dusse, & fingunt itaque (ut ibidem refert *Diod.*) terram lu-
tosam & perquam mollem mundi initio fuisse ; quæ igne
Solis

Lib. 1. & 2. v. 1.
De die natali.

Solis primum irradiante coaluit, & post inflatam ac quasi fermentatam à calore superficiem, humidorum nonnulla deinceps compluribus in locis intumuerunt, & veluti pustulæ subtilibus pelliculis circumdatæ extiterunt. Cumque humida ex calore, seu genitali semine ita foetificarent, noctu quidem foetus à circumfusâ æris nebulâ incrementum accipiebant, interdium verò ab æstu Solis consolidabantur. Tandem verò cum inclusi foetus maturum accepissent incrementum, perustis & disruptis membranulis, enatæ apparuerunt omnis generis animalium formæ. Quæ meritò quidem inter *μυθολογίαινα fabulosas narrationes* recenset *Diodorus*. Similem fabulam memorat de Sole Rhodi amore capto, & septem ex eâ *αυτοχθονας* progignente. Eadem etiam Phœnicum fabula, quam apud *Eusebium* refert Sanchuniatho, nisi quod insuper addant Animantes tortè in terræ utero efformatos tonitruum fragore fuisse excitatos & è pelliculis excussos. Similiter *Ovidius lib. 1. Metam.* *Horat. Sat. 3. l. 1. Juvenalis Sat. 6.* Et profecto argumentum Poetis dignum est. Censorinus autem aliis accuratius varias hæc de re Philosophorum fabularum hypothèses recenset. *De iis, inquit, qui homines primigenios factos crederent. Ut omittam quod fabulares Poetarum historiae ferunt, primos homines aut Promethei molli luto formatos, aut Deucalionis Pirrhaque lapidibus esse natos: quidam ex ipsis sapientiae professoribus, nescio an magis monstruosas, certè non minùs incredibiles rationum suarum proferunt opiniones. Anaximander Milesius, videri sibi ex aqua terraque calefactis, exortos esse sive pisces, sive piscibus similia animalia, in his homines concrevisse, fetusq; ad pubertatem intus retentos, tunc demum ruptis illis, viros mulieresque, qui se jam alere posset, processisse. Empedocles autem primò membra singula, ex terrâ quasi prægnante, passim edita, deinde coisse, & effecisse solidi hominis materiam, igni simul & humori permixtam. Hæc eadem opinio etiam in Parmenide, punculis ab Empedocle dissensit. Democrito verò Abderita ex aqua limoq;*

Biblioth. l. 5.

οὐρανίου:
Lib. 1. cap. 10.

De die natali.

primum visum est homines procreatos, seu (uti testatur Lactantius) homines vermiculorum modo effusos de terra nullo auctore, nullaque ratione. Alii, similiter. Epicurus autem, quæ ante se alii somniarunt, explicare conatus est; non enim satis arbitrabatur dixisse hominem; primò è terrâ prodixisse, nisi modum etiam quo fieret, expediret: Is enim credidit (ut jam ante allatis subdit Censorinus) limo calefacto uteros, nescio quos, radicibus terræ coherentes primum increvisse, & infantibus ex se editis ingenitum lactis humorem materiam ministrantem præbuisse, quos ita educatos & adultos genus hominum propagasse. Id quod cecinit Lucretius

*Crescebant uteri terræ radicibus apti,
Quos ubi tempore maturo patefecerat ætas
Infantum, sugens humorem, aurasque petissens,
Convertebas ibi, Natura foramina terræ;
Et succum venis cogebat fundere apertis
Consimilem lactis.*

Hasce omnes hypotheses fabulosas sigillatim evertere laboris foret non modo prolixi sed & superflui; satis erit, si quæ præ aliis vixit ita subruatur, ut simul etiam hominem neque isto neque alio quovis casu produci potuisse palam fiat. Ita cum fabulantur homines primò è mari emerxisse, nempe animalia aquatica seu *Tritones* & *Sirenes* primò fuisse nata, postmodum autè dum paulatim terræ sese affuecunt, primo *Amphibii*, deinde relicto mari terræ solius incolæ evaserunt. Incassum inquam commentum hoc sigillatim excuterem: Quamvis enim isti fabulæ daretur locus, vis eadem argumenti superesset; quòd nihilo facilius sit fabricam corporis humani sub aquis citra Conditoris artificium extrui, quàm si id ipsum in terrâ eveniret; ut non referat, utrùm homines primò nascerentur an *Tritones* scilicet utrumque pariter fabulosum est. Sed ut tandem ad specialem *Epicuri* hypothesin veni-

veniamus, in cujus quidem everfione, quicquid confingunt alii omnes evertemus.

Imprimis itaque non fatis eft virum ex terræ uteris prodiffe, nifi fimul quoque prodierat ſcœmina, E puſtulis iſtis cur non ſoli prodirent mares? aut cur non ſolæ mulieres? Aut ſi ſub diverſis formis exeant, in innumeras alias coire potuit lutum, perinde ac in ſcœminam, unde igitur in ſcœminam potiusquam aliam quamcumq; ſpeciem coaluit? An tam appoſita, tam varia corporum commiſcendorum organa fortè fortunâ elaborari poſſent? Scilicet niſi fortuna ſcœminam (quæ cum viro mille modis conveniret & totidem diſcreparet) unâ cum viro ſimul editam eſſe proſpexerat, unius ſolùm ætatis fuiſſet gens humana. Verùm ecquis adeo vecors, ut instrumenta loboli procreandæ adeo aptè & exquisitè comparata, ut quidem à ſapientiſſimo agente vix fieri poterant accuratiùs, fortuito potius atomorum luſu, cauſâve nihil tale attendente, quàm ſapiente Conditore conſtructa fuiſſe arbitretur? An non mirabiles eorum apparatus plus ſatis teſtantur ſe eum ſolum habuiſſe Authorem, qui *hominem marem & ſcœminam creavit, & dixit ſatificate, ac augeſcite, & implete terram?* Adde quod non modo in genere humano ſexus uterque ſimul naceretur, ſed & in innumeris animantium generibus: ſed hæc luculentius infra edifferentur.

Deinde non modò homines, ſed & omne animalium genus eodem ritu è terrâ pollularet; at quàm enormis foret fortunæ ſcœlicitas, ſi machinas totidem, tam præclaras, tam varias eſſormaret? Neq; enim ſine faſtu quodam humanum genus eſſe ſe unicam mundi epitomen, & Naturæ miraculum gloriatur, mihi verò perinde mirificæ videntur aliorum animalium fabricæ. Reperiuntur tamen qui non ſine immani hallucinatione animantium varietatem fortunam magis quàm Providentiam arguere exiſtimant, ſcilicet quod quæ caſu eveniunt, nullam conſtantiam tepere, ſed ſemper variare ſolent:

solent: Atqui verò non omnis varietas temeritatis & casus progenies est, sed ea solum quæ ordinis experts, inconcinna, atque perturbata existit; varietas verò rerum, quarum singulis inest præstantissima solertia, & difficilima factu concinnitas, quò major, eò luculentius Numinis argumentum est; etenim si tanta exigatur solertia ad unius animalis structuram fabricandam, quanta elucescet in penè infinitâ animalium multitudine! si tam enormis sit casus, qui unum animal crearet, quàm impossibile erit tam multiplex ejusmodi casuum repetitio! Quemadmodum si portentosus sit eventus ex literarum formis simul concussis pulchrum exstare codicem, quantò longè portentosius videretur, si hoc modo ingens librorum multitudo, seu tota Bibliotheca ederetur!

Insuper si olim homines fortuitò è terræ vesiculis emerferint, An satis mirari possumus nullas à primo hominum exortu comparuisse istiusmodi vesiculas, nullos sponte natos homines; sed tantoperè ex illo tempore emarcuisse Naturæ vires, ut non tantùm hominem, sed & quamvis corporis humani partem producendo jam non essent? Quæ enim (ut ipsi opinantur) olim insecta, arbores, plantas, & id genus alia produxit, ipsa eadem hæcenus pari *dispositio* producere valeret: Qui igitur suspicari quis possit illam in homine producendo adeo defecisse, ut nullum omnino sui operis vestigium per tot annorum series exhiberet? Neque solum in homine producendo adeo obtorpuit vis illa procreatrix, sed & in infinitis aliis Animalium speciebus, quæ eodem planè ritu; quò primi homines è terrâ pullulasse autumant. An non plusquam stupendum est equos, Boves, Elephantos, aliaque molis immensæ animalia adeò ubertim olim è terrâ effundi, & tamen per totidem annorum series ne quidem felem, canem, passerem inde erupisse? Undenam, quæso te, tantoperè defecuisse Naturam evenire potuit? à terrâ? quæ autem ulla terræ constitutio excogitari potest, cui jam similis alibi terrarum non reperiatur? At fingunt fuisse initio quidem

dem terram lutosam, teneramque, postque fermentatam à calore ejus superficiem humidorum nonnulla variis in locis intumuisse, & velut pustulas subtilibus pelliculis circumdatas extitisse: terram autem subinde magis ab igne Solis spiritibusque constipatam ad extremum nihil potuisse amplius majorum animalium in vitam producere, sed animantia singula ex mutuâ commixtione genita fuisse. Ut mittam Providentiam sapere, quod omni animalium generi eæ donentur partes, quibus, cum effœta evaderet tellus, quodq; suum genus mutuo congressu propagare posset: Cur non in locis palustribus, quos mare sæpius alluit, quosque amnes sæpius inundant, cur post pluviarum immensas copias, post stagna lacusq; detumescencia nihil tale contingeret? Cur in *Agypto* terrâ ad miraculum usq; foecundâ nihil ejusmodi conspiceretur? Cur *Africa* inter reliqua sua monstra in hisce planè sterilelceret? At terra jam effœta consenuit, & propterea tantam sobolem parturire nequit: quemadmodum observare licet terram, quæ recens subigitur multâ luxurie progenerare, quæ tamen postea exhaustis feminibus magis magisque languescit. Cui respondeat apud *Philonem Crisostolum* *ἐν τῇ γῇ ἡ ἀφροδισία*, &c. *Terra* certè nondum consenuit, adeo ut propter temporis longitudo-
dem sterilelscere videretur, sed perpetuam servat juventu-
tem, irrigata etenim vel fluminum inundationibus sicut Agy-
ptus, vel annuis imbris exhaustas feracitate vires reficit, &
quiete medicâ se refovet, moxque ut antè alimenta largiter
animalibus suppeditat. Cur non igitur eadem ratione vim animalia producendi denuo recolligat? Cum enim primæva ista femina ex terrâ tenerâ & lutosâ caloris beneficio fermentatâ oriebantur, cur non etiam tenera quævis & lutosa terra ejusdem caloris ope fermentata eadem parturiat, vel saltem aliqua tam præclari, tam varii opificii edat specimina aut tentamenta? Dein cum statim consenuit vis ista animalia procreandi, cur non post tanti ævi effluxum exhausta essent minorum animalium seminula? cur per tot secula nihil virium amiserit,

Lib. quod mun-
 dum sit incor-
 ruptibile. p.
 644.

amisit, ut tantundem hodiè in animalculis progignendis valeat, quantum mille àbhinc seculis valuit? Verùm excipiunt alii, homines nunc non eodem modo, quo olim, exoriri; quoniam, cum non eadem sit coelorum positura, terra non peculiarem istum influxum coeli stellarumq; qui homines produxerat, fortiat. Ita fabulis nugas omnium nugacissimas, nempe Astrologicas assuunt. Ut ut verò constat Solem & Lunam ad eadem Coeli puncta rediisse, atque ita eodem plane modo dispositos fuisse; reliquorum autem siderum influxus usque adeo perexiguus est, & à loci varietate tam parum immutatus, ut prorsus insani fuerit tam insignem Coelestis influentiæ mutationem diversæ siderum positurae adscribere. Ita quamquam fixa sydera ob eorum in Orientem motum aliquot mensibus tardius quàm antea exoriantur & occidant, nihilominus anni tempestates, generalesque mutationes non omnino retardantur, nec quicquid variantur: sed eadem, quâ prius, proportionem permanent, Soli utique ejusque per Zodiacum discursui alligatæ. Constat porro Solem & Altra non aliter in terram agere, quàm motum & calorem excitando, ac tanquam generales causas, quæ ad speciales effectus à diversitate materiæ ordinantur; unde est quòd ex eisdem plantas, ubi diversa est coeli positura, terra proferat; idque iis in locis, quos coeli facies prorsus contraria respicit, cum igitur nō obstante variâ immò adversâ coelorum positurâ alia in oppositis terræ plagis eodem planè modo orientur, quorsum inde tam insignis quoad vim animalium procreaticem mutatio nasceretur, ut ne quidem tentamenta eorum, quæ prius adeo exquisitè elaborarunt, moliri valeant? tantum enim abest ut jam hominem progignant, ut non sint quamlibet hominis partem, puta oculum, vesicam, uterum procreando. Adhæc fac diversam coeli posituram id effecisse, ut quæ Animalium genera primitus orta fuerant, nunquam iterum orientur, mirum tamen est nulla alia aliis formis induta hinc oriri: è vario solis calore varias plantas prolici

prolici comperimur; cur non etiam ex variâ stellarum positurâ, si tam insignis efficacîæ sit in animalium productione, variæ rerum novarum species prodirent? Mirum equidem si, quæ tam innumera tam merifico artificio olim protulerit, jam nihil neque tale neque simile valeat. Quid & denique an non mirandum est tam insignem mutationem in hisce animalibus producendis diversitate cœlorum factam esse, nec tamen in aliis, quæ sponte orta esse reputant, ullam vel leviusculam mutationem fieri? Quid autem multis? tantillum est, quod confert cœli positura, ad illius vires & influentias, ut præter omnem omnino rationem sit tantam influentiarum varietatem variæ Cœli posituræ tribuere. Ut profectò non minùs stupidè quàm futiliter delirare videantur *Cardanus*, *Pomponatius*, *Vaninus*, aliique ejusdem farinae homines, cum omnia ab orbe condito miracula ad certas Cœlorum Posituras, & Planetarum conjunctiones referant, quasi tam stupenda prodigia operari potuissent, quæ aut nihil aut perexiguum in ipsis anni tempestatibus immutare valeant: Sed verò nugæ hujusmodi astrologicæ, ut & ipsa astrologia adeo plenè, solidè, & ingeniosè Magno *Gassendo* distantur, ut posthac prorsus desierint Athei, si sapiant, astrologiam in Atheismi patrociniū accersire; sed potius aniculis nugas tam aniles relinquere. An addam, si tam præclara opificia fortuitâ particularum agitatione constari demum potuissent, mirum videri Chymicorum filios, qui tam variis & penè infinitis modis materiæ particulas exagitant, commiscent, volvunt, revolvunt, nunquam adhuc hominem, equum, aut quemvis alium animantem creavisse, præsertim cum quidam eorum hæc in re tandiu desudarunt? Gloriatur quidem jactabunda *Paracelsi* familia hominem extra uterum foemininum ex semine risè & artificiosè foto efformare se posse; at quàm vanè, ipsi experiendo didicerunt.

*Phys. scilicet.
lib. 6.*

Arguere porrò liceret ab innumerabilibus periculis, quibus continuò objicerentur isti terræ filii, interrogare possem quī

L

fieret,

fieret, ut frigore nocturno, roris delapsu, pluviarum frigiditate non labefacteretur materia vesiculis, quas fingunt, inclusa; cum satis liquet seminalem hominis materiam frigore affectam esse generationi minimè idoneam? Qui sit, ut calor tam insignem inæqualitatem, quæ inter mediam diem, noctemq; intervenit, tam impunè paterentur, cum calor in utero gestis æquabilis esse debeat. At in aquis (inquier) enascuntur prægrandia animalia, & insecta non obstante caloris inæqualitate, pluviusq; copiosis satis commodè ubique procreantur. Quod equidem perinde est, ac si vitem Cytream, aut plantam sensitivam intra aquas, aut prope à Polo Boreali commodè succrescere & nutriri pertenderem, quia ibi locorum alia plantæ germinare solent: Quod enim semina Piscium & Insectorum frigore aut humore non lædantur, à peculiari illorum consistentiâ oritur, at verò compertum est materiam, è quâ corpus humanum demum efformari possit, ejusmodi esse consistentiæ, ut frigus ferre nequeat. Itaque si jam a frigore aut pluvâ labefactarentur, & infœcunda fierent, cur non & idem olim ab iis paterentur, cum necesse sit ut ex consimili materiâ consimili modo dispositâ & fermentatâ oriuntur animalia? Adde quod materia feminea frigore aflata ideo infœcunda evadat, quod inde fermentatio partibus conformandis necessaria impediatur, atque igitur non aliter olim quam hodiè frigore & pluviis labefacteretur. Quod pariter de æquabili caloris gradu dicendum est, naturali enim necessitate postulatur, quoniam, si modo vehementior sit, fermentationem nimiam, motumque magis quam par est turbidum cieret, si modò imbecillior, fermentationem justò languidiorem efficeret, atque ideo materia modò solis meridiani radiis modò mediæ noctis frigori exposita, eam fermentationem adipisci non posset, quâ demum in hominem conformaretur. Sed quorsum plura, quippe si hujusmodi omnia prosequeretur, in immensum excurrendum esset; satis superque sunt, quæ peregrinè disseruit *Lactanius*.

Videamus

Videamus (inquit) tamen, an id ipsum quod dictant, fieri Lib. 2. c. 12.
 poterit, ut homines nascerentur è terrâ? si consideret aliquis
 quandiu, & quibus modis educetur infans, intelliget profectò
 non potuisse terrigenas illos pueros sine alio educatore nutriri.
 Fuit enim necesse quampluribus mensibus jacere projectos, do-
 nec confirmatis nervis movere se, locumque mutare possent;
 quod vix intra unius anni spatium fieri potest. Fam vide,
 utrumve infans eodem modo, & eadem loco, quo est effusus, ja-
 cere per multos menses valuerit. An non humore illo terra,
 quod alimenti gratiâ ministrabat, & sui corporis purgamentis
 in unum mistis obrutus, corruptusque moreretur? Et quæ de-
 inceps aliquantò uberius perorat.

Carterum Ego istiusmodi plura afferre superfedeo, non
 solum ne justò prolixior sim, sed etiam quòd non omnino ta-
 libus ratiociniis opus esse videatur, quippe tam præclara &
 admirabilis est corporis humani structura, ut nullo quocunque
 casu, sed solâ Providentiâ fieri potuisse ipsa clamet. Quorsum
 igitur fufius istiusmodi commenta aliunde labefactatum irem,
 cum res ipsa tam perspicua sit, & in quo nulla dubitatio esse
 potest, ejusmodi omnium elenchus. Nam etiamsi fingamus
 massam aliquam carneam temere & casu intra terram fieri
 potuisse, an idcirco tam mirabilis corporis humani machina
 extrui potuisset? Quippe si quis illam seriò respiciens per-
 pendat quàm affabrè efformetur, quàm innumerabilis sit in
 eâ partium multitudo, & varietas, quantus organorum appa-
 ratus, quàm congrua singulorum dispositura, magnitudo, fi-
 gura, proportio, situs, quàm concinna & utilis adinvicem con-
 nexio, quàm commodè singula ad suas functiones destinen-
 tur, quanta quàmque provida functionum varietas, quàm
 præclare partibus omnibus absolvatur, quàm denique stu-
 penda sint in eâ omnia; nihil enim est, quod in stuporem ra-
 piat, quin id corpus humanum prodar, sive sit elegantia, sive
 utilitas, sive varietas, sive symmetria, sive subtilitas, sive
 quidvis aliud; nihil est, quod Artificis soletiam, industriam,

artem, sapientiâ laudat; vix quicquâ, quod à fortunâ & temeritate abhorret, quin corpore humano reperiatur: Quid enim in corpore imprudenter constitutum? quid non concinnè? quid non affabrè? quid non optimè? si inquam quis ad ista omnia attendens in fortunam tamè qualemcunque refundere sustineat, dignus profecto est, qui Atheismi vesaniæ damnetur; si enim vel unam rationis micam habuisset, non potuit quin à tali suspitione vehemèter abhorreret. Ecquis enim adeò vecors aut mēte captus, ut si fortè in hominis effigiem incidat; temere, nullâ arte, nullo consilio depictam esse arbitretur? Quis non statim pictoris penecillo delineatam fuisse inferret, tametsi nulla alia præter ipsius rei elegantiam ejus vestigia deprehendat? Quis *Zenxis* tabellas fortunæ manibus elaboratas fuisse diceret? Quorsû verò Artificû solertiam demiramur, si bruta sit Natura, sui que consilii nescia? Quorsum ex picturæ elegantia pictoris ingenium & industria laudatur, si naturæ opera causâ ingenii experte extruantur? Si verò ex corporis humani imagine Pictoris ingenium celebretur, quantò potius ex ipso corpore immensam Numinis sapientiam obstupescere oportet; ista enim tantum ab hominis elegantia abest, ut non tam hominis, quàm cuticulæ humanæ umbra sit; hoc autem stupenda prorsus organorum varietate exornatur, quam *Zenxis* ars imitari non ausa est. Quot in eo machinæ, quàm præclara cujusque officia, quam opportuna magnitudo, figura, situs, connexio, numerus, quàm congruè singula apparantur, quàm concinuè omnia invicem cohærent, ut tametsi in exiguâ mole innumera unâ claudantur organa, tamen tantum abest esse alterum alterius impedimento, ut mutua conferant auxilia, & quodque vicino adjutetur? Brevi tam concinnè, tam solerter, tam appositè, providè, exquisitè comparata, aptata, exornata, ad invicem commissa sunt singula totius structuræ organa, tamque præclara & admirabilis ex omnibus consurgit symmetria, ut ferè impossibile videatur quicquam nisi in pejus immutari possè. Quæ omnia nisi Providentiam satis teste-

testentur, dicant velim quid fingi possit, quod eam luculentius prodatur; & vicissim nisi Fortunam planè respuant, quidpiam proferant quod eam tantoperè deprecetur.

Hæc ut plenius evincantur, utinam aliquis cui plus, quam mihi, otii, ætatis, ingenii, Peritiæ anatomicæ suppetit, totius corporis ambitum, & singulas ipsius regiones percurrans quicquid in iis artificii & solertiæ exhibeatur, explicaret. Quod opus quam illustre foret, Philosopho pio & Christiano quàm dignum! Cujus quidem specimen exhibuisse *Galenum libris 17 de usu Partium* pernotum est; quod opus quam præclarum esse fateor, non tamen adeo divinum, ut *indivisiibile* conscriptum videatur; sed potius tale semper visum est, ut insigniter aut emendari aut exaugeri potuisset. Quod dico non ut *Galeni* laudem elevarem, peregre enim hanc Spartam adornavisse agnosco, tamen post totidem nova in Anatomia à *Galeni* ætate reperta certe vir quivis fælicioris ingenii *Galeni* præeuntis ingenio subvectus plus quam ille quamvis alioqui oculatissimus facile pervidere possit. Si quis igitur quicquid solertiæ in quâvis corporis parte reperitur, exponeret, facile providentiæ rationes in immensum accumularer, quod illicò perspiciet, quisquis advertat quot sint in corpore membra, & quot in singulis membris Providentiæ argumenta. Exemplo manus esse potuit, in cujus constructione, temperamento, duritie, mollitie, conformatione, positione, magnitudine, connexione peculiare & apertos usus investigavit. *Galenus lib. 1. de usu partium, ut cap. 5.* differit quot usibus inserviant digitales fistulæ, *cap. 7.* quot inserviant ungues, quorum tantam duxit esse utilitatem, ut *Platonem & Aristotelem* acriter reprehendat, quod tam negligenter de unguium utilitate meminerint, *cap. 8.* & porro, *cap. 11.* magnam in illorum temperamento; figurâ, & perpetuo augmento, etiam postquam jam totum corpus augeri desierit, utilitatem exposuit, tum deinde *capitibus 12, & 14.* de multiplici utilitate officulorum in digitis, eorumque trium

trium articulationum agit, cur tot articuli, cur tanti, cur hæc figurâ & modo articulentur? *cap. 13.* de carneâ digitorum parte: *cap. 15.* ad mirabilem ossium in digitis articulationem revertit, quæ adeo solers, subtilis, commoda, artificiosa, & omnimodè demiranda videbatur, ut planè pro miraculo habeat; deinceps *cap. 17.* latè & præclare de tendonum in manu mirâ arte & utilitate agit, ita ut in cuiusque mole, positione, divisione, applicatione, insertione, origine solertiam prorsus stupendam eruat; & *cap. 18.* de illius musculorum usu: *cap. 19.* utilitatem motûs lateralis digitorum explicat, idque quoniam istius motûs utilitas quovis alio minor & obscurior videtur, *cap. 20.* de motu pollicis *cap. 22.* de magni digiti usu; *cap. 23.* de numero digitorum, & denique *cap. 24.* de commodis ab inæqualitate digitorum exortis differit. His innumera huiusmodi alia de eâdem re adjicit *lib. 2.* Si verò tanta in corporis veluti appendiculis solertia tam perspicuè exhibeatur, quantam in reliquis illius partibus intueri liceret. Caterum ne aut singula memorem, aut rem penitus præteream, pauca solum de multis perstringam, nempe ea duntaxat, quæ præ aliis quomodo casu fieri potuissent, expediendo esse se existimant; quòd scilicet si evicerim fuisse ista nullo casu sed solâ Providentiâ effecta, eodem negotio casum & fortunam ab iis abrogaverimus, de quorum fortuito exortu speciales nullas hypotheses comminisci ausi sunt; quippe si casu ista effici nequeant, quæ visa sunt eo modo facilius effici potuisse, certè nedum illa, quæ ut casu elaborentur magis arduum & enorme esse in confesso est. Ea autem, quæ in corporis humani structurâ verosimilius quàm cætera explicare videntur, aut cavitates sunt, quæ quoquo modo per corpus excavantur, aut ductus & canales, per quos liquor quispiam fluat. Cuiusmodi sunt ventriculus, & intestina; venæ, & arteriæ, nares, & arteria Trachæa; cerebrum, & nervi. De iis igitur brevi dicendum est.

De hist.
anim. l. I. c. I.

De priscis aliquot Philosophis refert *Aristoteles. Ut mun-*
dum,

dum, inquam, casu temeritateq; generant, ita quoque de ortu plantarum & animalium sermonem instituunt. Ventrem nempe, alvum, omneq; cibi & excrementi conceptaculum, dum per corpus humor perlaberetur & rueret, effectum fuisse: & naves ex rupto patuisse, cum spiritus sive flatus transmearet. Quanquam autem aquæductus omnes à fonte aliquo emicent, tamen non sollicitè disquiram, unde scaturire potuissent aquæ, quæ per canales œsophagi, ventriculi, intestinorum, laberentur: sed fingam humorem aliquem corpus perfluxisse, qui canalem sibi efformare potuerit, & in sinus subinde flêctere, atque aquæductus, quales aquarum lapsu effici solent, excavare. An vero potuerit statim, tam concinne œsophagi tubum terere, & tam extrorsum, quàm introrsum expolire, ac multiplicem tunicarum texturam consistare? Potueritne vario fibrarum genere intertexere? Quippe etiamsi fingatur (solum enim fingi potest, fieri non potest) aquæ præterfluxum fibras elaborare potuisse, tamen, quomodo diversimodas & varii sitûs efficeret, fingi nequit: quippe an non dum rectas radiaret, obliquas & transversas oblîeraret, & vice versâ? Quin verò qui pote ut recto per œsophagum decursu radios obliquos omnino delinearet? Quæ pariter de ventriculi & intestinorum fibrillis dicenda sunt. Potuitne Stomachi ambitum ad cibos excipiendos, & ut nutritioni apti fiant, elaborandos, adeo provide comparatum tam scitè excavare? cur non potius simplici eodemque tenore deorsum flueret? quinam obstitere obices, ut ibi sese in ambitum diffundere cogeretur? Aut si quid obstitit, quorsum per œsophagum rursus non reflueret? si vero intestina etiam aperiret, cur non in fundo ventriculi, parteve œsophago directè subjeçtâ, ubi aqua in stomachum rapidius irrumpere fingitur, siquidem ex eo exitum vi non sæpe cadendo excavari fingendum est? Quo insuper casu cum per partem sinistram ingrediatur, exitum ad dextram aperiret, idque in elatissimâ stomachi regione? Quin & potuitne ventriculum

triculum tam concinnâ fibrarum varietate delineare, alias in orbem, alias in rectum, alias in obliquum ducere? Potuitne utrique ejus orificio adeo exquisitè sphincterem tantoperè debitæ ciborum excoctioni utilem circumjecisse? An & potuit succus acidus, cujus vi alimenta exolvuntur, solo casu præsto esse? Potuitne quoque animalibus organa non habentibus, quæ cibum comminuere & manducare possent, ita providè illorum defectum duplici stomacho compensavisse, nempe quorum alter masticationis opus alio ritu peragat, cibumque alteri præparet? An cœca fortuna esse potuit, quæ adeo providè & sapienter operaretur, & semper pro rei necessitate diversa consilia iniret? Insuper quanquam aquæ defluxus canalem excavare potuit sinibus aliquot intortam, an idcirco intestina tot convolutionibus & gyris invicem complicata efformare? Quomodo toties supra se diversâ tamen canali redire potuit, nisi prius fistulæ, per quas remearet, comparatæ fuerant? Quorsum etiam per quàm plurimos gyros delata, illico vestigia verteret, & sursum denuò ad usque ventriculū perreptaret? Possentne quoque sphincterem adeo opportunè ano circumfundere, aut motum peristalticum fecibus deorsum per tot in sese redeuntés anfractus, quibus excrementa alioquin hærent, proliciendis ciere? Sed & quomobrem, si aquarum è stomacho effluxus intestina excavavit, aqua è stomacho effluens per illa non exeat? Proinde quomodo aquæ præterlapsus valvulam colo juxta ileum adeo providè adnatam efformare potuit, cum illius apertura in eandem viam pateat, quâ tenderet aquarum defluentium impetus, ut aqua potius pendulam tunicam intestini, cui adhæret, lateri affigeret? Vix profecto quidquam effici potuit, quod evidentiori sit hujus commenti elencho, ut pene eo consilio effecta videatur, quò id redargueret; nullo enim commento unquam efficient, qui liquoris cujusvis præterfluxu efformari potuit. An denique fortuitò & solo præterlapsu tam numerosos laterarum meatulos in intestinis efformare potuit, eosque eâ magni-

magnitudine, juxta & figurâ, ut solas particulas tenuiores, crassis foecibus relictis, admittant? An & potuit numerosas valvulas providè comparatas, ne liquores suscepti ad intestina resuant, passim dictis vasculis appendere? Potuitne sponte nullâque providentiâ conducta sursum recto & simplici meatu emergere, longoq; ductu adusque Thoracem perreptare, ut in venas subclavias sese exoneret? Mehercule ista omnia si casus posset, nihil est quod non posset. Verum enimvero, quanto satius esset omnia ad causam referre, quæ ad singulorum munia respexerit; intelligens nempe animalia statim atque nascuntur, nisi nutritione continuâ subinde sustententur, & exaugeantur, interitura esse, os idcirco aperuerit, ut cibum excipiant; gemino dentium ordine instruxerit, ut exceptum comminuant; quibus autem ista organa non paraverat, iis illorum absentiam duplici stomacho compensarit, ut alimentum in altero quadantenus exolutum, alteri demandetur: oesophagi ductum omni fibrarum genere intextuerit; rectis, quo melius ad cibum excipiendum dilatetur; transversis, per quarum constrictionem in ventriculi ambitum protrudatur: Ventriculi cavitatem (* *sine quâ alimenta sunt inutilia, in nullamque rem animali commoda*) in figuram fere omnium capacissimam elaborarit, ut commodius cibum capiat, & retineat; atque ita omni modo instruxerit, ut publicæ coctionis culina & promptuarium foret, cibumq; ingestum eo usque excoqueret, dum nutritioni aptus ac habilis fieret; & propterea illius orificium inferius non directè superiori subjecerit, sed cum alterum parti sinistræ connectatur, ut alterum non modo in dextro latere sed & elatiori illius parte situm esse providerit, ne, si in fundo situm fuisset, cibi incumbentis pondere sese aperire stimularetur, incoctumque elabi permetteret: Utrumque insuper fibris orbicularibus donaverit, ut sese exactè & occludere & reserare valeant, ut stomachus utrinque clausus, commodius suo munere defungatur; quippe si apertus foret sursum, calor &

* Galen. de uf.
part. l. 4. c. 1.

spiritus elevati dissiparentur; si deorsum, alimenta, priusquam ritè excoquerentur, intestina subirent; Inferiùs tamen orificium laxius constringi provisum est, ut chylo leviter pressum, eum effluere permittat: stomachum porro tribus, iisque validis membranis conflaverit, ut robustus ad perferendas difficultates & onera foret, quod exigeret officii ratio, ut quandoque duris, gravibus, & asperis prematur, & magnoperè distendatur: Omni fibrarum genere contexuerit, quibus, prout opus fuerit, variè à regione supernâ aut infernâ constringatur, & dilatetur; ut commodius alimentum excipiat, exceptum retineat & concoquat, concoctum protrudat, ciboque defunctus & exinanitus se contrahat: fibras per omnes intestinorum convolutiones ad usque anum exporrexerit, ut quarum indefinente motu intestinorum vermiculatio ab usque pyloro ad usque rectum continuata fœcibus deorsum urgendis peragatur, quæ quidem isti muneri adeo appositè aptari videntur, ut nihil exquisitius aut excoGITARI aut apparari posset: Prospexerit, ut in ventriculi fundo scateret liquor acidus, cujus vis exolutrix potissimum concoctionis opus conficeret: eumque pluribus circumquaque veluti focolis scitè admodum circumdederit, supra corde, solo diaphragmate interjecto; subtus pancreate & intestinis; antèrius omento; ut & dextrosum hepate; sinistrosum liene; posterius Aortâ venâque cavâ; quorum calore egregiè in concoctionis negotio adjutatur (istis enim male affectis malè concoctione defungitur:) Intestina numerosis convolutionibus hinc inde antrorsum, retrorsum, sursum, deorsum, quoquoersum circumduxerit, tum ut prolixo transitu succi nutritii à fœcibus fecernantur, tum ut ne continuâ fœcum expulsi-
one interpellemur; quæ porro anfractus hosce majores variis ubique plicellis tornaverit, ut chylum præterfluentem, quo commodius venulas circumcirca confitas subeat, remorentur: quæ etiam valvulam intestinis appenderit, quæ fœces & flatus cohibeat, ne sursum remeare valeant, quæ quantilla videatur,

deatur, tanta sanè illius existit commoditas, ut eâ læsâ neque pauci neq; parû molesti sunt, qui sequerentur morbi: meatû ab hepate ad intestina deduxerit, qui in iis bilem transfunderet, non modo ut ipsâ extra amandetur, sed & ut ad fœcum expulsiorem intestina stimulet, & urgeat: sphincterem ano circumjecerit, ne recrementa sponte, inopinatò, & continuò effluent: Intestinis omnibus mirâ arte mesenterium intertexuerit, ut illa ad invicem colligaret, tutiusque ductus sanguiferos ad illa deduceret: omentum elaborarit, ut omnia alioquin debilis caloris contegat, blandèque foveat, quod idcirco (ut subnotat *Galen.*) Corpus densum simul & leve & calidum: densum quidem ut intus includat innatam caliditatem: leve autem ut sine dolore & compressione calefaciat: calidum quia tale oportuit esse, quod gratiâ calefaciendi factum fuerat, & proptereâ densè vasis, sanguiferis consitum videtur, & copioso sanguine perfusum: In intestinis circumquaque tam innumerabilia venularum ostiola efformarit, quibus quicquid nutrimenti in chylo sit absorbetur inde ad commune stagnum & promptuarium deferendum, ex quo sursum ductus scitè flexerit, eo usque perducens, ut chylum in subclavios effunderent, & fortè in hepar aliasque corporis regiones: quin & valvulas ubique in iis condiderit, præsertim in ductu à communi receptaculo ad subclavias ascendente, quò certius chyli delapsus inhiherent. Quis non viderit causam, quæ perspexerat, quòd postquam per os excipitur cibus, stomacho apparetur, in intestina protrudatur, frustra esse nisi diverticula alicubi pararentur, in quæ particule nutritiæ illaberenter; tot porulos subtilissimo artificio intestinorum lateribus inseruisse, qui tenuiores ad se particulas alioqui unâ cum fœcibus deturbandas raperent. Ipsa denique vasa succum nutritium convehientia, sive nervi sint, sive ductus sanguiferi (utrosque enim corpori alimentum suppeditare plusquam opinari persuasit eruditissima viri Illustrissimi eâ de re dissertatio) potuerene adeo inviolabili con-

*De usu part.
l. 4. c. 9.*

*D. Dr. Willis
de cerebr. anat.
c. 20.*

stantiâ in varios diffindi ramos, & deinceps in innumerabiles spargi ramusculos, ut singulis partibus alimentum impendant, nisi Authoris sapientissimi operâ & consilio: an non stuporem creat, ut in partium innumerabili multitudine, quarum multæ perexiguæ sint, ad singulas nutrimentum deferatur, idque non modo per subtilissimos canales, sed etiam à distinctis fontibus, ita ut quanquam vasa sanguifera furculos suos in aliquam partem ritè disseminarent, nisi etiam capillares nervorum ramusculi eandem succo nervoso irrigarent, neque nutrirî neque accrescere posset; & versâ visce, nisi arteriæ furculos in partes singulas, ad quas pertingant extremæ nervorum propagines, spargerent. Tantam in tam stupendâ subtilitate varietatem, constantiam, utilitatem, quis nisi mente exutus ad temeritatem referret? Deum immortalem, quod quis tantâ petulantîâ usquam extiterit, qui tot phœnomena adeo scitè, providè, subtiliter instituta solo fortuito liquoris alicujus præterlapsu effecta fuisse seriò dixerit, potiusquam à causâ aliquâ, quæ ad illorum usum, & necessitatem respexerit! Quippe etiamsi præterierim quæ de dictarum partium venis, arteriis, nervis, musculis, glandulis, aliisque urgeri possent, tamen hinc totidem prostant Providentiæ specimina, inde nihil quod casum sapiat, innumera autem quæ casu & temeritate extrui respuunt, ut nihil sit necesse rem exaggerare, plus satis est vel quidem simpliciter narrare.

Sic deinceps egregiè se arteriarum & venarum exortum deduxisse arbitrantur, cum ad liquorem externo calore dilatatum, & fufum retulerint; in cujus colliquamenti centro punctum saliens (quod corculi rudimentum est) emicaret, ex quo (cum rarefactum quodque amplius spatium quàm antea exposculet) radii sanguinei erumpentes arteriarum canales sibi fabricarent; sanguis autem ad ambientem cuticulam sibi que imperviam pertingens, neque ulterius pergere valet, neque per easdem vias ob continuam à tergo propulsionem
redire

redire potest, atque idcirco novas sibi efformat, per quas in eundem locum, unde egressus est, rediret.

Fingamus igitur potuisse humores, ubi fluere incipiunt, vasculum quodpiam efformare; an idcirco exquisitam adeo cordis fabricam efformare potuissent? Potuerene duplicem in eò sinum in animantibus, quæ respiratione indigent, extruere, unicum vero in iis, quæ non respirant? An non potius causa aliqua dextrum adjunxerit, ut inde sanguis in pulmones respirationis causâ deveheretur; quibus autem nihil necesse erat sanguinem è corde in pulmones deferri, iis dextrum ventriculum, cum otiosus foret, nullique usui inserviret, non addiderit? Nihil equidem apertius Providentiam clamat, quàm operandi varietas, prout rei exigentia postulaverit. Quo præterea casu membranam [pericardium] cordi circumduxisse potuissent, ut in eâ aqua conclusa cordis fervori alioqui fortè immoderato moderando inserviret? Nunquid insuper potuere per cordis substantiam tam exquisitè varias fibrarum series moliri, singulasque ordinatim intexere? An non potius causa aliqua illas ibi disposuerit, ut principium foret perennis sanguinæ circulationis, ut nempe sanguine influo exagitata & distensa cordis latera diducerent, ut horum compressione sanguis in Aortam explodatur, qui sibi proximum in remotiores arterias propellat, dum sensim ex arteriis in venas propulsum fuerit, donec per eas ad usque cor demum repellatur, quo circuitu Animalis vita conservatur? Rursus potuitne præterfluens humor auriculas seu cucullos appositè adeo ad cordis basin collocavisse; aut adeo mirabili varietate valvulas ad cordis orificia apposuisse? Ad quemnam casum referent, ut quæ valvulæ dextro ventriculo, ubi sanguis cor ingreditur, efformantur, intus patecant; ut quæ ad venam arteriosam, per quam ex corde sanguis in pulmones deferitur, prioribus contrariæ foras respiciant; ut mutata vice quæ sinûs sinistri orificio adnatæ; ubi sanguis per arteriam venosam in dictum sinum deportatur, rursùm

rursum intus aperiantur; ut denique quæ sanguinis è corde in Aortam explosi reditum impediunt, contrariæ rursus pendean, nempe foràs patulæ? Quam stupidæ proterviæ est sapientissimum Artificem non agnoscere, qui illas tam opportunâ varietate disposuerit; ut quæ intus respiciunt, tum sanguinis in alterutro ventriculo rarefcentis regressum excipiant, tum ulteriorem sanguinis influxum inhibeant, ne cor nimis copioso affluxu obruatur, & propterea non aperiantur, priusquam sanguis antea cordi illapsus exprimatur, ut eodem pene momento, quo illæ occluduntur, contrariæ, quæ foràs ipestant, sese sanguinis egressui aperiant, mox rursus clausæ, ut emissi refluxum impedian, quibus clausis, ut mox alteræ intus hiantes alternatim pandantur, ut proximus sanguinis fluctus corde excoquendus infundatur: atque ita mirabili alternatione omnia cordis orificia custodiunt; adeo ut absque illis, & alternatim variato illorum situ foret, neque sanguis ritè corde excoqui posset, neque circulatio omnino peragi: sed quodque animal statim atque nascatur, suffocaretur.

Deinde cum dicunt vasa sanguifera liquoris præterfluxu efformata fuisse: quid dicent de vasis pulmonaribus, quæ priusquam quidquam per ea transeat, extruantur: sed detur humores potuisse sibi canaliculos præterfluxu excavare; verùm an ideo potuerint fistulam sibi circumducere, eamque tam exterius quàm interius lævigare? Cur venis tunicam simplicem, eamque tenuem & mollem; arteriis propiùs à corde sitis duplicem, multò que crassiorem & solidiorem elaboraret? an non potius ab aliquâ causâ id provisum fuit; quæ sanguinis motum in arteriis longè vehementiorem fore noverat, quàm in venis, atque idcirco eas duplici tunica, earumque alterâ valdè crassâ & validâ donaverit; ut ne sanguinis ex corde effusi, immensumq; rarefcentis vehementiâ summopere tensa & agitata facile dirumpi aut laxari posset; quemadmodum tunicas venarum tenues mediocri impetu dirumpi experimur, ut & ipsam laxari Aortam, si solito validior sit cordis palpitantis

tantis motus; & propterea nisi providè admodum Aortæ valida daretur tunica, facili & ferè inevitabili ruptionis periculo obnoxia fuisset. Quod vero inquit liquorẽ corde fermentatum in fluxu materiam crassiorem ad latera propellere, è quâ demum arteriæ, & venæ constitutæ sunt: quoniam autem prope cor fermentatio validior est, idcirco plus materiæ ibi accumulatur, & densiorem tunicam efformat, sensim autem languescens minorem crassiæ materiæ portionem ad latera propellit, unde validiores evadere arteriarum tunicas, utpote cordis foco propiores, tenuiores venarum, utpote remotiores. Præterquam autem quòd ne ista temere evenire possent, quòdque vasa pulmonaria isto pacto non fabrefiant, siquidem facta sunt antequam quidpiam humoris per illa fluat, præter hæc inquam exinde aperte redargui videtur commentum istud, quòd isto quidem casu venæ quòd arteriis propriores, eo crassiores forent; quo remotiores eò magis attenuatæ, atque ita vena cava omnium tenerrima evaderet, cum longissimè ab arteriis & fonte fermentationis amoveatur, cujus-tamen contrarium contigisse notum est, quod & monuit vir doctus *Anthom. Everard, libello de Hom. brutique exortu*. Præterea quid quod venæ mediocri temporis intervallo efformentur antequam arteriæ? Ut testes sunt *Ætsonæ* non modo jam laudatus Author, sed etiam qui instar omnium *Illustriss. Harvæus de Gener. Animal. Exerc. 18.* ut & *Lamberti. Velisussius tractatu de Generatione cap. 9. Regius Philos. Natur. l. 4. c. 14.* An insuper nihil Providentiæ est, quòd cum venæ arteriis semper incubare soleant, tamen cavæ truncus descendens quandiu à vertebrarum duritie & corporis crebrâ flexione periculo obnoxius sit, infra arteriam se subducatur, seque ejus incubitu ab injuriis tueatur; quòd eo periculo cessanter, protenus emergat, & ut solet, arteriæ incumbat? Nihilne est quod vasorum divaricationibus glandulæ apponantur, neque tamen omnibus, sed iis, quæ aliàs ruptioni perquam obnoxie forent? Potuerene valvulæ passim intra venas

venas confitæ tam affabrè, tam commodè solo præterfluente humore fieri? Age quomodo à venarum tunicis membrulas abradere potuisset? si quidem illarum orificia contra sanguinis fluxum paterent, fingi potuit à venarum tunicis sanguinis impetu avulsas fuisse; verùm ita sitæ sunt, ut cum sanguinis fluxu conspirent, & eò semper, quò tendit sanguis, patulæ respiciant; ut si sursum fluat, sursum & illæ patescunt, si deorsum, in eandem viam istæ quoque respiciunt. An non exinde potius fiat argumentum à provido corporis Conditore factas fuisse, ut sanguinis refluxum intercipient, & propterea non per lineam rectam se invicem eidem lateri appensas excipere, sed si superior situm finistrum habeat, proxima inferior ad dextrum disponitur, ut si quid altera elabi siverat, alterâ sisteretur? Quid etiam an fortuitò poterit humor fusus in singulas totius systematis regiones adeo mirabili ordine se dirimere, & cuique opportuna ac debita impensa dispensare, adeoque sibi vias in ipsis ossibus excavare? Annon potius cum vias per ossa, præsertim Calvariam inveniant, exinde manifestum fuerit variis illa hinc inde foraminulis fuisse perforata eo duntaxat fine, quò sive venulæ, sive arteriolæ, sive denique nervuli per ea insinuantes in varias undique corporis regiones ipsorum indigas propagentur. An & temerè potuissent minimuli quique surculi ad præclarissimos usus distribui? Profectò si quidquam in toto corpore temerarium nulliusque consilii videatur, id quidem de extremis & capillaribus vasorum suculis suspicari licebit; tamen etiam in ipsis usus incomparabiliter eximius cum subtilitate certare videtur; sic quanquam adeo perexiguæ sint vasorum sanguiferorum propagines, quæ cerebrum subeunt, ut omnem fere oculorum aciem illudant, tamen nisi constanter forent passim per cerebrum diffusæ, materiamque spiritibus generandis adferrent, non modo brevi flaccesceret cerebrum, sed facultas spiritus generandi, quorum virtute vivitur, interiret; & quantâcunq; alioqui solertiâ

lertia cæteræ totius structuræ partes elaborarentur, si istæ tantillæ propagines deessent, quàm citò sequi totius interitum necesse esset. Quid quod adhuc mirabilius videatur, ut dictæ propagines per totum *σπλάγχνον* in varios ubique plexus stupendæ quidem tum subtilitatis tum utilitatis complicentur, ut nempe puriores sanguinis portiones per meandros istos oberrantes diuturniori morâ & angustiore transitu adeo usque concoquantur, atque ad tantam subtilitatem & puritatem elaborentur, ut demum spiritus purissimi, qui soli animali vitam & vigorem spirant, evadant.

An denique potuit latex præterfluens organa sanguini repurgando dicata adeo appositè instituere? Nullo consilio vasa emulgentia secedunt? casunè tam opportunè Renes extruuntur? carunculas intus habent? casune in eas furculi emulgentium capillares desinunt? casum ejusmodi poris perforantur, ut inutile serum effluat, sanguis non effluat? Quorsum urina per renes percolata per liberum & apertum spatium non decadat, nisi causa intelligens eo sine ureterem fistulas comparaverat, ut serum in vesicam deferrent? Potuitne urina guttatim destillans vesicam pendulam tantæ capacitatis conficere? & cur membranosa, cur fibris tam vario ritu extractis contextam, cur sphinctere ad exitum constrictam? Quid deinceps nihilne est vesicæ fundum urachi beneficio suspensum detineri, ne in cervicem decadat? Rursum an hepatis viscus casu concrevit? si ita, an & casu ejusmodi consistentiam adeptum est, ut solas bilis foeculentias percolare permittat? an inde ductus bilarius temerè ad duodenum derivetur? An non potius cum aliis humores excrementitii sanguinis crassim depravarent, varia organa extruxerit providus Conditor, quibus è puriori sanguine varia excrementa per peculiare ductus exportanda secernerentur? Speciatim ut particulis serosis exueretur sanguis, renes fabricatus fuerit, porulosque in iis effecerit ejusmodi figuræ & magnitudinis, ut non nisi particulas serosas, quas nempe à reliquis secerni summopere

N

interest,

interest, excipere possint: ureterū tubulos sero ad vesicā convehendo efformaverit, iisque adeo amplam & capacem vesicæ cavitatem supposuerit, ut urinam defluentem suscipiat, asserver, quousque expellere vacet: & idcirco ne urina in ureteres regredi queat, illos tortuoso admodum ductu vesicæ inferuerit, eique membranulam transversam obduxerit, vesicæ fundum umbilico alligavit, totius ambitum musculo quodam incluserit, qui vesicam constringendo non parum ad urinæ expulsionem conferat; cervici sphincterem circumduxerit, ne urina aut continuò aut involuntariè effluat. Qui denique in hepatis parenchymate meatus adaptari particulis biliosis analogos providerit, ut dum solæ ejusmodi particulae ingrederentur, à reliquis separari possent; quod tantò mirabilius quoniam humor felleus ejusdem pene sit consistentiæ cum sanguineo, ut stupenda sit artis subtilitas, quæ alterum ab altero seceverit: Quisquamne artificum instrumentum colatorium excogitare valuit, quod alias particulas transmittat, alias tamen ejusdem molis respuat? sed semper obstupescit Artis solertia, quoties Naturæ opera moliri aggreditur. Tam admirabilis quidem sangueductum est concinnitas, ut eos undis temerè per campos fluitantibus comparare, perinde sit ac si aquæductus hortorum regionum ornamenta, supremâque Artificum peritiâ & industriâ constitutos sine Artis auxilio fieri potuisse argueretur, quoniam sic oriuntur fontes, qui passim per prata profiliunt.

*Phys. sect. 3.
memb. post.
lib. 2. c. 3.*

Ad id, quod dixerint nares impetuosa spiritus eruptione disrumpas fuisse adeo plenè & ingeniosè pro more suo differuit *Illustrissimus Gassendus*, ut omnino frustra foret, qui quidquam aut additum aut emendatum iret: propterea mallem ipsum exscribere, quàm quidpiam industriâ in nihilum profuturâ de proprio commentari. Sic igitur ille. Sunt satis fecisse rati cum dixere nares à spiritu prætermeante disrumpas fuisse. Verum potuerit spiritus aliquam partem effringere, an ideo tamen potuit asperam arteriam Formare, illamque prius

prius pervadere ? Et, cum os ipsum satis patuerit ad eruptionem spiritûs, nonne esse potius ea causa debuit, quæ prospexerit, ut quoniam aliquando os clauditur, apertæ paterent in subsidium nares, quibus interim spiritus induceretur, educereturque ? quòd si eæ solâ spiritûs vehementiâ fuere disruptæ ; cur non disruptus fuit sursum nasus, potiusquam cum illâ deflexione in basin ; commodâ aliunde, ut cum inductione spiritus odor in olfactum feratur ? si fecit aliunde spiritus eruptio huiusmodi aperturam ; cur non ita sursum arteriam aperuit, ut epiglottidem abduceret, & non ipsam relinqueret, quæ appositè adeo immissioni cibi, potusque per arteriam obstaret ? Sed & ipsa arteria, nonne cum annellis cartilagineis fuit roborata, idcirco id fuit, ne flaccesceret, & via spiritus, cujus est ad vitam perpetuus itus, atque reditus necessarius, ex meatus collapsu intercluderetur ? & cum hi anelli fuere complanati quâ parte arteria contingit œsophagum ; nonne esse debuit causa, quæ prospiceret ne anellorum asperitate teneritudo œsophagi, ac alimento potissimum prætervadente, læderetur ? cumque arteria bronchiis variis ita distribuatur per pulmonis substantiam ; nonne arguitur debuisse prius spiritum per os, naresq; transire, pulmoni difflando, quàm è pulmone efflatum aut os aperire aut nares diffringere ? & quorsum Diaphragma potius non diffregit, & sub medium potissimùm, quâ membranaceum est, disruptit ? Ipsum vero Diaphragma quamobrem eâ fieri contexturâ potuit, nisi quia cum costæ pulmonem sepientes, neque diffiante illo diduci, neque efflante conduci possent, ut inanitatem intra corpus averterent ; id præstari per ipsum Diaphragma oportuit ; quod per difflationem premens abdomen nullis costis impeditum posset pulmoni cedere ; & per efflationem cum abdomine repetere locum relictum. Hactenus ille.

Fingunt denique fervescente massâ particulas subtiliores sponte sursum exilire, quarum copiâ in capite collectâ stagnum quoddam liquoris ChrySTALLINI exoritur, unde porro innume-

ros canaliculos facile scaturire potuisse, per que totum corpus diffundi fingunt: Quo liquore postmodum in coagulum con-
 crescente oritur medullosa cerebri & nervorum consistentia.

Quod igitur, quoniam placet, fingatur. An verò idcirco in substantiâ adeo molli, & laxâ tam concinnæ spirituum, etiamsi suâ naturâ agiles, effrænati, & vagabundi fuerint, series & ordines exarari potuissent? Quod verò mirabilius, si perpendamus cerebri fluiditatem, cum primò spirituum schematici delineantur: Qui credi potest corpuscula bruta & effrænata in substantiâ diffuente tam ordinatè distinctas sedes & ordines occupare posse, & quasi peculiaria municipia sine confusione tueri, nisi adsit Opifex quidam solertissimus, qui illa quàm mirifico & incomprehensibili Artificio ordinaret? Potuerene singulæ *ἐκπεδάς* partes tam admirandis usibus & muniis defungi? Quid enim subtilius, quid solertius, quid mirabilius quàm ut sola illius substantia corticalis ob peculiarem partium structuram officina sit, in quâ spiritus animales procreantur; ut in cerebro ii solum elaborentur spiritus, qui functionibus spontaneis destinantur: in cerebello vicissim soli fiant spiritus functioni cuique animali & involuntariæ famulantes; ut inde sponte haud conscio animali, perenni & æquabili effluxu in organa functionum vitalium & merè naturalium dispensentur; ut spiritus in cerebri parte corticali procreati, inde statim in partem medullarem tanquam publicum emporium sese sponte effundant, & ibi distinctis loculis asserventur cujusque facultatis usibus pro rei exigentiâ impendendi; ut certo spirituum intra cerebrum motu Phantasiæ, Memoriam, Appetitus functiones & actus peragantur; Quin & (quoniam & hoc arbitrantur Athei) ut cæco corpusculorum motu omnes animæ rationalis superiores facultates exurgent, ut intellectus, vis ratiocinatrix, electrix, ut denique summa ingenia nihil aliud sint quam corpusculorum temerè coeuntium aggeries; ut atomorum stricturæ nullâ arte aut consilio concinnatæ sese ad intelligendum & deliberandum æcingant,

cingant, operationum suarum consciæ existant, & sese pro libitu moveant. Deinceps an non Providentiæ est, quod pia mater in cerebri plicas ordinatim sese insinueret, partim ut innumeris sanguiductibus scatens sanguinem ubique cerebro & cerebello in spiritus animales elaborandum suppeditet, partim ut cerebrum in varias officinas & cellulas dirimat, quò spiritus intra proprios cancellos quique coerceantur, & singulæ diataxæ propria munia quietè obeant, neque ultrò citròque intra aliorum fines evagentur, & alterutrorum munia perturbent, ac confusè sese aliis susque deque immiscendo omnium facultatum exercitia impedian? Quod perexiguæ & insensiles arteriarum propagines in totius ἐκφύλας compagem insinuantur, quòd istis obviam fiant venularum furculi, qui quicquid est sanguinis superflui exugant? Quòd glandulæ omnibus passim vasis, quæ laticem spirituum generationi destinatum suppeditant intertexantur, ut nempe subtilizatis & demum secretis spiritibus superfluos humores exciperent, ut tandem in communes cerebri cloacas convehantur, atque inde extra cerebri confinia amandentur? Sin verò hisce sphongiiis cerebrum penitus caruisset, superfluis hisce serositatibus, quæ facilitè ipsius poros & meatulos spirituum transitui destinatos occuparent, prorsus obrueretur, ut in affectibus scotomiæ, vertiginis, fatuitatis, aliisque constar, qui plerunque præ nimiam serositate eveniunt. Hujusmodi quàm plurima asserre liceret, sed è dictis satis liquet quàm crassa & rûdis sit prædicta hypothesis, si cum cerebri subtilitate & solertiâ conferatur.

Dein fingamus, quod volunt, potuisse è cerebro prorumpere nervorum propagines. An verò potuerit citra Opificis præscriptum tam admirabilis nervorum apparatus in singulas corporis regiones, prout iis ubique opus erit, longè latèque diffundi, ut per ipsos tanquam totidem fistulas spiritus animales quaquaversus in corporis ambitum, vitæ, motûs, & sensûs muniis ritè obeundis deferantur? An non stupendum prorsus

prorsus est ut summè proplexa nervearum propaginum per
 totius corporis compagem distributio semper eadem ferè
 redeat; quippe illarum divaricationes non minori plexuum
 intricaturâ quam Labyrinthi aut Meandri quivis intra se im-
 plicantur; at verò adeo intricatos Labyrinthos constanter
 elaborari, eosdemque semper redire, idque brutæ, cœcu-
 tentis & temerariæ Fortunæ ductu quis non planè stupidus
 animum induxerit? Potuerene nervi, nisi id causa aliqua
 sapiens providerit, adeo opportunè tunicis intra Cranium à
 piâ matre ascitis, extra illius claustra, longius nempe excur-
 suri à durâ matre productis investiri; quibus spiritus intra
 nervorum meatulos coerceantur, ne sese protenus subdu-
 cant, tenuesque evanescant in auras? Potuerene nervorum
 trunci temerè in plura quasi fila distincta ab invicem separari,
 ne spiritus interius ab *ἐκκεφάλῳ* in diversos ramos demissi, &
 à diversis exterius remissi, aut adinvicem in transitu confun-
 dantur, aut mutuo alii alios impediunt; dum autem in varias
 fibrillas divisi existunt nervi, quisque spirituum tractus pe-
 culiarem sibi semitam adipiscitur? An fortunæ esse potuit
 quòd nervorum è cerebro exorientium rami ad singulos mus-
 culos pro cuiusque exigentiâ densiores aut rariore mittan-
 tur? Quippe etiamsi supponatur summè concinna, varia,
 utilis omnium musculorum structura; ut quòd totidem ten-
 diaes ubique carne stipentur, quòd rectà omnes per musculi
 corpus ducantur, quòd propter peculiarem illorum tempe-
 riem ad contractionem accommodentur, quòd cuiusque ca-
 put quàm elegantissimè aut ossi, aut cartilagini aut tendini
 alligetur, quòd quæque pars corporis musculis fruatur, quòd
 tendines in fibras dirimantur, quæ spiritus eò per nervorum
 propagines deductos excipiant, ut ii ibidem commorantes
 vim motricem illis concilient, quòd alii interius jaceant, alii
 exterius, quòd eum situm adipiscantur ut ad omnes locorum
 differentias respicerent, & antè, retrò, dextrorsum, fini-
 strorsum, infernè, supernè movere valeant, alii flectant, alii
 extendant,

extendant, alii adducant, alii abducant, alii attollant, alii depressant, alii circumagant, quòd denique ferè immensus musculorum apparatus solertissimè adaptetur: tamen ista omnia nullius usùs essent, nisi nervorum propagines ab usque cerebro derivatæ ubique singulis musculis intexterentur, ut illorum fibris spiritus & vigorem suppeditarent. An non satis inde liquecat causam, quæ tam elegantem, varium, multiplicem musculorum apparatus extruxerat, providisse ut suum cuique suppetere spirituum pensum, quo valeat munia, quibus eum destinaverat, obire.

Nihilne est quòd nervi, qui involuntariis Animalis actionibus funguntur, originem à cerebello ducant, & inde longè latèque, ut cujusque munus postulabit, ad partes singulas, quibus destinantur, sparsim deriventur: Quòd Nervi optici in oculorum orbitas deferantur, ibique sese dilatent & in fibras varias diffundant, è quibus prodeant variæ tunicæ, in quibus mirificè interfusi existant humores ChrySTALLINUS, AQUEUS, VITREUS, quòd quisque in debitum locum, & muneris, cui destinatur; idoneum reponatur, quod figuram suis usibus aptam singuli adipiscantur, modò lenticularem, modò sphæricam, prout modò hâc, modo istâ opus fuerit, ut præteream quemque peculiarem colorem, temperiem, consistentiam, situm, & istiusmodi reliqua habere, quæ si aliter se haberent, aut malè aut non omnino fieri potuit visio; quòd tunica uvea foramen habeat, idque directè humori chrySTALLINO respondens, quod nisi adesset, idque eò loci, species intus suscipi nequirent, nullaue visio peragi posset; quòd sese pro rei exigentiâ contrahere & dilatare valeat; quod retinæ fundum tum concavum foret, ut radios omnes exciperet, tum pupillâ uveæque foramine amplius, ut radii in pupillâ confusi, amplius spatium nacti sese secernant, & distincti ad retinam perveniant: verùm ne reliqua innumera adjiciam, adeo exquisita est oculorum fabrica, tam subtilis in iis organulorum apparatus, tam decora & apposita omnium contextura,

tura, ut qui illos causâ cœcâ & consilii experte institui dicat, is manifestò prodat stupori & protervix se ipsum devovisse; & pari ratione ab omni Opifice rationem, consilium, industriam abrogatum eat; ita ut provocare subeat, ut quodvis opificium indigitet, tantâ arte & solertiâ elaboratum, quantum prodit & desiderat oculorum structura; nimirum in quâ quicquid mirabile est, id reperire licet, sive subtilitatem, sive utilitatem, sive ornatum, sive varietatem, sive quodcunque aliud, quod Artificis industriam, sapientiam, solertiam prædicare potest: Ut non sine bruto stupore cecinisse videatur
Lucretius

*Illud in his rebus visum vehementer, & ipsum
Effugere errorem, vitareque præmeditator,
Lumina ne facias oculorum clara creata
Prospicere ut possimus.*

Quid ergo, *Lucreti*, ad usum aliquem institutum esse credis, si oculos ad visionem destinatos non fuisse arbitraris? Fierine potuit adeo subtilis & perplexa oculorum fabrica, nisi ab Opifice, qui ad visionis functionem respexerit? Censesne opificium quodq; *Dadaleum* sine Artificis industria elaboratum extitisse? Aut quorsum *Dadali* opera demiraris? Quorsum Opificis solertiam & industriam laudas, si tam admirabilem oculorum fabricam tot organulis adeo concinnè comparatis concinnatam esse animum induxeris? Quid enim in illis eximium & admirabile deprehendis, quod fabrica oculorum non longè exuperat? Cur vero nisi oculi ad visionis munus destinantur, diversam fabricam obtinent, prout exigit visionis opus; Aquatilibus nempe minus est humoris aquei, plus vitrei, terrestribus è contra plus aquei, & minus vitrei; istis humor ChrySTALLINUS ferè exactè rotundus est; his è contra lenticularis, si verò oculi in aere degentium eo modo efformarentur, quo eorum, quæ sub aquis versantur, & vice versa, ineptè aut non omnino visione fungerentur, uti clarè demonstrant

monstrant Optici? Quid autem manifestius consilium prodit, quàm pro rei exigentiâ, varia semper inire consilia?

Nihilne est quòd aliud nervorum par non minori constantiâ quàm utilitate ramos suos in easdem regiones diffundat, alterum perforatâ ipsâ calvariâ ad musculos faciei disseminet, unde furculos in linguam, palatum, os *vestibuli*, (quod mirâ arte Epiglottidi substernitur) labia, gingivas, aliaque organa alimenti manducationi destinata distribuat, quod nisi fieret, inutilis fuerat tot partium apparatus cibi & potûs exceptioni destinatus: Quòd alterum ramulum in auricularum cavernulam emittat, qui ita commodè se explicaret per septum tenue (quod si paulò crassius foret, surditatem nullâ arte medendam afferret) ut nisi continuò in membranulâ istam se insinuaret, obstinata & immedicabilis surdita induceretur? Neque quidem præterire possum nervos recurrentes, qui utrinque Aortæ ramis descendentibus circumligati, quasi de loquelæ privilegio solliciti forent, & partium nervis alioqui fere vacantium quasi miseresceret, respiciant, sursumq; juxta arteriam asperam (cui fibrillas numerosas ad magis commodam transpirationem impertiunt) reflectunt, ramosque laryngi inserunt, ut eam variè diducendo, contrahendo, attollendo, deprimendo, voci modulandæ inserviant. Nihilne est quòd par vagum constanter furculos alios cordi & ejus appendicibus, alios stomacho, alios cesophago, alios pulmonibus, alios aliis partibus distribuerit; quæ si istis caruissent, non modò semper inutiles extiterant, & aliarum impedimento fuerant, sed etiam animal è vestigio interiret; scil. Vir Clariss. canem, strictè circumligato paris vagi trunco, extinxit, sanguine in ipsis cordis ventriculis, quoniam inhibebatur spirituum influxus, coagulato?

Nihilne quod par intercostale ad hepar, mesenterium, renes, & omnia infimi ventris viscera inviolabili constantiâ furculos emittat, & densissimos propaginum plexus ubique per viscera fœces devehentiâ dispergant, verosimillimè ut,

ultra communes aliorum nervorum usus & munia, à nervoso genere serositates superfluas & excrementitias ad intestina deferat foràs amandandas: Quibus ejusmodi innumera ad-jicere liceret; sed in hisce nimius fui, qui autem de iis plura velit, adeat scriptorem multò solertissimum *Doctorem Willis de Cerebri Anatom.* unde pleraque è jam prædictis de-cerpisse gestio.

Cœterum si adeo turpiter in iis deficiant, quæ quomodo citra Providentiam evenire possent explicatum adeo fidenter itum est; immane quantum abest, ut alia innumerabilia in animalium structurâ phœnomena, quæ quomodo sine ratione & consilio fierent nullâ fabulâ comminisci valuerunt, casu facta fuisse fingatur!

Verùm reponunt quanquam res prorsus stupenda videatur Naturæ ordinem tam aptè & opportunè citra prudentem Architectum institutum esse, & tam præclaras machinas, quales sunt animalium corpora, solo casu effectas esse; non tamen usque adeo mirum videri oportere; èo quòd quotidie videamus perinde præclara opificia solâ causarum naturalium, quæ rationis sint expertes, industriâ elaborari; uti videre est in quotidianâ animantium & speciatim hominum procreatio-ne, potissimum autem in animalculis, quorum structura cum ad stuporem usque subtilis sit & exquisita, tamen sponte & casu nasci reputantur. Quo Mehercule responso tantum abest quin argumenti vim eludant, ut inscitè admodum se ipsi perplexius irretire pergant: partim quòd isto pacto in difficultates incidant, è quibus, dum circa primum animalium exortum ageremus, audacter fingendo se emerfisse sunt arbitriati. Quomodo figmentum, quo os, œsophagum, ventri-culum & intestina in primo hominis exortu excavari commen-ti sunt, nempe humoris alicujus præterfluxu, inane esset, si de quotidianâ animalium generatione usurparetur, quod uti-que in embrione ista efformentur, priusquam cuivis liquori transitum præbeant: sic cum Asperam Arteriam, nares, om-niaque

niaque respirationis instrumenta spiritus erumpentis impetu in primo hominis è terrâ ortu effecta fuisse comminiscuntur ; deest commentum ad quod partium istarum in quotidianâ generatione extructionem referant, cum liqueat formatas esse, antequam quidquam spiritus per ea transeat. Quod pariter dici potuit de vasis seminariis, quæ annis aliquot, priusquam quidquam liquoris per ea fluat, apparantur, ut & de pulmonibus ante respirationis usum extructis, & ejusmodi aliis : Partim quatenus nobis ansam porrigunt & quodammodo urgent alia illustrissima Providentiæ vestigia indigetare. Quod enim illustrius sapientiæ Divinæ argumentum, quam naturales causas tam aptè conformatas esse, ut tam eximia tamque subtilia effecta conficere valeant ? Quotusquisque quæso te, qui paululum rem perpenderit, usque adeo rationis inops, quin nihilo minus difficile credat stabilem, solertem & prorsus stupendam causarum naturalium vim ac œconomiam, perinde ac in rerum initio ipsam naturam casus temeritate genitam fuisse ? Quid autem iniquius ut dum percontemur de primâ Naturæ institutione, quomodo nempe cœcâ temeritate in hunc ordinem pervenire posset, quàm ut id expeditum eant à rebus ab hoc ordine per sapientissimum omnium Architectum stabiliter instituto fluitantibus ? Quasi quod fixæ subtiliterque supremâ ratione constitutæ naturales causæ effectus ad quorum productionem destinantur, cum summâ venustate & solertiâ conficiant, idcirco sequeretur non tam immaniter portentosum esse fluxam instabilem, vagam, temerariam fortunam eisdem illisque majores effectus elaboravisse. Quo quid obtusius, quid ineptius ?

Paulisper itaque meditari lubeat an gignendi facultas aliunde quam à solâ Providentiâ accipi potuisset. Atque imprimis si res quæque fortuitò gignantur, unde in earum productione tam rata constantia ? etenim quod fortuitum est, inconstans & varium sit necesse est, potissimum ubi tam imensa casuum complicatio postulatur, quantam efflagitat

De opif. Dei.
cap. 6.

animalis fabricatio. Adde quòd, ut egregiè subnotavit *Lactantius*. Oporteret ejusmodi quotidie monstra generari, in quibus membrorum ordo præposterus, & usus longè diversus existeret. At vero ut rem paulò plenius commonstratam demus, breviter Organorum apparatus & Operationum methodos, quibus animalium generatio peragitur, perpendamus.

Quòd autem compendio litare, quoad fieri potest, instituerim, prætereo vasa seminis præparantia, quæ venas, quæ arterias, (quarum alteræ, nisi utræque adsint, inutiles enascuntur) eorum item exortus & processus, infinitas nimirum venularum & arteriolarum anastomoses, plexum pampiniformem, qui à dictis vasis in varios hinc inde cincinnos crispatis efformatur: Epididymedes, quæ sanguini nonnihil per pampiniformium Labyrinthos plexus tanquam serpentinis canaliculos elaborato seminis rudimentum affundunt; testes demum, eorumque numerum, figuram, substantiam, integumenta, tum communia, tum propria, vasa, musculos, officium, & id genus alia: Vasa itidem deferentia taceo, parastatas, vascula, quæ semen à testibus ad capsulas seu vesiculas seminarias deferunt; atque ipsas vesiculas, in quibus tanquam cellulis semen aptè colligitur & asservatur, quæ opportunè carunculâ obturantur; quo minus perpetua fiat Gonorrhæa. Taceo denique vasa ejaculantia, prostatas, urethram, illius membranas, atque valvulam, & externa organa tum in mare tum in foeminâ, quæ generationis munere funguntur. Omitto (inquam) singulorum naturam, temperiem, connexus, virtutes, usus, actiones, sitûs aptitudines perorare; tametsi in iis plurima capita occurrant, quæ præ se exquisiti cujusdam Opificis solertiam ferunt; ut quòd arteriæ præparantes non quemvis sanguinem sed quàm optimè elaboratum & concoctum absorbeant: quod ad partes genitales propagentur propagines tum à vasis sanguiferis, tum à nervis, nisi enim nervi humorem genitalem à vasis sanguiferis

feris suppeditatum spiritibus imbuerent, iners prorsus, & effœctus torpesceret; ut & spiritus nisi crassiori materiâ commisti forent, statim evanescerent; at verò utrisque opportunè commistis quàm promptè generatio perficitur (quànquam nervi Veneri plus tributi impendant, quàm vulgò æstimeretur, quippe magna nervorum copia in membra genitalia disseminatur, & semen succo per nervos fluenti perquam simile existit:) quòd varii deinde vasorum plexus & meandri fiant, quò perfectius itineris longitudine seminis materia elaboretur, & omni sœculentiâ exuatur: addatur deniq; opportunus testium ac Parastatarum situs atque virtutes, nam utrumlibet seminis officina habeatur, utrumque ad perfectam seminis elaborationem necessarium est, neutrum enim abesse potest, quin infœcundum & sterile generetur semen. Hujusmodi fermè sexcenta alia ab Anatomicis recensentur, sed quoniam modestiæ quodammodo molesta videantur, prætereo. Si quis autem prædicta organa seriò perspexerit, non potest nisi videre ad sua quæque munia sapientissimè destinari.

Unde insuper tam idonea, apposita, varia in mari & fœminâ corporum commiscendorum organa? hoc etiam fortuitò? An temere, & ut fors tulit adeo provide adinvicem tot modis similes extitere, atque itidem totidem discrepantes? Quid enim admirabilius aptatione organorum muliebrium ad virilia? Quodnam vasculum solertissimo ingenio aut excogitati aut fabricari potuit, quod tam accommodatè semen virile deciduum exciperet, exceptumque foveret? Nisi sanè inhiherent pudicitæ leges hujusmodi naturæ arcana familiarius aperire, facillimè demonstrare liceret solertissimam naturæ sinûs structuram, quàmque admirabili Providentiâ ad suos usus ritè obeundos adaptetur; quod pudici animi, si Anatomicos legant, animumque advertant, non possunt nisi agnoscere. Ut quòd uteri orificium (quoniam pauca licet inviolatâ pudicitâ) stupendum in modum pro rei commodo nunc constringatur nunc extendatur; ut quàm op-
portune

portunè semen suscipiat, eoque suscepto, quàm exquisitè ad feminis tutelam sese claudat, stringatque; ut rursus in partu mirificè amplietur, quò egredienti foetui viam aperiât, *quam rem, inquit Galenus, mirari possumus, intelligere non possumus*: Ut deinde ipse uterus ejusmodi constet membran-
nis, adeo ut quamvis exiguam intus cavitatem obtineat, tamen pro foetus numero aut magnitudine in immensam molem facile excrecere possit: Et inde speciali quâdam Providentiâ pelvis ossè sacro & ossibus Ileï efformata, in quâ uterus situm adeptus est, amplior in foeminis reperitur quàm in viris, quò commodior fiat Uteri extensio, foetûsque extrusio: Atque ut, quod mirabilius est, uterus ita à conceptu secundum omnes dimensiones amplietur, ut (contra quàm fieri solet) quo magis extenditur, crassior evadat, ne fortè, si tenuior existeret, disrumpatur, & foetus exitum in matris Abdomen quærat & facile inveniat.

His adde (ut omittam figuram, ligamenta, quin & vasa quibus irrigatur uterus) Foeminas, prout rei necessitas postulat, aliquibus partibus, quibus donantur viri, destitui; & vicissim alias easdem, quas viris concessit natura, sortiri, atque has etiam aut eodem modo quo in viris, aut longè aliter constitutas: v. g. prostatas nullas habent, quoniam non in distans (marium ritu) semen ejaculantur; nullas item Epididymides, parastatasq; variciformes, quoniam non tam elaboratâ concoctione indiget semen muliebri quàm virile, nimirum digestum satis est, si aptum sit materiam suppeditare corpusculo compingendo idoneam; semen autem virile propriâ vi & energiâ corpus extruit atque effigurat, & sanguinem præterea maternum attrahit vegetatque. Dein vasa spermatica, testes, deferentia foeminis adsunt perinde ac viris, at commodè quodammodo aliter constituta; sic viz. præparantia in viro tota ad testes feruntur, in itinere autem diffunduntur in foeminâ, & pars in testes abit, pars opportunè in uterum: testes item foeminei à virilibus discrepant situ, magni-

magnitudine, substantiâ, temperamento, cæterum hujus tam variæ discrepantiæ, tum in his, tum in aliis quàm plurimis, quibus non libet insistere; non desunt rationes, quas in quolibet Anatomico (si vacet) videas.

Hæc demum cum ita se habeant, quod luculentius consilii & Providentiæ testimonium esse potuit, quàm sit, ut foemineæ partes mille modis tam opportunè cum virilibus conveniant, totidemque fermè differant? certò si casum admittamus, quis crederet, ut perpetuò quod melius est, eligat; ut repudiet, quod deterius; ut casus ibi similes eveniant, ubi rei opportunitas similitudinem postulat, at ubi opportunior sit disparitas, ibi solum & semper dispares?

Neque his obstat vulgaris opinio ab *Aristotelis* autoritate suscepta foeminam quodammòdo casu fieri, scil. ex defectu caloris, qui virum perficiat, effingi hominem imperfectiorem & mutilum, & inde partes in foeminis generationi famulantes, easdem esse cum iis, quæ viris suppetunt, nisi quòd mutilatæ sint & inversæ. Hæc inquam, opinio, neque usquequaque vera est, neque quidquam nobis obest: Etenim sanè experienciâ constat foeminas non formari solum ex defectu caloris, cum multæ reperiantur Viragines viris aliquibus calidiores: quod etiam semper fieri in canibus Laconicis testatur ipse *Aristoteles*, ac *Plinius* in Ursis, & Pantheris. Deinde ineptum est partes genitales utriusque sexus situ solum differre, cum totâ structurâ differant, uti liquet, si ad invicem conferre velis; & si quidem partes muliebres à virilibus non differrent, nisi solum quòd invertantur, quid ei structuræ, quâ jam efformantur, dissimilius, aut ad ea munia, quibus inserviunt, ineptius fingi potuit? Finge nempe penem virilem intus verti, an quidquam iis generationis officiis, quibus foeminarum uterus defungitur, inserviret? Porro etiam si plerunque nascantur mulieres propter imbecillioris caloris energiam, nihilo minus tamen sese prodit Condiditoris solertia, in eo quòd tam effabrè & appositè ad suos usus

usus concinnentur ; nam ut unà cum aliis præteream mulierum temperiem ideo frigidiorē esse, ut iis succus copiosior suppetat ad foetus alimentum ; apertissima Providentia est, quæ ad tam egregios fines vi caloris languidiore abusus fuerit, & tam opportunè ex caloris defectu partes muliebres efformari procuraverit ; & quidem ex defectu, si abfuisset Providentia, vix fieri potuit, quin longe aliter evenerat, quàm evenit ; multo enim proclivius alia rerum facies, quam quæ orta est, exoriri potuisset ; ut quod membra viri genitalia dimidiata provenirent, potiusquam inversa, aut aliud aliquid monstrosū & inutile. Insuper indubium est alio pacto foeminam effingi, alio virum, verum hæc diversitas ab institutione sit necesse est, utpote quæ adeo opportuna est ; & si fortuito eveniret, ad idem absurdum quod prius revolvimur, Fortunam scilicet semper sapientissime eligere, & aut constantem esse aut variare, prout ad rerum commoditatem conducatur : imo enimvero etiamsi Natura in foeminei sexus exstruktionē imbecillius operetur, tamen etiam solertiùs ; subtilior enim & elaboratior structura partium muliebrum videtur, quam virilium, ut apprimè ex comparatione liquet, Jure itaque colligendum est Naturam neque impeditam esse, neque aberravisse in foeminæ generatione ; sed incomparabili Providentiâ sexuum distinctionem sancitam esse, quò perenni propagatione animalia ætatis deciduæ in sobole ad æternitatem provehantur.

Ac rursus si nulla sit Providentia, non modò tam auspiciatò cecidit fortunæ jactus in utroque hominis sexu condendo, sed etiam in innumeris aliis animantibus extruendis ; quippe infinita animalium genera progeniuit ; & si in quovis genere partes unius sexus peculiari modo efformentur, iis aptè accommodatas alteri largita est : ut si quibus animantibus masculis non emineat membrum genitale (quod de muscis, bombicinis, papilionibus perhibetur) foeminæ membrum genitale emittitur, marique inseritur, ad semen è mare proliciendum

licendum: cujusmodi alia prætereo; ex dictis sat patescit quod si omnia ad fortunam referantur, in quovis animalium genere ad sexuum differentiam immensum foelicissimorum casuum complexum postulari: & vicissim ex sexuum discrepantiâ in omni animalium genere Providentiâ apertissime elucere, cum nullum luculentius illius specimen esse possit, quam ingenti varietate quàm optime res alias aliis aptare.

Neque par est penitus præterire illud, (ut *Gæleno* nuncupatur) Naturæ *cupidæ*, nempe vehementem & effrænatam Venerei coitus cupiditatem, cujus impetu percussum omne animalium genus in furias ignemque ruunt; nempe ita provisum est seminis copiam ejusmodi vellicationem & pruritum in conceptaculis suis creare, ut quibus animantia tanquam stimulis Cupidinis acta sollicitentur & urgeantur semen deponere, prolique operam dare, quo suam quodque familiam cæteroqui unius tantum ætatis in omnia secula conservet. Cujus quidem cupiditatis impetus & desiderium fame & site longe importunius perhibetur, quanto magis interest totius generis conservatio quàm Individui. Prætereo autem exquisitissimam voluptatem, quæ inter coeundum percipitur, (quam adeo prædulcem æstimavit *Lucretius*, ut foedissimè *hominum Divumque voluptatem* appellet) cujus illecebris animalia ad sobolis procreationem stimulantur: quippe nisi membra in utroque sexu adeo providè ad coitum destinata acutissimi sensûs fuissent, generandi munus neglexisset longe maxima pars animantium, animalia enim rationis expertia solum Veneris stimulis & voluptatis sensu ad coitum invitantur; adeo ut providus Naturæ Parens non minus de voluptate quæ ad Veneris exercitia sollicitet, quàm de instrumentis, quæ illa peragat sollicitus videatur, hæc enim sine illâ plerumq; inutilia fuerant, cum solo illius sensu his uti incitantur animalia. Ita capta lepore (ut de Venere pangit Poeta)

Lib. 14. de usu
part. 2.

Lib. 1.

*Illecebrisque tuis omnis natura Animantium
Te sequitur cupide quocunque inducere pergis.*

Verum hūc diutius insilire pudet, pigetque. Jam autem si modo summam perpendatur, hinc quot casus desiderentur, ut homo quivis potentiā generatricē polleat; quot deinde non modo ut simul fiat foemina; sed ut tam destinate, concinnē, congruē efformetur, ne sua viro facultas frustranea sit, quoties in singulis animantium generibus tam mirabiles, perplexi, & opportuni casus repetantur: inde quot, quā varia, quā clara, quā stupenda supremæ Providentiæ prostant specimina; si, inquam, re utrinque considerata, ista omnia ad Fortunam potiusquam Providentiam referre quis posset, istum profectō Atheismi vesaniæ damnandum propinarem, & jure quidem, quippe omnem rationem ejurasse necesse est, & nihil omnino absurdum aut solacium habere, priusquam tale quidpiam sibi persuadere valeat; & pertinaciam ac impudentiam, exutā ratione, induisse, antequam tale quid propugnare audeat. Verum ut pergamus.

Si adhuc stupendæ seminis virtutes, & solertissima foetus formatio paulò attentius advertantur, rursus prodibit admirabile Divinæ Mentis artificium. Quid enim mirabilius quā vagum & informem quandam humorem, qui ad nullius præscriptum disponatur, quodque cum delectu quodam disponere, ad usus destinatos instituere, adeoque ineffabiliter exquisitam corporis fabricam extruere? Quocunque enim modo peragatur generatio, sive (quod Cl. *Harvæus* minus ingeniosè quā pro more suo huriatur) vir solummodo immaterialem quandam Ideam tribuat, foemina materiam; sive quod masculi seminis spiritibus mulier menstruum solum sanguinem tanquam alimentum suppeditet, quod *Aristoteli* placuisse videtur; sive quod uterq; parens semen emittat, quod plerumq; Medicorum Scholis complacuit; sive quod vir solum principium efficiens suppeditet,

*De gen. anim.
excer. de
cunctis.*

suppeditet, semen autem foemineum vicem sustineat principii materialis, & fortasse simul efficientis, quod verisimilius videtur, nam indubium est mares in animalibus oviparis solummodo spiritus in foeminas excernere; quin & humorem crassum, quem mares in viviparis ejiciunt, solum spirituosarum partium, quæ aliàs avolarent, vehiculum esse, nequaquam autem inservire ad foetus constitutionem, quoniam abundè compertum est in damis, cervis, equis, canibus, cuniculis per integrum à coitu mensem, nihil crassioris materię in utero conspicuum reperiri: verum utcumque inquam sit, sive istorum altero, sive alio quovis modo perficiatur generatio, hoc est quod satis mirari non possumus seminis particulis animalium simulachra tam exquisitè & subtiliter supra omnem conceptum delineari; nam partium corporis quæcunque sit, quæ seminalibus particulis parentis veluti Imagunculam impressit, illius quàm exquisitissimam structuram nunquam satis demirari possumus: v. g. supponatur saltem meatus seminarios seminis particulas in debitam figuram effigiare, quàm stupenda & plusquam Dædalea illorum contextura agnoscenda est, qui inconfusè & ad amissim minutissimis particulis in fluido liquore natantibus, exquisitissimæ machinæ lineamenta exprimerent. Si verò in ipso spermate corporis rudimenta non delineentur, sed ipsius infinita virtute & energiâ efformentur, (ut solertiùs autumant plerique) succrescet rei difficultas, nam imprimis nihilo facilioris negotii est seminis particulas ita disponi, ut ipsæ per se adeo exactam fabricam elaborarent, quam si in eandem formam effigiatæ fuissent. Quid factu difficilius quàm ut forte fortunâ adeo eruditam solertiam consequerentur quâ corporis structuram tam affabrè elaborarent? Exquisitissimæ solertiæ est organa spermatica ita fabricare, ut seminis particulis vim & facultatem adeo solertem conciliarent; exquistoris adhuc (si fieri possit) ut deinceps particulæ sic dispositæ totidem, tam variis, subtilibus & involutis motibus moderarentur,

*Vide Martium
de Gen. Anip.
cetera. 68.*

quot sunt, qui infinitos venarum arteriarumque meatulos delineant, tot partium figuras efformant, in exquisitum systema adaptant, organa totidem tam mirabilium functionum adornant, totius corporis structuram artificiosè absolvunt, & omnia denique quàm optimè perficiunt. Quisquamne est, qui animum inducere valeat particulas aliquot semine contentas huc illuc confusè & temerè luscitantes ita affabre massulam exagitare, & in eum ordinem constanter coire, ita ut in exiguâ & diffuente substantiâ solertissimè compendiosum corporis tot partibus & organis instructi systema elaborarent. Quam rem optime quidem, ut omnia, edisseruit *Clariss. Gassendus*. Nihil, inquit, est admirabilius, quàm ex informi quodam humore Animal effingi adeo simile illi, è quo produit, & cum illâ, præsertim partium tam innumerabili multitudine; tam incomprehensibili varietate, tã inexplicabili symmetriâ, cum uniuscujusq; tam necessario usu, tam congruo situ, tam idoneâ formâ, aliisque id genus, quorum nihil licet nisi cum ingenti stupore spectare: Enimvero non est humanum ingenium eâ felicitate, ut sperare debeat perspectum à se unquam iri, seu cuiusmodi agens sit, à quo tam stupendum opificium est, seu qualis fit actio, modusque agendi, quo id elaborat. Esse certe in eo debet & absolutissima scientia, & exquisitissima industria, quando opus talem tam aperte clamat; verum utraque sic excedit omnem mentis nostræ solertiam, omnem nostrarum manuum peritiam, ut nullâ ingenii vi assequi utramvis possumus. Ex quo efficitur, ut par sit omnino suspicere, commendareque Divinum illum Opificem, à quo solo potest huiusmodi agens inditam habere & tam perspicacem intelligentiam operis, & tam potentem tamque subtilem ad operandum facultatem.

Insignissimum hunc authorem eò sæpius adferre placuit, Non modo quod omnia eruditissime expediat, differatque; verum insuper quod, etiamsi non solum omnium optimè sed prope-

*Phys. sect. 3.
numb. post.
l. 4. c. 5.*

propemodum unice Atheos & Atheismum profligavit, tamen apud aliquamultos (qui quanquam parum Philosophi sint dicendi, tamen haud parum eruditos dicerem, nisi quod nimium eo nomine jactitent, & se solos pro eruditis reputarent) non modo audiat Atheismi præcipuus patronus, sed & primus nostro seculo id monstri in orbem revocavisse incusetur: quam calumniam quoties tam proterviter tanto viro impingi audierim, quanquam aliàs præmitis sim indolis, vix quidem præservidæ indignationi temperare novi: Verùm Græculos hosce calumniatores non tam refellendos quàm contemnendos arbitror, urpote qui quid sit genuina Philosophia, an alba atrave fuerit, nesciant; sed homines ventosi si aliquid nominis in Grammaticâ adepti fuerint, protenus intumescunt; ut non modo satis esse se argutos opinentur, ad quorum tribunal causa *Lucianica* inter *ὀργυα* & *τῶν* disceptata dijudicetur, sed quoque alieno foro præsidere ausint, & *Aristarchos* sese in iis gerere, quæ *juxta cum ignarissimis* intelligunt.

Sed revertendum est. Porro itaque si seriò perpendatur hinc spermatis facies, inde multò exquisitissima corporis structura; hoc ex isto fieri posse nunquam animum indueremus, nisi quòd factum videamus. Unde perpulchrum mihi videtur *Venerandi Patris* pro futurâ resurrectione ratiocinium; “sic enim arguit. Rem ipsam secum consideranti, quid in-
 “credibilius videatur, quam si in corpore nondum essemus,
 “atque aliquis diceret; ex parvâ quâpiam humani seminis
 “guttâ fieri posse, ut ossa, nervi, & carnes ad eam quam
 “videmus conformata effigiem existant: sit hoc namque per
 “concessionem positum atque dictum. Si quis, inquam, vobis
 “cum nondum tales extaretis, neque ex talibus orti essetis,
 “asseveraret, semen humanum, & imaginem humanam pictam
 “indicans, ex eo ipso semine naturam hujusmodi fieri posse:
 “num priusquam id factum esset, id crederetis? Non equi-
 “dem opinor quempiam contra hoc dicere ausurum esse. Per-
 simili

Justin. Mart. 1
Apol. 2...

“simili ergo modo, propterea quod nondum mortuum re-
 “surrexisse videritis, vos incredulitas resurrectionis tenet.
 “Sedenim quomodo ab initio non credidissetis possibile esse,
 “ut è tenui gutta tales existerent, & extitisse tamen videtis:
 “eodem modo existimate impossibile non esse, ut dissoluta at-
 “que seminum instar in terram disjecta corpora humana,
 “tempore suo jussu Dei resurgant, & naturam incorruptibi-
 “lem induant &c.

Reperiturne quispiam, qui Atheismi luto hæreret, post-
 quam suis ipse oculis corpus in cineres dissolutum, postlimi-
 nio ad vitam restitui videret? & tamen profecto perpensis
 utrinque circumstantiis nihilo facilius videtur è seminis guttulâ
 tam exquisitam corporis humani fabricam factam esse, quam
 cadaver putidum & dissolutum in vitam restitui; mihi sane
 seriò rem nude & seorsim contemplanti facilius videtur cada-
 ver putidum in vitam revocare, quàm ex aquæ guttulâ ho-
 minem efformare: Neque quidem dubitandum est, quin
 mentis divinæ solertia machinas facilè comparare pos-
 sit, quæ cadavera penitus dilapsa & in cineres dissoluta re-
 dintegraret, quod tamen si efficeret; postquam consuetudo
 tam mirabilis Phænomeni admirationem paulatim imminueret,
 id quoque unâ cum reliquis ad fortunam referret solæcum istud
 hominum genus: cum eò stuporis pervenerunt, ut nihil adeo
 usquequaque absurdum & monstruosum fingi queat, quod
 iis pudorem incutiat, sed semper figmenta Murenis Tartes-
 siis grandiora, & quolibet *adventu* portentosiora & quidvis
 comminisci pergent, potiusquam fabulis & portentis re-
 nunciare.

Quid multis opus est? Quid, possitne causa bruta, omni-
 que rationis expers omnis rationis solertiam adeo promptè su-
 perare? Possitne per adeò diurnam operationum seriem
 eidem subtilitati & solertiæ inhærere, & constanter per decies
 millenos casus ad eundem scopum pervenire? Possintne ope-
 rationes omnium subtilissimæ, solertissimæ, ad usque stupo-
 rem

rem præclarissimæ (à quibus nempe exquisitissima quæque Artis opera innumerabilibus intervallis absunt) a causâ quæ nullâ ratione, nullo consilio polleat, promanare ?

Verû causantur quanquam rem sic evenire planè stupendum sit, tamen semotâ Providentiâ, ad fortunâ & casum non referri oportere, cum Naturæ opus esse possit. Verum enimvero responsum istud non minus futile esse, quam vulgare sit, supra demonstratum est, nempe ubi evicimus Naturam aut in Fortunam aut in rationem resolvendam esse, quippe si principium sit ratione præditum, rationem & Providentiam sub Naturæ voce inducunt ; sin verò ratione & consilio vacet, quicquid Naturæ opus esse dicitur, exinde ad cœcam & brutam temeritatem refertur. Præterea cum speciatim inquirunt ideo semen in animal ei simile, unde deciderat, efformari, quòd ejus sit natura ; id ipsum est quod huc usque exaggeravimus, Quid enim aliud est seminis Natura, quàm semen ipsum ? cum itaque ad illius Naturam confugiunt id solum dicunt, semen in animal effingi, quòd in animal effingatur : Deinde unde sodes semen istam naturam adeptum est, ut non possit nisi elaborare & demum extruere tam elegantem & subtilem corporis fabricam ? si à causâ sapientiæ & rationis compote, ad Providentiam rursus transitur ; sin aliâs, redit quicquid supra objecimus : hoc nempe nobis & cuivis non planè stupido stupori est, ut guttulæ aliquot eam naturam assequerentur, idque a nullâ causâ rationis compote, sed nescio quo Fortunæ eventu, ut necessario ejusmodi opera moliantur, quæ immensum exquisitissima quæque Artis, Ingenii, Industriæ, molimina exuperent. Quod quidem sine Providentiâ fieri ne Impudentissimi autumare possint, nisi sint (uti loquitur *Galenus*) *impudentissimis impudentiores.*

*De usa. part.
Lib. 14. c. 4.*

E dictis rem satis confectam arbitror, quorsum itaque plura ? Quid ergo de universo partium apparatu, quæ fortis nutritioni destinantur, commentarer ? Quid de mirabili umbilicalium

licalium structura? Quid de vasis uteri lactiferis? Quid de duplici tunica Amnio & Chorion, in quibus infanti nutrimentum reponatur? Quid de humoribus nutritiis utraque tunica contentis? Quid de placenta? Quid de Acetabulis? Quid de reliquis id genus omnibus? Si vero prædictis adjiciantur quæ omnia scitissimè commentatus est *Galenus* libris 14, & 15. de usu partium, de quibus quidquam differere pene ex industria abstinui; priori objectionis parti non modo plus satis fieri, sed & in invictum Providentiæ argumentū eam transcribi arbitror. Et denique quanquam hic urgere potuissem quicquid adversus fortuitum hominis ex terra ortum de mirabilibus & solertissimis quibuslibet in corpore humano phœnomenis supra aut diximus aut dicere potuimus, tamen ab iis omnibus consultò supersedere malui, quòd mallem objectionem ex se refutari, præsertim cum tam abundè id fieri possit.

Veruntamen post hæc superest adhuc aliud non obscurum (ut mihi videtur) Providentiæ documentum, quod à re in qua versamur, alienum non videtur; ab instinctu scilicet desumptum provide admodum animalibus impresso, quo foetuum qui alioquin sint statim atque nascuntur expiraturi, educationi prospicere moventur: quod, quoniam alii fortasse non adeo solidum aut perspicuum arbitrantur, non penitus abs re fore existimo, si quàm brevissimè explicem & vindicem. Stupenda itaque animalium plerorumque solertia est, quam in foetuum educatione produnt: etenim quanquam innumeris super hac re fabellis scateant libri quæ veterum quæ recentiorum; quin & etiam si hocce Providentiæ Divinæ specimen contemptui exposuerunt, dum id patefacere adlaborarent, non modò quod circa vulgares fabellas (quas è *Megasthene*, *Ctesia*, *Onesicrato*, *Daimacho*, aliisque desumpserunt *Herodotus*, *Plinius*, *Solinus*, *Gellius* aliique) nugarentur, sed etiam quòd præteritâ verâ & genuinâ solertiâ, plerumque nògis, in quibus fortè nulla proflarent sagacitatis indicia, inhærerent: tamen, si ritè perpendatur, apertè providentiam

Providentiam clamat sagacitas brutis animantibus passim indita, quâ media idonea ad fines sibi à Naturâ præstitutos necessitate quadam eligere stimulantur. Quotusquisque sibi persuadere queat animantia bruta, iudicii, rationis, consilii expertia actiones tanto cum iudicio, solertia, deliberatione elicere, nisi Providentiâ aliquâ per instinctum nescio quem dirigantur; cuiusmodi sunt miro artificio nidos, in quibus ova deponant, extruere; ovis, ulque dum excludantur foetus, incubare; cibum pullis tam sedulò comparare; ab omnibus injuriis tueri, & istiusmodi alia?

Sunt fateor qui omnes brutorum actiones aliorum referri volunt, quam ad communes instinctus; nempe partim ad sensum seu passiones doloris ac voluptatis; quomodo libidinis sensu & voluptate ad coitum illa stimulari autumant: partim ad imitationem; sic, inquiunt, aviculæ nidos iis similes, in quibus ipsæ connutritæ fuerant, non ab instinctu, sed exemplo extruere invitantur. Fateor insuper haud pauca, quæ ad Instinctum referuntur; aliunde provenire; sic antipathias omnes naturales dictas aut ab injuriis prius illatis, aut ab aliorum exemplo & imitatione emanare; ut pullus milvum, agnus lupum, lepus canem, & quodlibet pene animalium genus hominem refugere videntur, aut quòd Parentes suos ab iis fugientes viderint; aut quòd prius ab iis perterrefacti ex memoriâ prioris periculi ad fugam concitantur: quippe si agnus lupo connutritur, lepus cane, pullus milvo, tantum abest ut illos fugiant; ut potius amore & voluptate complectantur; & quibus regionibus ferarum greges non adeo cont. nuis venationibus vexantur, non tam proclivè hominis aspectu fugitant, ac in nostris, ubi creberrimis terroribus & injuriis affliguntur: adeo ut mutuas animalium inimicitias non tam à naturâ quàm experienciâ enatas esse facile crederem: sed tamen omnia, quæ ad instinctum referuntur, aliunde quàm ab instinctu promanare constanter pernego,

Imprimis itaque quod ad illos spectat, qui instinctus non infusos esse, sed à dolore & voluptate, aut naturali partium contextura oriri volunt: dico non obscurum esse sapientiæ specimen eâ conditione quodque nasci, ut naturæ suæ necessitate sequi, quicquid sui, sui que generis conservationi interserviat, urgeatur (ut supra de Venereis stimulis, quibus, animalia ad generis propagationem ex coitu sollicitantur, insinuatum est.) Deinceps dico quanquam aliæ sint operationes, ad quas mechanicâ ratione, seu voluptatis & doloris sensu stimulari possunt animalia, tamen aliæ multæ sunt, quæ nullo mechanismo explicari possunt, ad quas promptè accinguntur, nullo dolore aut voluptate affecta. Sic quanquam libidinis stimulis generationi operam dare excitantur, tamen à nullo sensu prolem fovere illectantur: etenim à quo sensu tanta avium v. g. sollicitudo in foetibus educandis? unde tandiu & obstinatè ovis incubare perseverent? unde totæ in prolis educatione occupantur? unde fimo egesto perinde ac ovis non incubent? Ad quem sensum omnem Grillo-talparum industriam & prudentiam referemus; quæ scil. glebas terræ tenaciores eligere solent, undique anxie & ingeniosè confirmare, in iis foraminulum itui & reditui idoneum perfodere, intus cuniculum, quo impunè deponantur ova, agere, alia antra juxta efficere, ad quæ in quovis periculo confugiatur, circa glebam sibi canalem subterraneum excavare, quo melius ejus firmitudini provideant; & ab hostium incursum vindicent; invalescente frigore nidos miro artificio in terram profundius demittere, & è contra calefacto aere altius ad usque terræ superficiem attollere, ut citius maturescant foetus, & plura ejusmodi, quæ summâ sedulitate & industriâ prosequuntur, de quibus vide *Goedart. experim. 76.* Præterea quamvis ipsæ operationes à sensu aliquo promanare queant, tamen nequaquam operandi modi. Ita erucæ autumnale frigus dum sentiant, monentur & quodammodo adiguntur latibula sibi quærere, at quomodo ista parent nullo sensu edocentur:

edocentur: quod igitur congregentur (ut prædicto Authore *Experim. 13.* proditum est) & reticulum quoddam commune apices extremorum ramusculorum cum foliis suis teneros adhuc ac flexiles contrahendo, intertexant, in quo sese abscondunt, & à brumali frigore conservant; hoc inquam non video quo mechanismo aut sensu sine peculiari quodam instinctu aggredi possent: Quod & ab aliis animalculis in alios fines factum esse passim eodem Authore memoratur. Ita si detur materiam viscosam in araneorum intestinis prægravantem eas, ut illam egerant, incitare, tamen unde nisi ab instinctu non modo eam expuerent, sed fila tam affabrè ducerent retiaque tam admirando artificio pertexerent? Si cum *Clariss. Gessendo* *Phys. l. 3. sect. 3. c. 5.* dixeris araneam ad texturam promoveri appetitu innato exugendi humorem sive muscarum, sive culicum, tanquam alimentum sibi maximè congruum; ac propriâ conscientia tum destitutionis alarum, quibus prædam per aerem volare conspectam impetat ac rapiat; tum visciditatis, firmitudinisque filorum suorum, quibus tensis per aëra præda irretiatur, corripiturve, &c. Istis non modo non explicaveris unde tam eleganter telam suam texere didicerit; etenim quid si intellexerit quanto emolumento sibi foret sua tela, an inde statim artem didicerit eam adeo affabrè pertexendi: sed & verba dederis, unde enim nisi instinctu noverint muscis cruorem vel succum inesse? unde alimentum illud norunt esse sibi congruum? quam seriò, prudenter, & ingeniosè Araneam secum disputare fingitur? quasi diceret. Scio mihi deesse alas, quibus muscas captare valeam, aliud ergo inendum est consilium; sunt autem mihi viscida fila, quæ si tendantur, & retis in morem formentur, prædam teneant, ne autem præ staminum tenuitate illaqueatæ erumpant, alia alijs subtexendo ita retia stabiliam, ut captivæ nullo luctu aut conatu evadere valeant; Ego autem in abdito latitans exiliam, & quicquid captum est perdam, est enim mihi venenosus aculeus, quo confodiam, & istiusmodi alia. Fac de-

neque volucres pondere ovorum gravatas ea deponere, cur non in quolibet loco? cur nidum prius artificiose extruerent? cur ovis exclusis potiusquam excrementis insiderent? cur usque ad foetus exclusionem? Hæc & innumera alia de modis operationum, quas eliciunt bruta animantia perquirere liceret; ita ut quanquam ipsæ operationes à sensu aliquo nascantur, tamen providentia & ingenium, quæ in modis, quibus peraguntur, præstant, non possent nisi à solertissimâ ratione demum exoriri.

Quod ad illos spectat, qui tantam ingenii solertiam non simul cum ipsis animantibus nasci, sed à parentum exemplo & imitatione disci arbitrantur, ut aves nidos, in quibus foetus deponant, ad illorum exemplum, in quibus se enutritas fuisse meminerunt, extruere: Dico præterquam quod valdè mirum videatur, ut ita constanter filii parentes imitentur, ut ne quidem unus aliorum flectat, sed ad unum omnes parentum vestigiis insistant, nisi ad id agendum aliquâ naturæ necessitate propenderent; aquam nihilominus hære; quæram enim unde ipsorum parentes tantam ingenii vim adepti fuerint, atque ita tandem ad ea deveniendum est, quæ nullum aliud imitata sunt. Potuitne primum in quoque genere aliud imitari? Quomodo igitur potuit quodque volucrum genus sibi peculiarem nidum extruere, nisi principium aliquod cuique congenitum singula, cum ova se depositura præsentiant, ad locum idoneum comparandum, in quo foveantur, moveret? Ut quousque animalium solertem Providentiam ad imitationem referant, tandem necesse erit ad animalia pervenire quæ nullius exempla secuta sunt: sed ex principio, quod singulis omnium Author providus indidit, ut impulsu quodam ea sequuntur, quæ sibi aut toti speciei utilia, ea averfantur, quæ noxia & incommoda forent. Aliàs cur unum animalium genus ovis exclusis incubaret potiusquam aliud? Quorsum alia semen exclusum negligant, alia

alia id alio quopiam fomento contegant, Alia ei incubent, nisi quod sapientissimus omnium Conditor iis quorum semen postquam exclusum est per se ad maturitatem pervenire non potuit, principium quoddam inseruerit, quo incitentur ipsa semini fovendo providere; & quæ semina alioqui foveri non possent, prospexerit, ut ea continuâ ipsorum parentum incubatione foverentur; quorum autem semen per se & sine ulteriore curâ maturescere valeat, iis nullum tale principium indiderit? Quid multa, cum è dictis satis liqueat *argumenti exitum* explicari non posse, nisi demum in Providentiam resolvatur, quæ mundi initio commodos cuique animali instinctus inserverit, eorumquæ Ideas à parente in prolem transmitti prospexerit; cum enim animala semine contenta parentis pars sit, & partes singulas habeat genitoris partibus analogas, fit ut prolis cerebrum iisdem habitibus & Idæis imbuatur, quæ naturæ necessitate parentis Plantasæ imprimuntur. Sive autem in *Prominentiis Cerebelli orbicularibus* nidulentur (ut peregre vir *Clariss. D. Willis* conjectatur, observationi quidem verosimillimæ innixus; quòd scil. animalia quò magis instinctu pollent, eò majores prædictas prominentias habeant, & è contra) sive quovis alio loco, perinde est, modò existere satis liqueat. Hisce si minus cuivis Numinis argumentum adduxisse videar, nemo est, quin agnoscat me iis, qui Numinis Providentiam agnoscunt & venerantur, novam materiam quam alioqui fortè non advertissent, eam celebrandi saltem suggestisse. Quod quidem si effecerim, operæ pretium esse non potest non fateri.

Anat. Cereb.
cap. 18.

Verum de his nimium, superest ut quàm brevissimè altera objectionis pars examini subjiatur; quòd nempe animalcula, quorum fabricæ haud minorem solertiâ produnt, quàm corpus humanum aut alia grândioris molis animalia, sponte tamè & casu nasci videantur, atq; adeo reliqua omnia ita exoriri potuisse. Quod non modo *Lucretium* sed & *Cardanum* alicubi urgere memini. Dico itaque etiamsi fingatur infecta sponte & fortitò

titò provenire, tamen perquam iniquum videtur, inde ad spontaneum & fortuitum hominis exortum arguere; siquidem ex istâ hypothesi penè infinities difficilius sit hunc quàm ista moliri; hæc scilicet è terrâ scaturire quotidie intuemur, hominem autem eo modo nasci, per omnia secula, quæ innotuisse contigit, hætenus haud compertum est; si verò homines eo modo è terrâ prodire potuissent, quo insecta erumpere arbitrantur, cur non indies inde emergerent, pariter ac numerosæ insectorum familiæ. Veruntamen revera dicendum est non magis ab hac objectionis parte *Epicureos* lucrari quàm à priori (quam scil. invictum esse Providentiæ documentum satis jam ante probatum arbitror:) quippe tantum abest insecta sponte i.e. citra causæ intellectricis institutum nasci, ut stupendam solertiam postulent, & luculentissimum ejusdum testimonium suppeditent.

Imprimis solertissimam causam produnt exquisitissimæ & subtilissimæ illorum machinæ; quæ ejusmodi sunt, ut non possint nisi sagacissimâ attentione elaborari; tamque stupendo artificio efformantur, ut fingere non possis quâ solertius operari potuissent eorum causæ, quamvis fingas intellectu polle-
re. Nimirum esto massulam aliquam calore agitari, ita ut particulæ subtiliores sese diffundant; potuitne corpus subtile tam concinne radiari, tam affabrè materiam agitare, ut corpus tanto partium & organorum apparatu ornatum delinearet? Potuitne partes omnes tam eleganti symmetriâ ad invicem coaptare? Potuitne ad suos usus quasque ordinare; tot organa tantillo corpusculo digerere, ita tamen ut alterum alteri non obstat, omnia denique elegantissimâ mensurâ & proportionem temperare? Immo quid fingi possit admirabilius insecto si corpusculis? quàm divina solertia, quæ tot partes, tam exquisita organula, tot subtilia munia in iis disposuerit, quæ deniq. Rostrulum, podiculum, cornicula, pedes, femora, lingulam, venulas, arteriolas, nervulos, musculos, membranulas, partes, quæ innumeris functionibus famulantur, stomachum, corculum,

lum, jecur, cerebellum; vascula alia, quæ alimentum per corpus convehant, alia, quæ excrementa egerant, organula generationi famulantia, aliasque partes innumeras, sine quibus animalcula nec nutriri, nec movere, nec sentire, nec propagari possent, in atomo penè insensibili elaborarit? Quæ insuper solertiæ est, in tantillis apiculis fere easdem partes & functiones discerni, (quod perspicilli ope fit,) quæ in elephante, aliisque prægrandis & enorinis structuræ animantibus reperiuntur; quæ ut sæpiusculè montes animati appellari solent, ita non paucioribus intervallis animalcula ista superant, quàm montes, qui coelum altitudine æmulari videntur, exiguiissimas quasvis moleculas; & tamen ista vix paucioribus organis instruuntur, quàm illa? Hodie pernotum est passim in aceto innumerabilia pisciculorum examina anguillarum more natare, quorum aliquot sæpè vidimus magnitudine pedem acari, qualis in caseo putrescente pronasci solet, haud excedere, an satis mirari possumus in istis tantillis vix pauciores partes efformari, quam in enormi Balenâ, quæ belluæ tantæ magnitudinis, ut citra hyperbolen pro Insulâ natante habeatur? Ad hanc rem non minus præclara; quam vulgaris est *Pliniana* dissertatio, & proinde non indigna quæ huc etiam transferatur. *In his* (exclamat) *tam parvis, atque tam nullis, quæ ratio, quanta vis, quàm inextricabilis perfectio? Ubi tot sensus collocavit in culice? & sunt alia dicta minora; sed ubi visum in eo prætendit? ubi gustatum applicavit? Ubi odoratum inseruit? ubi verò truculentam illam, & proportionem maximam vocem ingeneravit? quâ subtilitate pennas adnexuit? pralongavit pedum crura, disposuit jejunam cavicam, uti alvum, avidam sanguinis, & potissimum humani sitim accendit. Telum verò perfodiendo tergori, quo speculavit ingenia? atqui ut in capaci, cum cerni non possit exilitas, ita reciproca geminavit artem, ut fodiendo acuminatum pariter sorbendoque fistulosum esset? Quos teredini ad perforandum robora, cum sono teste dentes affixit, potissimum-*
que

que è ligno cibatum fecit ? sed turrigeros Elephantorum miramur humeros, taurorumque colla, & truces in sublime jactus, tigrum rapinas, leonum jubas; cum rerum natura nusquam magis quam in minimis tota sit. Et profecto etiam si insecta tanquam vilia conculcentur & negligantur, si tamen illa seriò contemplerur, neque quod vulgaria sint, illorum elegantiam curare omittamus; nihil excogitari potest, quod magis stuporem crearet, aut clariùs Conditoris solertiam prædicare possit.

Deinde clarissimè elucescit Providentia ex jugi & constanti Insectorum eorundem ortu; quippe fingi nequit res, quæ ex immensâ variorum casuum unâ concurrentium multitudine fiunt, jugi & inviolato tenore redire? Quid enim factu difficilius quàm ut in casuum multitudine servetur constantia? Quid dictu absurdius, quàm ut particulæ sine causâ aliquâ moderatrice, quæ illis motum ad munia sua idoneum indiderat, perpetuò ita sese temerè modificarent, ut machinas, quibus nihil admirabilius, nihil solertius, nihil subtilius, nihil denique quod ingenium & industriam magis desideret, affabrè adeo moliantur? Quin potius quid excogitari aut effici posset, quod apertius, quod luculentius supremæ Providentiæ solertiam fateatur, aut potius clamet & vociferetur? Quid enim magis Providentiam postulat, quàm Phænomenon constantia, in quibus summa elegantia, innumerabilis partium & organorum multiplicitas, incomprehensibilis subtilitas, elegantissima omnium ad invicem cohæsiō, & sexcenta alia ejusmodi? Mihi profectò stupori est quenquam adeo vecordem esse, ut vel quidem per somnium fingat particulas temerè sese semper per innumerabiles & subtilissimos motus eodem modo expandere, materiam ordinatim digerere, partes innumeras efformare, omnes ad invicem tam appositè contexere, singulas ad sua munia destinare, & denique per infinitos casus machinulas summæ solertiæ, elegantia, symmetriæ, subtilitatis summâ cum constantiâ elaborare.

Argumen-

Argumentum hoc ab effectuum similium perpetuâ constantiâ *Cl. Gassendus* hâc similitudine non parum illustrat. Ut
 “ certè (inquit) nummi in variis regni civitatibus cusi si-
 “ millimi sunt inter se, quòd in singulis monetarii sint, qui
 “ sint ex Principis præscripto instructi similibus typis, sic per-
 “ æquum est reputare, cum similes adeo conspiciamus muscas
 “ *Masilia & Parisiis, Ulfisipone & Alexandria*, similes esse
 “ proximas causas, semina videlicet, quæ ex præscripto
 “ Authoris naturæ instructa sint similibus ad eas deforman-
 “ das principiis. Alioquin enim quemadmodum fieri non
 “ posset, quin Artifices dissimillimos nummos cuderent, si
 “ sortè fortunâ, ac pro lubitu, neque ex consilio communi-
 “ cato eos appararent; sic fieri non posset quin muscæ pro-
 “ dirent res quæpiam dissimillimæ, si forent agentia proxima
 “ fortuita, ac temerè operarentur, neque in unum collinearent
 “ scopum. Et sic quidem ille.

*Phyf. l. 4. sec. 3.
memb. post. c. 1.*

Argui insuper posset ex pudendo hypothesæ defectu, quæ
 insectorum exortum sine Providentiâ moderatrice expeditum
 eunt: aut enim rem satis expeditam arbitrantur, si solum
 quomodo fiat, historicè narrent. Quasi quod certâ aliquâ
 methodo generentur, sequeretur statim methodum istam
 non Providentiâ sed Fortunâ institutam esse: quod quidem
 perinde est ac si cum, quomodo horologii machina sine ar-
 tifice fieri potuit, explicatum irem, observarem quo ordine,
 quave methodo Artifex singulas illius partes efformaret, &
 invicem adnecteret; atque ita istum ordinem simpliciter nar-
 rando satis me fecisse ad expediendum quomodo horologium
 è partibus sponte coeuntibus & sine Artifice fieri potuit ar-
 bitrarer. Aut hypotheses precarias, atq; semotâ Providen-
 tiâ futiles & ridiculas comminiscuntur. Sic fingunt massulam
 quandam sponte fermenti rarefcere, cujus statim partes
 fluidæ & tenuiores sese diffunderent, & præterlapsu canalicu-
 los efformarent; partes autem crassiores diversimodè pro
 variâ illarum dispositione, varioque caloris gradu expandan-

tur, è quibus demum fiant corpusculi membra omnia, quæ interna, quæ externa. Quibus id solum repetunt, quod supra, nempe cum de corpore humano differuimus, abundè refutatum est: ut ut autem sit, quàm vesanum est credere particulas temerè motitantes, nullâq; Providentiâ directas ita eleganter massam elaborare, in totidem membra adeo ingeniosè se explicare? Cur non succus incalescens sese circumquaque diffunderet, & ab omni parte canaliculos efformaret, ut potius orbiculare quodpiam efficeret, quàm corpusculum tot artubus diversimodè dearticalatum? Quid animal adeo simile aliis omnibus ejusdem generis delinearet? Quid particulas usquequaque lufitantes à confusione eximeret? Quid totidem, tam varia, tam tenuia organula elaboraret? Quid tam regularem partium symmetriam concinnaret? Quid artus, ut brachia & pedes in articulos divideret, & internodiis distingueret? Quid artuum extremitates in digitulos dirimeret? Quid alia ejusmodi sexcenta! Quis credi possit omnia adeo affabrè elaborari, & disponi, nisi adesset causa aliqua solertissima, quæ istiusmodi motus institueret? Argui denique posset à similitudine inter ea, quæ sponte prodire videntur, & ea quæ ex semine nascuntur: Quod quis fieri posset, si atomi temerè, neque ad præfixam normam moverentur? Quomodo potuissent mures, qui è quisquiliis provenire reputantur, in omnibus adeo similes iis qui è semine oriuntur existere, nisi causæ intellectricis præscripto ad eundem scopum collinearent? Sed quid rem fusius diducam, cum è prædictis luculenter adeo liquefcat? Nisi rem ab artis opusculis exaggerare lubeat, nempe quæ cum Naturæ operibus conferenda non sunt, tamen non fortunâ sed arte solâ fabricari possunt. Sumantur Præclarissima quæque *Dadali, Archita, Policleti* aut alijs cujuscunque Artificis automata, & ista nihilo majori stupore non Artifice sed fortunâ & temeritate elaborata fuisse dicemus; siquidem haudquaquam dubitari potest quin automatum naturalium elegantiâ longè antecellat exquisitissimis qui-

quibuscuque Artis machinis. Quanto minori admiratione celebranda est *Regio-Montani* musca, quàm insectum quodvis animale? Ista brevi circumvolitare valuit; statim tamen stupida & cessatura, ita ut nisi novo Artificis beneficio nullos postmodum obitura sit motus: hujus quàm nulla erit concinnitas, si cum musculâ animali comparetur, quæ non modo proprios motus excire valet, iis quæ quodammodo moderari; ita ut ad arbitrium modò moveri, modò cessare possit; sed & interno vigore ac vita donatur, diversimodis muniis, plurimisque motuum seriebus defungitur, ut nutritione, multiplici sensatione, imaginatione, appetitu, generatione, aliisque, quorum singula haud paucas machinulas exigunt, & harum quæque (ut alias partes innumeras quâ internas quâ externas omittam) peculiarem sedem ita tenet, ut neque aliis impedimento sit, neque ab iis impediatur. Jam verò cum usque adeo celebretur *Regio-Montani* ingenium ob unius aut alterius automatis concinnitatem; quanti stuporis erit non agnoscere solertiam causæ Architectricis, quæcunque demum illa fuit, quæ innumeras machinulas longè magis operoso & complicato apparatu fabricatas extruxit, præ quarum concinnitate *Regio-Montani* machinamenti concinnitas prorsus evanescit? Immo verò si tantilli æstimarem *Regio-Montani* aut *Archita* automata stupendâ industriâ & sagacitate extructa, ut illa nullo labore aut solertiâ facta fuisse arbitrarer; omnes esse me in tantos Artifices iniquum clamarent, idque jure; quantâ igitur injuriâ Divinum istum Opificem afficimus, qui infinities tum plura, tum exquisitiora opera condiderit, si singula ad Fortunam & Temeritatem referamus? Deum Immortalem! tam-foelix & sapiens cæcus & temerarius fortunæ ductus, ut tanto intervallo oculatissimam solertissimamque *Dadali*, *Archita*, *Zeuxis*, *Phidia*, *Policleti*, Artificis cujusque peritissimi industriam superaret. Quin & denique si quis omnia, quæ usquam prostant, Artis monumenta casu quandoque conflata fuisse assereret, quanquam talem

omnes deridendum propinarent, quòd tam stupendam fortunæ esse solertiam crederet; tamen minùs à ratione destitutus videretur, quàn qui omnia Naturæ opera Fortunæ olim molimina fuisse dicere sustineret: atque porrò multo facilius se tueretur, & quomodo id fieri potuit, explicaret, quam qui Naturæ Phænomena sine causâ providâ Architectrice explicare aggrediretur, neque ullo elencho iste redargui potuit, nisi qui pariter hujus stuporem impeteret. Itaque si dicas neminem fuisse Naturæ Opificem, dicam & Ipse nusquam vixisse Artificem quemvis, nulli fuere *Dadali*, nulli *Archita*, nulli *Policleiti*: At mirabilia machinamenta fabricarunt: Nequaquam, ista enim omnia opificia, quæ tantopere obstupescis, casu, isti non absimili, quo facta fuisse Naturæ automata velis, extiterunt. Jam vero cum non usque adeo fatuum sit opinari exquisitiora Artis opera sine causâ intellectrice fabrefacta fuisse, ac fuisse Naturæ opera citra ejusmodi causam efformata; & tamen qui simpliciora ista & minus operosa Artis opera fortè fortunâ constructa esse diceret, omnium calculistatquam impudens & ex industriâ stupidus exploderetur; quantò itaq; potius tanquã impudenter & flagitiosè amètes, qui multò exquisitiora Naturæ opuscula ad cæcam temeritatem referre sustinerent.

Et tamen quotusquisque fere est hominum, qui solertiam, quæ machinulas istas fabricavit, vel quidem advertat, nedû obstupescat? Immò verò potius ultrò & quasi per anticipationem quandam eas ad casum referre proclives sumus, in delirium adeo vecors adducti, solum quòd illarum natales aut præ exiguitate aut præ vilitate non observemus; sed quoniam è contra copiosè & incomprehensibili varietate è putri materiâ scaturire experimur, nec ulla semina, è quibus nascantur, advertimus, quàm promptissimè sponte & citra Providentiam è putri materiâ nasci opinamur. Quibus equidem quàm ineprè nobis ipsis imponimus! Non enim ex putri materia generantur animalcula sed ex vi seminali, quæ antea sopita & contracta latitaverat, verùm dissolutis per putrefactionem corporibus

poribus emicare & foras prorumpere incipit, particulisque igneis & salinis affatim in materia quavis putrida scatentibus promovetur, ac ad maturitatem fovetur: etenim insecta non modo semen deponunt, sed *quod magis est admirandum* *iis in locis id præstant, in quibus calore solis commodè incallescere possunt, neque ante solent fœtus erumpere, quàm iisdem in locis parata sibi inveniunt alimenta,* ut memorat Goedartius id multâ & diuturnâ observatione edoctus. Quorum tamen semina non observamus, non modo quòd perexigua sint, sed quòd nihil emolumenti nobis afferant: quomodo experimur Bombices ex ovis nasci, quòd nostra interest iis attendere, sin vero iis quoque abfuisse utilitas, illorum ova non minùs neglecta jacuissent, quàm aliorum insectorum seminula, eosq; pariter cum reliquis è putri materia gigni suspicaremur.

Metam. nat. observ. gener.

Porro hujusmodi semina, si commodâ matrice deponantur, statim vires produnt animalculum progignentia; ut muscarum seminula in carnes profusa carnis tanquam commodæ matricis calore fota brevi vermiculos producant: sin è contra plantarum aut arborum foliis aut aliis ejusmodi locis, quæ vim prolificam excitando non sunt, excludantur, non statim germinant, nisi solis aut alterius calore sollicitantur; sin abfuerit ejusmodi causarum concursus, diu sopita delitescunt, neque vim feminalem exerunt, donec ope solis aut alicujus alius causæ extrinsecæ excitati sobolem demum progignant, quæ causa est quòd vernâ tempestate insecta adeo copiosè scatant. Hinc etiam evenit ut è foliis diversarum plantarum diversa insectorum genera emergere videantur, quòd scilicet, dum diversis plantis victitant, ibi ova sua deposuissent; unde uno erucarum genere scatent Brassicæ, alio spinetæ, alio salices, alio lactucæ, urticæ, labruscæ, ulmi, roseta, fraxini, aliis alia: Hinc denique expedire licet, quæ in fructibus, ut pomis, pyris, nucibus, procreentur vermiculi, quòd scilicet muscæ floribus & germinibus passim insidentes

ova

ova & seminula excluserint, quæ frugibus in quas flosculi & germina abeunt inclusa, unâ cum iis maturescunt.

Hæc autem accipi velim, non quasi insecta omnia è parentum seminulis fieri arbitraret, sed quòd videatur eo ritu pleraque nasci: Non enim putandum est Deum animalia minorum gentium eo modo quo majora instituisse, non scilicet utriusque sexus alterum condidisse (quæ enim lumbrici aut vermiculi ab unâ certâ regione undique per totum terrarum orbem perreptarent?) sed potius vim feminalem ubivis respersisse, non modo quòd mundi initio innumeras seminum moleculas ipse contexuerit, sed quod quibusdam particulis vim impreslerit, quâ ad invicem agitata, certisque seriebus, revolutionibus, commistionibus inter se commixta in certas demum moleculas coirent, quæ varia variarum rerum semina forent; quâ de causâ quanquam nova indies consensentur semina, non tamen fortuitâ, temerariâve corpusculorum motitatione; sed Naturæ legibus, quas Deus ab usque mundi initio rebus omnibus indidisse videtur, in machinulas adeo admirabilis & exquisitæ proportionis, solertiæ, subtilitatis elaborata fuisse necesse est. Ex quo fit hujusmodi animalcula ubivis locorum & ex omni ferè materiâ generari quoniam innumeris, quas subiit materia, mutationibus, fit demum vim feminalem simulcum rebus fere omnibus commisceri; hinc igitur evenit ut ex herbis, fruticibus, arboribus, vel in radice, vel in foliis, vel in fructu, vel in trunco, tam cum virescunt, quàm cum putrescunt, itemque ex omne genus animalibus, ex omni animalium parte, cute, carne, sudore foecibus, nive, faxis, metallis, aceto, lanâ, libris & quâcunque re aliâ enascantur.

Dein cum insecta ad Fortunam referre propendemus, quòd tam confusa illorum varietas videatur, quam ridiculum est! quasi varietas magis casum, & fortunam saperet quam Providentiam, quasi Providentia non potuit incomprehensibilem illorum varietatem efformare, aut quasi quæ nobis incomprehensibilis

comprehensibilis videtur, ita etiam Deo videatur : sed ne hisce tam minutis diutius quàm par est immoremur ; dico non tam ineffabilem esse insectulorum varietatem quàm videtur ; sed quemadmodum in variis mundi plagis in staturâ, colore, temperamento, & aliquatenus figurâ hominum aliorumque animantium, præcipue canum (quorum pene quæque natio sibi peculiare habet) insignis apparet varietas ; ita quoque oritur insectorum ejusdem generis ex diverso regionum, quas incolunt, temperamento quædam diversitas, scilicet pro variâ ratione frigoris, caloris, humiditatis, siccitatis, variantur illorum temperamenta & subinde calores, ita ut quæ hisce mundi plagis albicant, ista eadem in Æthiopiâ fortè nigrescant, & tamen quæ diversis coloribus imbuuntur vulgo ad diversas classes & familias referuntur ; quasi hominum omnium non eadem foret species, quod non eadem sit omnium statura, color, temperamentum, & id genus alia ; aut quasi quis columbarii tecta subiens columbas alias adhuc tenellæ ætatis, provectioris alias, alias majores, alias minores, candidulas, nigellas, rutilantes, lividulas, fuscas, cinereas, subvirides, cæruleas, pallidas, versicolores videret, exinde statim totidem columbarum esse genera autumaret. Quod tamen non modò vulgi error est, sed & male affectant historiæ naturalis scriptores insectorum census exaugere, ut si quoquomodo differant, statim ad specialem classem reducuntur, ita ut una fortasse species in decem alias subdividatur, ut passim observare est apud *Fonsonum*, *Muffetum*, *Aldrovandum*, aliosque. Adde naturales Metamorphoses, quas annuatim subit omne insectorum genus, adeo ut nullum reperiatur reptile, quin aliâ anni tempestate ad volatiliū gentem transeat, & vicissim nullum volatile, quin rursus in reptile degeneret, quod cecinit *Sulmonensis*.

Quæque solent canis frondes intexere filis

Agrestes tinea (res observata colonis)

Ferali mutant cum Papillone figuram

Denique

Denique non raro Providentiæ exprobatum insectorum inutilitas, quòd vix ulli sint usui; quanquam hoc quoque iniquè admodum, cum plerique illorum usus nos prorsus lateant, non modo quòd subtilissimi sint & investigatu difficillimi, sed & quòd illos observare & eruere non curaverimus: Quanquam sanè mihi videatur idem insectorum finis, qui hominis, aliorumque omnium: nempe singula condidit omnium Author eo demum fine, ut in iis aut potentiæ, aut sapientiæ, aut miserecordiæ aut justitiæ, aut alterius cuiuscunque perfectionis specimina ederet: itaque cum insectorum machinulis extruendis adeo mirandum Opificis supremi artificium jam supra agnoverimus, exinde egregius illorum usus liquet, ut nempe non minus summe exquisitam Dei sapientiam in iis miraremur, quàm in aliis omnibus, siquidem vilissima & abjectissima quæq; animalcula nihilo faciliore partium apparatus requirant, quam quæ omnium maximè laudamus. Neque nihili est culices, pediculos, aut si quid vilius *Mexentio* cuique Numinis contemptori elenchum opponi, & immanem istam *Ciclopum* sobolem, dum arma in Coelum & Numen movent, quavis musculâ prosterni. Adde Deum tam iis omnipotentiae suæ vim illustrasse, quàm quibus maximè: scilicet hisce copiis non minora facinora præstitit, quàm quæ ingentium exercituum ministerio edidit. Quoties illarum famulatio Ægyptum olim subegit? quam misere regis fastum, qui adeo audacter ter-maximum ipseus Numen & Majestatem laceffere sustinuit, pediculis & ranunculis fregit, Unde Deum non puduit illas sibi pro exercitibus suis vendicare, ut videre est *Joel 2. 25. & 1. 4. Amos 4. 9.*

Neque soli Deo, sed & finibus naturalibus inservire videntur, aliis nempe animalibus, ut volucris & piscibus, cibum præbent, sicut enim plantarum pediculi insectis alimentum sunt, & insecta alia aliis, exilia utiq; majoribus, ita majora piscium & volucrum præda sunt; unde (ut & *Goedartio* observatum est) hirundines ad regiones nostras non ad-

volant,

volant, priusquam aër muscis exiguis scatcat, quæ ipsis alimentum suppeditent. Et quidem Animalcula, quæ hemerobia seu Ephemera perhibent (non quasi unius duntaxat diei spatio permanerent; sed quòd post metamorphosin (originem enim ex verme terreno habent) non ultra unius diei spatium vigeant) tanquam in piscium alimentum apparari videntur, quippe Occidente sole omnia infinito pene numero juxta fluminum ripas lusitantiæ in aquas recidunt piscibus geniales cupediæ, ut ex propriâ observatione referunt *Augerius Clutius in libello de Hemerobio, & Johannes de Mey in primâ appendice ad Goedartii librum de insect. Metamorph.* Si tamen cuiquam usus naturales insectorum recensiti exigui videantur, advertat solum perexiguas esse illorum moles; usus equidem moli saltem æqualis est. Atqui vero si tota res ritè perpendatur, egregius illorum usus etiam nostri respectu prodibit, siquidem animalium, quæ magnum nobis emolumentum præbent, conservationi egregiè inserviunt, omnia enim animalia seriatim alia aliorum, usui destinantur, ita ut quanquam immediatè nobis non inserviant, tamen alia, quæ nobis inserviunt, conservando, nostro demum sunt usui.

C A P. IV.

*Generalia Aliquot Capita Adversus Atheos
urgentur; Quibus Quicquid Dubii
superest, Penitus Diluitur.*

EVICTA ex Naturæ Phænomenis Numinis existentia superest solum, ut generalia quædam capita adjiciam, quibus aut objecta diluantur; argumenta aut stabiliantur aut
S plenius

plenus explicentur, & quicquid denique aut dubitationis aut obscuritatis superfit, penitus amoveatur.

1. Imprimis itaque qui sapientem esse Naturæ Authorem contendit, tot habet sententiæ argumenta, quot in Natura reperiuntur insigniora Phænomena; quorum nempe qualibet Opificis sapientiam apertè prodit: iste vero qui negaverit, nullâ ratione inductus negat: Quid enim est, quo probabile efficiat Naturæ Ordinem ac vicissitudines cœcâ & brutâ temeritate sanciri potuisse? Id quis unquam argumentis confirmare aggressus est? Nihil enim majus probatum eunt, quàm possibile esse, ut mundus, & quæ in eo sunt, casu coaluerint, hæriolantes porro quo tandem casuum complexu idipsum evenire posset. Quæ autem objectant aliunde desumuntur: Quid autem absurdius? Quid obtusius? Quid omni non modo rationi, sed & prudentiæ repugnanti, quàm opinionem hinc saltè non contemnendis ratiociniis impetitam, inde omni probatione vacantem & vesanis ac futilibus commentis innixam amplecti? Hoc quidem si quispiam animum induxerit, nihil tam absurdum, tam portentosum est, quin pariter affirmare possit: nihil tam certum, perspicuum, indubium, quin juxta inficiari liceat. Nam v.g. quæ potuit, quæ vesania, qui stupor, quæ stultitia, quæ mentis inopia, rationis violatio esse major, quàm ut quispiam nullo ratiocinio inductus tam præclara Providentiæ opificia, quàm sunt animalium fabricæ, ad Fortunam referat? Hoc inquam si quis fecerit, quid adeo usquequaque monstrosum est, quod non facile crediderit? Quid adeo indubium, quin inficiari sustineat? Quid adeo perspicuum, quin confiteri respuat? scilicet isto pacto tueri liceret quicquid effinxerint Poetæ veras & genuinas fuisse rerum gestarum historias, & quævis ejusmodi alia; quippe possibile est, ut fere quicquid commenti sunt Poetæ, olim peractum fuerit, quidni igitur liceat Poetarum fabulas pro veris narrationibus asserere, perinde ac mundum & quæ in illo sunt olim fortuito & sine provido.

vido Conditorē genitum fuisse? Quinimo tametsi nulla hactenus extitissent supremi omnium Opificis documenta, tamen illius existentiam inficiari capitis prorsus deliri foret; siquidem anilis credulitatis sit, meram conjecturam, quæ omni probatione vacet, licet fortasse nullis ratiociniis labefactari posset, amplecti. Ut sanè nemo Atheus esse queat, nisi saltem stultè admodum sit facilis. Si autem tam verus sanus foret Atheismus, etiamsi nulla extarent Numinis documenta, quàm extremæ vesaniæ erit atheismo litare, cum tam præclaris ratiociniis impetatur.

2. Dein absurdè & præposterè admodum ab essentiâ Dei argumentum adversus illius existentiam duci; veluti si quid, quod conceptu arduum sit, aut quoquo modo cruces intellectui creet, illius essentiâ convolvi videatur, non omnino æquum est ut Divinæ Existentiæ certitudinem labefactet; scilicet non modo quòd quid rei sit essentia Divina nos penitus lateat, ut infra latius diducetur, sed etiam quòd eâ ratione, quæ certissima sunt, inficiari liceret: ita nempe sit ut quorum existentia præ aliis omnibus certissima agnoscat, eorum conceptus potissimum intellectum involvant & discrucient. Quid enim captu magis arduum quàm corporis aut materiæ Idea; aut enim è partibus extensis, aut omnis extensionis expertibus constat: si prius, partes infinitas contineat necesse est, aliàs enim ad inextensas deveniendum est; si posterius, nequeunt extensum constituere, non enim adungi possunt, nisi penetrent; etenim secundum unam partem attingere nequeunt, aliâ intactâ, partes enim non habent, non ideo tangunt nisi quoad totum, id quod demum est penetrare: Quocunque nos vertamus, sive materiam divisionis in infinitum capacem esse velimus, sive demum ad partem minimam deveniendum esse opinemur, utrinque apertis, uti videntur, contradictionibus implicamur, uti norunt omnes, qui leviter Philosophiam degustarunt. Unde, etiamsi Dei Idea intellectus humani captum discruciarer, satis

liquet nequaquam Dei existentiam inde labefactari oportere. Aliud enim est quid res sit cognoscere, aliud quòd sit, quatenus notitiæ istæ methodis prorsus diversis acquiruntur, atque ita de altero certissimi esse possumus, de altero interim penitus incerti; quamobrem quod quid sit Dei essentia nos penitus effugiat, neutiquam imminuit scientiæ, quam de ejus existentia habemus, certitudinem: siquidem argumenta in promptu esse possint, quæ luculentissimè hanc astruant, cum interim desint, quæ illam ominino explicant. Sed verò adversus eorum iniquitatem, qui propter obscuritatem substantiæ Divinæ, certitudinem, quam de Dei existentia habemus, imminutum irent, fusius peroravit *Gregor. Nazianz. Orat. 34.* quem adeas,

* *Lucian in
Jove Tragedo.*

Frustra igitur sunt * qui vesanas Gentilium de Deo opiniones, & aniles superstitiones objiciunt. Quippe si innatæ hominis ignorantia & superbiæ attendatur, si profundæ barbariei, in quam olim tota gens humana fuerat prolapsa, nihil mirum est, si tam proterviter & vesanè de Deo erraverint: si verò quid reputaverint Ethnici alicujus momenti fuerit; cur non omnium consensus quòd Deus sit, nos moveret, pariter ac dissensio de ejus Idæa & conceptu? Insuper an non argumentò est istam opinionem firmissimè omnibus inhaerere, quam potiusquàm homines repudiarent, non pigeret tam vesanos & horrendos errores complecti? Idololatria enim & superstitio non in totum à ratione abhorrent, sed partim rectæ rationi, partim ignorantia & inscitia inniuntur: isti, quatenus Deum esse, quem adorare oportet, supponunt; huic, quatenus modi, quo cultus Divinus ritè præstaretur, ignari, quemcunque tametsi stupidum & ridiculum amplexi sunt; sic ex proclivitate ad Numen venerandum, præcipientes & cæci in foedissimam Idololatriam delapsi sunt; cujus rei indicio esse potest, quòd Philosophia & Idololatria paria semper habuerint incrementa: Philosophia enim Numinis solummodo existentiam indigetare, & cultum

cultum illi debitum esse palam evincere potuit; qualis autem illius natura, quales ritus & ceremoniæ, quibus eum venerari oportebat, nequaquam investigare valuit; hinc innumeras Deum colendi methodos indagarunt, unde demum tam exorbitans cultus licentia ubique terrarum exorta est, & etiam si à ceremoniis, quæ enormius, ab ipsâ ratione alienæ erant, abhorrebant sapientiores, tamen degeneres vulgi animæ, quæ quid turpe erat, quid non, dijudicare non valerent, pronæ ad impurissimas qualque superstitiones prolapsæ sunt.

Perinde est cum *Lucianus* diversissimas Philosophorum de Dei Naturâ sententias objectat. Nam præterquam quòd vix possibile sit ex ipsâ Dei Naturâ, quin infinitos de eo errores errarent; præter hoc inquam, nihil mirum videri oportet eos in tantoperè discrepantes sententias ivisse, qui nempe placita sua non tam sophiæ & Veritati, quam nominis gloriæ velificantes induxerint; unde *Timone* appellantur *Κενῶς δῆσις* & *ἑμπλοῖς ἀσχυρῶς*, utres *vana opinionis pleni*: hoc enim consilio Philosophati sunt, ut quisque peculiare sibi erigeret imperium; & novæ sectæ nomen imponeret; cuius rei abundè argumenti est, quòd successores decessorum sententias nulla ratione commoti repudiaverint, aliasque perinde ac eas, quas rejecerant, incertas attulerint: Ut speciatim erant qui *Antiochum* à *Philone* descivisse dicerent, *οἱ δὲ, qui se sequerentur, Antiochii vocarentur* ut refert *Cicero Acad. quest. l. 4*. Inde adeo discordes de Diis sententias commenti sunt *ἐπὶ πλανημένους καὶ μὴ τέλει τῶν λόγων ἀλλήλους ἐλέγχον περιήκοντας* uti loquitur *Justinus*. Quod eis illud propositum sit studium, ut se invicem hallucinari minimeq; vera afferre arguant & convincant. Neque quidem aliud est quam quòd, cum in locis aliis versantur, satagunt; sic super primarum rerum materiâ planè scio diversas sententias plusquam ducentum recenferi posse; Iniquè igitur *Cotta* apud *Tullium*, cum concludit meritò nullam Deorum esse Naturam nos suspicari, propterea quod Philosophi tam latè eâ explicandâ dissentiant:

*In Isarome-
nippo.*

*Cobert. I.
ad Græcor.*

ant:

ant: Pari utique jure suspicetur nullam extare *τὴν ὅλην ὕλην* materia *σίλωμ*, ex qua res omnes efformentur, de qua tamen *Costa* cum suâ *Academia* ne minimum addubitare potuit, parem tamen utrinque consequentiam inveniet: Si quis enim autores consulat, qui Philosophorum sententias unâ corraferunt, non minorem reperiret opinionum de materia discrepantiam, quàm de Deo: & proclive est observare vix quendam esse, qui peculiare quidpiam de Deo somniavit, quin idem etiam circa materiam præstiterit.

3. Confodiuntur Athei non modo argumentis quæ nos in ipsos objectamus, verum etiam quæ ipsi in nos; & iisdem implicantur nodis, quos ut solvant, Divinam naturam abrogatum eunt. Quid enim in Deo adest, quod intellectum involvat, quin idem alteri cuiuspiam competat, si Deus non fuerit? Rationi, inquit, repugnat quidpiam ingenitum aut sempiternum esse: Esto, an vero absolum erit Deum ab omni æternitate *ἀγένητον* extitisse, & nunquid minus absurdum videtur atomos, materiæve primæ massam ingenitam & æternam extitisse? Nunquid intellectum torqueat Numinis æternitas? an minus torquet æterna materiæ perduratio? Quæ dissensio nobiscum ab Atheis intercessit, nisi quod unicum ens improductum existere statuamus: illi infinita entitacula; nos ens supremum, quod mundi œconomiam concinnaverit, Divinâ sapientiâ pollere dicamus; illi Entis supremi nomine appellent inertem materiæ massam omnis rationis expertem? Quocirca utrinque convenit aliquid primum & improductum esse; & solummodo disceptatur an ens ingenitum rationis compos sit, an experts. Et tamen vix quicquam nobis Exprobrant Athei, quin quod pariter tollat omne æternum & ingenitum.

4. Nostrâ nihil omnino refert quam Philosophorum sectam sequamur, aut quas mundi hypotheses amplectamur: Nempe Naturam ipsam urgemus, cujus solertia palam est, non abditos operandi modos, aut speciales hypotheses, quarum

rum utique perspectio admodum lubrica & incerta est: v.g. Perinde nobis est, an Universi œconomia eodem ordine disponatur, qui *Aristoteli* & *Ptolemaeo* arrisit; an eo qui *Tichoni*; an deinceps eo, qui *Copernico*; an quovis alio; quoniam pariter omnes sapientem Authorem exigunt; etenim ad quodcunque exemplar conformetur Mundi fabrica, adeo mirifice concinna est, ut nullo modo extrui & expoliri potuit nisi solertissimi cujusdam Artificis dextrâ. Quod potissimum observari velim in primævis patribus ac Scholasticis legendis, qui plerumque Peripateticæ philosophiæ devoti argumentum hoc dum pertractant, multa interserunt, quæ utcumque minus explorata videantur, nequicquam tamen argumenti vires imminuunt: sic cum Cœli siderumque ordinem, pulchritudinem, motuumque admirandam varietatem atque constantiam edisserunt, supponunt solem inter Martem & Venerem circumferri; Terram vicissim omnium Planetarum medio immotam manere; Sphæras Planetarum solidas esse, quibus Planetæ tanquam clavi impacti affigantur; Fixas deinde omnes in unâ spherâ coherere, quæ Erronum orbis sponte in Orientem rotantes Occidentem versus secum rapiat; quibus porro adjiciunt circulos Epicyclos, excentricos, Concentricos, & reliqua ejusmodi: Quorum quidem alia manifestè falsa sunt, alia adhuc inexplorata, atque omnino incerta, tamen argumento par robur ineest, ac si ista omnia vera ac perspecta fuissent; quoniam adferuntur, non ut probationis munere perfungantur, sed tanquam hypotyposis concinni istius ordinis, à quo deducitur argumentum: Cæterum etiamsi falsum Paradeigma ordinis mundani assignaverint, ipsa tamen Ordinis concinnitas manifesta est, nec minus elegans, quàm si eodem modo, quem illi autumarunt, institueretur: Nam *Copernicanum* v.c. Hypothesin conficere pariter opus rationis est ac *Ptolemaicum*, & mundi ordo si minus hoc vel illo modo instituitur, instituitur alio perinde eleganti. Et propterea cum obijciunt nonnulli non posse adeo valide à natura œconomia argui,

gui, cum illius indaginem assequi non valeamus, frustra sunt. Licet enim peculiares modos, quibus instituitur & operatur natura, nesciamus, tamen adeo affabre institui videmus, & præclare operari, quocunque demum modo, ut inde non possumus nisi Authoris solertiâ admirari. Et sanè tantū abest quin rerum naturalium ignorantia causæ nostræ officiat, ut potius quodammodo proficit; non modo quòd Naturæ elegantiam, atque opera mirifica clarè advertamus liceat, etiamsi modus operandi atque instrumenta, quibus utitur, magnâ ex parte nos fugiant; sed etiam quod ipsa tamen plerunque ignota valdè admirabilia esse deprehendere liceat: quippe si fortè interior Naturæ ratio paulò perspectiùs investigetur, quot vicibus subtilior videtur, quam cum adhuc obscurior & magis abdita existeret! Quanto enim plus solertiæ in Naturâ advertunt, qui peritiores evaserunt in genuinâ Naturæ Philosophiâ, quàm qui eam aut parum sciant, aut omnino nesciant; si verò tanta solertia in iis appareat quorum detectionem quodammodo assequi valeamus; quanta in illis agnoscenda est, quæ tam affabre atque admodum subtiliter consciuntur, ut præ exquisitâ subtilitate aciem nostram penitus effugiant! Nimirum solertia, quæ solertiâ nostram tanto intervallo antecellit, ut ipsum captum fugiat, quî potuit cæca & temeraria esse? Quî potuit nisi à mente diviniore, quàm sit nostra, oriri? *Quia enim* (inquit Lactant.) *supra hominis sensum & ingenium est, cui rectius quam Divina Providentia tribuenda est?* Iniquum idcirco est res fortuito factas fuisse opinari, quia quomodo fiant nondum satis exploratum est; quòd perennem Naturæ ordinem agnoscamus necesse est utcunque ecquo modo fiat nescii; planè enim novimus non adeo consultam & sapientem esse fortunam, ut opus tam præclarum quoquo modo perficiat; & exinde sicubi solertem Naturæ ordinem deprehendimus tamen peculiaris illius ratio lateat, inconsultâ Fortunæ temeritate nequaquam fieri potuisse vel inviti fateamur necesse est. Deinde quem-

admodi

admodum sunt, qui quoniam Naturæ consilium indagari non posse sibi persuadent & nullum fuisse inde concludunt; ita alii sunt, qui quoniam Naturæ indaginem sese demum investigavisse reputant, inde naturæ Authorem non desiderari volunt: at protervè utrinque, quippe non aliter se gerunt, quàm si duorum horologii machinam contemplantium alter, quâ arte & proportionem rotulæ ad invicem adaptentur, & motus suos tam accurratè peragant, sciret; alter verò totius apparatus sit ignarus, & hinc utrique machinam istam nullo artifice fabrefactam fuisse colligerent: hic quia illius consilium nescivit, ille quia novit. Cæterum si quis sub Philosophi nomine Atheismo litaverit, is planè aut Philosophiâ abusus est, ut illius auxilio adversus vulgi reprehensiones atheismum tueatur; aut illam planè nescit, vel parum callet: Primi generis homines sunt, qui prius sese omni impietati devovissent, quam cum alioqui propugnando non fiat, ad Philosophiam confugiunt (eo modo quo Hæretici & schismatici ad sacram paginam) quo melius impietatem suam adversus imperitorum & Philosophicæ scientiæ expertium clamores propugnent, inde enim adferre possunt, quod ejusmodi Adversariis silentium facilè imponat; cum obtundunt, sive verum sit sive falsum non refert, quod illorum captum effugiat: Hi utcunque sibi & plebeculæ ingeniosè Philosophari videantur, tamen cuique prudentiori incredibilem aut stuporem aut impudentiam produnt, & Philosophiam perinde ac religionem abdicavisse se ostendunt, neque tam ingeniosè quàm ridiculè nequam habentur: Equidem mirum est quàm putidè nugentur viri aliòqui fœlici ingenio ornat, cum Providentiam, quæ totius naturæ apparatus instituit, abolere satagunt, & ad cæcum fortunæ ductum id referre, quod nisi summâ sapientiâ, potentiâ, solertiâ, industriâ se effici non potuissent planè vocifaretur. Posterioris generis videntur ii, qui firmiter, antequam animos suos Philosophiæ applicare ceperant, nihil nisi solâ Dei manu

fieri posse opinati fuissent. Hic cum leviter Philosophiâ tincti advertunt quibus modis naturales effectus produci potuissent sine immediato Dei opificio, non ulterius prospiciunt, sed inde demum consiciunt rerum Naturam sibi suisque operibus faciundis sufficere, atque interim omittunt ventosi & arrogantes jam facti Philosophi perquirere unde iste Naturæ ordo & series, qui tales effectus tantâ solertiâ producere valeat. Atque ita hos sciolos in atheismum tradiderunt partim falsa præjudicia, quibus se, antequam animos ad Philosophiam contulerant, imbuissent; partim Philosophiæ defectus quod scilicet mechanicum Naturæ artificium se investigavisse reputant, ibi non sine bruto stupore subsistunt, nec de Artifice, qui Naturæ artificium & mechanismum disponderet, quicquam perquirere pergunt. Ita non Philosophia, sed Philosophiæ inciticia Atheismo famulatur, immò potius tantum abest quin liberæ Philosophiæ cultus quoquo modo Atheismi tyrocinium sit, ut ipsâ nullus uspiam validior suppetat Atheismi elenchus, & sane nisi obstaret Philosophia, parum abesset quin ferè omnibus licuisset Atheis esse: iis enim, quorum aures oracula divina non percusserunt, quomodo in Numinis agnitionem nisi Naturæ contemplatione deveniri posset? Quid plura? *Na quidem ille (ut præclare Vir multò Clariss.) perversè nimium Philosophia nomine abutitur, quicunque Automati rotas, filamenta, commissuras, omnemque mechanicum apparatus evolvit, quorum interventu Dadala illa machina, temporum decursus, mensium ordines, Planetarum vices, reciprososque maris aestus, & id genus alia exactè metiri didicit; si demum cum hac suâ indagine hoc tantum proficiat, ut Artificem cujus opera & ingenio ista debeantur minus agnoscat.*

Dr Willis
Cerebr. Anat.
Epist. Dedic.

5. Neque incongruum est subnotare nullam hæctenus hypothefin ab Atheismi patronis assignatam fuisse, quibus omnia Naturæ Phœnomena expedire adlaboraretur; multas agnosco quæ aggressæ sunt aliquot naturalium legum & effectuum can-
nonas.

nones per opportunum casuum concursum explicare; at nullas hæcenus videre contigit, quin quæ innumerabiles Naturæ effectus præterierint. v. g. nemo hæcenus causam assignatum ivit, cur Sol oblique per Zodiacum circumferatur, cur hinc inde à septentrione in Austrum vicissim iret & rediret; Nemo explicatum ivit, quomodo muscoli in hanc situs, & processus rationem, quam adepti sunt, efformantur: nemo exitum vasorum generationi famulantium; quoniam diu antequam liquor ullus per ea fluat, efformantur, & innumera ejusmodi reliqua. Et in istis, quorum ex casu ortum expedire adiuntur, non totam eorum œconomiam differere suscipiunt, sed satis fecisse se rentur, si vel in uno solum momento id præstent: Sic cum *Epicurus* & *Asclepiades* se bellæ provinciæ defunctos arbitrabantur, si ostendere potuissent quo pacto citra Artificis cujusquam rationem & consilium tam commoda in singulis manûs tendinibus moles oriri potuit; scitè monet *Galenus* ut pariter de cæteris ad illos spectantibus edisserant. *Vos oportebat primum quidem sicut tendonum moles non magis artificiosè quàm inartificiosè fieri ostendistis, eodem modo dicere aliquid etiam de eorum multitudine, & positione & applicatione.* Sed & hoc affatim evictum esse arbitramur, ubi supra de canalibus per corporis ambitum excavatis egimus.

De usu part.
l. 1 c. 21.

6. Ut multa Phœnomena expediant, de materiæ particulis & rebus inanimatis tanquam mente & affectibus præditis loquuntur, ut cum iis electionem quandam optimi aut idonei tribuunt; Hoc commodius (uti sæpiusculè loqui solent) invenerunt atomi, hinc hoc vel illo modo sese accommodarunt; aliæ hunc locum, situm, ordinem quærunt, aliæ istum. Quoties innuunt res inanimatas alia velle, appetere, adamare; alia vicissim, à quibus abhorrent, devitare? Quàm trita axiomata, *opus natura opus intelligentia, natura nihil frustra*, & sexcenta hujusmodi, quæ aut inanimatis rationem & electionem attribuunt, aut ratione & consilio aptari subinnuunt. Quoties de Naturæ scopo & intentione? quoties de mutuo rerum

consensu?

Plut. de
facult. luc.

consensu ? Quoties de rebus omnibus dicere solent, quasi sua quæque munia intelligerent ? Sic *Epicurus* cum Dei Providentiam ad mundi gubernationem non desiderari disputavit. *Quid opus* (inquit) *sapientiâ ordinis in exercitiis, si militum quisvis suâ sponte noverit locum, ordinem, stationem, quam accipere & tueri debeat, &c ?* Quasi atomi eo ingenio polleant, ut muneris sui quæque gnara sit, & sapientiâ accincta eo fungatur. Quibus constat ipsos rem expediendo non esse, sed occultò rationem inducere, quæ vaga omnia moderetur. Ita deinceps cum omnia ad Naturam effecta referunt, fatentur casu ea primò extitisse, Naturam verò sese usu, & multiplici ejusdem casûs eventu sensim erudiisse, & demum istâ peritiâ, quam jam indies exerit, imbutam evasisse ; ita ut quod casu duntaxat initio contigerat, id temporis decursu, Naturæ longâ utique experientiâ edoctæ arte fieret : Quomodo *Epicurus in epist. ad Herodotum* ἡ ἀληθεία ἐκ τῆς φύσεως πολλὰ καὶ παντοία καὶ τῶν αὐτῶν τῶν πραγμάτων διδάσκειν. *Illud supponendum est fuisse Naturam ab ipsis rebus edoctam.* Atqui verò nisi Naturæ nomine causam intellexerint, quæ rerum eventus observare, iisque attendere valuit, quomodo erudiri potuit ? Cum verò nihil aliud insinuari velint, quàm certas leges, secundum quas atomi suas motitationes moderantur, nisi causam sapientem induxerint, quæ naturæ leges tulerat, & atomis certas motiones indiderat, hoc solùm lucrantur sibi ipsa corpuscula leges præscripsisse, & motus quæque suos solertissimè gubernare. Atque quidem cum nihil aliud præter atomos, earumque motus Naturæ nomine exprimi velint, quid aliud, si quid omnino, dicunt, quam atomos sibi leges instituisse, certasque artes coluisse, eoque peritiæ diu asuescendo pervenisse, ut longè solertiùs quàm artificum peritissimi operarentur ? Verùm fierine potest quenquam mortalium eo incitiæ, aut potius stuporis delapsum esse, ut credat quidquam valere consuetudinem in vagis & temerariis atomorum motibus ; quodq; fortè semel hâc terie moverint, idcirco eo promptius & facilius

lius in eandem rursus concedant; præsertim ubi tam incomprehensibilis motuum fortuitarum complicatio postulatur, quantam effligit unius animalculi fabricatio. Nec denique quicquam apud Atheos vulgarius est, quàm ut de Naturâ (quam toties crepant, & Naminis vice tanquam Mundi Reginam venerantur) tanquam principio, quod summâ solertiâ & sagacitate polleat, loquantur, quo Deum dum repudiant, tandem admittunt, uti supra aliquoties monuimus.

7. Neque quidquam lucentur, cum Naturæ Phœnomena ad causarum naturalium seriem referunt; sed potius eò perplexius irretiri videntur, quò altius causarum seriem deducunt; nam quanto major earum series, tanto est mirabilior; ac proinde eo potentius sapientiæ, quæ eam instituerit, argumentum. Sic cum omnia, quæ in terris advertuntur, Phœnomena, unde sint sciscitamus; interpellant statim, à cœlo & astris; quo tamen minime se evolvunt; Equis enim non videt haud minoris consilii esse cœlo sideribusque ad ea producenda uti, quàm si illa Deus ipse absque omni aliorum agentium ministerio produxisset? An non stupenda est sapientiæ vis, quæ eo consilio cœlos disposuerit, ut tam affabrè & opportunè tam præclara moliantur? Par equidem Providentiæ opus videtur, quòd Sol herbas teneriusculas è terræ gremio evocet, foveat, in folia discriminet, & deinceps in flosculos perficiat, & granula postea in novam progeniem evasura conformet, quàm foret, si Deus, subducto sole aliisque ipsius ministris, hæc omnia ipse elaboraret. Adhæc animantia, inquiunt, progenit Sol, edidit terra; esto, sed unde tam opportuna solis terræque ad invicem distantia? Unde soli tam exquisita vis prolifica? Unde tacuitas tam elegantes machinas condendi? Num probabilius quod sol tales foetus nisi ex Providentiæ præscripto procreet, quam ut ipsa tellus eos sponte effundat? Quid opus igitur ad solem confugiendi? Potissimum cum jam ante affatim probavimus tam affabrè

affabrè & exquisitè concinnatas esse animalium omnium fabricas, ut nullâ causâ, nisi quæ sapientiâ polleat, extrui potuissent. Quid quod denique majoris sapientiæ sit causarum seriem instituere, quam ipsos effectus immediatè genuisse? sic cum omnia Naturæ opera ad causas naturales referunt, eate- nus succrescit difficultas, quatenus solius Providentiæ opus sit, tum naturæ opera efficere, tum instrumentorum seriem, quorum ministerio utatur, adaptare; sicut pluris est unâ cum automato instrumenta, quibus fabreficeret, conficere, quàm id solum elaborare.

8. Neque nostrâ refert an naturæ opera & Phænomena peragantur Mechanico quovis artificio, quo valeant *causa secunda* varios motus & munia, quibus destinantur, obire; an quodlibet magis speciali *Causa Principis* concursu & directione perfici dicatur: Quippe si omnes Naturæ motus mechanico quodam apparatu deducantur, paria sanè immensæ sapientiæ vestigia in ejusmodi mechanisimi dispositione prostant, ac si ipsa omnia Deus ipse immediatè operaretur. Quid nempe creditu enormius quàm materiam vago & fortuito casu in ejusmodi demum ordinem olim coïisse, ut necessariò tam inviolabili constantiâ, totidem, tam admirandis, magnificis, subtilibus officiis & usibus fungeretur? Quin & longè præclarioris esse videtur artificii opera automata & instrumenta ita erudire, ut opificia quævis conficiant, quàm si ista non nisi Artificis labore conficerentur. Neque præterea disputatur an res quæque naturales diversimodis corpusculorum motu, situ, quiete, figurâ, magnitudine, separatione conjunctione naturam suam & proprietates adipiscantur; sed an corpuscula tam concinnè ad motus, figurationes, situs, conjunctiones, è quibus totidem, tam exquisita Naturæ machinamenta extruantur, temerario lusu determinari possint. Ita licet corporis compages solâ causarum inferiorum operâ extrueretur, tamen in eo elucescit Providentiæ vis, quòd ita omnia concinno ordine disposuerit, & locis debitis delegaverit, & ejusmodi instru.

instrumenta apparaverit, ut necessario conspirent & coope-
 renter ad tam elegantem corporis symmetriam expoliendam;
 cum nimirum ad illius molitionem tot mille solertiæ specimina
 exigantur. Quid equidem Providentiâ istâ admirabilis, quæ
 adeo scitè bruta agentia adaptavit, ut per tam varios meand-
 ros & ambages stabili eodemque tenore ad difficillimam &
 exactam eutaxiam confluerent. An Deus quicquam in naturâ
 hodiè immediatè operatur, an potius ita omnia initio dispo-
 suerit ut illius auxilio non indigeant, sed ut sine eo res quæque
 munia quibus destinantur exequi valeant, hæcenus Theologis
 & Philosophis disquirere permittitur: An verò Deus ita po-
 tuit Naturæ œconomiam disposuisse, ut postmodum illius
 concursus non desideraretur dubitare pene nefas foret. Quidni
 enim potuit Deus, postquam Mundi Idæam efformaverat,
 tantum materiæ in minutissima corpuscula divisæ apparatus
 condidisse, quanta toti machinæ absolvendæ sufficeret; variis
 magnitudinibus & figuris varias particulas induens, innumeris
 motibus exagitans, & in varias demum contexturas colligens,
 ex quibus varias qualitates & facultates voluit comparari, quæ
 omnia deinceps Naturæ munia ritè obirent, & omnes, quos
 præscripserat, effectus præstarent; hinc aliis vim magneticam
 indidisse quâ alia ad se adducere valerent; aliis vim elasticam,
 quæ jugi in omnem partem nisu ubique subirent, ne usquam
 rescindatur rerum compages; alias in varias contexturas mi-
 rificè compegisse, & undique per terrarum orbem consper-
 sisse, aut particulis ejusmodi propensionem indidisse, ut spon-
 te ipsæ in ejusmodi contexturas demum coirent, ex quibus
 deinceps innumerabiles enascerentur plantarum species; his
 amplius animantium genera efformavisse, iisque exquisita
 quædam organula, quæ particulas alimenti nonnullas ea arte
 elaborarent, ut ex iis postmodum alia pro suo quæque genere
 nascerentur, adaptasse, & istiusmodi reliqua. Si inquam hanc
 aut hujusmodi hypothesin instituerit Naturæ Opifex, per-
 inde & forte luculentius sapientiæ specimen exhiberet quam

si ipse se omnibus Naturæ operibus & phœnomenis hætenus immisceret !

9. Inviçtissimum esse ratiocinium, quod ab Artis operibus ad Naturæ opera ducitur : nempe quòd si artis opera solâ ratione perficiantur, nedum quæ conficit natura ; quoniam quin illa istis longe præclariora sint dubitari nequit, quod partim ex prædictis liquet, & plenius constaret, si forent utraque ad invicem commissa : Neque enim aliud quicquam Artes videntur quàm Naturæ æmulatio ; fasne igitur hujus machinamenta demirari, illius tanquam casu compacta æstimare ? Quid aliud artis canones quam observationes quædam ex Naturæ solertiâ depromptæ ? Quid aliud artis opera & præclariora effecta, quàm quædam Naturæ imitamenta ? Sic exquisita *Galilæi* perspicilla quæ nuper inventa tantâ cum admiratione excepit orbis, vix quicquam in se admirandum habent, nisi quod ad Oculorum formam efformentur : & sanè quid aliud Optice quam observationes aliquot ab oculorum usu & solertiâ desumptæ ? Ut & Artes pingendi, cœlandi, sculpendi, à sola proportionem partium omnium ad invicem singularumque inter se desumi videntur : & Musica Instrumenta ad similitudinem organorum vocibus modulandis inservientium machinantur, & musculis demum ita proportionantur intervalli, ponderis, molis, motûs, figuræ rationes, ut non solum arte mechanicâ ordinari videantur, sed & illius regulis ansam primum dedisse, & ejusmodi alia. Quod autem excipiunt aliam esse artificialium rationem, aliam naturalium, quoniam ista Artificum industriâ effici quotidie videmus, cum nihil tale in naturalibus intueri liceat, prorsus futile & ridiculum est : id nempe quod objiciunt argumenti nervus est ; scilicet si Artis opificia non possint nisi Arte fieri, ut quotidie experimur, quantò minus multò exquisitorum Naturæ opera, non enim à sensu fit argumentatio sed à minori ad majus, qua nulla validior ; ut scilicet si videamus præclara ædificia, animalium picturas, automatum machinas solâ

solâ ratione elaborari posse, quantò magis rationem desiderant longè præclarissima Naturæ opificia, quæ innumerabilibus intervallis Artis molimina superant? Et porro instituitur comparatio solum inter utriusq; solertiam, ut si ab ipsâ Palatii alicujus elegantia ab Artifice extractum fuisse ritè inferatur, cur non à solâ Mundi elegantia Architecti sapientiam inferre liceat? Non enim argui velimus Palatium hoc ab Architecto quodam constructum esse, quod aliud vidimus ita construi, sed simpliciter à solâ ædificii structurâ, quod scilicet ejusmodi sit, ut fortunæ manibus extrui respuat, & non nisi causâ rationis & consilii compote fabrefieri potuisse ipsa clamet; ut si quis, qui in silvis semper vixerat, & nihil humani artificii antea viderat, in illud incideret, illiusque elegantia, symmetria & utilitati attenderet, statim Artificis ingenium & industriam miraretur: neque enim nisi ab omni rationis usu deciderat, ædificii structuram fortuito extitisse arbitrari poterat. Vel si Idiotæ cuivis in silvis nato omnisque humanæ artis ignaro horologium quoddam exquisitum objiceretur, si etiam ab Artifice disereretur mirabilis prædictæ machinæ oeconomia; quantâ elegantia concinnetur, quàm subtilibus, variis, tenuibus organulis instruatur; quos motus, & quàm æquales obeat, quibus usibus inserviat, quàm fideliter temporis mensuram indicet, & id genus reliqua; an non protenus, nisi quidem penitus obbrutuisset, Artificis ingenium & industriam obstupesceret? An non machinæ solertia se temerè & citra artem ac ingenium fieri non potuisse per se ipsa vociferetur? Ita si fingatur Philosophos esse, qui semper sub terrâ delituisent, nullumque ædificium extrui observassent, aut extractum esse aliunde accepissent; hos autem postea è latebris eductos, ut elegantissimum quodvis Palatium perlustrarent, an non ex solâ structuræ elegantia Conditoris solertiam agnoscerent? vel saltem an non luculentissimè Conditorem proderet nudaet simplex structuræ elegantia; ita ut omni rationi reclamarent, si non Artificis, sed fortunæ manibus extractam fuisse arbitra-

rentur? Cum denique præclare arguit Stoicus. *Si meliora sunt ea, quæ Natura, quam illa quæ arte perfecta sunt, nec ars efficit quicquam sine ratione: ne natura quidem rationis expertis est habenda. Qui igitur convenit signum aut tabulam pictam cum aspexeris, scire adhibitam esse artem: cumque procul cursum navigii videris, non dubitare, quin id ratione atque arte moveatur: aut cum solarium vel descriptum, aut ex aquâ contemplare, intelligere declarari horas arte, non casu, mundum autem, qui & has ipsas artes, & earum artifices, & cuncta complectatur, consilii & rationis esse expertem putare?* Frustra regesserat Coita nullam esse ab arte ad Naturam consequentiam, quod videamus artis opera arte fieri, non autem quæ perficit natura: Quippe imprimis inde petitur & stabilitur argumentum, quod nempe si compertum sit artem nihil sine ratione efficere; nedum natura rationis expertis habenda est, quod meliora sunt ea, quæ naturâ, quàm illa, quæ arte perfecta sunt; ita argumenti fundamentum est, quod pro certo innotescat artis opera solâ arte fieri, unde deinceps infertur non nisi arte fieri potuisse Naturæ opificia; quod plus artis & solertiae postulent, quàm quæ arte perfecta sunt; Ita tantum abest argumentum ab arte ad naturam responso isto labefactari, ut illi tanquam fundamento superstruatur. Deinde facile fingi potuit quæ arte perfecta sunt, cuidam artis planè rudi objici; quod si fingatur, porro interrogari potuit, an non oportuit, postquam illorum symmetriam intellexerat, arte fuisse perfecta colligere? & An non absurdè admodum se gereret, si opificia tam stupendæ solertiae & utilitatis casu ac temerè elaborata fuisse crederet? Et propterea fortasse est, quod idem Author proximè similitudinem seu potius ratiocinium ab ejusmodi Artis opificiis petat, quæ nunquam antea visa fuerant. Ut si in Scythiam aut in Britanniam spheram aliquis tulerit, hanc quam nuper familiaris noster effecit Possidonius, cujus singula conversiones idem efficiunt in Sole & in Lunâ & in quinque stellis errantibus, quod efficitur in Cælo singulis

singulis Diebus & Noctibus : quis in illâ barbarie dubitet quin ea sphaera sit perfecta ratione ? Et mox inducit illum apud *Actium* pastorem, qui navem nunquam ante vidisset, ille tamen ut procul divinum & novum vehiculum Argonautarum è monte conspexit, primo aspectu inanimum quiddam, sensuque vacuum se putat cernere, post autem signis certioribus, quale sit id de quo dubitaverat, incipit suspicari : sic Philosophi debuerunt, si fortè eos primus aspectus mundi conturbaverat, postea cum vidissent motus ejus finitos & æquabiles, omniaque ratis ordinibus moderata, immutabilique constantiâ, intelligere esse aliquem non solum habitorem in hac cœlesti ac divinâ domo, sed etiam rectorem & moderatorem, & tanquam Architectum tanti operis, tantique muneris. Sic quod artis opera artificum ratione elaborari videmus, nostrâ nihil refert, cum abundè à solâ ipsorum solertiâ artificem esse argumentari liceat ; quod autem fabrefieri videmus, nervos argumento addit, si enim ista ab Artifice quodam semper fiant, sequitur ut multo majis longè præclariora Naturæ opera Artificem desiderent.

10. Nec quidquam est, quòd aliqua in rerum naturâ Melius fortasse disponi potuissent, libenter enim agnoscimus, immò acriter contendimus Deum perfectiorem mundi fabricam, siquidem placuisset, extruere potuisse ; tantam enim potuit fecunditatem terræ indidisse, ut nullæ uspiam provenirent steriles avenæ, ut omnis ferret omnia tellus ; & tantam salubritatem, ut nullæ noxiæ & venenosæ plantæ, aut animantia uspiam vigerent ; neque iisdem, quod jam sit, opus foret ; potuit genus humanum firmioris roboris, ac dururnioris vitæ extruxisse ; non in totidem, & tam varios morbos ac ærumas proclive ; non præmature, aut tam præcoci facillive interitui obnoxium, & ejusmodi alia : & propterea parum mihi placet eorum institutum, qui quò magis sapientissimam Dei Providentiam celebrent, rerum naturam usque adeo perfectam esse volunt, ut nullo pacto quidpiam melius institui

institui posset: quasi Deus omnes sapientiæ thesauros huic
 machinæ extruendæ impendisset, & in eâ ultimum potentiæ
 specimen edidisset. Verum utcunque melior natura excogi-
 tari potuit, tamē adeo undiq; exquisita est hæc, quam videmus,
 ut non potuit nisi à causa summo consilio prædita constari, de
 qua sanè multò potiori ratione dici posset, quod suo Athletæ
Zeuxem subscripsisse fertur, *Μακρόταλ' τις γάρη, ἢ μὲν ὅστις* cul-
 paveris hæc facilius quàm imitaberis: Quamquàm enim con-
 cesserim Deum præ potentiæ & sapientiæ immensitate præ-
 stabiliorem Naturæ œconomiam sancire potuisse, tamen con-
 stanter pernego ingenium humanum parem, nedum meliorem,
 excogitare posse; etenim non video quomodo commodius
 quàm plurima attemperari potuissent, exemplo sit ratio cir-
 cuitûs solaris, quæ adeo providè ordinari videtur, ut oppor-
 tunius nullo hominis ingenio institui potuisset, Ita enim Sol
 unicus toti terrarum orbi sufficit, ut sive plures mundo præsi-
 dere vellemus, sive eundem alia ratione compositum, utilita-
 tem ei, quam jam affert, parem non conciliaret: si enim variis
 Zonis varii Soles imminerent, perpetuo ardore terram adu-
 erent; jam verò Sol nunc accedendo, terram calore fover, nunc
 recedendo, eam vires, ne nimium exhaustiatur, refarcire per-
 mittit: aut si ulterius ad utrumlibet polum procurreret, non-
 modo quæ ab altera parte degunt animalia, propter nimiam Solis
 absentiam & longinquitatem frigore perirent, sed fontes frigo-
 ris, regiones nempe prope polos subjectæ, ita incallescere, ut
 inde frigora, quæ ardorē temperarent, & aqueū humorē (qui
 alioqui penitus exhauriretur) refarcirent, provenire nō possent.
 Sed esto res quasque melius institui potuisse, an idcirco ra-
 tione & consilio non instituuntur? Nihilne arte effectum, quod
 non omnibus numeris absolvatur? An non alia horologia
 perinde ac celebris *Argentensis* illa Artificem confitentur?
 An non alia ædificia utcunque longè inferiora Architectum
 desiderant, pariter ac excelsa & regia palatia? Aut an ædi-
 ficiū quodvis, siquidem ruinis obnoxium sit, consilio ex-
 structum.

tractum non fuisse arguemus? An horologia Artificis manu non adaptari suspicabimur, quoniam labefactari possunt, & sæpiusculè labe aliquâ contractâ restaurari efflagitant? An non penes Artificem sit qualia lubet opera elaborare? An necesse est ut semper totam peritiam exerat? An *Apelles* semper *Venerem*? An *Phidias* semper *Minervam*? Si quis in silvis tuguriolum ex cespite & vimine constructum intueatur, & quòd non pari arte, nitore, robore, amplitudine, ac *Cæsaris Palatium* aut *Capitolini Templum* absolutum fuerit & exornatum inde colligeret non hominis industriâ, sed cespitis & viminis frustillis in aggerem fortè collectis factum fuisse, an non quam ineptissimè argueret? Quanto autem obtusius se gerunt, qui mundum temerè & casu factum esse colligunt, quòd non tam absoluta, elegans & commoda sit illius fabrica, quàm fingi posset? Equidem perinde est ac si *Archimedes* palatium quodvis augustissimum nulla arte extructum fuisse diceret, quòd ipse exquisitiorem fabricam excogitare potuisset. Mundum autem tugurio contuli non quasi non summo-perè ornatum & Augustum esse dixerim, quippe immensum pluribus intervallis elaboratissimum quodque ædificium exuperare crediderim, quàm vilissimum quodcunque tuguriolum. Augustissimo palatio superetur: sed quòd ad immensitatem divinæ potentiae dum respexerim, tanquam casula nullius splendoris aut amplitudinis esse videatur mundus, præ eo quem ædificare valeat Omnipotentia.

Quid quod denique eadem objectare licuisset, etiamsi Deo placuisset longè meliorem naturam extruere? Ut si fingatur hominem tantæ firmitudinis condidisse, ut ante annum vitæ centessimum neque morbis obnoxius foret, neque mori posset; tamen Providentiam pari jure reprehenderent, quòd hominum vita ad ducentum annorum spatium non prorogaretur; & si ad ducentum annos foret prorogata, tamen quòd non ulterius protracta esset, morte præmaturâ extingui videremur; atque ita deinceps quamdiu cunque, protrahi. fingatur, eadem rediret.

rediret Providentiæ reprehensio quod homines immortales & sempiternos non procreaverit. Quin & immortalitate donati quereremur, quod eâ frui non liceat, nisi continuâ alimenti assumptione subinde nutriamur. Sed & his etiam datis, conqueri nihilominus pergeremus ingratum & invidum genus de staturæ humilitate, de virium infirmitate, & si quæ aliæ dotes nobis abessent, quibus aliud quodcunque animalium genus exornetur. Veruntamen si vicissim ingrati homines minus firmam aut commodam conditionem adepti fuissent, se satis felices, & Deum ipsis abundè munificum haberent, si postmodum ad hanc, quam occupant, vitæ sortem proveherentur. Fac illos ambulandi usu caruisse, quàm felices sese reputarent, quantâque gratitudine perfunderentur, si postea istam facultatem assequerentur; quantum, inquam, id ipsum donum reputarent, de quo jam queruntur ingrati, quod scilicet Deus præstabilius donavisse potuit, sed pro divinæ potestatis arbitrio donare noluit. Sic si loquelâ destitutum natum fuerat hominum genus, si quæ postea eâ nos beare Deus dignaretur, immensum beneficium æstimaremus; quod tamen, quoniam illius defectum non experti sumus, nunc flocci facimus. Hisce satis omnia coargui opinor, quæ passim delirat *Lucretius* Providentiæ mundi Architectrici parcimoniam aut incertam aut oscitantiam exprobrans, quod utique non naturam commodiorem, elegantiore, augustiorem, sed totidem ærumnis & periculis obnoxiam instituerit.

II. Ut argumenta ab hariolationibus aut hypothesebus ad arbitrium confectis non petimus; ita iniquum est ut quæ diduximus, ab his quidquam præiudicii patiantur. Si quis Athei refutatum licet ex sacre historię (quam pro fabellâ habet) testimoniis, nisi prius adstrueretur illius *Omnia* aut sufficiens autoritas, quot sannis, & meritò quidem, eum lacerarent? tamen vix hoc, ut impietatem suam propugnent, satagunt Athei; non enim tam precarias hypotheses adferunt, quàm immanes quasdam conjecturas seu potius fabulas,

las, ut ratiocinia nostra eludant : bene enim norunt non aliud impietatis suæ patrocinium adferri posse quàm solum, ut ratiocinia, quibus evertitur, eludant.

Verum ut commentum non sumus animalia quædam longè pulchrioris formæ, quàm sint, quæ nobiscum versantur, in Lunæ orbe reperiri : ita neque par est, ut nobis obijciant posse in Lunâ aut alio quovis orbe horrenda monstra stabulari : Ut item non ab iis arguimus, quæ in siderum orbibus esse possunt, ita neque illis nos redarguere licet, quòd nesciamus quid ibi reperiat, & quibus finibus astrum quodque inserviat. Quàm ridiculum est ad ignota confugere, cum totidem, & tam præclara ubique occurrant Providentiæ specimina, quæ controversiæ finem tam abundè imponere valeant : Ita fingenti *Epicura* in *Principio* mundi alias quasdam innumerabiles animantes mirandâ specie & magnitudine fuisse natas, sed eas permanere non potuisse, quòd illas aut sumendi cibi facultas, aut coeundi generandique ratio defecisset. Egregiè reponit Lactantius.

Cum videret in omnibus quæ spirant, mirabilem Providentiæ inesse rationem, quæ, malum, vanitas erat dicere fuisse animalia prodigiosa, in quibus nascendi ratio cessasset ! De opif. Dei, c. 6.

Quippe demus monstra ejusmodi imperfecta casu olim è terrâ prodiisse, an idcirco sequitur animalia perfecta eo ritu efformari potuisse ? Nimirum an ideo dubitare liceat opificium, quo vix quicquam solertius fabrefieri potuisset, an ratione effectum fuerit, quòd rude aliquod illi simile tentamentum sine ratione efficiatur ? At quantò absurdius erit id dubitare, solum quòd fingi queat tale aliquod tentamentum casu fieri potuisse, etiam si factum esse nunquam comperiissemus ? Quorsum multa, etenim ex animalium, quæ videmus, mirabili structura, solâ providentiâ efformata ea fuisse colligimus, unum autem prodigiosa, mutila & deformia fuerint necne, ut prorsus nescimus, ita scire non refert, cum sive fuerint, sive aliter, pro certo nihilominus habemus talia hodiè esse, quæ adeo præclaram

ram & divinam produnt solertiam, ut non potuissent nisi divinitus pronasci.

Si denique istiusmodi commentis quidquam tribuatur, nihil tam absurdum est, tam vesanum, quin isto pacto propugnari queat; dicerem *Ovidii Metamorphoses* non fuisse Poetæ fabulas, sed Philosophi hypotheses, quibus prodigiosam, genuam tamen rerum originem enarratum ivit. Quorsum, si ista admittantur, *Dencalionis* & *Pirra* saxa non admittimus? Quorsum ex satis à *Cadmo* dentibus homunculos, ex formicis *Myrmedonas* substituisse non credimus? Quorsum animalia commistis formis non olim emeruisse, ut quædam partim hominem, partim bovem repræsentarent, Quorsum centauros, Chimæras, aliaque istiusmodi monstra in primo rerum exortu pullulasse adeo obstinatè pernegat *Lucretius*.

12. Quo clarius quis præmissæ argumentationis vim percipiat, monendus est ut desuescat mens à consuetudine oculorum, nec quod commune & familiare est, id leve existimet, sed rerum magnitudine, non novitate capiatur. Quoniam autem rerum solertia & majestas præ consuetudine imminui solet; finge te semper aliquo antro ab omni terræ coelique aspectu inclusum delituisse, postea autem ex abditis terræ faucibus subitò eductum Universi magnitudinem & harmoniam collustrare; & adstent porro periti Philosophi, qui indigerent quæcunque Providentiæ specimina in terrâ, vegetabilibus, animantibus, homine sese produnt, an in isto statu omnia fortuitò extitisse crederes? An potius sine ecstasi totidem miracula contemplari posses? Quemadmodum refert Illustriss. Heros (gentis nostræ Juxta & ætatis ornamentum) de puellâ quâdam ab ortu oculis captâ, quæ duodevigessimo plus minus ætatis anno cæcicatis sanata ab innumeris Naturæ prodigiis, quæ sese undequaque illius aspectui ingesserant, tanto mirabunda percussa erat stupore, ut præ nimia admiratione mente propemodum exciderat. Finge item

item te mundo primordiis præextitisse, & in concilium de mundo condendo coisse, quæ præclarius, quæ solertius fabricariconsuluisse? Quanto te stupore rapuisset, cum aspexisses rudem & indigestam materiæ aggeriem in mirabiliter adeo exquisitum ordinem & ornatum digestam esse. Finge insuper saltem animantium corpora, quæ casu constructa esse arbitraris, consilio & industriâ facta fuisse, aut saltem fieri potuisse, an ullo consilio, ullave sapientia solertius fieri potuissent? *Quid tu fecisses melius si Promethei loco constitisses?* Assuescat mens paulisper istiusmodi meditationibus hæreere, quæ tibi res, priusquam eum ordinem, quo constant, adeptæ sunt, representent, & vix poteris, quin in tam præpotentis sapientisque Architecti, qui adeo divina opificia condiderit, laudem & venerationem totus effundaris

Gal. de usu
part. I l. c. 3.

13. Non denique prætereundum est nostrâ non interesse, an Rerum Natura ab æterno extiterit, an aliquando enata fuerit, sive an fato, ut aiunt, an fortuna extiterit. Utrumque enim perinde ridiculum & ineptum est: Quippe tamen si fingatur mundi fabricam eâdem serie, quàm hodie obtinet, ab æterno extitisse; tamen ex optima illius structura palam fit eam causâ solerte & rerum provida conditam fuisse: Et enim cum in materiæ brutæ ac stupidæ ordine & distributione tam stupendam Providentiam videmus & agnoscimus, inde illius causam providam fuisse conficimus: Quæ autem Providentia in mundi œconomia aperta est, cum ipsi materiæ non insit, alibi quærenda est, atque adeo necesse est, ut præter materiam sit tandem causâ provida, quæ eam digesserat. Et proinde *Aristotelei*, qui mundum fato & necessitate ab æterno fuisse asserunt, eâdem ratione ineptire videntur, ac qui eam casu & fortunâ extitisse asserunt, quid enim interest utrum tam stupenda Providentiæ specimina à cæcâ necessitate sint, an à cæcâ fortunâ? siquidem absurdissimum videatur, ut omnino forent nisi à causâ providâ; ut sive necessario, sive fortuito existant, pariter ineptum sit: quòd utriusque

absurditas in hoc versetur, ut nempe tam præclara reperiantur Providentiæ specimina, ubi nulla sit Providentia : ad nostram itaque causam perinde est, tam providum Mundi ordinem extitisse, sive id necessario, sive fortuito, modo sine Providentiâ, evenerit. Atque ita omnia in rerum naturâ Providentiæ phœnomena, quæ superius recensuimus, non minus fatum aspernantur, quàm fortunam, cum necessario causam providam inducant; quòd cuspiter absurdum videatur tam solertia opera non referre causæ solerti; adeo ut quocunque referantur, sive [causam habuisse dicatur, sive non, parum refert; cum id, quod utrinque absurdissimum videatur, est, ut omnino sine causâ providâ & solerte extarent. Ut si fingatur *Peripateticum & Epicureum* in *Augustissimum* quoddam palatium, cujus ortus & prima constructio nemini innotuerat, unâ incidisse; An non qui illud semper absque opifice extitisse diceret, perinde vecors foret, ac qui fortunâ & temerario ruderum confluxu coagmentatum cogitaret? Quippe uterque pari vecordiâ rem, quæ luculentissimè artem & rationem prodit, causæ artis & rationis nesciæ transcribit. Siquidem ipsa ordinata structuræ compages artificem planè indigetet; cum enim rudera, è quibus conficitur, omni arte & consilio vacare constet, necesse est ut demum agnoscatur Artifex, qui tam concinnam & artificiosam molem fabricaverit. At vero quemadmodum ipsa Palatii *virtus* & elegantia Architectum prodit, & luculenter testatur fuisse quandoque fabrefactum; sic ex mundi elegantia colligitur, non modo non fuisse casu conflatum, sed quoque extractum fuisse, idque à causa intellectu: Quid enim magis Artificem desiderat, quàm tam apta, tam concinna, tam utilis partium Mundi conspirantium harmonia? *Epicurei* itaque cum Universi Machinam fortunæ ascribunt, nihilo melius sentiunt, quàm si *Augustissima* quæque Palatia temerario partium concursu extrui arbitrarentur, & vicissim *Aristoteles* dum tam præclaram tantarum molium symmetriam per se

se & semper constitisse opinantur, non aliter sentiunt, quàm si Capitolinis Aedibus Architectos quosunque abrogarent, & per se in eadem compage ordinatas fuisse dicerent. Propterea sicut non minoris vesaniæ sit credere ædificia per se, nulloque architecto confecta extitisse, atque sit si quis crederet fuisse illa forte fortuna extructa: ita perinde stupidus & vecors est, qui tam conspirantem & ordinatam partium Univerſi compagem per se, sublata omni quacunque causa intellectrice, ab æterno & nescio qua bruta necessitate fuisse autamaret, atque sint ii, qui eam ex cæca & temeraria particularum concursione prodiisse statuunt. V. G. cum supra *Cap. 2.* sciscitati fuerimus unde tam apta, provida, mirabilis œconomiae solaris institutio, viz. tam opportunum à terra intervallum, tam velox & constans circuitus, tam mirabilis intra Zodiacum cursus; cur huc usque excurrat, & non ulterius; quorsum à Septentrione in Austrum meet, & vicissim remeet; & ejusmodi reliqua; hæc inquam cum interrogamus, nobis perinde est, quicquid reponant, sive fortunam, sive fatam, sive naturam, sive quidvis aliud; quippe de singulis porro sciscitari licet, an sint ratione & providentiâ prædita, necne; si istud, Deum agnoscunt; sin secus, nihili est quod reponunt, etenim perinde est in quam causam tam providam œconomiam refundant, nisi ad intellectricem referant; neque refert quo nomine appellent, modo bruta sit. Quod insuper de mirabili corporis humani structura dicendum est: Cæterum ab illius fusiori tractatione superſedeo, quoniam affatim aliunde liqueat hominis naturam à se non fuisse, & proinde Auctorem habuisse, uti initio capitis secundi evicimus, ubi demonstratur tum quicquid à se seu naturæ suæ necessitate non existit, à causa aliqua existentiam mutuari; tum naturam humanam nulla intrinseca necessitate existere (nulla enim repugnancia est, quin penitus interiret) & proinde existentiam

beneficio causæ alicujus adipisci, quam fuisse consilio & ratione præditam capite tertio satis evicisse nos arbitramur. Ut ut igitur, quantumcunque reluctantur Æternitatis Naturæ assertores, satis jam liquet totam controversiæ molem ad *Hypothesin Epicuream* devolvi, adeo ut istâ funditus eversâ, altera *Aristotelis* & quæcunque aliæ unâ corruant.

Non sum nescius alios alia ratiocinia fabricari, si valida sint, gaudeo : Quod vero ad me attinet, satius duxi, quod mihi optimum videbatur, plene & accuratè, quantum licuit, pertractare, quam singula minori *curiositate* differere. Neque presentis instituti fuit Atheos quoquo modo debellare, sed solummodo armis ex Philosophiæ naturalis penu depromptis, ut, quantum religioni famuletur, patefiat : nempe illius perinde ac religionis vindex esse statui. Nec denique dubito quin plerique argumentationis nostræ prolixitatem reprehenderint, at ii sunt, qui controversiam non admodum callent, neque satis norunt quibus viis & argutiis atheis elabi solenne sit : verùm quotquot rem plenè & omni diligentia mecum attenderint, scio unâ mecum videre nullum caput me frustra inferuisse : Neque satis fecisse me arbitrarer, si solum, quodd fieri solet, in Rerum Natura Numinis Providentiam perspicuam esse fidenter dixitaveram, nisi etiam præclara aliquot illius specimina singulatim indigetarem, atque subinde quo plura, eo fortius argumentum comprobasse mihi videor.

C A P.

Rejicitur Cl. Cartesii Adversus Atheos Argumentatio.

Quoniam nihil majori veritatis præjudicio fit, quàm illius à mendaciis defensionem petere, superest, si qui in causâ, quam teneo, tuendâ erraverint, ut eorum auxilia abjiciam, atque eâ libertate transfigam, quâ jam ante fui atheismum sectatus: Cæterum longè aliis nobiliora sunt duo *Clariss. Cartesii* sophismata, quibus vir mathematicè doctior quàm metaphysicè Dei existentiam magnâ cum pompâ probatum ivit; altero in *meditatione tertiâ de Primâ Philosophiâ*, in *quintâ* altero. Quæ compendio solvere, quoad fieri potuit, operæ pretium duxi, idque eò libentius, quòd à viris, iisque haud indoctis, maximi tanquam *Archimedeæ* demonstrationes habeantur; è quibus, ut exterorum innumeros taceam, inter nostros præcipui sunt *Doctiss. H. Morus Cantabr. in Antidoto Atheismi, Charltonus Medicus Londinensis* libro, cui titulum fecit, *de tenebris Atheismi*, nec non ex parte (uno enim eorum misso, satius diduxit alterum) vir multiplici corona longè dignissimus *Stillingsfleetus* libro *de originibus Sacris*, lib. 3. cap. 1. Ut igitur pergamus. Sic in tertia Medit. argumentatur. D. De *Cartes.*

Utcunque nesciam quicquam extra meipsum existere, tamen cogitandi modos, quibus res alias animadverto, in me esse certus scio, quippe certus sum de re aliqua me cogitare, quamvis extra me fortasse nihil sit; Nullus enim error mihi obrepit nisi ex eo, quòd Ideas, (sic enim cogitationes seu cogitandi modos appellare placuit) quæ in me sunt, judicem
rebus

rebus quibudam extra me positis similes esse sive conformes: Nam profecto si tantum Ideas ipsas ut cogitationis meæ quosdam modos considerarem, nec ad quidquam aliud referrem, vix mihi ullam errandi materiam dare possent. Propterea igitur cum ideæ seu cogitationes simplices nequaquam errori obnoxie sint, restat solum earum origo investiganda: Quoniam vero alie innatæ sint, alie adventitiæ, quò pacto clarè earum omnium originem perspiciam? fortè omnes factæ & commentitiæ, cum quidem mihi insit facultas Idearum effectrix, Ut igitur perspicuè intelligam unde nascuntur Ideæ, perpendam imprimis oportet earum perfectionem, Nempe quatenus ideæ istæ cogitandi quidam modi tantum sunt, non agnosco ullam inter ipsas inæqualitatem, & omnes à me eodem modo procedere videntur, sed quatenus una unâ rem, alia aliam repræsentat, patet easdem esse ab invicem valdè diversas, nam proculdubio illæ, quæ substantias mihi exhibent, majus aliquid sunt, atque (ut ita loquar) plus realitatis objectivæ in se continent, quam illæ, quæ tantum modos sive accidentia representant; & rursus illa, per quam summum aliquem Deum æternum, infinitum, omniscium, omnipotentem rerumque omnium, quæ præter ipsum sunt, creatorem intelligo, plus profecto realitatis objectivæ in se habet, quam illæ, per quas finitæ substantiæ exhibentur. Jam vero Lumine naturali manifestum est tantundem ad minimum esse debere in causâ efficiente, quantum in ejusdem causæ effectû, ergo cum in ideâ omni sit realitas objectiva, in illius causâ tantundem ad minimum sit necesse est realitatis formalis, quantum ipsa continet objectivæ. Quapropter si realitas objectiva alicujus ex meis ideis sit tanta, ut certus sim tandem nec formaliter, nec eminenter in me esse, nec proinde me ipsam ejus ideæ causam esse posse, hinc necessario sequi non me solum esse in mundo, sed aliquam aliam rem, quæ istius ideæ est causa, etiam existere; rerum autem corporalium ideas ab ideâ meâ, ipsius videor mutuari potuisse; nempe substantiam, durationem,

nem, numerum, & si quæ alia sint ejusmodi: nam cum cogito lapidem esse substantiam, sive esse rem, quæ per se apta est existere, itemque me esse substantiam; in ratione substantiæ videmur convenire; ita ideam, quam de meipso habeo, ad lapidem aut alias quasunque res transferre possum. Sic quantum ad Ideas, quæ alios homines, vel animalia, vel angelos exhibent, facile intelligo illas ex iis, quas habeo meipsum, & rerum corporalium, & Dei, posse componi; quamvis nulli præter me homines, nec animalia, nec angeli in mundo essent: Itaque sola restat Idea Dei, in quâ considerandum est an aliquid sit quod à meipso non potuerit proficisci. Dei nomine intelligo substantiam quandam infinitam independentem, summè intelligentem, summe potentem. *Or.* quæ sanè omnia talia sunt, ut quo diligentius attendo, tanto minùs à me solo profecta esse posse videantur, ideoque ex antedictis Deum necessario existere est concludendum: siquidem idea hujus, quem Dei nomine concipio, continet in se infinitam realitatem objectivam, quatenus infiniti imago est: atque ita à solo Deo esse potest, nempe in eoduntaxat, cum ipse solus infinitus sit, tantundem reperitur realitatis formalis, quantum objectivæ continetur in illius ideâ. Nam quamvis substantiæ quidem Idea in me sit, ex hoc ipso quod sit substantia, non tamen idcirco esset Idea substantiæ infinitæ, cum sit finitus, nisi ab aliquâ substantiâ, quæ revera esset infinita, procederet. Deniq; idea Dei cum nec sit à sensibus hausta, nec à me effecta superest ut mihi sit innata, quam utique Deus, me cum creaverit, mihi, ut esset tanquam nota artificis operi suo impressa, indidit.

Ad hujus argumentationis solutionem, nolo omnibus, quæ obijci possent, immorari, missurus quicquid aut levius, aut minùs directe ipsius fundamenta impetere videatur; imò ut liqueat non severè nimis cum ingenuis me agere, nihil eorum adieram, quæ pertinaces Athei in promptu haberent objectanda; verùm ea duntaxat adducam, tum quæ cuicque Numinis
adfertori:

adsertori & vindici urgere fas sit, tum quæ ipsa potissimum argumenti fundamenta subvertant: Atqui vero pauli(per, priusquam comminus pugnetur, velitemus.

*Apol. Adv.
gentes.*

Imprimis igitur negare licet ullam omnino assequi nos Dei ideam; prorsus enim ignari sumus qualisnam sit Dei substantia; eò fateor ratiocinatione devenire licet, ut rem sempiternam, impro ductam, reliquorumque omnium effectricem esse intelligam, sed quæ qualisve sit, aut cujusmodi de eâ conceptum formare oporteat, me penitus effugere agnosco, uti quem ex fidei normâ arbitramur esse inconceptibilem; non modo quod quid sit, perobscurè & inadæquatè deprehendatur, sed quod prorsus nos se celavit. *Ita enim inquit Tertull.* *vis magnitudinis & notum hominibus objecit, & ignotum:* quippe quod sit, ex operibus gnari sumus; quid sit, ignari. Idea cujuspiam idem sonat ac similitudo, nihil enim aliud est, quàm imago seu idolum rei, quatenus mente depingitur: sed cuinam quæso mortalium unquam affulsit Numinister maximi imago, è cujus majestate esse videatur misellorum oculis subduci? Apertè igitur olim vetuit sub imagine quâ vis se venerari, ne ipsius similitudo concipi videretur: Tamen si enim lux sit longè splendidissimi fulgoris, tamen (uti *Franciscus Patricius* vir eximiè doctus, nisi quod nimium *Platonizet*) *in remotissimo suæ divinitatis recessu habitans.* Cæterùm ad hæc hisque similia, carneus es, vociferantur, & materiæ fœcibus immerfus: sed sensus penitus abdicari, omnesque imaginationis fæces abstergi, mentemque puram & serenam esse, eque corporeâ massâ evocari, ac sublimè evehi oportet, priusquam perspicuè Dei Ideam ibi depictam deprehendere fas sit. Seraphicè! scilicet ut sublimes difficilisque nugas assequamur, tanquam Aquila ad cœlum usque subvolaret, modò ut captaret muscas; sive veluti *Ganimedes Lucianicus* cœlum petiit, ut cum Puella Cupidine colluderet, sed seriò agendum est. Cum igitur nos monent, ut inter Phantasie apparentias, & mentis ideas discernamus, ne
fortè

fortè putemus solum concipi posse, quod quoque imaginari licet, hoc potius, inquam, par est ut evincerent; quippe non desunt, iique haut indocti, quibus hæcenus dubitetur, sintne intellectus *ideæ* quidpiam aliud atque imaginationis phantasmata: probandum igitur incumbit quod ac quomodo imaginationis & intellectus operationes distinguantur; quin & quæ sit pura intellectio, omnisque imaginationis experts, quamvis enim ultrò largiamur multas operationes esse intellectus proprias, ut animadvertere, judicare, argumentari, &c. nihil tamen suadet, ut *ideas* ullas illi soli inesse fateamur, nempe *idea* definiri potest imaginem esse rei, quæ cerebro aut phantasiâ duntaxat depingitur: ita tamen à mente adverti potest, phantasma nihilominus esse perseverat. Ita ut intellectio dici possit non nova distinctave *Idea*, sed *Ideæ* in imaginatione residentis intuitio seu animadversio; quod in corporeis manifestum esse probant, quoniam corporum omnes *Ideæ*, si germanæ sint, materiales esse oportet, & tamen intellectui obversantur, potest enim circa eas cogitare, ratiocinari, &c. quidni igitur intellectus res, solum imaginationis *ideas* intendo, percipiat? Utcunque si intellectus *Ideæ* perpetuo sint ab imaginationis *Ideis* alienæ, ut contendunt, quomodo eas, inquam, discernemus? quis eas unquam percepit? quid porro in *ideâ* intellectuali, quod non item in imaginatrice reperiatur? Quin insuper respuit universa pene Philosophorum natio quidpiam menti innotescere nisi ope phantasmatum, adeo ut illi nihil adveniat, nisi his imbutum: hinc in furdo nato nulla *Idea* vocis, nec in cœco coloris, quia obturantur sensuum forres, per quas potuissent ad mentem trajicere; hujus veritatem me, brutum fortasse & crassum animal, experiri fateor: omnes enim hæcenus *Ideas* ex sensibus deprompsi, quantumcunque ex Cartesii consilio intellectum ab iis abducere, & massam carneam Angeli instar exuere seriò laboraverim (quo vertemus, qui adeo corporeâ crassitudine obruimur, ut omni conatu emergere non possimus? an in impietatis luto hærendum est

crassis ingeniis?) Hinc omnium rerum ideis destitui me sentio, quæ sensibus non obversentur; quid sit Angelus, quid sit rationalis anima me perinde latet, ac si nunquam fuissent: quippe meditantî quid sit Angelus nulla obversatur Idea, nisi perpulchri juvenis alati, aut alia ejusmodi, quales sibi vulgus imaginari solet. Quid item sit anima contemplanti obversatur aëra tenuis, purave, pellucida & subtilissima substantia, aut quid simile omnes corporis artus pervadens; quam ideam utpote nimis crassam cum abjecerim, fateor me omni aliâ destitui, & quid concipiam nescire. Cum autem, *Cartesi*, te ipse è corpore proripuisti, & pura mens factus sis, Dic bona mens, quid tu ipsa sis. *Res cogitans, dubitans, intelligens, affirmans, nolens, volens*? Ad operationem transis, rem operantem haur assequeris, prius tenebamus mentem posse cogitare, sed quid sit, quod cogitet & quomodo se habeat, hætenus fugit. Perperam corpoream massam deseris, ut eò penetres, quod nos carnei, stupidi, & materiâ obruti facilè pervadimus. Oculum esse rem videntem definitio, an jam quid sit oculus, quæ partes, qui situs, quæ partium cohæsiō probè tenes? sit item canis animal latrans, ignis res calefaciens, magnes lapis ferrum attrahens; Jamne sit res confecta? an *ē pura* exclamandum? mihi ut gratuletur gens Philosophorum expectarem, quod penitus eruerim intimam magnetis naturam, quæ huc usque tantoperè aliorum torfit ingenia: profecto id si facerem, quàm me ab omnibus continuò deridendum propinarem! At tamen non plus præstat D. *De Cartes* ad mentis naturam investigandam, cum definit esse rem cogitantem, quàm Ego ad magnetis, si definirem esse lapidem ferrum attrahentem. Monstruosum quod mens cogitet! quis antehac tale quidpiam audiit! Hei quod tam attentâ & diurnâ meditatione tritum & pervulgatum hoc, vir eximie, erueres; decennium conteras ut solem lucere evincas; quàm lepidum, si quis quod ubique commune est, de Cælo peteret, aut ad Antipodas navigaret, ut lapides aut vulgare quodvis referret! Quinetiam non modo spiri-

spirituales essentiae, sed & materiales ingeniola humana prorsus effugiunt, nempe modorum tantum & accidentium ideas novi, quoniam sensibus usurpantur, per quos ad mentem demum perveniunt; qualis autem substantiae idea sit, quoniam sensibus non pateat, ignoro, non aliter ac qui à nativitate cœcus, Solis, quem esse sentit, figuram aut colorem nescit. Et enim præter accidentia scio esse nescio quid substantiae, adeo ut illa ab hac conceptu refecare valeam; quibus refectis, aliquid iis superesse percipio, sed quid sit prorsus nescio; veluti si à cera detrahas colorem, extensionem, figuram, aliorumque accidentium vestes, quid qualeve erit, quod superest corpus nudum? an ceram concipere possis neque coloratam, neque extensam, neque figuratam? Verùm de his plus satis, modò autem, priusquam ad alia transeam, subnotari velim, siqui dogmata fanatica cudere & propagare satagunt, multùm illos de intellectu ab imaginationis fascino abducendo concionari. Ita sub hujusmodi prætextu fanaticam suam nobis *Plato* propinavit Philosophiam. Animus, inquit, diviniore & sublimiores ideas per se citra sensuum auxilium animadvertit & dijudicat; sensus igitur dimittite, monet: solius est mentis de iis judicare, quæ differere dignatus sum, & tamen solum ridiculas & involutas esse illa nugæ libenter jurarem, uti quæ eo consilio inventa sunt, ut non modo omnem sensuum sed & intellectus captum procul effugerent, quò nimirum evaderet *Clarus ob obscuram linguam magis inter inanes*. Ita vehementer attenta meditatione ridicula nugamenta nos expiscari voluit, ut olim tyrannus nullius pretii pisciculos hamulis ex auro conflatis captavit. Næ equidem mirum tam sublime ingenium se toties putidis nugis occupasse, mirabilis tot sectatores adeptum fuisse; qui omnes, quocunque vertamus, toti fanatici sunt; utcunque jactitent tumidi se Solos tenere *Edicta doctrinæ sapientum templa serena*: Hæc enim introire nemini permittunt, nisi prius sensus profanos, ut *Moses* calceum, exuerint. At sensibus (mente potius) semoti extemplo

consecrantur, & fophiæ diviniore mystæ. Sed ab instituto inscius & invitus excidi, adeo mihi bilem mover, quòd fanatica hæc & jactabunda disciplina demum renascatur, & summam æstimationem inter ingenuos obtineat; sed delirent, qui deliriis se voverunt, ipse redeo.

Dicent fortasse tametsi ^{divinæ} divinæ ideâ distitui nos comproberur, suppetit tamen idea illius attributorum, quòd sit infinitus, immensus, æternus, independens, omniscius, omnipotens, &c. Et ex hac, quoniam objectivè infinita sit, colligimus, ut supra, ab Authore formaliter infinito, & proinde Deo effectam fuisse. Collectionis ratio infra examinanda veniet, quod igitur ad positionis examen spectat, quæro solum, unde intelligitis attributa ista ad ideam Dei attinere? nonnullis visus est nec infinitus nec immensus, quomodo evincam illis illius existentiam ab ideæ infinitate objectivâ, cum finitam eam solum esse crederent? Quis sciam ideam, quam vos Dei habetis, genuinam esse; commentitiam verò aut mutilatam, quam illi. Argumentis aliquot à vobis stare me cogetis? At jam non ideis, ut obtenditis, sed ratiocinatione agitur. Præterea vosne quid sit infinitum intelligitis? quàm facili negotio innumera problemata de infinito quovis proferre liceret, quæ, in quamcunque partem versimini, variis vos implicarent contradictionum plexibus: sed impresentiarum modo evolvite, quomodo Deus, si infinitus sit, entitatem cum quoquam alio participare potuit; nempe perfectio infinita omnem aliam, qualiscunque tandem illa sit, excludat necesse est, quippe alias reperiretur perfectio extra infinitam perfectionem; si igitur perfectio divina infinita sit, necesse est ut sola sit; si enim quicquam præterea fuerit, non sine manifestâ *ἀντιλογία* infinitum esset & aliquid præterea; etenim vestrum omnium suffragiis hætenus firmatum est postulare rationem infiniti, ut excludat omne aliud in eodem genere, nimirum ne aliàs infinitum censi non potuit: veluti nulla duratio esse potest extra æternitatem, a locus extra immensitatem. Pariter
quod;

quoq; abnegandum est intelligere vos quidquā de reliquis Dei attributis; Cum æternum, immensum, independentem, summè potentē, summè scientē prædicatis, solummodo verba ab aliis accepta datis, de rebus non quas intelligitis, sed quas non intelligitis garrientes. Deinceps cum menti ideam Dei à naturā inditam esse dicunt. Unde compertum habent ipsos Dei ideam ex se depromere, & non primum à libris, colloquiis, disciplinā hausisse; aut idearum aliarum ope non fabricavisse? Si modo dubitem ullamne natura ejusmodi ideam menti meæ insculperit, dubitationem istam dicant quo pacto ita radicitus evellam, ut nullus omnino superfit dubitandi locus? etenim adeo perspicuam demonstrationem crepant, quæ omnes scrupulos, dubiaque eximat. Rursus an non parili fiduciā ex innatis ideis argumentantur *Epicurei* humanam esse Dei formam. En *Velleius*. *A naturā habemus omnes omnium gentium speciem nullam nisi humanam Deorum.* *Que enim alia forma occurrit unquam aut vigilantī cuiquam, aut dormienti?* Huic quicquid objiciam, regeret, ut Iolenne est *Cartesianis*, se rem in os mihi ingerere non posse, meque non attentē satis notiones innatas perpendere. Idcirco, quod *Epicureo Cotta*, idem *Cartesianis* respondendum est. *Isto modo dicere licebit Jovem semper barbātum, Apollinem semper imberbem, cæcios oculos Minerva, caruleos esse Neptuni.* Quippe hæc & similia se de Diis à naturā accepisse indubiè arbitrabantur *Gentiles. Ut *Ganymedes Luciano* inducitur, quod Jovem Deum esse non crederet, quoniam Panis instar cruribus hirsutus non erat, neque fistulam, neque cornua habebat. Legem item naturæ olim obtendisse *Massagetæ* nullus dubito, qui extrema potius supplicia, quæ interminatus fuerat *Alexander*, ferre optarent, quam extinctos parentes inhumare; quos utique non vorare, intraq; viscera recondere, summum piaculum censebatur. Quantoperè exhorrebant charissimos vitæ auctores inter putidas vermiculorum turmas abjicere devorandos? nihil illis monstrosius aut naturæ repugnantius.

De Nat. Deor.
lib. 1.

gnantius videbatur; Sicut è contra Græcis nihil naturæ alienius, quam parentum cadavera belluarum ritu devorare, adeo ut mille mortes passuros se vovebant, potiusquam id ipsum agerent, quod, Barbari totidem vicissim moriendi vias pati se paratos dicebant, priusquam omitterent. Sic naturæ legem censebant *Sardoes* parentes ad extremum senium provecctos trucidare; & *Cei*, senectute confectos inter convivia præsentissimum aliquod venenum haurire; ut & inter *Indos* uxori opprobrio fuisse, si conjugii superesset, ideoque moris erat maritorum rogis eas cremari. Nihil equidem ubique gentium familiarius, quam gentis alicujus mores & instituta pro naturæ demum decretis ostentari. Dicunt *Cartesiani* à naturâ se accepisse Deum esse immensum, summè potentem, At putantne quidquam se de divinâ immensitate cogitasse, nisi à magistris, à doctoribus, à libris, aut simili quâvis ratione habuissent? quam exigua pars hominum est, qui eandem advertant, iique aut docti sunt, qui aut è sacrâ paginâ eam elicuisse se putant, aut ab his edocti. Fingant se omni hominum societate & disciplinâ continuo sepositos, an putant ideam Dei, quam etiamnum efformant, sibi occurruram esse? aut si id forsitan putent, opinari non sufficit, nisi id quoque demonstrent, siquidem demonstrationem *Archimedeam* crepant. Quid si inter Soldaniæ incolas, aliasque gentes, quas fertur ne ullam quidem suspensionem de Deo habuisse educati fuerant, demonstrarene possunt in istâ barbarie positis ideam Dei obrepturam esse? Quid si inter populum Americanum *Uros* dictum, qui (uti fertur) eo usq; barbariei delapsi sunt, ut non intelligant se homines esse, aut quidquam à reliquis animantium gregibus differre? An quidquam de Deo cogitarent, qui de seipsis nunquam cogitaverint? Quæ eo statu positi cogitarent, divinare possunt, at demonstrare nihil possunt, fortè Ideam Dei adverterent, & fortè non. Denique plerunque *Cartesii* sectatoribus familiare est dogma, quæ ratione stabiliri nequeunt, pro naturæ placitis & ant-

ticipatis notionibus præfidenter ostentare; ut *essentialam esse spiritus* (qui quid sit prorsus ignorant) *proprietaem, non posse extendi: Corporis è contra proprium esse, extendi, dividi posse, penetrari non posse. Nihilò facilius primas voluntatis nostra operationes quàm nos ipsos à nobismet ipsis citra Dei concursum provenire: Conservationem Solà ratione à creatione differre; Aeternitatem esse durationem instantaneam: & sexcenta hujusmodi, quicquid enim intellectu difficilios adferunt, id continuo tanquam lumine naturali manifestum præsumunt. Atque equidem vix quidquam in Philosophiâ Cartesiana absonum & ineptum adverti, nisi quod lumine naturali perspicuum esse velint. Cæterum hæc utcumque pro veris admittantur, tamen ut sentiam lumine naturali manifesta esse nunquam adducar: Ideoque cum in his falsos esse videam, quàm æquum est, ut cum Dei ideam obtendant, falli posse subveream: Etenim nihilò diffidentius sibi à naturâ innotuisse aiunt æternitatem non posse dividi quàm Deum esse, aut eundem infinitum esse, idcirco quandoquidem me non moveat illorum auctoritas, ut æternitatem indivisibilem esse censeam. (fidenter enim divisibilem esse adfero) neque me movebit, ut Deum esse credam; quin potius ut ipsam nihili habeam, quæ id mihi pro certo persuaderet, quod aut manifesto falsum aut saltem ambiguum esse arbitror. Hæc dicta velim, non quasi ex industriâ notiones omnes hominum medullis inscriptas deletum irem, sed partim quod non adeo perspicuas & exploratas esse censeam, ut tam firmas demonstrationes, quas Philosophi, adversus quos jam disputatum est, ferre præ se ferunt, iis superstrui possint: Partim quod videam hoc pacto quidlibet probari posse, ut si quis obstinatè ad opiniones adhærescat, quasi iis eum naturâ imbuisset, quas tamen consuetudine aut disciplinâ acceperit, nã vix ullis erit hic machinis dimovendus: Partim quod nihil difficilius arbitrer, quam notiones innatas, si quæ ejusmodi demum sint, ab adventitiis discernere:*

Denique

Denique potissimum quod Deum existere longè sit aliunde evidentius, quam esse ideas quasdam hominum animis insculptas. Hæc ad illa quæ argumentationi suæ præmittunt adversarii, & arripiunt tanquam ultro admittenda. Par demum est, ut ad subsumptionem, quam fundamentum toti raticinio substernunt, deveniam; nempe tantundem realitatis formalis in Ideâ causâ esse debere, quantum objectivæ in ideâ continetur. Ubi igitur D. *De Cartes* rationes suas more Geometrico disponit, inter axiomata assumit *realitatem objectivam idearum nostrarum requirere causam, in quâ eadem ipsa realitas non tantum objectivè sed formaliter vel eminenter contineatur*, propterea cum realitati ideâ Dei seu substantiæ infinitæ perfectione impar sim, sequitur illam efficiendo me non esse, & proinde aliquid esse me perfectius, quod ejus causa sit, & tantundem realitatis formalis in se habeat, quantum objectivæ contineatur in Ideâ Dei, atque ita demum esse substantiam infinitam, æternam, independentem, omnisciam, omnipotentem *i. e.* Deum.

Ad finem re-
sponsi. ad se-
cund. obj.

His ut respondeam, prætereo vocum obscuritatem: nondum enim intelligo neque hætenus declaravere, quid velint per *realitatem formalem*, quid per *objectivam*, in quo consistant, quomodo distinguantur. Nunquam enim adduci potuit *Cartesius*, licet ad nauseam usque interrogatus, ut explicaret, quid si realitas objectiva, seu modus essendi objectivus, seu rem esse objectivè in intellectu (illis enim unum & idem sunt) sed semper se subducere conatus est reponendo, quòd sit esse in intellectu eo modo, quo objecta in illo esse solent. Quod quis dubitat? quærimus quomodo objecta existant objectivè in intellectu, responderetur illa existere eo modo quo solent: egregia responsio! quisnam nescit objecta eo modo in intellectu esse, quo esse solent? dicant autem quinam sit modus, quo objecta in intellectu esse solent.

Imprimis igitur Quæro si ne realitas Dei objectiva infinita seu paris perfectionis cum ejusdem realitate formali? Quod

si sit, res intra angustias mentis humanæ coarctata æqualis erit ipsi Deo, quo pacto cujusque menti inesset perfectio quædam infinita, & proinde finito comprehenderetur infinitum; verum hujus adsertionis merito puduit, palam enim agnoscit *D. De Cartes*, eumque secuti cæteri omnes *modum essendi objectivum longè esse imperfectiorem, quàm illum, quo res extra intellectum existunt*. Quandoquidem igitur imparem & proinde finitam esse velint realitatem objectivam, Quidni & virtus mentis nostræ finita eam producat? Præsertim si realitas objectiva non modo finita sit, sed præ realitate formali adeo longè imperfectior, ut realitas *formalis* minima excedat realitatem *objectivam* omnium perfectissimam; ita scil. ut musca aut papilio formaliter existens perfectior res sit, quàm Angelus, imò quàm Deus, si solum objectivè existeret *i.e.* entium infimum si revera existat nobilior esse, quàm supremum, si solummodo mente & cogitatione degat: (quòd perspicuè proximâ quæstione liquebit:) ex quo principio fiet animum humanum, qui formali fruitur existentia, valere objectivam rei se longè perfectioris realitatem efficere, & proinde propriâ vi Dei aut infiniti Ideam efformare.

*Respons. ad
prim. obj.*

Quod ut clariùs pareat; Rogo insuper an sit ideæ realitas objectiva substantialis, necne, seu sitne idea substantia? Aperte negant (& sanè affirmare longè ridiculum foret) & *modum operationis mentis esse disertim docent*. Esto. An non minimum substantiale longè exuperet maximum modale? an non modi adeo tenuissimæ entitatis sint, ut hæcenus incertum sit an entia dicenda sint? Injuriam sanè afficiunt mentem humanam, si infra quemvis modum dejiciant, modus enim, quantumcunque omnium perfectissimus, longè infra eam subsidet. Quanta igitur injuria est mentem nostram infra suæ operationis modum deprimere? Mens equidem plus perfectionis metaphysicæ continet, quàm mentis operationes, & operationes quam operationum modi, si igitur ideæ *realitas objectiva* nihil quidquam majus sit quàm um-

bratilis operationis modus, quàm futilis & deridendæ temeritatis est, cùm mentis viribus effici eam posse negetur?

Præterea si adæquatam & perfectam haberemus Dei Ideam, non omni prætextu carerent; at cùm mutila, obscura, longè imperfectissima sit, quis illius authorem Deum jactaret? ne equidem accuratius se ipse delinearet. An non æquius est ut referatur ad infirmitatem ingenioli humani, quod pro modulo suo Ideam Dei excudit, non quæ majestate divinâ digna sit, sed quæ illi sufficiat, quandiu per speculum & in ænigmate eum contempletur? Hinc obiter notandum si ex Ideâ obscurâ & imperfectâ non liceat quidpiam concludere, ut passim docet *D. De Cartes*, nihil ex Ideâ, quam Dei formamus, fas erit concludi, ut pote quam obscurissimam & imperfectissimam experimur.

Accedit porro mentem humanam instructam esse facultate Ideas fabricandi, cujus vi fingere, quicquid velit, valeat; quâ, quàm facillimè Ideam, quam de Deo habet, efformare potuit, licet nullus extaret Deus, & ita sui quisque *Idoli* quantumcunque perfecti *faber* erit. Habita est olim à priscis Philosophis, infinitorum mundorum, infiniti Universi, infinitæ materiæ Idea, an non propriis cogitationibus eam effinxerunt? nunquid in eorum animos à mundo infinito ipsius idea transfusa est? Hi si fortasse *Demonstratione Cartesianâ* abusi fuissent usque ad infinitatem Mundi adstruendam, illamne eludere potuit *Cartesius* nisi propriam subverteret? Equidem quidquid illis responderet, id ipsum sibi respondeat monemus; nihil intelligit, qui non videat tantundem hac ratione pro mundo infinito probari, quantum pro Deo.

Sed finge mentem nihil se perfectius posse comminisci, tamen perfectionum scalâ, quas in se animadvertit, potest tandem ad divinas assurgere: ut mihi representare possum substantiam infinitam, æternam, independentem, omnisciam, summè potentem, quod deprehenderim esse me substantiam, per aliquod tempus perseverantem quadantenus firmam & stabilem,

stabilem, nullique fortasse alii innitentem, intelligentem, volentem, & aliquod præstare potentem; & siquæ hujusmodi; his alios & alios deinceps gradus adjicio; & eo usque accumulare pergo, donec tandem ex omnibus in immensum ampliatis atque in unum aggestis idea entis perfectissimi seu substantiæ infinitæ, æternæ, independentis, omniscia; omnipotentis formetur.

Adhæc cum enumeratas perfectiones infinitas dicimus, id solum velimus tantas esse, quantæ creaturis insint, aut quantas concipere possumus, & infinitis intervallis majores: qualem conceptum, cum finitus & limitatus sit, negare nequeunt *Cartesiani*, quantumcunque realitatis Ideis suis tribuant, quin ab ipsâ mente proveniant. Quantilli quæso miraculi est formare ideam perfectissimam, quam possumus, & deinde exclamare formari posse infinities perfectiorem, quæ innumeris vicibus vires nostras excedat? Quod nihilominus torum est, cum perfectiones divinas infinitas esse dicimus *i. e.* tantas & eo usque extensas, ut de iis adæquatas & integras ideas fabricare non possimus: scilicet non aliud est, quam si à numeri quaternarii consideratione ulterius pergerem plures & plures quaterniones sine fine accumulare: numerum enim numero super extruere in immensum semper licebit, nunquam tamen ad innumerum seu omnium maximum deventum erit: ita & perfectiones finitas in infinitum exaugere nunquam ad supremum omnium fastigium evehendas; id quod præstamus, cum de perfectionibus, quas infinitas dicimus, meditamur. Etenim quanquam Dei perfectiones absolutæ & simpliciter infinitæ sint, tamen potius indefiniti sunt (vocem suam agnoscant *Cartesiani*) nostri de iis conceptus: quippe ita limitantur, ut nullum certum & definitum terminum sentiant, sed obscuriuscule percipiant in objectis suis infinitatem, quam ipsi nequeunt præ captis angustiis complecti.

Nec denique quicquam promovent cum in Ideis cautè distinguere oportere moneant id quod *esse proprium seu formale*

vocitant ab *esse objectivo*, *vicario*, seu *representativo* :
 Nempe, inquit *Cartesius*, quatenus idæ istæ cogitandi qui-
 dam modi tantum sunt, non agnosco ullam inter ipsas in-
 æqualitatem, & omnes à me eodem modo procedere viden-
 tur ; sed quatenus una unam rem, alia aliam representat,
 patet easdem esse ab invicem valdè diversas, diversasque pro
 diversâ objectorum perfectione perfectiones obtinere, unde
 ideas dicunt eatenus ab intellectu produci, quatenus *esse for-*
male habeant ; sed secundum *esse objectivum*, seu quatenus
 objectum unum potiusquàm aliud exprimunt, solis ab ob-
 jectis fieri ; & proinde tametsi Idea, quam Dei fabricamus,
 secundum *esse formale* intellectus viribus creari posset, tamen
 solo Deo secundum *esse objectivum fieri*,cujus beneficio habet
 quod ipsius, seu *Enis* infiniti pictura & representatio fiat.
 Ut enim reticeam tum secum hæc afferre ne micam quidem
 demonstrationis, tametsi continuo *Archimedeam* crepant ;
 imò cumprimis obscura & ænigmatica esse : tum quoque su-
 pra dictis abundè labefactari, quidquid enim dictum est de
 realitate objectivâ facilè huc adduci potuit : Quod tamen su-
 pervacaneum fore ecquis non videt ; siquidem *esse idea ob-*
jectivum non modo operationis modum, sed etiam eundem
 cum ipsâ *realitate objectivâ* esse passim definiunt, evicto
 igitur istam, aut quomvis alium operationis mentalis modum
 à facultate intellectuice fieri posse, quorsum id rursus de *esse*
idea objectivo seorsim præstare ? Dicam igitur nihil
 quidquam perfectionis realis à nobilitate objectorum ideis ac-
 cedere, sicut non disparis perfectionis metaphysicæ videtur
 vespertilionis pictura quàm Angeli, si pari artificio depinga-
 tur ; objecta enim non modo non ingrediuntur Idearum seu
 conceptuum essentias, sed neque quidquam in illos trans-
 fundunt. Quanquam ideis relativam seu extrinsecam inæqua-
 litatē, quæ in denominatione externâ consistit, ab objecto ū in-
 æqualitate tribuamus, ut etiamsi *Alexandri* effigies non plus
 perfectionis in se habeat quàm *Diogenis*, tamen aliquid di-
 gni-

gnitatis ei accedere videtur à respectu quem gerit ad personam quam representat; tamen quoniam inanis denominatio sit, omnisque realitatis vacua, neque causæ alicujus effluxum ad sui productionem desiderat, hinc neque quidequam realis perfectionis adfert.

Deinde quoniam Idearum realitates *objectivam* & *formalem* ita coalescere docent, ut unam eandemque constituent (aliàs unam Ideam plures esse reclusas & ab invicem distinctas censerì oporteret) Quidni causa, quæ *formalem* producere valet, valeat & *objectivam*? atqui formalem realitatem solâ mente effici posse in confessio est, eâ igitur objectivam quoque produci posse confitendum est, utpote quæ eadem cum formali esse agnoscitur: Dicendum igitur ideas habere solam realitatem *formalem*, quatenus mentis operationes sunt, & istam, quam *objectivam* appellant, aut nullam & commentitiâ esse, aut saltem nihil majus quam denominationem extrinsecam mentis operationi advenientem ex habitudine quam ad objectum habet, & proindenon causas adeo insignes ad earum existentiam postulâri.

Sed perquirunt unde sit nisi ab objecto, quòd hæc idea hoc objectum potius representet quàm aliud, seu hanc realitatem objectivam potius contineat quàm illam. At verò si de Ideâ sciscitentur quoad essentiam *i. e.* quamobrem essentia sit hujus ideæ hoc objectum representare, nimis importuni esse videntur, quandoquidem hujusmodi quæsitio in aliis rebus nulla suppetit responsio, atque propterea non hîc postulanda est; dicant mihi cur triangulus constât ex tribus angulis, cur bis ter efficiant sex: rationem exigo unde fiat ligonem esse ligonem, Davum esse Davum non Oedipum: dico igitur ob eandem causam, quæ efficit ligonem esse ligonem potiusquam schapham, ideam Dei esse ideam Dei, potiusquam Angeli, aut equi, aut lapidis. Sin de Ideâ inquiretur quoad existentiam, *i. e.* unde fiat ut hoc momento hujus rei existat seu advertatur Idea potiusquam alterius, in promptu responsum habetur solam & unicam.

Cartes. tert.
medit. &
Clauberg. exerc.
7. §. 8, 9, 10.
&c.

cam illius causam esse mentem ipsam, ideo enim quid sit Deus contemplatur, quia eligit pro suâ libertate, ad illud objectum attendere potiusquàm aliud : Objecta autem ipsa non plus conducunt ad idearum productionem, quàm facultatem, quæ illas efficiat, monendo, seu illi occasionem de ipsis cogitandi præbendo ; neq; semper huc usque intellectum adjuvant, multæ enim ideæ sunt, quas propriâ virtute nulloq; objecto monitus depingit, non modò imaginem, sed etiam ipsum exemplar effingens, veluti cum quod nusquam sit esse fingitur. Non igitur pro debito candore se gessit *Cartesius* in respons. ad primas object. Ubi doctiss. quidam Theologus causatus erat ab imperfectione intellectûs nostri evenire, quòd rationem non possumus assignare, cur Idea Dei realitatem Dei objectivam contineat, ut neque cur schapha schapha sit. Ad quod excipit *Cartesius*. *Non profectò magis probabile est causam cur Idea Dei sit in nobis esse imperfectionem intellectûs nostri, quàm imperitiâ artis mechanica esse causam, cur machinam aliquam valdè artificiosam potius quàm aliam imperfectiorem imaginemur.* Mirum sane *Ens Cogitans* (sic enim se ipse definit) tam incogitanter loqui. Quis, fodes, causam dixerit, cur idea Dei nobis insit, esse imperfectionem intellectûs nostri : perspicacior adversarius tuus, quàm ut adeo obtuse aut loquatur aut sentiat, nec quidquam huic simile illius verba præ se ferunt ; Nunquid enim idem sonet ab imperfectione intellectûs nostri esse, quòd rationem non possumus reddere, cur idea Dei sit idea Dei potiusquam alterius ; ac ab intellectu imperfectione esse, quod nobis insit Idea Dei : prius adseruit ille, illi postè rius adfingitur, Dicam quòd res est, quoniam, vir bone, quod responderes, non suppetiit, potiusquam id ingenuè fatereris, eligeres non sine crassæ oſcitantia notâ id dissimulare : quidvis malum superbum genus, quam lapsus & errores confiteri. Atqui, ut redeam, causantur omnem imaginem seu picturam, cujusmodi sint Ideæ, ex naturæ suæ ratione semper ad exemplari defumi ; cum illius sit

fit solum imitatio. Hoc etiam pro imperio dictatum, argumēta desideramus: constanter autem pernego, mentem nostram conceptum formare non posse, nisi *magisdivina* imitetur; quoties enim quidvis effingit nihil extra se respiciens? quid enim est, quod vaga & solers imaginatio depingere nequeat, quæ omnia exprimit, novaque indies, si fingendi licentiæ indulgeret, creare posset? Non aliter atque Deus mundum procreaturus nullum exemplar nisi suum contemplatus est.

— Pulchrum pulcherrimus ipse

Biet.

Mundum mente gerens, similique ab imagine formans :

Quidni itaq; & mens nostra operum suorum simulachra exprimet? quoties ideas comminiscuntur artifices, ad quas solum, dum operantur, respiciunt? ut *Phidias*, teste Oratore, *exquisitas*. L. I. de oratore. *omnes Deorum formas expressit specie solum ipsius menti insidente defixus*. Verum de his satis.

Alterum *Cartesii* philosophia in quintâ illius meditatione de primâ Philosophiâ occurrit, ubi argumentatur: cum per Ideam Dei nihil minus intelligatur quàm ens summè perfectum, Deum existere necesse est; quod enim summè perfectum est, non potest nisi omnes perfectiones possidere, aliàs summè perfectum censi non potuit, propterea cum existentia sit perfectio, eaque non ignobilis; Deo competat necesse est, aliter non esset, quod est, *i. e.* substantia summè perfecta, hinc colligit non magis separari posse existentiam ab essentiâ Dei, quam ab essentiâ trianguli tres angulos, cum perinde ad existentiam Dei summè perfecti attineat existentia, atque tres anguli ad essentiâ trianguli.

Hæc argumentatio licet inter *Cartesii* sectatores à Philosopho (sic enim sæpe inter suos audit *Cartesius*) excogitari jactitetur, tamen inter *Scholasticos* jam olim pertrita, multumque vexata fuit, qui eam *Anselmo* illius auctori referunt, isque adduxit *cap. 4. Prosol. & lib. contra insipientem*, & alibi ea verba. *Deum est id, quo majus cogitari non potest, quod quibene*

In eleman.
Philos. propos.
79.

bene intelligit, utique intelligit id ipsum sic esse, ut nec cogitatione queat non esse. Qui ergo intelligit sic esse Deum, nequit eum non esse cogitare. Atqui diu refutatione non caruit, scribit enim Carthusianus acutum quendam Doctumq; Virum ipsi Anselmo cœtaneum eam impugnasse, edito libro, cui titulum fecerat Responsio pro insipiente. Inter alia quæ ex eo Carthusianus attulit, falsum dicterium istud. Nescio an insipientior sit, qui putat hoc sequi, an insipiens, qui dixit in corde suo (contra quem librum inscripserat Anselmus) non est Deus. Hanc deinde argumentationem eruditum istum secuti Gerson & Aliacenſis uti sophisticam contempserunt, ipsique Anselmo dialectices inscitiam exprobrarunt. A quibus in simili censurâ stetit Aquinatis schola; Scoti verò factio genuinam & firmam esse adseruit, adeo ut demum in controversiæ locum abiit, inter Scotistarum & Thomistarum (sic se ipsi cognominare affectant) familias. Nihilominus mea est, inquit Cartesius, quam ut alia investigavi viam parum tritam sequendo, atque ab usu communi remotam. Facetè, lepidè, lautè, nihil supra, tuumne, obsecro te, hoc dictum erat? Verù credidi. Verum hæc obiter, ad responsum properandum est.

Summ. part. I.
q. 2. art. 1.

Imprimis igitur respondet Aquinas. Dato quilibet intelliget Dei nomine ens summè perfectum, seu ipsius verbis (perinde enim valent) quo majus cogitari non potest, non tamen propter hoc sequitur quod intelligat id, quod significatur per nomen Dei esse in rerum naturâ, sed in apprehensione intellectus tantum. Nec potest argui quòd sit in re, nisi daretur, quòd sit in re aliquid, quo majus cogitari non potest: quod non est datum à ponentibus Deum non esse hæc ille. Veruntamen nodum non solvit. Nam quod summè perfectum est, ut reipsa existat necesse est, siquidem existentia sit perfectio: & quamvis inficientur Athei ipsâmet re aliquid esse summè perfectum, tamen vis argumenti cogit, id ut fateantur, si enim de essentiâ summè perfecti fuerit, ut existat, pariter repugnat tale aliquid non existere, ac hominem non esse rationalem; haud aliter

aliter enim essentiam summè perfecti (ad quam attinere omnes perfectiones per se notum est) existentia, utpote quæ perfectio est, constituit; ac rationalitas essentiam hominis, sicut igitur impossibile agnoscatur hominem non esse rationalem, ita & rem summè perfectam non existere, quoniam ut homo nisi rationalis minimè talis esset, ita summè perfectum ni existeret, summè perfectum censeretur non posset, quippe perfectius esset si existeret.

Rursum igitur cum aliis omnibus excipit *Aquinas* Dei nomine non necessario intelligi rem summè perfectam: nempe Deum posuere Gentiles, sed & corporeum (quod supremæ perfectionis incapax creditur) esse dixerunt, alii solem esse opinantes, alii Coelum, alii mundum, alii homini formem, alii alia. Sed neque hæc viâ ex senticeto sese expediunt, nam cum aiunt summam perfectionem Dei Ideâ non includi, advertere debuissent præsentī argumentatione summam perfectionem essentialē divinæ tanquam datam non præsumi, sed duntaxat probari ens summè perfectum existere; non enim concluditur, Deus est summè perfectus, ergo existit, ut datâ responsione supponitur, sed è contra summè perfectum existit, ergo Deus est: quippe totius processus ratio sic institui potuit. Atheum, cum Deum esse inficiatur, rogo existatne res summè perfecta: si annuat, Deum esse concessum est; nam etiam si sint, qui esse Deum adserant, & infinitam illius perfectionem tollant, quoniam arbitrantur Dei existentiam evinci posse, infinitatem non posse; tamen nulli sunt, qui rei summè perfectæ si existat, Divinitatem abdicarent; si igitur demonstratur existentia summè perfecti, confecta est demonstratio Dei: Sin abnuat, id ipsum est, quod priori argumentatione refellendum proponitur: Ut putâ summè perfectum nulla perfectione caret; quicquid autem non existit, aliqua perfectione destituitur; qui igitur negat summè perfectum existentiam, negat simul summè perfectum esse summè perfectum, quæ secum pugnant, quâ viâ ex

naturâ summè perfecti colligitur illius existentia.

Ne igitur spinis sophisticis diutius hareatur: Dico argumentationem istam gemino sophismate complicari, primum, quod inaitatur illegitimæ & minimè datæ suppositioni, puta esse ens summè perfectum, nempe quâvis ens summe perfectû in dictâ ratiocinatione simplicis solius (ut aiunt) termini munere fungatur, tamen occulta & contracta enunciatio habenda est, quæ tamē nō adeo promte advertitur, quia supprimitur copula terminos coniungens. Etenim cum dico *ens summè perfectum*, *enti* connectitur *summè perfectum* tanquam attributum: tantundem enim valet, quantum dictio istæc *ens quod est summè perfectum*, quâ prædicatur *summè perfectum de ente aliquo*, nam vocula *quod* vicaria est vocis *ens*: unde eodem redit, ac si diceretur *est ens summè perfectum*; atque ita licet fuerit ipsa propositio, quæ probanda suscipitur; occulte & temere tanquam præcognita præsupponitur, & sui ipsius probationi subternitur; propterea ii. in quos disputatur, cum hypothesein istam pro falsa habeant, assertionem illi innixam falsam quoque esse pertendent. Quocirca pro rata certaquee regula firmetur *complexum subjectum cuiusvis propositionis semper esse assertionem hypotheticam*. Ut *ens necessarium existit*, i. e. si sit ens necessarium, existit; neque aliter ens summe perfectum, i. e. si quidquam tale sit, existit: Et apertius quicquid existit reale est, sed Hippogryphes existens existit: ergo, &c. ubi utraque præmissarû apertè sumpta vera est, à quibus nihilominus adeo perabsurda nascitur conclusio à falsâ assertionem, quæ in assumptione delitescit, nam istius subjectum curta est & cryptica propositio, *existens enim falso subjungitur voci Hippogryphes*, quorum conjunctio cum falsa sit, & tamen præsupponatur dictæ assertioni, nihil mirum si erroris fons sit, cum ipsa quidem ex seipsâ hauriatur; primò enim supponitur *Hippogryphem* existere, & deinde isthinc probatur. In omni igitur assertionem, cuius subjectum seu alter terminus complexus sit, imprimis evincenda est ipsius subjecti veritas, sic cum

cum dicitur ens summè perfectum existit, probari oportet ens aliquod esse summè perfectum, priusquam illi liceat tribuere prædicatum, scil. quòd existat, hoc enim verum esse nequit, nisi & illud, quemadmodum hæc *Homo procerus est animal, Leo rugiens vivit*, nisi & istæ, *homo est procerus, Leo rugit*. Et quidem si rei cuilibet epithetum adnectas, quod existentie notionem aut planè exprimat, aut secum involutam significet, pari evidentia argumentum pro rei istius existentia constructur. v. g. *materia* adjungas vocabulum *necessaria* seu *necessario existens*, an non statim inde sequitur materiam necessario existere? Etenim materie necessariæ non minus, quàm rei undique perfectæ complicatur existentia; si itaque *res perfectissima* existentiam arguit, *materiam necessariam* eandem arguere constandum erit; siquidem eadem utrinque sit consequentiæ ratio. Quippe sicut notioni *entis* nudæ & præcisè sumpti *existentia* non involvitur; ita neque materie præcisè cogitatæ implicatur: sicut porro necesse non est ut *summa perfectio entis* conveniat; ita neque necessum est, ut necessitas existendi materie ideam ingrediatur: Si tamen summa perfectio *entis* conjuncta supponatur, entis summè perfecti existentiam inferre videtur, ita *necessaria existentia*, materie conjuncta materie necessario existentis existentiam quin pari passu arguat inficiari nequis. Sic quo tandem cunque te veritas, ipse sequar.

Alterum oritur sophisma ex ignorantia usûs aut significationis nominum, nempe quæ solum usurpantur ad denotandas rerum notiones citra quemvis respectum ad illarum existentiam, nota enim est differentia inter nomen & verbum, nempe hoc præter primariam significationem tempus *personarum ad significare*: illud vero nihil præter primariam significationem, seu puram putam rei notionem denotare: non igitur ex eo, quòd sit notio seu idea entis summè perfecti, in qua includatur necessariæ existentie notio, sequetur tale quidquam actu existere: Seu (ut loquuntur scholastici) vocibus istis *ens*

summè perfectum significatur & includitur existentia actualis in actu signato, non exercitio, i. e. existentiae actualis notio sed non exercitium: quippe quemadmodum quoniam ipsa vox existentia actualem existentiam denotat, ritè colligi non potest actu esse seu exerceri, siquidem solum existentiae naturam denotat, non actuale illius exercitium; ita à necessariâ existentia non ritè infertur istius exercitii necessitas. Itaque ex prædictâ argumentatione tantum sequitur rei undiquaq; perfectæ notionem cogitari non posse, nisi simul existentiae notio convolvatur; utrum autem notiones istæ re an Solâ cogitatione existant, adhuc superest probandum; notio enim rei, quæ ab existentia præscindi nequit, ejusdem existentiam realem non arguit sed solum de tali ente ab existentia præciso cogitandum non esse. Hæc licet aliquantò subtilia sint, tamen vel leviter attendenti apprime perspicua, propterea plura addere supersedeo.

L I B E R

LIBER SECUNDUS.

CAPUT I.

*Gentilium de Deo placita perperam, ad supremum, quem colimus, Deum traduci :
Sed aut de Sole aut de Animâ Mundi, quæ
Suprema Omnium Numina esse censuerunt,
Intelligi oportere.*



ENTILIUM theologiam Duûm generum esse volunt eruditi, alterum *Sabaismum*, qui cultus Coeli est, fiderum, aliarumq; naturæ partium, prout inter Barbaros, seu gentes *Graciâ* alienas obtinuit : *Hellenismum* alterum, qui si strictim capiatur, solummodo mortaliû seu defunctorum venerationem sonat, sin laxè, totam *Graciâ* Idololatriam complectitur : Et commodè secundum pervulgatam *Varronis*, seu *Q. M. Scavola* (hic enim *Varroni* ad eam prævit) divisionem in tria genera dispertitur. *Mythicam* imprimis, quam procudebant Poetæ, tum *Civilem*, quâ utebatur Populus, postremò *Physicam*, quæ inter Philosophos duntaxat vigit, & hanc porrò in geminam speciem subdividimus ; *Apertam* hanc, cum apertè Philosophi non aliter ac de quovis alio Philosophiæ capite de *Deo* differuere : *Mythologicam* istam,

cum.

cum Poëtarum fabellas interpretantur, & ad suam Theologiam accommodantur eunt. De quorum singulis seorsim dicere nihil arbitror attinere, cum plerumq; solum verbo tenus ab invicem distinguantur: sic Philosophorum *Mythologica* nihil aliud est quam quâ utebantur Poetæ, quatenus fabellis denudatur; *civilis* pariter ne quidquam aliud est, quàm è reliquis aliqua certis locis in publicum cultum admissa. Solum itaque quam brevissimè perstringam narrationem originis & progressus omnium *Gensilitia theologia* partium, quod non parvi momenti est, ad ea, quæ mox secutura sunt, elucidanda.

Lib. 2. cap. 2.

Dei igitur *dogmata* cognitione ex hominum animis semel exelâ, propenso animo ad Cœlestium cultum deflecterent, partim ab nativo eorum splendore, partim *ἀπὸ τοῦ αὐτοῦ ἀποβῆναι* ob emolumenta inde ad homines manantia, uti *Prodicus Chius* apud *Empir.* Illos vero præ omnibus in admirationem rapiebat stupendus & immaculatus (nondum enim ejus maculas mortalium oculis visibiles effecerat *tubus Batauvius*) Solis fulgor, quo nihil illustrius videbant *ἡ ἀσπίς ἀπὸ τοῦ ἡλίου*. Multiplicia continuo hujus sentiebant beneficia, omnia calore suo fovere, gignere, vegetare agnoscebant, luceq; suâ Universum ab æternis tenebris vindicare; inde Altum, benignum, blandissimum statim prædicabant. Quin & quasi Universi. Gubernator omnia moderari videbatur, cujus oculus omnia lustrabat, cujus motus tempestatum vicissitudines distinguebat: neq; modo terrena temperare visus est, sed & cœlestia, utpote qui reliquos Planetas omnes lumine suo affunderet, & hi vicissim tanquam satellites solem circumstarent, & insuper certis intervallis atque aspectibus regionum Solis aspectum tanquam revereri & adorare viderentur. Quod postea sibi finxerunt *ἡ ἑρμηνεία τῆς ἀποκαλύψεως*. *Fulvius* *orator* *ad solem*. *Marsilius Ficinus* *lib. de sole c. 4.* *Replertus Harmonia* *l. 5. c. 10.* Deinde robur & immensam Solis potentiam vix poterant non demirari, cum

cum incredibilem & indefessam illius celeritatem advertebant, adeo ut lassitudinis expertus tam immensum spatium continuè percurrere possit. Hunc igitur supremum omnium Numen rerumq; Parentem esse facile credebant. Quibus accidit (uti *De symbolo A. Stol.* Aquinas argute) sicut alicui adveni regis curiam, qui volens videre regem, credit quoscunq; bene indutos vel in officiis constitutos regem esse. Sic rade admodum olim mortalium genus cum adverterent solertissimam Universi oeconomiam, protenus Opificem, qui illam condiderat, investigatum irent; Sole autem cum nihil illustrius, nihil utilius reperirent, eum proxime tanquam rerum omnium tum auctorem, tum regem salutant. A quibus in hoc solum dispares sumus, ut quod operi ipsi tribuebant, tribuamus nos artifice, utrinque agnoscitur naturæ pulchritudo; hinc solum novimus creatam fuisse, atq; proinde non ipsam sed ipsius Authorem cultu & honore prosequi oportere; isti autem opus ipsum tanquam increatum suæque venustatis Auctorem coluerunt. *Attigissent de Deo veritatem, Lib. 1. cap. 5.* inquit Lactant, nisi ea, quæ in usum hominum Deus fecit; tanquam sensu prædita essent, pro Diis habenda & colenda credebant. Qui deniq; Numen sola superius venerantur, solem tamen quandam illius similitudinem referre agnoscunt. Τὸ (inquit Plato) ἐν αἰσθητοῖς ἥλας, ὅπου ἐν νοητοῖς θεὸς, Idem in sensibilibus Sol, quod Deus in intellectualibus: ad cuius mentem Davissonus Scotobritan: in Medicinam Petri Soverini: Solis finita lux infinita. prima luce satis plena est imago; Fullianus item acerrimus Platonis sectator in Orat. ad Regem solem, eum laudat tanquam πῦρ τε θεὸς τε, duo enim ex mente Platonis suprema Nomina esse opinatur, invisibile alterum, alterum visibile nempe solem, eaq; sibi mutuo similia substantiâ, adjunctis, viribus, beneficentiâ, effectis, &c. Solem igitur modo Dei Imaginem, modo Vicarium nuncupant Platonici. Vide Greg. Nazianz. orat. 21. & 34. & Pseudo-Areopagitam. Unde fieret non modo ut promptius solem adorarent, sed porro ut quæ de sole dicerentur, facilius ad Deum.

Deum optimum maximum accommodari possent, quod nonnullius momenti erit, cum ostendam quæ de Deo testimonia à Theologis nostris ex Gentilium scriptis afferuntur, intelligi oportere tanquam de solè dicta. Quàm cito ortus est Solis fiderumq; cultus, & quàm late serpsit postea subinnuam. Interim pergimus.

Post adorationem Cœlestium secutus est *Hellenismus*, seu mortuorum cultus, quem initia cepisse (ut quæ de eo, quodd ante diluvium ceperat, nugantur alii, præteream) *Sherubhi* & *Thara* seculo omnium pene suffragiis æstimatur. *Apotheoseos* sive cuius vitæ defuncto divinos honores deferendi plures causas assignant viri docti, è multis paucas recensebo, quarum prima est hominum quarundam Astutia. Sic refert *Diod. Siculus*: si quis Divinos honores affectaret, nomen sibi assumebat cum Cœlitibus commune, ut in astro quovis sibi cognomine ipse coleretur. Hinc *Egyptii Osiridis* nomine tum *Solem*, tum *Mitzraim* primū *Egyptii* regē venerabantur: in *Hammon* item *Solem* & *Chamum* *Noc* filium mixto cultu adorabant, ut & in *Belo Assyrii* *Solem* ac primum *Assyria* regem; sic deniq; *Fovem Etheri*, quem coluit, *avi Cæli* cognomen & terra *avia Telluris* indidisse refert ex *Ennio Lactantius*, Ita solent, inquit *Illustriss. Casaub.* *prisci adulatores Diis, hominibusq; fucum facere, adjecto Deorum unius nomine ad mortalis ejus nomen, quem divinis honoribus vel lent affectum*; cujus proxime plura adfert exempla tam inter Græcos quàm Romanos. Secundum quod *Servio* observatur Antiquos Reges nomina sibi plerunque vendicasse Deorum. Parique modo autumat *Clariss. H. Grotius* (libello in decalogum) bruta animantia primitus consecrata fuisse: Utique quia ad illorum formas rēs æneopuē stellarum congeries figuraverant, ideo demum ipsa animantia ab *Egyptiis* in Deos: relata: ut *Canis* ob *Syrium*; *Leo*, *Taurus*, *Dracho*, *Vultur*, *Accipiter* ob *Asterismos* iis singulis cognomines. Sit altera causa superstitium

Lib. 1.

Lib. 1. cap. 11.
Animadv. in
Arbenaum.
Lib. 6. cap. 14.

In 7. Æneid.

tum

Clem. Alex.
Strom. 6.

Videbis Tertull. *Apol. cap. 12. Lactant. Instit. l. 1. c. 15. de ira Dei cap. 11. Cic. de consolat. August. epist. 44. ad Maximum. Euseb. prepar. Evang. l. 1. c. 6. Antioch. l. 1. ad Antol.* Homines enim inclitos, qui quoquo modo patriæ profuissent, Cœlo adscribebant, tum gratitudinis, tum virtutis in aliis acuendæ causâ. Sic Gymnosophista *Alexandro* interroganti quo pacto ex homine fieret quispiam Deus, respondit *Εἰ ἀσκήσῃς, & ἀσκήσῃς ἀσκήσῃς πῶς δύναται ἵσθαι, si ea feceris, quæ fieri non potest ut homo faciat.* Atqui vulgus olim quodvis facinus eximium mortalitatis vires exuperare facile credebat. Dictam deniq; Idolatriam omnium maximè adjuvabat extrema plebeculæ barbaries & Inscitia; Ea nempe secula nullo politiore cultu ad scientiam & virtutem temperata quemcunq; eximium potestate, aut sapientiâ, aut tyrannide, aut præstigiis, aut beneficiis videbant, quovis cultu, quem instituerent astutiores, faciliè prosequerentur, quod & plus satis comprobatur omnium ætatum experientia. A mortuorum cultu ceptum est deinceps statuas, simulachra, columnas, cippos, stelas adorare, quæ atque primò in memoriam extinctorum erectæ, cum ibi quotannis festa, aliæq; ceremoniæ in demortuorum honorem celebrabantur, temporis decursu in cultûs materiam abierunt: uti legitur trito isto loco *sapient. cap. 14. comm. 15.* Cujus eventus specimen refert ex *Diophante Palæstinensi* in narratione de *Syrophanes Egyptio*. Qui homo multo locupletissimus, filii unigeniti morte præmaturâ erepti, cujus gratiâ immensos thesauros contraxerat, simulachrum erexit in orbitatis solatium. Universa autem familia in domini adulationem, aut coronas plectere, aut flores inferre, aut odoramenta simulachro succendere consueverat: Nonnulli etiam fervorem culpabiles domini furorem evitantes, ad simulachrum profugi veniam merebantur, & quasi salutis certissimo collatori, florum aut thuris offerebant munuscula sic ille. Hinc vocem *ἰδωλολατρία* constatam esse *μὴν τὸ τῶν ἰδωλῶν εἰς ὅσον* subnotavit *Philonem*, quia prima idola doloris fuerant monumenta.

numenta. Sic *Libera* divinos honores præstabant *Cretensis* in *Foris* solatium. Sic *Proserpinam* consecraverunt *Hennansea*, ut, inquit *Jul. Firmicus*, *maternis lactibus ex aliquâ parte inveniretur solatium*; & mox, *Siracusani* mitigantes dolorem matris, pompam miseri funeris excolunt honore templorum. Non aliter atque quod sæpiusculum observatum est vocabulum עֲבִירָא *egbirabim*, quod dolores significat, *Idola* etiam in sacris literis designare.

Eorum postmodum, qui *Dii* habiti, rebus gestis Poetæ ad placitum suas fabellas attexuere, iis quique putida & ridicula commenta affluentes, quæ insanum vulgus suæ putæ futilitati accommodata avidissime amplexum est. Atqui Denique Philosophi, qui *Universi* naturam venerabantur, cum vulgi Numina foedissimis flagitiis & eorum cultum futilissimis ritibus conspurcari conspicerent, quoniam aperte à vulgi religione cultuum receptorum semper tenacis abire haut tutum erat, ut igitur plebeculæ portentis impune abdicarent, historias & fabulas de *Diis mythologicis* interpretamentis explicandas esse voluerunt: cui instituto tantopere adhaeserunt, ut denum piaculari habebatur de *Diis* diversum æstimare, ut olim monuit *Vettius Pratensis* apud *Macrobi.* Cave æstimes mihi *Avienus* poetarum gregem cum de *Diis* fabulantur non ab adytis plerumque philosophia semina mutuari. Unde *Euhemerus* læsæ religionis reus ducebatur quod veram & genuinam Deorum historiâ cõtexuisset. Quippe obstinate inficiabantur Deos suos unquam mortales fuisse, unde multum in hoc occupantur primi Ecclesiæ patres *Tertullianus*, *Iustinus*, *Athenagoras*, *Minnucius Felix*, *Lactantius*, *Athanasius*, *Cyprianus*, *Augustinus*, *Theodoretus*, *Annobius*, *Eusebius*, Alii, ut scil. probeant gentilitia Numina *avpwpaw* *divinos* esse, seu homines Coelo ob beneficia dicatos. Quinimo in Græculos passim invehitur *Philo Biblinus*, quod veras rerum gestarum historias in allegorias rebus naturalibus affines deflexissent. Huc accedit, quod refert *Varro* apud *Augustinum.* In omnibus templis, ubi colebatur

Satura.
l. c. 17.

De civit. Dei
l. 8. c. 5.

lebat *Isis & Serapis* erat etiam simulacrum, quod digito labiis impresso admonere videbatur, ut silentia fierent, hoc significant, ut homines eos fuisse taceretur. Sic ille. Ex toto hoc, quem hic brevi Perstrinximus, Idololatriæ progressu, constat Ethnicos solum aut homines aut res naturales pro Diis habuisse. His in antecessum missis, promptius præcipuum institutum expedire licebit, ad quod descendendum est.

Jam diu est, viz. ab usque Christianismi fermè exordio, ex quo usu venit placita ad res divinas spectantia ex *Gentilium* scriptis corradere, ut patet fieret quousque in iis penetrare valuit *Natura Lumen*, & quantoperè Sanctæ scripturæ decretis suffragetur. Quod consilium tota eruditorum gens aut secuta est, aut magno cum favore excepit. Id nempe passim innuunt *Patres*, id contendunt ad unum omnes *Scholastici*, quos imitantur recentiores non modò Theologi, sed etiam qui nomina humanioribus literis dedisse profitentur, ut *Lipsius*, *Scaliger*, *Grotius*, *Vossius*, quis non? E quorum numero insignius est præ reliquis *Augustini Steuchi Eugubini* opus, qui haut exiguum volumen ex veterum testimoniis conflavit, ut *Gentilium* de Deo placita per omnia secula *aperta* fuisse, & veritati Christianæ conspirantia demonstraret. Hi, sicubi Gentiles Deum statuunt unum esse, ingenitum, sempiternum, mundi Opificem, omniumq; in eo parentem, in impios severum, in probos beneficium, mundi gubernatorem, ubique præsentem, hisq; similia, arripiunt statim tanquam de Deo *Opt. Max.* dicta; Minimè attendentes, quis Gentilibus Deus omnium supremus habebatur. Quid enim si ista, aliaq; Dei *Opt. Max.* attributa rei alicui creatæ impie adscriberent? quod si fecerint (& fecisse mox apertissimè evincam) nihil magis à nostrâ genuinâque theologiâ alienum. Equidem non satis demirari possum tot viros perspicacissimos, quas perfectiones sacrilegi Idololatriæ de idolis suis, fictisq; Numinibus prædicaverant, veluti de industriâ perperam cepisse tanquam de aternâ verâque Numinis majestate prædicata. Quod si

consulto fecerint, quantæ vesaniæ ! Sin aliàs quantæ Oscitantæ, ne dicam inscitæ, quæ de Numinibus fictitiis dicuntur, approbare quasi ipsi Deo tribuerentur, & Idololatras collaudare, quod laudes divinas creaturæ dederint ! Quàm immensum interest an quæ Dei sunt, Sacrilegè ad creaturæ cultum deflectantur, an in ipsius Dei gloriam ipsi soli inesse agnoscantur ? *Ethnicorum* omnium prius est, *Christianorum* posterius.

Sunt imprimis, iique, non indocti, qui abdita S. Triadis mysteria è veterum Gentilium monumentis eruisse se somniant ; hos autem utpote communi doctorum calculo explosos, & manifesti erroris jampridem evictos, transilire par esse duxi ; etenim æquius & utilius mihi videtur errores inveteratos, atque communi omnium suffragio stabilitos modeste redarguere. Cujus conatus fructum neque exiguum, neque contemnendum esse spero. Quid enim plus momenti ad eruditionis profectum habet, quam eruditos ab inani & cassâ industriâ avocare ? Hinc enim fiet, ut sudorem aliàs in nugamentis, falsisq; occupandum circa utilia impendant. Propterea missis, quæ ad Trinitatis rationem accommodantur, eaduntaxat sequemur, quæ Dei attributa ratione revelanda adtinent, neque omnia latè didueam, sed pauca de multis duntaxat, quæ apertissime quod contendo consiteantur, strictim decerpam ; ea nempe testimonia, quibus disertim rebus creatis tribuuntur perfectiones aut operationes, quas Deo *Opt. Max.* attributas fuisse hactenus volunt alii omnes. Nec expendam quæ ex spuris authoribus afferuntur, mittam igitur versus Sybillinos, *Mercurium Trismegistum*, (Quem miror tandem imposuisse etiam peritioribus Critices consultis, *Lipso*, *Scaligeris*, &c.) Nec denique quidquam solcite de *Sophistis* sive *Platoniciis* dictis, qui postquam vigere ceperat Christiana religio vixerunt, dicam ; quales erant *Amelius*, *Plotinus*, *Porphyrius*, *Famblicus*, *Proclus*, *Maximus Tyrinus*, alique, qui utique aliter animati videntur, quam qui Philosophi ante Christi-

Christianæ religionis natales vixerant. Ista enim sublimiorem Genium orbi affluisse videtur; unde si quid isti de Deo rectius opinati fuerint, id non tam è Gentilium Theologiâ quam Christianâ deprompsisse videantur. Etenim quemadmodum *Origenes*, qui illis florentibus vixit (erat enim *Plotini* discipulus, *Porphirii* condiscipulus) sicut inquam ille, cui magis cordi erat disciplina Christiana quam Platonica, quamplurima ex hac in illam invexit; ita isti ad *Platonem* propensiores quam ad *Christum* innumera è Theologiâ nostra demum ad Platonicam traduxisse visi sunt.

Ex immensâ gentilitiorum Numinum farragine, duo sunt longè omnium celeberrima, quorum alterum quisque prout plebe sapientior tanquam numen genuinum & unicè venerandum respexit; Solem puta & Mundum: Nam utcumque se veteres sôphi ad cultum vulgo usurpatum demiserunt, attamen cum seriò de Deo loquantur, horum alterum semper indigent. Cæterum utrum à solis & cœlestium cultu ad totius Mundi venerationem descenderunt, an potius à Mundi ad solis cultum deventum sit, minoris est quàm ut controversiæ locus sit, cum abunde liqueat modo hunc, modo illum *Jovis supremi Dei* nomine gaudere: Solem vero omnium primum venerationem consecutum fuisse, non modo colligere est ex prisce historiæ reliquiis, sed quoque ex divino solis splendore & usu, adeo ut cum semel à Deo opt. Max. recessum erat, proclivè & quodammodo naturæ sponte solem, illius pulchritudine perculsi, venenarentur ut jam ante subinivimus. Cæterum ad totius naturæ cultum desiderabatur Philosophia, quæ dictitaret puriorem quendam spiritum omnia pervadere, qui omnia Naturæ phœnomena moderaretur; hujusmodi vero extitisse spiritum homines, priusquam philosophiæ studio se accingerent, non advertisse longè vero similimum est. Verum enimvero licèt antiquiores Idololatriæ solem & cœlestia duntaxat colebant, tamen gliscente simul cum philosophiâ superstitione, totius demum naturæ fabricam

cam pro supremo Numine habuerunt: quâ ratione Philosophi utrumque, solem sc. & Mundum in unum Deum conciliavere. Quippe cana omnis sophia solarem Æthereamve quandam substantiam à sole quodammodo dependentem universam Mundi machinam committere opinata est, ita etiam veteres mundi *ἡγεμόνων* seu *Principatum* in ipso sole posuerunt, eandem nihilominus vim per omnes naturæ artus fusam esse arbitrati sunt, quæ non secus a sole pendeat, atque spiritus corporis humani à cerebro, aut funiculi globulorum ætherorum in Philosophiâ *Cartesiana*, qui ejusdem cum sole substantiæ & ubique diffusi, soli tamen tanquam eorum principio alligantur: pari modo spiritum æthereum seu animum ubique per omnia committere statuebant. Id ipsum quod *πνεῦμα τῶν ἀστροῦ* & *πνεῦμα τῶν ἀστροῦ* *ἡγεμόνων* *ἡγεμόνων* seu *πνεῦμα τῶν ἀστροῦ* toties dixere. Quocirca qñi Soli orbis imperium concesserunt, id agunt non aliter quàm cum in cerebro collocatur hominis *ἡγεμόνων*, quamobrem omnis mundi pars ex eorum mente Dei quoque pars dicenda erat, similiter atque omne membrum corporis humani pars ejusdem æstimetur, licet in cerebro resideat totius principatus, unde erat ut quicquid divinitatis de mundo prædicabatur, prædicandum erat quoque de sole, & vicissim quicquid soli conveniebat, mundo etiam tribuere fas erat. Quod idem de æthere supremæ mundi regione subnotandum est. Quoniam enim purior & insignior mundi pars sit & quasi caput, ipsi sæpe ipsius Dei nomen indiderunt, cum revera solum Dei insigniorem esse partem reputarunt, ætherem spiritumve æthereum per omnia intentum esse opinantes. Uti de sociis suis testatur *J. Lipsius. Superum hunc ignem* (sic enim ætherem ex eorum mente nuncupat) *quem illi purum, lucidum, mobilem constituebant, misceri omnibus volebant, & vitam, vegetationem aut conservacionem dare. Denique hunc esse mundi animam, hunc Deum, illam dico in arbore ardorem tenem, nullaque admisione concretum.* Hinc in Stoicorum, & Pythagoricorum scriptis nihil obser-

*Physiol. Stoic.
l. 2. dissert. 12.*

observatu facilius, quàm modo universum Deum dici, modò æthe rem, modò solem. Cæterum quoniam aliqui, antiquiores scil. & potissimum barbari eorum alterum venerati sunt, nihil de altero cogitantes, quoniam item multa modo de uno specialius, modo de altero dicta sunt, primo seorsim de sole & coelestibus agendum est, deinde de Universo.

Repetunt nonnulli solis & siderum cultum ab usque *Enosi* Antediluviani seculo, ut *R. David Kimchi* in radicibus, *Salomon Farchi* in commentariis *Maimon* de Idololatriâ, qui ipsum Enosum *הנוש* inter errantes fuisse tradit, imo communem hanc Hebreorum sententiam fuisse testis est *Hieronymus* in quæst. Hebraic. quibus suffragatur *Cl. Seldenus Syntag. de Dis Syris proleg. c.3.* Cujus conjecturæ argumentum petunt à *Genes. cap. 14. comm. 26.* *הָיוּ בְּשֵׁם יְהוָה*, quæ sic vertunt, *tunc profanatum est in invocando nomine Domini*; & interpretantur Moïsem voluisse sacrosanctum Dei nomen rebus celestibus tributum esse, & inde prostitui ac profanari. Verùm alii propemodum omnes aliter Reddunt: quod sc. *tunc ceptum est invocari nomen Domini*: quæ discrepantia orta est ex ambiguitate vocis *הָיוּ* quæ æquivoca est ad *incipere* & *profanare*: priori significationi adstipulantur versio vulgaris Latina, Syriaca, Arabica, Aquilæ Græca, Pentateuchum Samaritanum, Targum Oncheli in editione Complutensi & Regiâ Ariæ Montani (aliis enim editionibus, quâs castigatiores esse fateor, legitur *tunc profanatum est*) ab omnibus autem abeunt *septuaginta seniores*, qui reddiderunt *ἐν τῷ ὀνόματι κυρίου* τὸ ὄνομα τοῦ κυρίου; pro *הָיוּ*, legentes *הוֹחִיר*, cujus radix *הִיר* speravit. Qui vero *הָיוּ* per *ceptum est* interpretantur, ab invicem quoque secedunt, Alii statuunt, quod tunc homines incepterunt appellari nomine Domini, quia nempe quot quot pietati studebant, dicti erant filii Dei, sed vero *לְקוֹרָא בְּשֵׁם* ex linguæ Hebraicæ usu & analogiâ sonat potius invocare nomen (est enim conjugationis activæ) quàm vocari nomine. Alii igitur volunt

volunt quòd tunc ceptum est nomen Dei ab hominibus invocari, sic *Hieron. tunc initium fuit invocandi nomen Domini*, sive quòd isto seculo cepit Dei cultus, qui pene interierat, instaurari, sive quòd succrescente hominum numero publicus & solennis Dei cultus à piorum Ecclesiis eo fine congregatis celebrari ceperit. Verum enimvero quo sensu accipenda sit vox הוהא haecenus ambiguum est : Cum *Drusio* definiendum ; si הוהא hoc loco significat ceptum est, non significat profanatum est : & contra si significat profanatum est, non significat ceptum est. Pithiæ oraculum ! Sed tamen eo loci nihil de Idololatriâ cultuve siderum intendi verisimilius videtur ; non modo quòd ex majori suffragiorum numero vocula הוהא sonet ceptum est : sed quoque ex duplici aliâ conjecturâ, quarû prima est ista *Alexandri de Hales*. Nempe Seculis antediluvianis cultum Dei rebus creatis haut probabiliter tributum esse propter recentem memoriam ejus, qui fecit Cœlum & terram, quam ex disciplinâ Patrum habuerunt : Potissimum cum tum temporis adeo longævi erant homines, ut traditio de mundi creatione illiusq; conditore per trium hominum ora ad usque diluvii tempora propagari potuisset. Cui quòd reponit *Cl. Seldenus* planè Judæorum fabellas sapit, sc. hoc evenire potuisse ex sacræ historiæ Cabalâ malè intellectâ ; quicquid enim arcano volumine condidit postea *Moyse*, id Cabala antea erat, quoniam itaque à patribus acceperant Solem, Lunam, & Stellæ dominos esse Diei & Noctis, perperam interpretati sunt quasi propriè Domini fuissent. Sed quæ de Cabalâ jaçantur, nemo non agnoscit esse audacula Judæorum commenta, ne scil. Talmudicis nugis & traditiunculis quas à patribus acceptas esse obtendunt, desit patrociniû : traditionem autem fuisse παρρησιασμένην de mundi fabricatione agnoscimus ; atqui quidquam eos de siderum dominio accepisse quæ indicia, quæ documenta ? Solem ac Lunâ vicissim noctu & interdiu dominari cur non *Moyse* ipse antea primus dixerit ? Sacri Historiographi verba illa esse dico,

In quæst. hebr.

Synag. de dis
Syrus prolegom.
cap. 3.

fortasse inaudita, sed quibus *Moyfi* placuisset Solis Lunæque usus & officia depingere.

Altera mihi conjectura est, quod si Patriarchæ Antediluviani Idololatriæ (quæ Deo nihil magis exosum) rei extiterant; id criminis minime omiserat *Moyfes*, cum delicta, ob quæ vindicta divina diluvium demiserat, recenseret. Nam *Genes. cap. 6.* de diluvii causis agens, præterquam quod in genere narrat mortales omnes *vias suas corrupisse*, memorat solum libidinem & injurias seu violentiam; priorem *Comm. 2. videruntque filii Dei filias hominum, & acceperunt eas in uxores*; posteriorem *Comm. 11. Corrupta est terra coram Deo, & repleta est injustitiâ*, de quibus locis perpauca non omnino *ex magdo. Viderant filii Dei filias hominum*; filium pro homine dici plerisq; linguis familiare esse neminem eruditulorum latet, eo modo quo *Græcis* *ὁ ἄνθρωπος*, & *ἡ ἀνθρώπου* *ἡ* *pro hominibus* Achæis & medicis. Sed quid per *filios Dei* intelligendum sit hæcenus disputatur. Alii (ut transiliani gerras Rabbinicas jam diu explosas de Angelorum cum sceminis coitu) filios Dei opinantur justos & pios esse, qui ab impiorum turba segreges continuo veram religionem tenuissent, & per filias hominum sceminas de impia Caini stirpe, quæ ab omni pietate desciverant, & pios, qui eas uxores duxerant, in sua vitia pellexerant: atqui vero incertum est aut secessionem piorum ab impiis factam esse, aut Sethi sobolem patris sui æmulatam fuisse pietatem, magis quàm qui à *Caino* progenerati, sed verisimile omnes utriusque familiæ pariter degeneres fuisse, cum statim unicus *Noah* æquitati studere repperitus est. Potius igitur cum aliis autumarem quos *filios Elobim* appellat *Moyfes* fuisse potentes & proceres, qui cæteris mortalium robore præcellebant; nimirum non modo familiare est Sanctæ Scripturæ quodq; magnificum Dei nomine insignire, sed & vocabulum *Elobim* fortes sonat perinde ac Deum. Sic utraq; Chaldaïca paraphrasis reddat *בני דכריות* enim *potentes, magnates & principes* significat, unde vertit *Symmachus*.

chus uoi talv dragevovrov Quinimo sub hac significatione leguntur eadem verba *Psalm 89. Com. 6. & quis similis est Domino in filiis Elohim*, ubi instituitur comparatio Dei ad principes. Item & *Psalm. 82. Com. 6. & Dii quidem estis & filii excelsi vos omnes, tamen sicut homines moriemini*, &c. Et sicubi alias in sacrâ paginâ usurpantur. Interpretari igitur velim quasi quisque prout robore & potentiâ præstabat, omnem foeditatem pro libidine ausus sit, & filias sibi subditorum vi & injuriâ rapuisset. *רפ* enim aliquoties (ut *Drusio* observatum est) significat *capere per vim*, sive rapere, & hîc sic accipi debere confirmatur quòd dicitur uxores eos omnes cepisse, *ex omnibus quas eligerent*, quasi quisque quamcunque ex omnibus velit, sibi arripuerit; etenim non potuit quisque quamcunque elegerat citra violentiam sibi accipere. Quæ interpretatio si admittatur coincidit cum commate 11. tanquam specialis instantia injuriarum, de quibus Deus ibi conqueritur, sicut enim *כח*, quod *Com. 11.* legitur, significat, seu violentiam, vim & rapinam; cum abjectâ omni juris & æquitatis curâ sola dominetur vis & tyrannis; sic utroque commate de iisdem delictis, iisdemque personis agetur, quòd sc. robustiores quique in viros tyrannide grassantur, in foeminas libidine, illius accusati *Com. 11.* hujus *Com. 2.* sed utcunque sit nihil hîc de idololatria, quam certè non omiserat *Moses*, cum alia flagitia haut magis abominanda memoret, non igitur in mundum antediluvianum inductam fuisse.

At vero solarem cultum non multùm à diluvio arcessendum esse, non modò liquet ex trito *Maimonidis* testimonio sic scribentis. Norum est quòd *Abraham* natus est in gente, quæ
 “ serviebat igni, & in credulitate *Zabeorum*, qui credebant
 “ quòd non erat Deus alius nisi *stellæ*. Cum vero fecero te
 “ scire in hoc capitulo, libros eorum, qui non inveniuntur
 “ apud nos translati ad linguam Arabicam, in narratione
 “ ipsorū in antiquis contentionibus, & fecero te scire opiniones
 ipsorum,

More Nevich.
l. 3. c. 30.

" ipforum, & rationes eorum; ostendetur tibi credulitas in
 " stellis, quòd sunt Dii, & quòd Sol est major inter Deos. Et
 " dixerunt quòd reliqui Planetæ sunt Dii, sed Sol & Luna
 " sunt maximi Deorum. Invenies id quod manifestè dicunt.
 " Quod Sol regit mundum superiorem & inferiorem, & inve-
 " nies istud in libris eorum, & narrant statum *Abrahæ*, &
 " dixerunt hæc eadem verba quòd *Abrahæ* fuit natus &
 " educatus in terrâ servientium igni, quando contradixit opi-
 " nioni gentis illius, dicens quòd alius operator erat præter
 " Solem, & induxerunt contra eum rationes suas, inter quas
 " fecerunt mentionem de operationibus solis, quæ manifestæ
 " sunt, & apparent visui in universo esse. Cui accedit
 " *Isaac Maronita* in Philosophicis tractat. cap. 6. uti citatur *Ker-*
 " *chero*: En Maronitæ de Ægyptiis loquentis verba; surrex-
 " erunt homines corrupti moribus, quorum mens corrupta
 " erat ab ignorantia, & opere dæmonum, qui eos seduxerunt,
 " ac arbitrati, sunt unum pro alio, & existimaverunt astra spi-
 " ritu intelligentiæ prædita, libertatem habere ex se, & pote-
 " statem, & paulatim errare eos fecit Diabolus, donec existi-
 " marent astra esse creatores, & factores, imposueruntque
 " singulis sideribus Dei nomen, variis quoque ceremoniis ea
 " colebant, ante ea prostrati & adorabundi.

Oedip. Ægypt.
tom. syn. 3. c. 2.

Sed quoque ex eo quod *Moyſes* astrorum cultum vetuit
Deuter. cap. 4. Ne fortè eleves oculos tuos in Cælum, & vi-
deas Solem & Lunam atq; stellas cum universo exercitu Cæ-
lorum, & impellaris, & adores atque colas ea. Quo fine, si
non prius inoleverat mos adorandi stellas: cui refertur
Job. cap. 31. Com. 26, & 27. ubi expressè se ipse à Solis
ac Lunæ cultu purgat, Hujus autem ætatem Mosaica aut
parem aut supparem fuisse fortè superiorem pene jam demum
extra controversiam ponitur. Neq; aliò spectat textus iste
Levit. 26. 30. Ego eliminabo excelsa vestra & exterminabo
חמנים Chamanim vestros, Chamanim autem Solis cul-
tum attinere ex variis locis constat; vid. Isaiam 17. Ezech. 6.

&c.

& per ea intelligunt eruditorum alii simulachra Soli consecrata, alii *πυράκια*, & dictum volunt à voce *πῦρ* quæ modo Solem, modo calorem sonat. Denique siderum cultus passim in veteri instrumento Judæis exprobratur. Quod malum item toto orbi antiquitus incubuisse innumeris testimoniis propemodum vulgo notum est. Id de Phœnicibus testatur *Philo Biblius* ex *Sanchuniathone* apud *Eusebium* *περὶ εὐαγγελίου* l. 1. c. 10. de Phœnicibus, & *Ægyptiis* imo de omnibus, si Hebræos duntaxat excipias, plura apud *Euseb.* l. 1. c. 6. de *Ægyptiis* rursus *Diod. Siculus* l. 1. Idem ille & *Plato* decantatissimo loco in *Cratilo* de Græcis, quibus Phœnicum religiones communicavit Cadmus, Ægyptiorum Orpheus. De Persis & Chaldeis *Herodotus* lib. 1. *Strabo* l. 15. *Justin.* l. 1. *Greg. Nazianzen.* Orat. 1. adv. *Julianum*, De Arabibus *Strabo* lib. ult. de *Germanis* Cæsar bell. gall. l. 6. facile foret infinita testimonia congerere, sed abstinere non modo plura ad-jicere, sed & hæc exscribere, tum quod decoctissima sunt sexcenties ab aliis excripta, tum quod res aperta est, & in confesso ponitur.

Ab hoc Ignium coelestium cultu ortus est mos ignem perennem eorum symbolum & tesseram in templis asservandi, uti *Porphyrinus de abst.* *πῦρ γὰρ ἐφύλακτον ἀβαντὸν ἐν τοῖς ἱεροῖς, ὡς ἐν μάκρῳ αὐτῶν ἐποιοῦντο.* Ignem conservabant suis in templis immortalem, quod iisdem (diis sc. ignibus coelestibus) similimus esse videretur. Hinc Persarum, qui aliis religiosius Solem adorabant, *πυράκια*. & faciliè adfentior *Cl. Seldeno*, cui Cuthorum Nergal, de quo 2 Reg. cap. 17. comm. 30. ignis perennis religiosissime, ut Solis symbolum, servatus videbatur, Parilis mos Athenis in templo Minervæ, Teste *Eustath.* ad *Odyss.* 7 Romæ item Numæ institutione. Qui & in usu apud Thuscōs, Ægyptios, Medos, Sauromatas, Phryges, alios. Hinc etiam moris ortus in locis sublimibus sacra præstandi, quod toties Idololatriæ Sancto Codice ob-jectatur; unde porro rationem vocis *altare* petunt Grammaticorum

*Synagm. 2. de
dñ Syr. c. 8.*

corum filii, Pompon. Festus *Altaria ab altitudine dicta sunt, & Isidor, altare quasi alia ara* quod antiqui Dis superis in ædificiis à terrâ exaltatis sacra faciebant. Ut Ægyptii Pyramidibus tanquam aris usi sunt, juxta illud *Lucani*

Votaque Pyramidum cellas solvuntur ad aras.

Quâ de re vide Kercherum fusius differentem *Oedip. Egypt. Tom. 1. Syntag. 4. cap. 12.*

Utcunque deinceps reliqua astra coluere, Solem omnes pro summo, plerique pro unico numine habuerunt, cæteras stellas illius ministros statuentes, ut *Onatus Pythagoricus* apud *Stobæum*, *οὗ δ' ἄλλοι θεοὶ ποτὶ τὸν πρῶτον θεόν, & τοὺς ἑταίρους ἔχοντες ὡς πρὸς χορὴν ποτὶ καρυφαῖον, & στρατῶν ποτὶ στρατὸν, reliqui Dii erga primum supremum, sapientemque, sic se habent ut chorus ad Coryphaeum, & milites ad ducem.* Soli igitur palam omnia Dei attributa & agnomina adfigebant. Sic perinde esse an supremum Numen Sol appelletur, an *Ιάω* (quod indubiè fit à nomine tetragrammato, de cujus prolatione nimium alterationi indulgent peritiores Critici) apud *Macrobius* effatur consultum Apollinis Clarii oraculum

*Lib. 1. c. 18.
Saturn.*

- Φερέω τὸν πάντων ὑπατὸν θεὸν ἔμμεν *Ιάω*
• Χείμαρ μὲν τ' αἶδον, Δία δ' εἶαρ & ἀρχαῖον,
Ἡέλιον δὲ θέμεθ, μεταπῶμε δ' ἀβρὸν *Ιάω*.

*Dic omnium supremum Deum Iao
Hieme quidem Plutonem, ac Fovem vere incipiente,
Et solem astate, autumno mollem Iao.*

Ajb. 14. orig. c. 3

Sic Ἡλιος ex Ἡ uno è Dei nominibus deducitur: ut *Isidorus de Persis*: Omnes in illis partibus solem colunt qui ipsorum linguâ *El* dicitur: Licet factum vult *Servius* à Phœnicum *Bel*, qui utique cum neutiquam Hebraice sciens adver-

advertere nō potuit nasci vocem *ἥλιος* ab Hebreorum *ἥל* El;
 à Phœnicum *Bel* deducere conatus est, lepidè igitur videntur
 Doctiss. *Vossius* aliq; Servium secuti per totidem flexuras &
 ambages illius deductionem moliri, cū levi aut nullā muta-
 tione constet etymon, si ab *ἥλ* fiat. Baal etiam So-
 lem vocitavere, quæ vox olim inter divina nomina obtinuit.
 Decantatissimus est Servii locus. *Assyrios constat Solem colu-*
isse, linguâ Punicâ Bal ille Deus dictus est, apud Assyrios au-
tem Bel. Sol pariter etiam Adonis dictus ab Hebreorum
Adonai, ne hîc particulatim insistam vocabulis Molech, Beel-
 samen, Elagabalus, quæ duntaxat Deo *Opt. Max.* verè con-
 veniunt, sed de iis infra. Dein pervulgatum est Ethnicos
 Deum, quem Supremum habebant, Jovis nomine (quod
 à Sacrato nomine tetragram. *יהוה* deduci volunt his rebus
 docti) designare, Atqui Solem eundem cū Jove habitum
 fuisse complurium testimoniis probatum est; nam cū
 ait *Homerus*

In l. i. *Æneid.*

Ζεύς γ' ἱς ἀκρόθιν μετ' ἀμύμονας ἀθλοπῆδας
 χθρὶς ἔβη μέγα δῖον, θεὸς δ' ἅμα πάντας ἔπαιτο.
 Δωδὲκῃ Νῆτοι αὐτὸς ἐλευσέτω ἑλυμπόνδε.

Æthiopum petit convivium præclarorum
Juppiter hesternus; cuncti simul intererant Dii.
Luceque bis sexta conscendit rursus Olympum.

Jovis appellatione (Macrobiana verba agnosce) *Solem in-*
telligi Cornificius scribit cui unda Oceani velut dapes mini-
strat, &c. & quod ait θεὸς δ' ἅμα πάντας ἔπαιτο sidera intelligun-
tur, quæ cum eo ad occasus ortusque quotidiano impetu Cæli
feruntur, eodemque aluntur humore. Vide porro *Stobæum*
Ecclog. Phys. lib. 1. cap. 1. ubi non absimilia, addit autem
 τὴν μέντοι δωδεκάτην ἀναστὴν τῆς ἐπαρόδος τῶν θεῶν, ὅπως ὑπερβάντας τὰ
 δώδεκα ζώδια, ἐπὶ τῷ ἑβδόμῳ γένοντι τῷ ἑσπέρῳ. *Reditus quidem Deo-*

Saturnal.
 l. 1. c. 23.

rum.

rum luce duodecima tunc accipiendus est, cum superatis 12 signis Dorsum Cæli occuparint. Ista itidem Jovis descriptio in Platonis Timæo Soli duntaxat quadrat ὁ μὲν δὴ μέγας ἡγεμὼν ἐν ἑρατῷ Ζεὺς, ἐλαύτων ἄπιδον ἄρμα, πορεύεται διακοσμήων πάντα, καὶ μολέμενος πρὸ δ' ἔπειτα σερπὶς θεῶν καὶ δαιμόνων καὶ ἑνδεκαμέρη (12 signiferi orbis portiones) κακοσμένη, μέγας δὲ Ἑστία (quâ terra designatur) ἐν θεῶν οἴκῳ μένη. in quæ verba vide Macrobbii scholia loco priori. Nec alium quàm Solem respicit Orpheus in hymno Jovis

Ζεὺ πάτερ ὑψίστερος, περὶ γὰρ κόσμον ἐλαύνων.

Jupiter impellens ignitum, sublimeque currentem Orbem.

Et Cicero in fragmento de suo consulatu

*Principio Æthereo flammatus Jupiter igne
Vertitur.*

Adv. gentes l. 3. Arnobius item. *Fovem Solem esse dictis avere sapientes agitantem pinnatos currus turbâ consequente divorum*, respiciens sine dubio ad Platonis verba jam ante allata. Apollinis etiam apud Julianum responsum

Εἰς Ζεὺς, εἰς αἰθέρις, εἰς ἥλιος ἐστὶ Σαργέης, neq; secus Orpheus

Εἰς Ζεὺς, εἰς Ἀδης, εἰς ἥλιος, εἰς Διόνυσος.

Refert igitur *Julian.* in vegrandi oratione ad solem de *Cypriorum* sacerdotibus οἱ κοῖτος ἀποφάνισσι βομὸς ἥλιος καὶ διὰ κοινῆς *Solis* cum *Fove* aras extruunt. Iterumque in eâdem oratione διὸν διαφέρειν ἥλιος διὰ νομίζοντες, ὁμολογῶμεν τῷ παλαιᾷ φήμῃ *Cum nihil solem inter & Fovem inter esse putemus veterem opinionem sequimur.* & impius sanè hic transfuga in intimam Orphicorum, & Ægyptiorum mystagogiam penetraverat. Clarissimè

rissimè denique magnus Hippocrates decernit preces habendas esse *ἡλίου διὰ τὴν ἐγγίαν* *Soli Jovi celesti*. Huc accedunt aliquam: multæ veterum inscriptiones, cujusmodi ista in domo Gentilis Delphini ad forum piscarium reperta, ΔΙΙ. ΗΛΙΩ. ΜΕΓΑΛΩ. ΣΑΡΑΝΙΑΙ. Alias vide apud Gruterū inscrip. Antiq. Alexandrū antiq. Tabul. aliosque. Hinc denique pro vario solis situ aut aspectu diversa Jovi nomina: ut Solem altero Hemisphærio versantem *Fovem stygium* appellabant (ut Luna dicebatur Juno inferna.) ASole etiam ratio petenda Jovis nominum *dis piter & Lucetius. Fovis* (inquit Gellius) *Dis piter appellatus* L. 3. c. 12. *i. e. diei Et Lucis pater, idcircoque simili nomine Dijovis dictus est & Lucetius: quod nos die & Luce quasi vitâ ipsâ afficeret & juvaret.* hæc videntur excripta è Varrone de L. L. l. 4. Servius itidem. * *Sanè linguâ Oscâ Lucetius est Jupiter dictus, à luce quam præstaret hominibus. Ipse est enim nostrâ lingua Dis piter i. e. Diei pater,* similia Festus, Turnebus, aliique Grammatici. Hæc denique ratio est, ut refert Plutarch: cur annum Jovi consecrarunt veteres Romani & Junoni mens- *Quæst. Rom.* sem, quia illum efficit Sol, hunc Luna.

Et sicut Sol pro primo & supremo ita pro unico Numine habitus est, reliquis omnibus ad eum reducîs, quod uberius præ aliis præstiterunt inter recentiores Vossius de Idol. l. 2. inter antiquiores cum omnium applausu Macrobi. l. 1. Saturn. id demonstrans partim ab auctoritate veterum, *Platonis, Crisippi, Cleanthis, Euripidis, Homerî, Spensippi, Antipatris, Porphyrii, Orphei, &c.* partim ab ipsius rei verisimilitudine: Quoniam nimirum reliquorum Numinum Cognomina, tituli, simulacra, virtutes, munera, effectus, symbola, cultus, ceremoniæ, de iis fabulæ, omnesque demum sacrorum ritus tam appositè Soli quadrarent. immensam igitur gregem aliorum Numinum tanquam totidem Solis nomina crediderunt. Sic Martianus Capella ad Solem Pangit.

Te Serapim Nilus, Memphis veneratur Osyrim,

D d

Dissonas

*Diffusa sacra Mithram, Ditemque, ferumq; Typhon em.
Atys pulcher item, curvi & puer almus aratri.
Ammon & Aventis Lybies, & Biblus Adonis.
Sic vario cunctus te nomine convocat orbis.*

Apud Euseb.
περὶ παλαιῶν
1.3. c. 15.

Affine Apollinis interrogati quisnam Deorum ipse esset responsum

Ἥλιος, Ὀρεός, Ὀσιρὶς Ἀναξ, Διόνυσος, Ἀπόλλων,
Ὀρῶν καὶ χερσὶν ταμὴς, ἀνιῶντε καὶ ὁμαίρων
Ἡὲς καὶ νυκτὸς πολυάστρ' ἡδὲ ναιμάδ',
Ζεφελῶν ἄστρον βασιλεὺς ἡδὲ ἀθανάτου πῦρ.

*Sol, Idemque Horus, Rex, Bacchus, Osiris, Apollo
Idem boras, annique vices, ventos, pluviasque,
Auroraque rego, & bellare noctis habenas,
Rex simul astrorum, simul immortalis & ignis.*

Similia Nonnus lib. 4. Dionysiacōn, sed satis hæc sunt.
Hinc non ineptè conjectatur Solis πολυνόμου εἶναι dedisse πολυδέτην
initium: etenim cum cuique ejus virtutum proprium nomen
adhibebant, in totidem illa demum evaserunt numina, Ma-
crob. *diversa virtutes solis nomina dis dederunt: unde in τὸ πᾶν*
sapientum principes prodiderunt. Hinc unum esse Deum
dixerunt, quod subinnuitur in eo, quod de Xenophane refert
Metaph. 1.1. c. 4. Aristoteles, quod utique εἰς τὸ ὅλον ἕρπον ἀπεβλήσας τὸ ἐν ᾧ
Saturn. 1.1. c. 23. εἰς τὸ ὅλον In universum cælum respiciens, unum esse ait Deum.
In hanc rem insigne est Macrobii de Assyriis testimonium.
Accipe, inquit, quid Assyrii de solis potentiâ opinentur, Deo
enim, quem summum, maximumque venerantur Adad
(hac voce hallucinari Macrobiū conveniunt Critices pro-
fessores quoniam nequit ritè à quâvis vocē Syriacā aut Hebrai-
cā derivari) nomen dederunt, ejus nominis interpretatio sig-
nificat [unus] Hunc ergo potentissimum adorant deum. & mox
Simulacrum

Simulacrum Adad insigne cernitur radiis inclinatis, quibus monstratur vim cæli in radiis esse solis, qui demittuntur in terram. Sed de unitate Dei plura infra, Ubi de Mundo, spirituve mundano. Ad Solis imperium & Providentiam deveniendum est.

Hunc Universi Opificem, dominum & gubernatorem, omnium parentem, humani tum corporis tum animi auctorem, rerumque humanarum inspectorem, & moderatorem celebrabant. Porphyrius in epistolâ ad Anebonem Ægyptium apud Eusebium narrat Ægyptios non alios olim agnovisse deos, quàm sidera intra Zodiacum errantia, Solem autem universi Δημιουργον *architectum* habuisse. Et proximè Eusebius

Præpar. l.3.c.4.

ὅτι καὶ τῶν Αἰγυπτίων ἀπερίητο Θεολογία, ἡ δὲ ἄλλος, πλὴν τῶν κατ' ἑρανδὸν ἀστέρων, τῶν τε ἀπλανῶν καὶ λαμμένων, καὶ τῶν ἐνομαζομένων πλανητῶν ἐθεολόγει, Δημιουργόν τε τῶν ὅλων εἰσῆγεν ἕντα ἀπώματον, ἡ δὲ λέξαν Δημιουργικόν, ἡ δὲ μὴν θεόν, ἡ δὲ θεός, ἡ δὲ πᾶσι νοσέας καὶ ἀφανείας δυνάμεις, μίνον δὲ τὴν ἐρώμενον

Ἡλιον. Ne arcanam quidem ipsam Ægyptiorum theologiam præter Cæli stellas, tum quæ constantes ac fixæ, tum quæ errantes vulgò nominantur, alios ullos Deorum in numero collocasse, imò nec corporis expertem aliquem hujus Universitatis architectum statuisse, nec rationi effectrici, nec Deo Diisve ullis, aut intelligentibus quibusdam ac sub oculos minimè cadentibus naturis, sed uni duntaxat aspectabili Soli ejus molitionem tribuisse. Damascius etiam vitâ Ifidori apud Photium Bibl.

242. cod. Αἰγύπιοι ἔπρην θεῶν μάλιστα Ὅσιοντι καὶ Ἰσιν : τὸ μὲν ἀπαντα δημιουργεῖν νομίζοντες, εἰδότες καὶ ἀεθμοῖς τὸ ὕλην διακοσμεῖν.

Colunt præ cæteris Diis Egyptii Osirim & Isin (i. e. Solem & Lunam) illum omnia condere, & figuris, numerisque materiam adornare arbitrati. Similia Diodorus Siculus, Lib. 1. Sect. 1. quod etiam de Chaldeis (ut menimi) refert idem Euseb.

Præpar. l.7.c.2.

τὰ ἅρματα δ' ἐν πέρκι ζωῆς Ἡλιον ἰδὲ καὶ σελήνην καὶ ἀστέρας ὑποτομίσαντες, καὶ πῶς καὶ ὡς τὸ ὅλον τὴν φύσιν καταπλάγαντες, ἀεθμοῖς θεῶν ἀντηρόευσαν,

De antro
Hymphar.

μύθος αὐτὸς τῶν ὄλων ἢ ἀποφωτισμοί, *Solem, Lunam, ac reliqua si-
dera vita corporea moderatores esse suspicati simulque ad lucis
aspectum admiratione percussi, principes hosce Deos ita pra-
dicarunt, ut eosdem rerum auctores omnium esse statuerent.*
Idem de Indis *Clementem Alexandr.* scripsisse in protreptico
memini. Huc & insuper spectat quod ex Eubulo refert Por-
phyrius. Ζωροάστρην αὐτοφύως σπῆλαιον ἐν τοῖς πλεῖστον ὄρεσι τῆς Περσίας
ἀνθρῶπον, καὶ πρῶτος ἔχον ἀνθρώπων εἰς πᾶν τὸ πᾶντων ποιητὴ καὶ πατὴρ
Μίθρην, εὐκτα φέροντα αὐτῷ τὸ σπῆλαιον τὸ κόσμον, ὃν ὁ Μίθρης ἐδημιούργησεν.
τῶν δὲ ἐν τῇ καὶ συμμέτρως ἀποστάσις σύμβολα φερόντων τῶν κοσμικῶν στοι-
χείων καὶ καμμάτων. *Zoroastrum in montibus Persidi vicinis an-
trum nativum, floridum, fontibusque irriguum, in honorem
creatoris, patrisque omnium Mithrae (quo nomine Solem ig-
digetabant Persae) consecravisse. Ita ut antrum conditi à
Mithra mundi figuram praeberet; ea vero quae intra antrum
erant certis invicem intervallis disposita, elementorum, clima-
tumque, mundanorum symbola seu figuras gererent.* Quibuscum
convenit Solem à Phœnicibus & Syris (ut memorant *Hero-
dianus, Capitol: &c.*) sub Heliogabali, seu Alogabali, five
Elagabali nomine cultum fuisse, quod vocabulum ritè autu-
mant viri docti confectum ex מלך *Deus* & בן *conditor*,
adeo ut idem sit quod *Sol Opifex*. cui accedit quod Porphy-
rius quanquam Hebraicè ignarus prodat Heliogabalum idem
valere ac ὁ ἡλίου δημιουργός. tum quòd Sol κτιστὴς τῆς οὐκινήτης in
Obelisco prægrandi, qui Romam transferebatur iussu Con-
stantini Magni, appellitetur. Extant & nummi quorum hæc
inscriptio SACERD. SOLIS. DEI. ELAGAB.
Hinc turpissimum istud Imperatoris portentum Heliogabali
nomen sibi vindicavit, quòd in *Emissa Urbe istius Idoli Sa-
cerdos fuerat*, ut memorat Lampridius in Heliogab. Vide
Marcellinum, l. 17. Herodianum in Macrino. Suidam de
Apolline, Salmasium & Casaubonum ad Lampridium, N. Ful-
lerum in Miscell. l. 1. c. 14. aliosque. De Pane denique seu
Sole

Sole Macrobius. *Hunc deum Arcades colant appellantes Saturn. l. i. c. 23*
 τὸν τῆς ὕλης κύριον : non silvarum dominum sed universa sub-
 stantia materialis dominatorem significari volentes. Cujus
 materiae vis universorum corporum, seu illa Divina seu ter-
 rena sint, componit essentiam.

Deinde ut Solem primum omnia creavisse crediderint, ita
 quoque omnia deinceps continuo progignere, vicibusq; ortus
 & interitus praesidere. Sic Claudianus ad Solem.

*Qui vitam lethumque regis : nam quicquid ubique
 Gignit materies, hoc te donante creatur,
 Debeturque tibi certis ambagibus avi.*

Hinc Diodorus de Sole & Luna prodit, quod omnium ani-
 mantium generationem conficiant. Cum alter, inquit, igneus Lib. I. c. 1.
 ac spiritalis existat, altera humida atq; frigida, aer utriusque
 communis : ab iis itaq; generari, atque nutiri corpora om-
 nia, rerumque naturam à Sole & Lunâ perfici. Ut Trismeg-
 istus ἑσπερίων, qui subinde Gentilis personam induit, sic
 enim exigebat instituti ratio. Οὕτω γὰρ ἕρπεν ἡ γῆ ἀπὸ τοῦ
 πυρρὸς λίγῳ δὲ ὁ ἥλιος, τὴν μὲν ὕδατος κατάρχον. τὴν δὲ ὕλην ἀνάρχον, ἡ
 αἴτις αὐτὴν, ἡ εἰς αὐτὴν τὰ πάντα ἔλκον, ἡ ἀπὸ ἑαυτῆς πάντα διδὸς παῖσι, ἡ
 τὸ φῶς ἀφθοιον χαρίζεται. αὐτὸς γὰρ ὅστις, ἢ ἀγαθαὶ ἐνέργειαι, ἢ μόνον ἐκ
 ἑρμῆος, ἡ αἴτις, ἀλλὰ ἡ ὅτι γῆς, εἰς τὸν κατώτατον βυθὸν ἡ ἀβυσσον διήκουν.

Sic enim Caelum & terram operator semper ancis, dico vero,
 Sol, essentiam quidem demittens, materiam vero attollens : &
 circa seipsum & in seipsum omnia trahens, & à seipso omnia
 omnibus tribuens, etiam lumen uberrimè largitur : ipse enim
 est cujus bonae operationes non solum in Caelo & in aere, sed &
 in terrâ in imum profundum & Abyssum penetrant. Rursus
 Σωτήρ δὲ ἡ τροφὴς ἐστὶ παντὸς γένους ὁ ἥλιος. Servator vero & educa-
 tor omnis generis est Sol. Aegyptii quoq; teste Diodoro Siculo, Lib. I.
 τέττος δὲ τὸς θεὸς ὑφίσταται τὸν σύμπαντα κόσμον διοικεῖν, σφαιροτάς τε ἡ ἀΐσταται
 πάντα.

More Newb.
part. 3. c. 30.

admiranda. Hos autem Deos (Solem & Lunam) mundum universum gubernare statuunt, nutriendes & augentes omnia. Stellas insuper fertilitatis causas, & tempestatum dispensatrices arbitrati sunt; quam causam esse scribit *Maimonid.* cur Zabii, antiquive Idololatæ agriculturam cum cultu stellarum conjunxerint, quod per cultum stellarum exculta & foecunda reddatur terra. Hinc inquit, Sapientiores, doctiores, & religiosiores inter ipsos predicabant & indicabant hominibus, quod agricultura, quâ homines subsistunt & conservantur, ab ipsorum voluntate dependeat, si nempe solem reliquaque astra debito cultu venerenter; Si vero peccatis suis illa offendant, urbes & agros vastari. & paucis interjectis. Concionabantur sacerdotes propter ejusmodi cultus pluviam de calo descendere, arbores agri fructus ferre, terram fecundam reddi; Et subdit Deum propterea totidem promissa fertilium tempestatum, & sterilitatis interminationes passim legibus Mosaicis subtexuisse, ut adversus vanas istas Zabeorum promissiones populum muniret. Cum igitur, inquit, tantoperè opiniones istæ divulgari & obtinere cepissent; placuit Deo Opt. Max. pro immensâ suâ erga nos misericordiâ, errores istos ex animis nostris evellere, & tantos labores à corporibus nostris, per laboriosarum & inutilium istarum actionum abolitionem, auferre: deditq; nobis legem suam per manum Moïsis, qui nobis in Dei nomine indicavit, si astra, aliaque corpora Cælestia coluerimus, pluviam cessaturam, terram infacundam & sterilem futuram, arbores fructus suos non daturæ, varia mala temporibus, & vitia corporibus eventura, vitam denique nostram decurtatam iri. Ista namque omnia verba sunt fæderis, quod nobiscum Deus pepigit, & invenies illa passim in tota lege; quod viz. ex cultu stellarum sequatur cohibitio pluvie, vastatio terræ, corruptio temporum, agritudo corporum, decurtatio dierum: & contra quod ex intermissione illius, & conversione ad cultum Dei sequatur descensio pluvie, fecunditas terræ, bona tempora, sanitas corporis, & longa vita, contra quam

quam hominibus concionati sunt cultores Idolorum, ut ad colenda ea ipsos permoverent: fundamentum enim legis est opinionem illam ex animis hominum tollere, memoriamque ejus exstirpare. Huc usque Rabbinus; sed à viâ abduxit, idcirco revertendum est. Plinius igitur: Sol non temporum modo, terrarumque, sed siderum ipsorum cælique rector: Et Oraculum Delphicum de Sole

ἔστιν ἡ χεῖρ τῆς αἰετῆς καὶ ὕμνον,
 ἥς καὶ νυκτὸς πολυάστρου ὅληα κομᾷ,
 Ζαφλαγῶν ἄστρον βασιλεὺς, ἢ δ' ἀθάνατον πῦρ.

(pluviarum.

Horarum & temporum dispensator, ventorumque simul &
 Aurora & noctis Bellata gubernacula versans,
 Fulgentium siderum rex, & ignis immortalis.

Sic Martianus lib. 2.

Nam medium tu curris iter dans Solus amicam
 Temperiem superis, compellens, atque coercens
 Sidera Sacra Deum, quum legem cursibus addis.

Quapropter Apollinem musicæ præfecerunt, quia Sol totius naturæ complexum suavissimo concentu, harmonicæve symmetriâ moderari videtur, Suidas Ἀπόλλωνος ἀρχὴ καὶ ἀρχὴ ὅτι χεῖρ ἔχει πλάττει. εἰσὶν τὸν ἥλιον τὴν τῶ πατρὸς ἀρμονίαν. Apollinis simulacrum fingunt citharam manibus tenens, quasi Sol sit harmonia Univerſi: hinc mundum vocitarunt organum Dei, puta Solis, quod tetigit Varro cum caneret

Quam mobilem divum lyram Sol ἄρχει
 Quâdam gubernans moribus diis veget.

Ideoque Sol ab Orpheo χρυσολύπης dicitur i.e. auream lyram habens, Novem quoque musas, quibus præesse confingitur, totidem.

De Prepar.
Eváng. l. 3. c. 11.

tidem orbes esse interpretantur, sic Porphyrius apud Eusebium
ἐνία δὲ ἐπιδύναται αὐτῷ μῦθου, ἥτε ὑποπλάττει σφαιρὰς, καὶ αἱ ἐπὶ τῶν
Πλανητῶν, καὶ ἡ μία τῆς ἀπλανέως. Novem quidem musæ illi acci-
nentes sphaeram Luna Inferiorem, cum septem planetarum or-
bibus unâque præterea omnis erroris experite representant. Sed à Solis vi generatrice ad gubernatricem dilapsum quocirca
vestigia paulisper oportet referre.

Saturn. l. 1. c. 17

Huc autem imprimis accinit Macrobii illud, *Camarientes*,
qui sacram Soli incolunt insulam, ἀειμαρτῆν Apollini immo-
lant, Quod ipse generat universa in seminando, fovendo, pro-
ducendo, alendo, augendoque. Atque ibidem rursus Apollinem
πατρῶν cognominaverunt, non propria gentis unius aut civita-
tis religione, sed ut auctorem rerum prognerandarum omnium.
Quo pacto interpretatur Fulgentius fabulam de Phœbo cum
Clymene nymphâ coeunte, unde prognatus Phaeton, i. e.
inquit, Sol aquâ coiens res quasque producit, quæ cum nascun-
tur, quasi è tenebris exilirent, φαίνεσθαι dicuntur. Quinimo
omnia sacra sua obscæna ad vim solis generatricem spectare
fingebant, propemodum enim sacra nulla stupris vacabant, &
vix quidquam sacrum, nisi quod pariter obscænum, & pro-
fecto templa omnia quasi totidem impudica & foedissima lu-
panaria fuere, adeo ut optimè ille ad sacerdotis munus com-
paratus, qui prionioris libidinis, cujus omnis turpitudinis
rationem ad facultatem Solis siderumq; generatricem re-
ferebant: ut Ptolomæus de Syris, Persis & Ægyptis. Καθ' ἑρῶνται

In Tetrab. l. 1.

δὲ παρ' αὐτοῖς τὰ γυναικῶν μύετα, διὰ τὸν τῶν σεξουαλικῶν ἀστρον σχημα-
τισμῶν ὅντι σποριατικῶν φύσι. Consecrantur apud eos genitalia ob
astrorum vim generatricem, & ubique fere gentium obtinu-
erat mos pudenda consecrandi. Ob quam causam prodit Plu-
tarchus apud Ægyptios fingi simulachrum Osyridis erecto
pene. Quin & effingitur, ut ait Suidas Ægyptiorum Horus
ὁ ὀυανύμω κρατὸν τὸ ἀνδρῶν αὐτῷ ὑπεταμένον, & μοχ τῶντων γὰρ τῷ
ἄλλῳ δὲξάμενος, Lava tenens veretrum suum intentum; eundem
enim

lib. de Isid. &
Osyrid.

enim ac Solem esse opinantur, hoc testatur Herodotus de Horo, quem τὸν Ἀπόλλωνα Ἑλλήνες ὀνομαζέουσιν, *Græci Apollinem appellant*, vulgo igitur deducitur ab ἡλι Hebraicè lux; & συναδελφικῶς Sol. Pari viâ libidinosos amores Berecinthiæ & Attidis, Veneris & Adonidis, Osyridis & Isidis interpretantur de impenso Solaris appulsus terram foecundantis desiderio in tellure. Obscæno Deo deniq; Priapo indegetatur dicta vis generatrix Solis : unde Orpheus in Hymno ad Πρωτόγονον, quo Solem designat, disertum illum Priapum vocitat, canit enim

——— χτὶ πόρνον
 λαμπρὸν ἄγρον φάει ἄγρον, ἀφ' οὗ σε πάντη κυκλόσσω
 Ἡδὲ Πρίπτον ἄνακτα ———
per mundum
Emicantem ducens lucem, à quo te Phæneta voco
Atque Priapum regem.

Et mox πολύμορος dicitur, secundum quod Grammatici Πρίπτον contextum volunt quasi σπειράνον τὸ σπέρμα.

Priapo non abfimilis Asiaticorum Baal Peor seu ut 70 Βααλπεωρ, imo non improbabilis videtur quorundam conjectura D. sc. Hieronymi contra *Jovin.* l. 1. c. 12. & in comment ad *Osæ* cap. 4. & 9. *Isidor.* orig. l. 8. c. 11. *Andr. Masii* in *Josue* cap. 13. com. 20. *Joh. Gerhardi Vossii* de *Idol.* l. 2. c. 7. *Dionys. Vossii* in notis in *Maimon.* de *Idol.* c. 3. S. 2. &c. eundem esse Moabitarum Baal Peor qui Priapus. Tum quòd à פריא voce parum mutata fieri potuit Priapus, præsertim si arrideat *Dactiss.* *Vossii* conjectura, nempe ut posterior pars in Priapo sit פא pater, prior autem sit Peor, adeo ut Priapus significet *Peor pater*, quemadmodum Jupiter, Marspiter, &c. Tum quòd descendat à voce פריא aperire, denudare, cujus originis licet ludicram rationem afferant Rabbini, sc. quòd in hujus numinis veneratione

L. 3. in *Hoseam*.

nem foramen podicis aperirent, & stercore ante conspectum
eius egererent, tamen congruè ab eadem voce deduci po-
test, quod (ut alia mittam) ab ipsius simulachri figurâ indica-
tur, quæ, uti *Ruffino* traditum est, eadem atque *Priapi* esse
perhibetur, nemini autem non innotuit *Priapum* viri nudi
effigie depingi, quare *רפא* ritè à *רפ* aperire seu denu-
dare nomen accepit, quia totum corpus cultoribus denuda-
tur. An addendum quod ex *Philone* & *Hieronymo* commissis
sibi que mutuum lucem alluceantibus observavit *Cl. Seldenus*
& post illum *Gerb. Vossius*, sc. quod sicut *Priapus* pingebatur
erecto pene, ejusque orificio aperto, ita consilari potuit *Baal*
Phegor ex *פ* *רפ* *Pi Agor*, ubi *פ* os est seu orificium ac
רפ pellis sive *pellis distenta*, adeo ut *Baal Peor* vel *Phegor*
sonet Deum, qui habeat summitatem pudendi distentam, quo
quid ad *Priapum* consonantius. Et quamvis sint qui *Peor* sic
dictum avertant à monte in quo colebatur, tamen verifimi-
lius est montem sic appellari ab Idolo, ibidem culto, sc. Ido-
lum istud *Peor* *אפולו* vocitatur uti *Num. 25. com. 18. 31.*
com. 10. Josue. cap. 22. com. 17. unde porro illius sanum
Beth Peor nuncupatur: sic *Deuter. 34. 5. 8.* *Domus Moysi*
sepulchro *אפולו* condidisse memoratur è regione *Beth Peor*
vel uti *70. inis* *אפולו* *פרא-דאמו* i. e. templum *Pho-*
garis. Sicut & *Sam. Kap. 31. com. 11.* *Beth Ashtaroth* dicitur
templum *Ashtaroth*, & *1. Reg. 16.* *Beth Baal* templum *Beli*.
Tum denique quod utriusque cultus spurcissimâ obscenitate
celebrari memoratur. De *Priapo* nemo non agnoscit, de
Baal Phegor Narrat *Origenes* *Hebræos* sibi retulisse Idolum
fuisse infimè conditum. Adhuc *Israelitarum*, cum ad cultum
à *Peor* desisterent, recensentium supra & libido perinde ac
idololatria, quod quamvis (uti excipit *Cl. Seldenus*) aliàs
fiat, ut, cum *Salomao* Idololatra simul & scortator evasit:
tamen, nusquam tantâ cum licentiâ fieri legimus, ac cum
huic Numini litarescunt tunc enim effrenator fuisse videtur
Israelitarum Libido, sicut *Græcorum* in *Veneris* & *Priapi*
sacris

Memil. 20. in
Num.

facris quàm aliis; hinc insuper vindicta divina vehementius irritata est, quàm quovis alio ad idololatriam prolapsu; Illis enim ad unum omnes, qui deliquerant, ad capitis supplicium postulavit, & principum synedrium convocari iussit, ut solemnius & severius punirentur; *Num. cap. 23. v. 4.* Neque placari voluit nisi Moabitum omnium sanguine, & Israelitarum quotquot peccaverant, uti proditum est *Deuter. cap. 4. comm. 4. & Num. cap. 23.* Imo *Josua cap. 22. comm. 17.* conquesti sunt Israelitæ nondùm peccatum istud expiatum fuisse. Hinc insuper sæpius & asperius illis in S. Codice exprobratur, quàm alia quæcunq; apostasia, ut *Deuter. c. 4. comm. 4. Josua cap. 22. com. 17. Psalm. 106. com. 28.* præcipue verò *Osæ cap. 9. com. 10.* cujus commatis verba subnotatu apprime digna videntur ad institutum, quod sub manibus, explicandum. *Ingressi sunt ad Baal Peor, & separaverunt se pudori, &c. Ingressi sunt,* quod verbum in coitu Venereo crebrò usurpari cuius obvium est ut *Genes. cap. 16. vers. 2. Ingredere ad Ancillam.* Propterea ita ingressi sunt ad *Peor* seu in fanum *Peor* tanquam in *Lupanar.* *Separaverunt se* יִּנְדְּרוּ אֶת בְּנֵי יִשְׂרָאֵל quod speciatim sonat *separare* seu *consecrare ad religiosum usum*, unde *Nazaræi* dicti, qui abstinentiam quamvis Deo voverunt; hinc Syriaca versio habet, *Nazaræos se fecerunt ignominia*, quasi Israelitæ cum *in Peor* cultum irent, initiati & consecrati fuissent, ut sacerdotum munere defungerentur. *Pudori* Hebraicè נִבְשָׁר *ais digne*: נִבְשָׁר à radice בָּשָׂה rubere, pudescere, & præcipue de rebus Venereis usurpat, unde נִבְשָׁר pudendum virile denotat *Deuter. cap. 23. com. 11.* His omnibus simul perpenfis, facile subnasceretur ejusmodi interpretatio; quasi initiati fuissent Israelitæ huic Idolo, ut libidini indulgerent, & ut dum hujus ritus exequerentur, sese omni turpitudini & propudio demitterent, tanquam mulierum concederetur copia iis duntaxat, qui hujus Idoli sacris operarentur, juxta quod prodidit *B. Hieronymus* in libello de

interpretatione nominum Hebraicorum. *Beel Phegor* (inquit) *Idoli nomen est, quod apud Madianitas præcipue à mulieribus celebratur.* Grotius igitur in comment, ad locum. *Initiati sunt Sacris pudendis: Nam talia ferme erant* *μυστήρια τῷ Βαλ Πηγὸρ, qualia apud Aegyptios Osyridis, apud Græcos Liberi patris & Cereris.* Saltem hinc paret adeo præ aliis foediores fuisse τῷ Peor ritus, ut ipsius turpitudinis aut ignominiae voce inuri mereantur. Horum elucidationi non alienus est locus *Hoseæ cap. 4. comm. 14. Non visitabo super filias vestras cum fuerint fornicatae, & super sponsas vestras cum adulteraverint: quoniam ipsi cum meretricibus conversabantur, & cum scortis sacrificarunt.* ubi vocem קרשׁו, quæ Meretrices redditur, accipit *D. Hieronymus* pro meretricibus *Ispeias* foeminis sacerdotibus Priapo mancipatis. Qui ibidem aliquantò supra. *Istiusmodi Idololatria erat in Israel, colentibus maxime foeminis Beel Phegor ob obsceni magnitudinem, quem nos Priapum possumus appellare.* Ita Illustriss. Grotius קרשׁו significat sacerdotem foeminam, quæ se vulgabat in honorem *Beel Phegor.* Hinc septuaginta interpretibus κατὰ τῶν τιταλισμένων redditur, quasi consecrarentur ad Idoli sacra. & Théodotione κατὰ τῶν κατὰ τῶν κατὰ τῶν ejusdem pene usus & valoris. Neque quidquam aliud denotare potest קרשׁו quàm sacerdotissas, quæ ad Numinis cujusdam cultum consecrarentur, cum natales debeat voci קרשׁו sanctificare, consecrare; iis tamen ibidem tanquam meretricibus (quales quoque Priapeiæ Sacerdotes) objectatur, quibuscum si sacrificaretur, scortari simul & Idola venerari necesse esset, atque adeo flagitiosæ, turpesq; fuerunt, ut Teste *Aben Ezra,* קרשׁו prostibula publica demum significaret. De Solis potentia effeatrice Satis, descendendum est ad supremum illius imperium, & providentiam tam generalem quàm specialem qua rebus humanis providet.

Pjm, c. 5.

Solis igitur Majestas & Dominium celebratur imprimis Trismegisto ad mentem Gentilium. *Ἡλὸς διὰς μέγιστος τῶν κατ'*

δε τῶν

ἑαγὼν θεῶν, ὃ πάντες ἔκινον οἱ ἄνθρωποι θεοὶ ὡς πᾶσι βασιλεὺς & δυνάστης.
*Sol Deus maximus eorum, qui in caelo est cui cedunt omnes dii
 calites tanquam principi & regi. Similiter & nonnusquam
 Menander. Hais, οὐ γὰρ δὴ περὶ πρῶτον θεῶν Ο ὦ Sol, nam te
 Deorum supremum adorare deceet & Hymnis Onomacriti Sol
 invocatur Κοσμοκράτωρ mundi rector, & δεσπότης κόσμου Dominus
 Universi.*

Idem aliàs — Διὰ τὴν πάντων μέλειοντα
 ἔσθ' ὃ χαλεπὸν ἐς ἑαγὼν ἐσθαιεντα
 χρυσὸν ἐν θρόνῳ καὶ εἰς ἐπὶ ποδὶ βίβηκα.

—— Fovem omnium curatorem.
*Is enim anteo in Caelo firmatus est
 Aureo in throno, terram vero super pedibus incedit.*

Pertinet huc insignis illa Solis invocatio, *Sol Optime, Maxime,* Jul. Firm. Max.
qui mediam Caeli possides partem, mens mundi, atque tempe- ternus astr. l. 1.
ries, Dux omnium, princepsque. Quā de causā Egyptiī
τοῦ βασιλέα καὶ κύριον ὀφείνουν ὀφθαλμῷ καὶ σκήπτρῳ γράφουσιν, Regem & Do- Plutarch. de
minum Osirim (non alium à Sole) oculo & scepro pictis ex- Isid. & Osir.
primunt, isto providentiæ, hoc Domini symbolum gerente.
Solem item sub nomine Atsinis ornat virga, quæ potestatem
Solis aserit, qui cuncta moderatur, teste Macrobio. Quinimo Saturn. l. 1. c. 21.
variis Solem ornaverunt titulis, quotquot in se Domini seu
imperii argumentum haberent, è multis perpauca duntaxat
stringam. Imprimis igitur Sol apud Assyrios Bal seu Bel Serv. i. Æneid.
i. e. Dominus dictus: quæ vox Hebræis בָּהַל Bahal dici-
tur, Syris בֵּהַל Behel, Chaldæis elisâ gutturali בֵּל Bel, un-
de Græcis βῆλος; Græculi autem ἑρμῶν Hebraicum istius
vocis non attingentes, pro solitâ futilitate, natales Græcos
commenti sunt: βῆλος ὅτι οὐ βλῖνται inquit Eustath. &
Auctor Etymol. magni. Cedrenus porro βῆλος ὁ αὐτὸν ὁ ἐκκλινῶν
ἢ ὁ ἐκκλινῶν, quæ originationis subinnuitur etiam auctore
Chronici

In 1. *Æneid.*

Euterpe.

De diu Syr.
Synag. 2. c. 1.1. περπατῶν.
c. 7.

Chronici *Alexandrini*, de Jovis ex Junone filio, ὃν ὠνόμασι
 ἑῷ δὲ ἑξουσίαν τὴν τὰ δα; sed apage audaculas Græculo-
 rum nugas! Vocem enim בַּאֲלֵם ex Orientalium Baal na-
 tum esse jam diu tonsoribus innotuit. Recoctus est Servii
 locus. *Assyrios constat Saturnum* (quem eundem & Solem
 dicunt) *Funonemq; coluisse: qua numina etiam apud Assyros*
postea culta sunt. Unde & lingua Punica Bal Dem dicitur
(nota Solis cognomen in ipsius Dei nomen cessisse) Apud
Assyrios autem Bel dicitur quadam sacrorum ratione Saturnus
& Sol. Porro ut בַּאֲלֵם quod Dominus sonat, termē pro-
 prius fuit Soli titulus, ita Apud Orientales aliis insignior:
 Idem enim Baal apud Asiaticos ac Jupiter apud Europeos,
 unde *Herod.* Ζῆνα Βῆλον dicit. *Berosus* Βῆλῶν δὲ καὶ Δία μαθηματικῶσιν.
Hesychius αὐτὸν Ζεὺς θαλάσσιος, quippe qui Sidone urbe ma-
 ritima colebatur: Et quot veterum de rebus Orientis Græcè
 scriptitarunt, Belum plerunque per Ζῆνα aut Δία inter-
 pretabantur, quod Adnotavit *Illustriss. Seldenus.* Affine
 est vocabulum Beelsamen, de quo Philo Biblius Sanchunia-
 thonis interpretes apud Eusebium. *Αὐχμηρὸν δὲ γενόμενον τῆς*
χόρας ἐρέχων ἐς ἑσπέρην, πρὸς τὸν ἥλιον ὄψιν δὲ θεὸν ἐνὸς ὄρου ἐσπέρῃ
Κύριον, Βεελσαμὴν καλεῖσθαι, ὃ θεὸς παρὰ Φοινίῃ κενὸς ἑσπέρῃ, Ζεὺς δὲ παρ
**Ελλάσι.* Si eveniat siccitas, manus in Cælum tendisse ad So-
 lem, Hunc enim Deum existimaverunt Cæli Dominum, Beel-
 samē appellantes, qui Phœnicibus Cæli Dominus est, Jupi-
 ter vero Græcis. *Βεελσαμὴν* verò levi mutatione idem quod
 בַּאֲלֵם בַּאֲלֵם Dominus Cælorum, aut enim facillè *samaim* in
 samē transmutari potuit, aut quod Hebreis *sehamaim*, id
 Phœniciâ dialecto *samen*: utcunq; id ipsum sonat, quod
 Jupiter Olympius: non aliter quàm Luna *Fer. cap. 7. com. 44.*
 dicatur בַּאֲלֵם בַּאֲלֵם *Βασίλισσα τῆς ἑσπέρῃ regina Cæli, seu*
Funo Olympia.

Baalem excipiat Moloch, qui & Jerem. 19. 5. Baal dicitur,
 atque iidem reipsa sunt, nomenclaturâ duntaxat diversi, ex
 utroque autem conflatur tertium nomen Malachbelus. Am-

monitis

monitis autem מלכ מolech dictus, vel Melech vel Moloch vel Milcom (Idolum enim quod commate quinto lib. 1. c. 11. Reg. dicitur מלכ Milcom, septimo dicitur Molech) quasi Rex, Imperator, Governator, unde 70 Seniores אפרתא Principem transferunt, Symmachus בשרה, nimirum à radice מלך quod regnare & gubernare sonat. Næ sane adeo affine est hujus idoli nomen, cum eo quod regem denotat, ut nonnumquam in ambiguo sit utrum accipi oportet, sic 1 Paralip. 20. 2. & David tulit coronam מלכ à capite ejus, & pondus ejus talentum auri. Ubi ambiguum est de coronâ Ammonitici principis an Idoli intelligendum sit, Nec alienum est quod Porphyrius qui & Malchus i. e. rex dicebatur. Suidas Παρθένος καλεῖται ὁ καλῶν βασιλεύς; de quâ re Porphyrius ipse in vitâ Plotini. Amelius, inquit, librum hunc dicavit mihi, meque in ipsâ inscriptione regem nominavit: id enim mihi nomen erat, patria enim lingua appellabar Malchus, quo nomine vocabatur & pater, Malchus autem in Græcam translatus linguam βασιλεύς appellatur. Facile enim migrat ex מלכ Melech, adpositâ Solum terminatione Latinâ. Deinde Ammonitarum hoc Numen Molechidem ac Phœnicum Baal, Sol, aut Saturnus (unum enim idemque fuisse illa supra indicavimus.) Unde eodem modo Saturni Carthaginensis statuem depingit Diodorus Siculus, quo Judæi illam Molochi, Easdemque Molochi immolabant hostias, quas Saturno Phœnices, nimirum humanas, & utriusque communis

Ille suos Divis mos sacrificare Puellor.

Ennius.

Quæ à bene multis abundè ostenduntur ex testimoniis Philonis Biblii, Platonis, Porphyrii, Ennii, Curtii, Fustini, Plutarchi, Tertulliani, Lactantii, aliorum, à quibus excipendis, utpote quod centies ab aliis factum sit, supersedeo. Judæorum, fateor, plerique loca scripturæ, quibus quidquam de Molochi sacrificiis memoratur, mollius interpretantur quasi

quasi pueri Solùm inter duas ignis pyras transirent, ut eo ritu Februati purgarentur, quoniam nonnunquam denotatur voce עבר ut Deut. 18. 10. *ne inveniatur in te בעביר transire faciens filios & filias per ignem Molocho* : Atqui sane præter quod subnotavit Grotius à תעביר vocem ambiguum esse, ita ut perinde interfectionem notare possit ac lustrationem, ut apparet Ezech. 16. Com. 20, 21. ubi pro eodem ponuntur עבר & תעביר additurque זבח *immolare* quæ tria in eadem significatione reperias apud Eundem, Ezech. cap. 23. Comm. 37, 38, 39. Præter hæc, inquam, apertissimis Scripturæ testimoniis adfirmatur pueros Molocho immolatos & combustos fuisse, ut Psalm. 106. 37. זבח dicitur, & disertissimè, Jer. 19. 5. *est שרף comburere.* & Jerem. 7. 31. *edificaverunt excelsa Tophet, qua est in valle filii Hinnom, ut comburerent filios suos & filias suas igne, quod non praecepi nec ascendit super cor meum.* Ne jam dicam Infernum cruciatuum locum vallis Hinnom nomine appellari, quod signum est homines non Solùm inter duas ignis pyras februationis causâ traduci, (quantillus enim cruciatus inter duos rogos transire?) sed non sine horrendo cruciatu vivos comburi & immolari. Propterea demiror perspicass. Vossium existimavisse Ammonitas Molocho suo liberos sacrificasse Solidè ex Scripturis adstrui nequire, quia Solùm legitur 2 Reg. 17. 31. *Hi autem, qui erant de Sepharvaim comburebant filios suos igni, Adramelech & Anamelech Diis Sepharvaim: ubi, inquit, nihil de Ammonitis sed Assyriis in Samariam traductis.* Cæterùm ex locis supra alatis affatim patefactum est Israelitas revera charissima sua pignora mactavisse, nam quemadmodum loco mox citato memorantur vivicomburia Sepharvæorum, sic & expresse Israelitarum Jer. 19. 5. Atqui undenam, quæso te mi Vossi, immanem istum ritum mutuari potuissent nisi ab Ammonitis? An non cultum, qui Molocho Ammonitarum Deo in *valle Hinnom* præstatur, ab Ammonitis acceperunt? Id neminem ad dubitare

habitare regeres: & tamen locis supra citatis dicuntur Molochi in *valle Hinnom* filios combussisse: Unde verò Molochi cultus nisi ab ejus cultoribus discendus? Tametsi igitur non expresse memoretur Ammonitas liberos sacrificasse, illud fecisse apertum est ex sacrificiis, quæ Israelitæ præstiterunt, quandoquidem hi ab illis ea acceperunt. Neque sanè usquam fuisse, à quibus Israelitæ liberos suos immolare ediscerent, nisi Ammonitæ, nulli enim præter Ammonitas in sacro codice memorantur liberos suos quovis pacto Idolis devovisse, Ideoque hic mos à solis Ammonitis profuere potuisset: nam quod ad Incolas de Sepharvaim attinet, *Commate 24. clare legas* (Vossii verba sunt) *ut Assyria rex ex Babel, Cutha, Emath, & Sepharvaim, colonos traduxerit in Samariam; Israelitis in Assyriam & Mediam traductis. Quapropter* ab iis morem infantis sacrificandi discere non possent Israelitæ: quia ante captivitatem nihil commercii cum iis, utpote longè diffitis, habuere: At apud Israelitas vivicomburia ante eorum captivitatem obtinuisse nimisquam certum est, non modo ex Sacræ historiæ serie, sed ex eo, quòd immanis ista superstitio hinc jam ante citatis adferatur, tanquam impietas, quæ exilii & *πενήσιως* multam commeruisset. Sed de his nimium, modo subnotari velim Deum Adramelech, cui qui erant de Sepharvaim cōburebant filios suos igni multis videri eundem, qui Melech, seu Moloch, addito titulo potentis מלך

2 Reg. 17. 31.

Sequitur Mithras, *Μίθρας* (inquit Hesychius) ὁ ἡλιακὸς καὶ Πέρσιος & crebræ sunt veterum inscriptiones, Deo. Soli. Mithræ. Vide Gruterum inscript. antiq. pag. 34, 35. *Strabo lib. 15.* *πρῶτον τὸν ἡλίον ἐν χαλᾷσι μίθραν* & docet Scaliger descendere à *Mithra* (vocabulo Persico) comparativo gradu, hoc est *μείζων* & sumitur pro *Dunastâ* aut *Domino*. De Mithræ cultu & ceremoniis multa passim apud authores jactantur, sed adnoto duntaxat quandam ad Christianorum solennitates & ritus similitudinem referre, unde

6 De emend.
cap. de bebdam.
Danielis.

Orig. adv. Cels.
lib. 6.
Apolog. 2.

Christianis objectat *Celsus* quod suos plerisque ritus à Persis mutuati sint; ad eandem rem narrat *Iustinus Martyr* Mithræ sacra speciatim Eucharistiæ nostræ ritus æmulari, quod idem de Baptismi mysteriorum imitatione adfert *Tertullianus* de præscriptionibus Hæreticorum.

Adonis denique speciale erat Dei Solisve nomen apud Arabas, sic *Ausonius* diversa Solis nomina apud diversas nationes recensens

Epigram. 29.

———— Me vocat

Arabica gens Adoneum.

Martianus Capella versibus supra allatis

Ammon & arentis Libyes, & Biblus Adonis.

Satur. l. i. c. 25.

Adonin quoque Ethnicos pro Sole habuisse patet, quod fabulas de Adone ad Solem accommodarunt, sic *Macrobius*.

De diis Syr.
Synag. 2. c. 3.

Adonin quæque Solem fuisse non dubitabitur, inspectâ religione Assyriorum; Apud quos Veneris Dercitidis, seu Atergatis, seu potius Aphacitidis (quam emendationem proficitur *Clariss. Seldenus* genuinam esse juramento sese confirmare ausum;

sed non tanti res est, ut iusjurandum ferat, & facile injurato adsentimur) & Adonis maxima olim veneratio viguit, quam nunc Phænices tenent, Nam physici terra superius hemisphærium, cujus partem incolimus, Veneris appell. tione colunt. inferius vero Hemisphærium terræ, Proserpinam vocaverunt. Ergo apud Assyrios siue Phænices lugens inducitur Dea: quod Sol annuo gressu per 12 signorum ordinem pergens, partem quoque Hemisphærii inferioris ingreditur: quia de 12 signis Zodiaci sex superiora, sex inferiora censentur: & cum est in inferioribus, & ideo dies breviores facit, lugere creditur Dea, tanquam Sol, raptu mortis temporalis, amisso, à Proserpinâ retento: quam nomen inferioris circuli & Antipodum diximus. Rursumq; Adonin redditum Veneri, credi volant, cum Sol, evictis sex signis inferioris ordinis, incipit nostri circuli lustrare hemisphærium, cum incremento luminis & dierum. Ab

Tota hæc Adonis mystagogia innuitur in Orphei hymno ad Adonim.

apro

apud autem tradunt interentium Adonin, hiemis imaginem in hos
animali fingentes, quod aper hispidus & asper gaudet locis hu-
midis & intosus pruinæq; coniectis Ergo hiemis veluti vulnus
est Solis, quæ & lucem ejus minuit & calorem: quod
utrumque animalibus accidit morte: huc usque Macrobius.
Quam fabellam alii non multò aliàs interpretantur de Sole
& Lunâ, quæ modo Sole, sicut Venus Adone, orbata est,
modo Solis radiis tanquam brachiis & amplexibus gaudet, de
hâc re plura Lucianus. Quamvis Græculi Adonin ^{Ὀδον} ^{Ὀδον}
^{Ὀδον} dici volunt, nemo est, quin agnoscat dictum esse à voce
אדון (unâ ex divinis nominibus) ^{δωτὴν} dominus, unde Hesychius
^{Ἀδων} ^{δωτὴν} ^{Ὀδον} ^{Ὀδον} ^{Ὀδον}. Nec deniq; nihili est nationes
Hebræis conterminas Solem vocibus, quæ dominium indi-
getant, appellitavisse, Hebræos autem שמש Shemesh eum
i. e. ^{minist} ^{minist} vocitavisse, etenim à Shamash ministrare seu
servire nascitur. Hinc fortasse itidem exortus apud Judæos
mos Occidentem versus Deum adorandi, ut Ezech. 8. Ido-
latriæ incusantur, quia terga erant ad templum Domini, &
facies eorum ad Orientem, adorabantque Solem ad Orientem:
Quippe Asiatici qui Solem pro Numine habebant, eū ad Orien-
tem versi venerabantur, propterea Judei ne Solem colere viderentur,
quando Deum ritè adorabant, id præstituerunt in opposi-
tam plagam suspicientes. Ut omnes plerunque ritus, qui in se
^{ad} ^{ad} ^{ad} ab aliorum odio nascuntur, sic Postea Christiani Deum
adorabant in Orientem versi, quò longius à Judaismo abirent.

Alterum inter divina attributa, quod Soli & astris adferebant, providentia erat; etenim fermè omnes in eâ sententiâ hærebant Sidera omnia constituere, aspicere, gubernare, omnibusque interesse non aliter quàm nos Deum interesse credimus. Unde est quod vix aliquos (sic enim subnotavit *Cl. Gassendus*) inter veteres legere est, qui, si Epicurum excipias, non contenderint sidera speciatim esse animata. Ille autem μὴδὲ τῶν ἡσίων ἀνελκοιεν, μὴδὲ τῶν Σελήνης. Neq; Solem neq; Lunam præditos esse animâ

Tom. I. part. 2.
 sect. 2. l. 1. c. 8.

7. De benefic.
c. 31.

defenderat: ex quo (uti ibidem vir doctiss.) illa Plutarchi reprehensio est, quod Solem & Lunam esse Deos negaverit, quibus omnes homines sacra faciant, preces fundant, honores habeant. Neque multum absimile est quod Anaxagoram & Epicurum Seneca increpet, quod Solem saxum aliquod aut fortuitorum ignium globum, & quidvis potius quàm Deum appellent: Nec Ethnici duntaxat fuere, qui sidera animâ & mente prædita censerent, sed & Christiani, ut Origenes *παρὰ ἀρχαίων* l. 1. c. 7. & contra Celsum l. 5. ubi *Ἐμπρὸς δὲ ὅτι ἐν ἑρμῇ ἀρίστως ζωὴ ἐστὶ λογικὴ καὶ σπουδαία, καὶ ἐποικίσθαι τὸ πᾶν τῆς γῆς οὐκ ἐστὶ τῆς σοφίας, ἥτις ὅτιν ἀπάντασμα ποιεῖ ἀθάνατον*. Siquidem etiam Cælestes stella animalia sunt rationalia, virtute prædita, illustrata cognitionis lumine à sapientiâ illâ, quæ est splendor sempiterni luminis, & mox subjungit stellas preces Deo offerre, gratias agere, hymnos concinere, & aliquid fructus ex Christi morte expectare. Omnes qui in eadem sententia fuerunt, sive patres, sive scholasticos, sive recentiores alios recensere, cum non admodum instituto nostro conducit, minimè operæ pretium reputo; præsertim quod omnium sententias dudum corraferint inter cæteros viri eruditi; *Spencerus* in notis in 5 Origenis contra Celsum. *Vossius* de Idol. ortu & progressu. l. 2. c. 30. *Lipsius* physiol. Stoic. l. 2. c. 14. *Aristotelem* autem & antiquiores illius interpretes coelo stellisque animas intellectuales informantes, (ut aiunt) (quas intelligentias separatas & formas adstantes esse dicuntur scholastici) tribuisse cuius indubium est, qui ipsos autores consulat, quod abundè comprobarunt *Insignif.* *Vossius* de Idol. l. 2. c. 40. & *Clariss. Gassendus* Phys. sect. 3. lib. 9. c. 1. atqui nimia indutritia in re tantuli sudarunt. Neq; *Plato* secedit *Διὶ μὲν ἄρχας ἰσχυροὺς τῆς ἀστρος, ἑτέροις δ' ἐνδόν, τοῖς ἑξῆς, καὶ ὑποβότοις οἷς οἱ ὀνόματα, &c.* *Astris* parem numerum distribuit animarum, singulis singulas adhibens, eisque tanquam vehicula impositis monstravit universi naturam, ac leges fatales edixit. Unde *Ovidianum* illud, 1. *Metam.*

In Timæo.

Nen

*Non regio foret ulla suis animalibus orba,
Astra tenens Cæleste Solum, Forma; Decorum.*

Neque alienum est, quod de Phœnicum Theologis refert *Julianus*, nempe censuisse ἀργατον ἰδ' ἐν ἱερῶν αὐτῆς τῷ ἡλιαρῷ τῷ ἀπάρταχῷ πρὸς τὴν αὐτὴν. Diffusum illum lucis ubiq; splendorem sinceram ipsius esse puræ mentis actionem; quibus suffragatur Transfuga, si nempe, inquit, lumen sit corporis expers, huius quidem fons corpus esse nequit, sed sincera mentis actio, quæ in propriam sedem, cui mediæ Cæli regio concessa est, illuminando propagatur. Huc facit Varronis illud apud D. Augustinum, A summo circuitu Cæli usq; ad circulum Lunæ; athereas animas esse astra ac stellas, easq; Cælestes non modo intelligi esse sed etiam videri. Commune quoq; Stoicorum dogma: sic Zeno τὴν ἡλιον καὶ τὴν σελήνην, καὶ τῶν ἀστρον ὅσων ἔσονται ἰδ' ἐν τῇ νοεῖ καὶ φρονήσει. Solem, Lunam & reliqua astra aiebat intelligentia & prudentia pollere, atq; apud Clement. Alexandr. Stoici Solem definiunt esse ἀπύρρον νοεῖν ἐν θαλάσσιον ὑδατῶν aliquid accensum ex aquis marinis intellectu præditum. Solem igitur, inquit Macrobius, Physici διόρουσιν dictum esse quasi διὰ τὸν αὐτομαρτυρῆσαι, quia Solem mundi mentem esse dixerunt. Porro videtis Eusebium de præpar. l. 4. Bodinum in theatro naturæ, Ricium de animâ Cœli. Neque simpliciter dictum est stellas mente præditas esse, sed eo consilio, quod numina haberentur, ut jam ante è Cassendo innuitur, unde Augustinus, Dicunt (Stoici) omnia sidera partes Foris esse, & omnia vivere, atque rationales animas habere; & ideo sine controversia Deos esse. Propterea Orpheus seu Onomacritus, Solem salutavit Πυρρὸς νοεῖν βασιλεὺς χρυσοῖν πτεν.

*Orat. ad regem
Solem.*

*De civit. Dei
l. 7. c. 6.*

*Stobæus ecclæg.
Phys. Strom. 8.*

*De civit. Dei
l. 7. c. 11.*

Καὶ τοῦ πυρρὸς νοεῖν βασιλεὺς χρυσοῖν πτεν.

Audi ignis intellectus præditi rex aureæ Titan.

Quineqiam

Quinetiam Stellis omnibus, imprimis autem Soli rationem multò acriorem innasci volunt, quàm terrigenis æthere crassiore utentibus, multum enim interesse putaverunt ad mentis aciem, quo æthere utamur, propterea cuique, quo erat à terrâ remotius, gradatim puriorem & subtiliorem mentē inesse censuerunt, in æthere igitur supremo omnium puta subtilissimo rationem diviniorem & summam solertiam, ut Stoicus apud Ciceronem. *Sidera æthereum locum obtinent, qui quoniam tenuissimus est, & semper agitur & vires: necesse est quòd animal in eo gignatur, idem quoque sensu acerrimo & mobilitate celerissima esse.* Quare cum in æthere astra gignantur, Consentaneum est in iis sensum inesse & intelligentiam. Rursusque statim colligit. Probabile est igitur præstantem intelligentiam in sideribus esse, quæ & ætheream mundi partem incolant, & marinis terrenisque humoribus longo intervallo extenuatis alantur: multa ibidem vide his similia. Atque ea propter Mercurium ingenii & eloquentiæ præfectum auctoremque ad solem retulerunt quod vide fusè diductum apud Macrobiū Saturn. l. 1. c. 19. Hinc Mercurius superus & inferus (uti ibidem Macrobius) quatenus Sol utrumque hemisphærium illustrat, de quo *Clandian: de R. P.*

*Atlantis Tegææ nepos, commune profundis,
Et superis Numen, qui fas per limen utrumque
Solut habes, geminoque facis commercia mundo.*

*In Zenone
de placis. l. 1. c. 9*

*Lib. 2. nat.
hist. c. 6.*

Unde (quod superius diximus) qui Deum animam mundanā esse arbitrantur, illius tamen *ἡγεμόνων* seu principatum in cælo, potissimum in Sole collocabant. Cleanthem mundi *ἡγεμόνων* Soli tribuisse testis est Laertius, idem placitum Stoicorum refert Plutarchus. Quocirca Plinius, *Mundi totius Solem esse animum, ac planius mentem, hunc principale naturæ regimen ac numen credere deest opera ejus assistantem.* Solem igitur Pythagorici nuncupavere *Διὸς τιππὸν* Fovis seu anima

anima universa in terris, quomodo dici potuit cerebrum respectu hominis, Cælum enim tanquam *Universi caput* habitum est, ut erat Stoicorum dogma. *Αὐτὸ δὲ τὸ θύλακός, ὅσῳ ἐν κεφαλῇ καὶ κεφαλή ἐστι τῆς ψυχῆς ὁμοειδὲς καὶ κατὰ τὴν κατὰ τὸν κόσμον ἔστιν.* *Ipsū principale* (sic enim Seneca vertitur) *sicut & in mundo, habitat in nostro rotundo capite*; & rursus alibi *κατὰ τὸν Πλάτωνα, ἐν τῇ κεφαλῇ τὸ ἰσχυρὰν πνεῦμα res* *Secundum Platonem mens res divinisima in capite* (mundi, de hoc enim ibi loquitur) *sedem habet.* Apertissime apud Stobæum *τὸν κόσμον ἐκαστὸς κόσμος ἐμψυχος, ἐν ᾧ τὸ ὅπτι ἀπ' ἐκείνου τρέφεται, τὸ δὲ ἡγεμόνιστον τῶν κόσμων ἐστὶν ἡ ψυχή.* *Plato mundum dixit Animal ratione pradium, quod à sese nutriatur, ejus autem principatum in Cælo posuit.* Phœnotus igitur. *Jupiter in Cælo habitare dicitur, quando hic præcipua est pars anima mundi.* Idem igitur de Minervâ. *Progenita autem è capite Jovis dicitur, fortassis existimantibus veteribus hic esse præcipuam anima partem: aut fortè quia homini corporis pars sit caput, mundi autem æther, ubi præstantissima ejus pars fuit, atque sapientia causa, deorum vertex.* De Minervâ similia Diod. Siculus l. 1. Macrobi. Saturn. l. 3. c. 4. Arnob. l. 3. August. 4. de civit. c. 10. Illius vim & solertiam suo more i. e. mystico depingit Martianus Capella hisce versiculis.

Plut. de plac.
l. 1. c. 21.

Placit. l. 1. c. 6.

Eclog. 1. bys.
l. 1. c. 25.

Lib 6. nupt.
Philolog.

— *Rerum sapientia Pallas*

Æthereus fomes, mens & solertia fati,

Ingenium mundi, prudentia sacra Tonantis,

Ardor doctificus, nostræque industria sortis,

Quæ facis arbitrium sapientis prævia cura,

Ac rationis apex divumq; hominumq; sacer vis,

Ultra terga means rapidi ac Splendentis Olympi,

Celsior una Fove flammantis circuitus Æthra.

Quibus utcumq; mysticis apertè satis indicatur sub Minervæ fabula representari Solam superiorem Ætheris partem.

Phœnotus.

Huc

Hucque facit, quòd Inferior Panis pars hispida sit & hirta, idque ob terræ asperitatem : at superior humana est figura eo quod mundi imperium, quod ratione prorsus constat, æther obtineat. Quibus vel leviter perpensis, nihil mirum videbitur, si ætheri, vel supremæ Dei animæve mundanæ parti providentiæ munera potissimum referant. Propterea animas humanas inde nasci placitum erat Pythagoreorum, Porticûs, Academiæ. Ad quorum mentem Imperator facundus pariter ac sacrilegus Sidera tradit animas hominum *ἡνίκα οἱ τὸν γῆν.* Cicero. *Hisque* (hominibus) *animus datus est ex illis sempiternis ignibus quæ sidera & stellas vocatis, quæ globosa & rotundæ divinis animata mentibus*, in quæ verbi Macrobi. *Per sempiternos ignes corpus stellarum, per divinas vero mentes earum Animas manifestâ descriptione significat.* Huc accedit Hecaclitus, qui animam dixit *scintillam stellaris essentia*, ut ibidem prodit Macrobi. Seneca quoque Hominem divini spiritus esse partē statuit, ac veluti scintillas quasdā *astrorum* in terras defiluisse. Atq; alibi *Animus, si primam ejus originem inspexeris, non est ex terreno gravique concretus corpore, ex illo celesti spiritu descendit.* Ennius, ut refert Varro lib. 4. de L. L. de anima humana, *Istic est de Sole sumptus ignis ; isque mentis est* (sic antiquitus mens dicebatur) Lucretius porro

Julian. orat.
ad regem So-
lem.

In somnio Scip.
In somnio Scip.
l. 1. c. 14.

De vitâ beat.
c. 32.
Ad Hel. c. 6.

Lib. 1.

— Et Solis terra vapore
Fota novet fatius, summissaque gens animantium
Floreat, & vivam labentes ætheris ignes.

Cæterum quoniam mentes humanas sæpenumero decipi vo-
lunt pariter ab omni animæ mundanæ parte ac à Cœlesti, iis
hic non diutius inhærere par est, sed transeundum ad ea,
quæ specialius *æthereum verticem* attinent. Sol igitur &
astra omnium undique imprimis inspectores. *Ἐὰν τὸν πᾶσι πᾶσι
ἐν ἅλλοις ἡλίου ὕδατος* inquit Poeta, *Et omnia cernentem cir-
culum*

culum Solis invoco. Cicero de consulatu.

*Principio Aethereo flammatus Jupiter ignis
Vertitur, & totum collustrat lumine mundum,
Menteque divina caelum, terrasque petiscit.*

τὴν δ' οὐδ' αἰὶς αἰὶς τοῦ ἀσπίτου ἀνέκα πύκτου
Ταῖα τ' ὀλβιμώτερον.

*Tu vides immensum aethera omniem
Terramque opulensam.*

Pervulgatum est Homericum illud

Ἡλιός θ' ὅς περ ἑορῆς, καὶ πάντ' ἐπαύσις.

Quemadmodum Osiris Aegyptiacè (si Siculo Dio-
doro, Horapollini, Macrobio aliisque fides) παύσατο
sonat, quippe cujus oculus omnia quaquaversum lustrat.
Hinc simulachris Aesculapii (qui vis salubris de substantiâ
Solis subveniens animis, corporibusque mortalium) adjun-
gunt Drachonem, quod sit nuncupatus ἀπὸ τοῦ δράκοντος ἰ. ε.
videre, nam ferunt hunc serpentem acie acutissimâ & pervigili
naturam sideris hujus imitari, atque ideo ædium, adytorum,
oraculorum, thesaurorum custodiam drachonibus assignari.
Unde insuper apud Aegyptios accipiter propter visus aciem
Dei Osiris aut Solis (unum enim iis & idem numen sunt)
symbolum habebatur γαστήρ καὶ ἱερεὺς τῶν θεῶν πολλὰ καὶ
εὐτορία καὶ ὁ δὲ αὐτὸς ἐπεβάλλει, καὶ πῆστος ὄψιν. *Accipitre etiam picto
hunc deum (Osiria puta, qui illis omnium supremus) sepe
repræsentant, avis enim ea pollet acumine visus & volans
celeritate, An addam quod subjicit ἀμπεχύνει φλοισβὶν amiculum
flammeum quo imagines ejus velantur, Solem exprimere. Huc
facit Damasceni illud. Stoici Deum statuunt animum hujus uni-
versæ, corpus ejus ipsum universum, oculos vero Solem, Lunam,
astra. Manilius quoque*

Aeschil. in
Prometh.
1 Divina.

Hymn. Apoll.
Orpheus.

Macrobi. Saturn.
l. 1. c. 20.

Plat. de Isid. &
Ostrid.

De heresbha.

— *Flammaeque micantes,
Qua mundi fecere oculos.*

Non desunt, qui vocem *θεός* deflexam volunt ἀπὸ τοῦ θεωρεῖν, quoniam credebant veteres omnia perspectare λαμπρὸν φαεινότερον. Quamobrem coram Solari majestate modestè se gerere monebant sapientiores; Inde Pythagoræ interdictum. *Ad Solem versus ne mingas*

*Hesiod. opera
& dies.*

Μὴ δ' ἀντ' ἡλίοιο παραμύνῃς ὀρθὸς ἐμυχεῖν
Neque contra Solem adversus stans meito.

Propterea Magis religioni fuit, corpora contra Solem nudari, ut proditum est *Plinio Nat. hist. l. 28. c. 6.*

*De Idololat.
l. 2. c. 12.*

Porro quemadmodum sancivit antiquitas Sole cerni omnia, ita quoque ab eodem praevideri omnia & praestitui, & Propterea Apollo divinationi praesse fingebatur. *Apollini tribuitur*, inquit *Vossius* πάλυμαθιστος, inventum divinationis, quia Sol gentibus supremus Deus, cui Soli convenis futurorum praedictio: unde & ea divinatio vocatur. Hinc eidem corvos consecrarunt, quia tempestatum praescios & divinatores censuere; hinc itidem ei Laurum sacratam esse voluerunt, quia praedicendi vim significat, sic *Prophyrius* apud *Euseb.* Προέθεσαν αὐτῷ τὴν Δάφνην, ὅτι λάλον καίονον, εἰς πικρά-
σαν ὃν θεωροῦνται τὸ θεῖον *Laurum eidem consecrarunt partim*

*De prepar. l. 3.
c. 11.*

quòd dum writur, vocale sit, eoque futura praedicendi vim huic Deo inesse significet. Adhæc Janum Bicipitem effingebant, quia Sol praeterita & futura prospicit, *Terentianum Maurum.*

*Fane pater, Fane tuens, dive biceps, biformis,
O ceterum sator, ô principium Deorum, &c.*

*Hæc quomodo Septimius de Sole interpretetur, si scire
operæ*

operæ videatur, adeas *Clariff. Vossius de Idololat. l. 2. c. 16.*
 Hinc insuper ritus futura per fulmina divinandi, quia nimirum
 Hetrusci crediderunt fulmen, teste Plinio, esse sideris par-
 tem, & proinde factorum conscium, ergo, inquit, *ut è fla-*
ante ligno carbo cum crepitu, sic à sidere Cælestis ignis
exspnitur præscita secum adferens, ne abdicatâ sui parte in
divinis cessante operibus. Plura hujusmodi *Vossius de Idol.*
l. 3. c. 8. Quinimo inde extitit astrologia divinatrix seu
αποτελεσματικὴ nempe ab opinione divinitatis astris attributæ,
 quæ enim Deos esse arbitrati sunt, par erat ut futura præscirent,
 quæ utique mundi gubernationi providerent. Huc referunt
 Lex verba Genes. cap. 30. com. 11. *Peperit itaque Zil-*
pah ancilla Lea ipsi Jacob filium, & ait Lea בָּגָד bagad, &
Jesaiæ cap. 65. com. 11. Preparantes גָּד Gad mensam, &
implentes מִנִּי Meni (Planetis reddunt plerique) libamen.
 Sunt ex Hebræis aliqui (inquit Munsterus) qui גָּד expo-
 nunt pro כוכב צדק *stellâ justitiæ seu Jovis Planetâ*, quem
 aliò nomine vocant כּוֹל טוב *bonam fortunam*, cui, ut be-
 nignior esset, singuli in ædibus suis, (referente Cl. Bux-
 torfio) עֵסֶם דְּנָה i. e. *lectum bona fortuna* dedicatum
 habebant. Et refert Kercherus se non semel vidisse in Ger-
 maniâ Judæorum ædibus hæc verba superscripta, quæ bono
 Genio domûs custodiam devoverent, & * quoniam in libero-
 rum procreatione salubrem immittat influentiam, inde puellæ
 desponsatæ traditur annulus, in quo scriptum est כּוֹל טוב
 Quo nomine Gad Arabes quoque Jovis Planetam seu
 כוכב צדק *stellam justitiæ* vocitabant, teste R. David
 Kimchi. Pleriq; autem Gad non tam fidus faustum esse inter-
 pretantur, quàm fortunam, sic כָּה גָּד *venis fortuna*
bona accipiunt. Sed verò fortunam acceperunt veteres Astro-
 logi pro vi ex siderum virtute & dispensatione natâ; atqui vero
 sive sidus quodvis, sive vim à siderum positurâ & virtute
 suspensam intellexerit Lea, pariter agnoscit vim siderum
עֵסֶם דְּנָה. Liam autem sic locutam esse, nihil mirum vide-

*Nat. hist. l. 2.
c. 20.*

*Oedip. Ægypt.]
Tom. 1. Syn. 3.]
cap. 2.
* Munsterus.*

*V. Seldeni
marit. arand.
pp. 128. 9. 30.
31. &c.*

De diu Syr.
1 Syntagm. c. 1.

atur, quòd, ut ait B. Augustinus, *gentilitatis consuetudinem retinebat*. Cui accedens Illustriss. Seldenus *Leam Maliculam* sc. ad astrologorum placita nascenti puero bene ominatam esse, hanc ita esse mirum; cum etiam de horis, quas vocant planetarias, fidere genealogico, & qua sunt huiusmodi, apud nos etiamnum vetulis verba facere ridicula sit Solenne. Hinc præterea variis ex astris divinandi instrumenta, cuiusmodi fuisse Palladium *Διωμης* statuunt criticorum filii, huc etiam refer vocalem Memnonis statuam, & Chaldaeorum Jyngas seu *σφαλός* *ἐκαστος* & Rhombum Magicum, Græcorum *σφαλός*, Arabum Talisman, seu *τρίσμα*, *εὐλόχος* libus lapides vivos (quorum non rara apud veteres Græculos mentio, quosque singulis Diis, ut Soli, Saturno consecratos fuisse scribit Damascius in vitâ Isidori apud Photium) Rabbino- rum Davidis scuta, *μωσαϊκά* sc. statuas, aut effigies, quæ S. Co- dice Teraphim appellantur, cuiusmodi erant, quas Rachel *Gen. c. 31. com. 9.* à Patre Labane suffurata est, ne, inquit Rabbini, Laban eas inspiciendo, intelligeret, qua tenderet Jacob, Cæterum divinationis instrumenta fuisse abundè liquet cum ex multis aliis, tum potissimum ex Zachariæ cap. 10 comm. 2, *Teraphim locuta sunt vanitatem, & divini viderunt mendacium*, & Ezech. 12 comm. 21. Ubi rex Babilonis divinationem quærens dicitur *Teraphim interrogavisse*; quomodo autem vim suam ex fiderum positurâ & influentiis accepisse crediderint Idololatræ, si scire cupias, adi Seldenum de Dis Syris Syntagm. 1. c. 3. Scaligeri Epistol: ad Casaubonum, *Abulensem* in Genes. cap. 31. Kercheri Oedip. *Ægypt.* Tom. 1. Syntag. 4. cap. 3. In usu fuisse apud primævam antiquitatem liquido testatur *Moses Ægyptius*, memorat enim Zabios, quos primos habet Idololatriæ auctores, eas usurpasse. Aureas faciebant vetustissimi Orientalium Zabii sive Chaldei, & argenteas effigies; has Luna, illas Soli dicabant: & edificaverunt palatia, & posuerunt in eis imagines, & dixerunt quod splendor potentiarum stellarum

Mose Neuch.
l. 3. c. 29.

stellarum diffundebatur super illas imagines, & loquebantur cum hominibus, prophetia item donum largiebantur, & annuntiabant eis utilia. & Mox inter Zabiorum scripta recenset unum & alterum de imaginibus loquentibus. Huc faciunt illa Marfilii Ficini. Arabes & Egyptii tantum statuis & imaginibus attribuunt arte astronomicâ & magica fabricatis, ut Spiritus stellarum in eis includi patent, Spiritus autem Stellarum intelligunt alii quidem mirabiles caelestium vires, alii vero demones etiam stella hujus, illiusve pedissequas: Spiritus igitur stellarum, qualescunque sint, inseri statuis & imaginibus arbitrantur, non aliter ac demones soleant humana nonnunquam corpora occupare, perque illa loqui, moveri, movere, mirabilia perpetrare, similia quadam per imagines facere stellarum spiritus arbitrantur, &c. De hujusmodi quoque statuis futurorum præsciis mentionem faciunt Trismegistus in Asclepio, & Mor Isaac Maranita apud Kercherum, vide etiam Augustinum de civit. Dei l. 8. c. 23. & Damascium in vitâ Isidori apud Photium. A vi autem αὐρορῶν ab Aquilâ reduntur φωτισμοὶ illuminationes, Chaldaeo Paraphraste Jonathanæ כּוֹרִי indicantes, à 70 interpretibus δῖλοι manifestations. Imo denique ipsa Deorum oracula ex astrorum inspectione petita, uti agnoscit & probat Porphyrius apud Eusebium. αὐτοὶ δὲ λέγουσι δι' θεῶν, εἴπερ τὰ μακροτέμνητα μυστικῶς λέγουσι, ὑπὸ τῆς τῶν ἀστρονόμων δυνάμεως, καὶ τῶτο γὰρ οὐκ ἔστιν ἐξ ἑστέρας οὐδ' ἀφ' αὐτῆς τῶν θεῶν. Quacunque statuant, prænuntiantque Diis, si quando fortè qua vi factorum eventura noverint, pronuntiant, eadem ab illis ex astrorum motu & conversione prædici, nemo ferè Deorum, quibus veritas placet, non fatetur, Subditque Apollinis aliorumque confessiones in responsis. His accedant κλήροι seu sortes quatuor, de quibus apud veteres legimus, quarum geminas priores Εἰρηὴ καὶ Ἀνάγκη Veneri & Mercurio refert Vettius Valens Antiochenus, binas posteriores Νύχθη καὶ Σέλινα Lunæ & Soli, cujus verba, quoniam nondum lucem vidit, vide apud Seldenum de diis Syris Syntagm. l. c. 1. &

*Lib. de vitâ cal.
prod. c. 20.*

*Oedip. Egypt.
Tom. 1. Sy. l. 3.
c. 2.*

*De præpar.
l. 6. c. 1.*

Salut. l. 1. c.
19. P. Mirand.
Ado. Astrol.
6. c. 18.
Et Kercher.
Tom. 1
Oedip. Ægypt.
Synt. 4. c. 8.

& in notis ad marmora Arundelliana p. 129. & Tantundem apud Macrobius Egyptii protendunt deos præstitos nascenti quatuor adesse memorantes, δαίμονα, πύρρον, ἥρατα, ἀνέγκυν: & duos priores solem ac Lunam intelligi volunt, quod Sol auctor Spiritus caloris, ac Luminis, humana vita genitor, & custos est; & ideo nascentis daemon, i.e. Deus creditur: Luna πύρρον; quia corporum præsul est, quæ fortuitorum varietate jactantur, &c. Sola igitur sidera pro sua quæque dignitate fortunæ fatique dispendatores habebant, Orpheus ad astra

Θνητῶν ἀνθρώπων θείαν δίσπορτες ἀρετῆν

Mortalium hominum divinam administrantia viam

Orat. ad regem
Solem

De Civit. l. 5.
c. 1.

De relig. gentil.
c. 19.

Lib. de migrat.
Abrahami.

Hinc gratias Soli pro imperatoriâ dignitate rependit Imperator Apostata ἐν ἀπιδέῳ δὲ πάντων, ὃς ἡξιοῦσιν αὐτὸς παρὰ τῷ θεῷ εὐδοῖ, μετὰ δὲ ἐν πρᾶσιν, καὶ βασιλεύοντι τῆς γῆς γένει τοῖς κατ' ἐμὴν τοῖς ἡένοις γινώσκω Sed nec illam, quam ejusdem Numinis (solis) beneficio adeptus sum, sortem conditionemque parvi facio; quod ex eo genere, penes quod terrarum dominatus atque imperium est, temporibus nostris ortum acceperim. Homines, inquit Augustinus, quando fatum audiunt, usitatâ loquendi consuetudine, non intelligunt nisi vim positionis fiderum. Ad quem locum Lud. Vives In sideribus esse fata Plato, Stoici, & ceteri prope Philosophi existimant, Chaldaeos ac Ægyptios secuti, quibus omnis Mathematicorum manus suffragata est. Parca quoque (uti Nobiliss. Herbertus) mysticè eam Cæli virtutem significant, unde fatum sive permanens rerum ordo provenit. Opinio denique erat de fiderum divinitate & providentiâ, quæ astrologiæ occasionem dederit, De quâ re insignis est apud Philonem locus. χαλδαῖοι τὴν ἀλ-
λων ἀνθρώπων ἐμπροσθεν διατεγόντες δοκῶν ἀπορρίπτειν, καὶ γενέσθαι
καὶ τὰ ἐπὶ τῆς γῆς ἀπορρίπτειν, &c.
“ Chaldaei præ ceteris nationibus elaborasse videntur artem
“ astronomicam & genethliacam, terrena sublimibus, &
“ coelestia

“coelestia coaptando terrestribus, tanquam ratione musica
 “ostendentes rerum concentum pulcherrimum per istos Uni-
 “versi partium affectus mutuos, disjunctarum quidem locis,
 “sed cognitione non item. Hi suspicati sunt mundum, quem
 “videmus, aut ipsum esse Deum Solū, aut eam, quæ
 “insit universalem animam; quam ubi sub nomine fati &
 “necessitatis, consecrarunt, summā impietate repleverunt
 “vitam humanam persuasam quod præter hæc, quæ viden-
 “tur, nulla sit rerum causa alia: sed Solis, Lunæ stellarumq;
 “cursus tam bona, quàm mala dispensent singulis. Refert
 deinde Maimon: de Zabeis (quos Mesopotamiam habitasse
 conjectatur *Salmasius*, *Scaliger* Orientaliorem Chaldeæ
 piagam, quidni utriusque potius regionis incolæ, quos utique
 tradit Maimon: *totum implevisse orbem*) quod statuerint
 nullum esse Deum præter stellas, & ex iis Solem esse Deum
 magnum, stellas Deos minorum gentium. Et De iisdem
 mox subdit fuisse אַשְׁמֹרֶת *Astrologos*. Unde Vettius Va-
 lens Antiochenus fratrem & cæteros omnes libro suo apo-
 thelematico initiandos adjuraturus, juramenti formulam sic
 exorsus est; Οριζω σι, ἀλλὰ μὴ τιμώτατος ἢ τὸς μυσηρωγὸς μη-
 τῆς τῆς συντάξης, ἕως μὴ ἀσθεύων κτλ. & ☉ δουλοδικῶς ἢ τῷ
 & ☾ & τὸς ἰσχυρῶς ἀσθεύων ἢ τῷ ἰσχυρῶς ἡνωχῶμαι, αὐτὴν τὴν
 Περὶ τῶν & ἰσχυρῶς, &c. Astipulatur Diod. Sic. *Chaldaei*, in-
 quit, *primum Soli locum tribuunt, ei proximum Planetis, his*
accedunt dii principes duodecim, & omnibus deinceps substitunt
triginta βουλῆς οὗτος *Deus consiliarios: & Congruenter* Plutarchus
 χαλδαῖοι δὲ τῶν Πλανητῶν τὸς θεοὺς γινώσκουσιν, ὅς ἐστιν, ὃς μὴ ἀγαθου-
 γῆς, ὃς δὲ κακοποιῶν, μίσις δὲ τὸς τοῖς ἀπορρίπτουσιν & κατὰ
Chaldae Planetas Deos faciunt; quorum duos beneficos, totidem
maleficos, reliquos tres medios definiunt & promiscuos. In
 Aegypto deinceps *Astrologos* primum delubra Dīs i. e.
 astris consecrasse author est Herodotus. Et pariter de Æ-
 gyptiis refert Porphyrius in epistolâ ad Anebonem Ægyp-
 tium apud Eusebium. *Quod in nostrâ potestate est. ac volun-*

More Newch.
Part. 3. c. 29.

Prostat apud
Selden. matm.
Arund.
Pag. 15. 1.

Biblioth. l. 2.

Lib. de Isid. &
Ostr.

Lib. 2.

Propter. evang.
l. 3. c. 4.

tate

tate situm, ex siderum motu suspensum esse voluerunt, cuncta necessitate, quod ipsi fatum appellant, sic tanquam inexplicabilibus quibusdam vinculis nescio quo pacto constringentes, eademque rursus ad Deorum istorum vim ac numen alligantes. Itaque non alios sive in templis sive in simulachris, sive in aliis ejusmodi, quam qui fati leges solvunt, venerantur i.e. Sola astra colunt. Quibus paulo post subdit Eusebius quod Solis Astris rerum universalium causam assignarunt, ex fati necessitate, siderumq; motu & agitatione cuncta suspendentes, quæ quidem opinio apud illos hodieq; vim retinet suam. Hi etiam astris suum cuiq; ordinem & dignitatem assignarunt, ut compluribus adnotatum est ex veteri Scholiaste in *Argonaut*: *Apollonii* Ægyptiis suprema Numina fuisse Solem & Lunam, quibus acceperunt *ἄλλα τιμὴν* pro *θεοῖς βεβαίως* Diis consiliariis, quibus addebant reliquos Planetas tanquam *παῖδοφύπος* *λῆκτορες*. Ut sanè Chaldeis & Ægyptiis nulla gens Mortalium religiosius siderum cultui dedita, ita addictior nulla astrologiæ studio, & profecto ubique quo quisque religiosior, eò vehementius astrologiæ devotus, unde esse potuit, quod Apollonius Tyaneus & Porphyrius acerrimi Ethniciæ superstitionis propugnatores libros astrologicos condiderint, ille quatuor quibus titulum fecit *πρὸς μαρτυρίας ἀστέρων*, ut author est Philostratus in ejus vita l. 3. c. 13. Alter *εἰς ἀρχὴν καὶ τὴν ἀπὸ τῆς ἀρχῆς τῆς Πτολεμαίου* libellum scripsit, qui hactenus superest. Epicurus è contra qui astris divinitatem abrogabat, *μαρτυρίας ἀστρολογίας* *astrologiam inanem* subinde habuit. Ptolemæus vicissim Tetrabibl. l. 2. (si tamen genuinus scriptoris ejusdem auctor) atheismi insinuat, quotquot Astrologiam repudiant, quia eo pacto potissimum ethniciæ fidei articulum abdicabant, cultum nimirum & divinitatem siderum, cui sc. innixa est astrologiæ ratio. Quà fortè de causâ adeo vehementer Deus in S. Codice astrologiæ studium vetuit. Et nescio sanè an hinc erat, quod astrologi plerunque religionum ortus & interitus à siderum positione provenire statuerent; quorum nempe potissimum interesset

interesse credebant, ea par esse arbitrabantur religionis negotiis procurare. Nota est *Albumasaris* impudentia, qui definiit ex Jovis & Mercurii conjunctione originem duxisse Christianismum (ut religiones alias ex aliis siderum constitutionibus) & superfuturum non amplius mille quadringentis & sexaginta annis, quod tempus, vigente adhuc Christianismo, duobus fere abhinc seculis expiravit.

C A P. II.

Prisci Philosophi Animam Mundi esse supremum Numen Censuerunt.

HActenus de antiquore; ut videtur, Gentilium Theologia: Solis enim cultum potissimum, antequam vigere inceperit Philosophia, ubique obtinuisse nullus dubito; erat enim simplicior, & barbaris omnisque politioris disciplinæ expertibus accommodatior; & hinc fortè est, quòd Americanorum (quos cum primis Barbaros fuisse pernotum est) religio primæ & rudiori veterum, sive Græcorum, sive Asiaticorum Idololatriæ undiquaque similis esse videatur: Ut facile si quis ad invicem compoluerit, percipiet. Jam autem sequitur, ut de recentiore Theologia, quam *Philosophi* potissimum innoxisse videntur, dicamus; scilicet de Divinitate quam *Mundo*, *Animæ Mundanæ* tribuerunt. Hanc quoque si descriperint, aut quicquam de eâ prædicaverint prisci, perperam tanquam de vero Numine dictum arripiunt recentiores; cum nihil tale somniarunt veteres, sed solummodò ad spiritum quendam, quem creatum esse planè novimus, respexerunt. Quippe autumarunt spiritum Æthereum, sive tenuiorem quandam materiam per Universi hujus ambitum,

*Vide Acoſtam
lib. 5. &
Kircher. Oedip.
Ægypt. Tom. 1.:
Syn. 5. c. 5.*

singulasque illius partes diffundi, atque mundum non aliter
 animare, fovere, & regere, quam anima animalis cujusque
 corpus. Hanc substantiam tanquam unicum & supremum
 omnium Numen, mundi Architectricem, ubique & omnibus
 intimè præsentem, totius orbis moderatricem, omniumque
 in eo causam & Parentem celebrant. Sic è Varrone refert
 Augustinus Deum se arbitrari animam mundi, & hunc ipsum
 mundum esse Deum: sed sicut hominem sapientem cum sit ex
 animo & corpore, tamen ab animo dicimus sapientem, ita mun-
 dum Deum dici ab animo, cum sit ex animo & corpore. Et
 disertim testatur Stobæus Diogenem, Cleanthem, Oenopi-
 dem, Polemonem Mundi animam Deum esse statuisse: Po-
 sidonium & Zenonem Stoicum igneam mundi memem: &
 Mnesarchum Deum mundum esse, cujus prima consistat in spi-
 ritu natura. Et similiter narrant Aristot. Metaph. l. i. c. 5.
 Plato in sophistâ Cicero 4. Academ. Melissum, eumque secu-
 rum Xenophanem Universum pro Deo habuisse. Sic Thales,
 testibus Stobæo & Athenagorâ Deum definiit & per se totam
 mentem mundi. Accedit Plinius qui librum secundum hist.
 Nat. sic exorsus est. Mundum & hoc quod nomine alio Cælum
 appellare solent, cujus circumflexum teguntur omnia, Numen
 esse credi par est æternum, immensum, neque genitum, neque
 interiturum usquam. Sacer est, æternus, immensus, totus in
 toto, imò vero ipse totum, finitus, & infinito similis, omnium
 rerum certus, & similis incerto, extra, intra, cuncta complexus
 in se idemque rerum natura opus, & rerum ipsa natura. Unde
 & Seneca de Deo argutè, solus est omnia: ut & Pindarus
 ὁδὸς τὸ Πᾶν, ἢ τὸ Πᾶν. Quid Deus? Universum. Et rursus
 ὁδὸς τὸ Πᾶν, ἢ τὸ Πᾶν. Deus omnia est, & omnes
 mortales creat. Neque aliter Trismegistus Πᾶντα ὁ ἄνθρωπος, ἢ
 ὁ θεὸς. Omnia quæ sunt, & iste est Deus. Quibus ac-
 cedunt Pythagoræ verba, quæ tanti æstimant Clemens
 Alexandr. in protrep. Cyrillus adversus Julianum, Stenchas
 Engubinus de perenn; Philos. l. 3. r. 3. tanquam de ipso Deo
 Opt.

De civit. Dei
l. 7. c. 6.

Eclog. phys.
l. 1. c. 1.

Eccl. phys. l. 1.
c. 1. in Legat.

1. Nat. quest.
præfat.

Pythagor. c. 5.

De animâ
l. i. c. 5.

ἴσως ἂν Θυγαὶ εἶδον πᾶντι πλήρη Θεῶν ἴδον. In toto quidam missam
ipsam [animam mundanam] esse dicunt, unde foris Thales
opinatus est omnia esse plena Diis.

Quin & Orpheus hymno ad Panem (quo mundum indiget))

Πανα καλὸν κρατερὸν, κόσμῳ τὸ σύνπαν

Ἄρουγόν, ὑπὲρ θαλάσσης, ἰδὲ χθόνα περιβασίλειαν,

Καὶ πῦρ ἀθάνατον τὰ δὲ δὲ μέλη ἐπὶ τῷ Πανὶ.

Pana voco fortem, mundi integrum

Cælum & mare & terram omnium reginam,

Et Ignem immortalem, illa enim membra sunt Panis.

De diis gent.
Synag. i.

In Psalm. 85.

Et pariter alii fere omnes, ut luculentius sequentibus pate-
fiet. Et hinc quidem esse potuit, id quod Lilius Giraldus ob-
servat, Patres plerunque per modum negandi Deum defi-
nuisse, ut nulla dicant mundi opera Deum esse, hoc est neque
cælum, neque æthera, neque Solem, neque Lunam, neque
stellarum fulgores, neque elementa, neque Universum deni-
que, & quæ in eo sunt, Deum esse. Ut D. Augustinus.
Terram cogitas? Non est hoc Deus. Mare cogitas? Non est
hoc Deus. Omnia, quæ sunt in mari, quæ volant per aerem?
Non est hoc Deus. Quicquid lucet in cælo stella, Sol, & Luna?
Non est hoc Deus, & quæ deinceps. Sic inquam negativè
Deum definire vellent, ut Philosophis contravenirent, qui
divinitatem istis omnibus inesse statuerant.

4 De benef. c. 7.

Quæst. nat. c. 45

Lib. 2. c. 9.

Obiter notandum est illis Deum nonnunquā *Natura* nomine
designari. Ut Seneca *Quid aliud est natura quàm Deus, &*
divina ratio toti mundo & partibus ejus inserta. Et mox *Nihil*
Natura sine Deo est, nec Deus sine Naturâ, sed idem est uterque
& alibi statuit nihil referre mundum Deum appelles an naturam.
Quamvis autem Senecam laudat Lactantius, quod Naturam
Deum esse definierit, *Melius igitur (inquiens) Stoicorum*
optimi acutissimus Seneca, qui vidit nihil aliud Naturam esse
quàm

quàm Deum: tamen potius reprehendendus videtur, non enim Naturam ad Deum *sussulit*, sed Deum ad Naturam *deduxit*, & Naturam, quæ Dei opus est, Dei nomine & titulis insignivit, ut ipse alibi innuit, cum docet *Mundum à Stoicis Naturam vocari*: & quidem veteres Naturæ nomine nihil ultra res creatas, sed mundi seriem & dispositionem intellexisse magis notum est, quàm ut probationem desideret, Unde eam Græci *sympatiam*, teste Cicerone, nuncuparunt. *Natura est igitur* (rursus: Tullianam vocem agnosce) *qua continet mundum omnem, eumque tuetur, atque ea quidem non sine sensu ac ratione.* Et rursus de Stratone Theophrasti auditore, eo, qui physicus appellatur refert, quòd *omnem vim Divinam in Naturâ sitam esse censuerit*, Et eandem herclè Dei ac Naturæ definitionem afferunt Stoici. Ut Lærtius in Zenone *δοκῶν δὲ αὐτοῖς τὸν μὲν φύσιν εἶναι τῆς τοῦ κόσμου, ὁ δὲ βελόναν εἰς γένεσιν. ὅπερ ὅτι πνεῦμα πνεύματος ἔχοντος τοῦ κόσμου* Censent ipsi Naturam esse ignem artificialem (quem pro unico numine habuerunt) *viâ progredientem ad generationem; qui est spiritus ignis & artis similitudinem præ se ferens.* At apud Plutarchum eadem fere definitione Deum describunt nempe *ἵ) πῦρ τοῦ κόσμου ὁ δὲ βελόναν ὅσοι γὰρ ἐστιν κόσμος, ἐμπεριέχοντες πάντας τοὺς σωματικούς λόγους καὶ ὅς ἐστιν ὁ κόσμος καὶ ὁ μακρὸς χρόνος* Esse ignem artificiosum *viâ progredientem in generatione mundi, continentem intra se omnes seminales rationes, juxta quas singula fato deinde fiunt.* Verum de Stoicorum mente in hac materiâ, perspicuus & insignis est Lactantii locus. *Stoici Naturam in duas dividunt partes; unam, quæ efficiat; alteram, quæ se ad faciendum tractabilem præbet. In illâ prima esse vim faciendi; in hâc materiam, nec alterum sine altero esse posse.* Ita isti uno Natura nomine res diversissimas comprehenderunt, Deum & mundum, Artificem & opus, dicuntque alterum sine altero nih' posse tanquam Natura sit Deus mundo permixtus. Nam interdum sic confundunt ut sit Deus

De Nat. deor.
lib. 3.De Nat. deor.
Lib. 2.

Lib. 1.

Lib. 7 c. 1.

Deus ipsa mens mundi, & mundus sit corpus Dei: quasi verò simul esse ceperint mundus & Deus.

Sed ut ista mittamus, illud insuper notandum est, cum Poetæ fabulis & commentis suis omnem theologiam temeraverant, philosophos subsequentium seculorum, quoniam à religione quæ inter plebem obrinuerat, (quam quidem prorsus ineptam & futilem esse non possent non reputare) abire præ legum & plebis timore non sustinerent, ut sui placita stabiliarent, & plebis portenta sinu impune abdicarent, omnem quam induxerant Poetæ theologiam ad res physicas accommodavisse, & spiritui per omnes totius mundi artus pervadenti varia Numinum suorum nomina tribuisse, prout symbolicam quamvis cum iis virtutem comminisci possent. Sic quatenus mare subibat, Neptunum appellabant, quatenus aerem, Junonem; quatenus in Terræ visceribus delitescit, Dæmogorgonem dixere; quatenus deinceps terræ superficie habitat, Gorgonem, unde fortè fabula de Gorgonis capite omnia, quæ id aspexerant, in saxa vertente, quoniam saxa juxta Terræ superficiem concrescunt: & quemadmodum varias naturæ partes, ita & varia munia Deorum nominibus insignivere; Vim & appetitum procreandi Venerem appellantes; eamq; quatenus in mari Salaciam, quatenus in terrâ Cererem & Proserpinam, &c. quod dico non quasi in hisce sibi semper constantes forent, immensum enim ab invicem abibant, etenim (uti Augustinus) aliquando unum Deum res plures; aliquando unam rem Deos plures faciunt; Junonem modo terram modo aerem esse statuentes; Vestam item modo terram, modo ignem, &c. & vicissim Magnam matrem, Vestam, Rheam, Opem, Pandoram, Berecinthiam, Cybelen, Junonem, Cererem ad Terram reducerunt, ut & de Osyre refert Philo Biblius.

τὸν δὲ Ὀσίον, τὸς μὲν Σαράμιν τὸς δὲ Διόνυσον, τὸς δὲ Πλάτων, τὸς δὲ Ἀμμων, τὸς δὲ Δία, ἑτέροις δὲ Πάντα νομίζον. Osyris nonnullis Sarapin, aliis Dionysum, his Plutonem, illis Ammonem, quibusdam Jovem, aliquibus Panem esse.

esse. Atque hujusmodi inscita Ethnicis passim expochrant,
primævi ecclesiæ patres, verum ut ut in specialibus reducti-
onibus ab invicem abierunt, tamen in Numinum reductione
ad res naturales omnes consensisse pernotum est, quod
& de prisca Egyptiorum Theologis refert Porphyrius,

*Πάντες τας ιεραγίδας μύθους οἱ τὰ πρῶτα, καὶ οὐδὲν οἱς ἀπομυθῶσι καὶ ἱεροῦς οἱ οἱ
ἅπαν αἰσθητοὶς* quicquid sacrarum fabularum erat in res naturales, ni-

Euseb. præpar.
l. 3. c. 4.

hil in incorporeas viventesque naturas, ipsarum interpretatione
conferentes. Cum autem ceteros Deos mundi partibus
affinixerint, totum mundum Jovis nomine adornarunt, & ad
eum tanquam unicum & supremum Numen reliquos omnes

Deunculos tanquam illius partes reduxerunt, ut apud B. Au-
gustinum volunt omnes Deos Deasq; esse unum Fovem: sive sint
ut quidam volunt partes ejus, sive virtutes ejus, ut iis vide-

De civit. Dei
l. 4. c. 11.

tur, quibus enim placet esse mundi animum, quæ sententia ve-
lut magnorum, multorumq; doctorum est. Nec multò secùs,

Lib. 7 16.

Omnes selectos Deos hunc esse mundum volunt, in qui-
busdam Universum, in quibusdam partes ejus: Uni-
versum, sicut Fovem: partes ejus, ut genium, ut matrem
magnam, ut Solem & Lunam, vel potius Apollinem & Dia-

nam, &c. Uti & Stobæus *Ζῶντι τῷ ἐν τῷ κόσμῳ, ὡς οὐκ ἐν τῷ κόσμῳ, καὶ
οὐδὲν ἐν τῷ κόσμῳ* Jupiter quidem totus mundus est, animal ex ani-

Eccl. phys.
l. 1. c. 1.
De Deor. imag.

malibus, Numen ex Numinibus compositum. Unde Martia-
nus (ut & observat Chartarius) lib. 1. de nupt. Philol.

ita in senatu Deorum Jovem effinxit; In capite flammantem
coronam habebat, & super eâ velamen rutilum Minerva ma-

nibus confectum; vestì admodum candida obduxerat byatinos
amictus crebris quibusdam stellis intensinctos; manu dextera

duos orbes porrigebat, aureum alterum, ex electro alterum; lava
ἐν ἀπὸ τοῦ οὐρανοῦ chelini innitenti similis promebat; calcæos autem

smaragdinae stictæ viriditatis herbosas vestigiis ejus Tellus at-
texuerat. Quibus suo more præcipuas Universi partes ex-

pressisse videtur. Expresse autem Phurnutus *Quemadmodum
nos animâ gubernamur, sic & Mundus animam habet, quæ ad-
dicet:*

dicet illum ab interitu; & hac vocatur *Jupiter*; sed dictus est *Jupiter* imperare omnibus aut quia servet, ac vita causa sit animantibus: aut quia in nos tanquam anima & natura imperium obtineat. Uti & *Æschylus*

Ζεύς ἔστιν αἰθέρ, Ζεύς δὲ γῆ, Ζεύς δ' ἰσότης
Ζεύς τοι τὰ πάντα, καὶ ὅπ' ὅτων δ' ὑμῖν ἔστιν.

*Jupiter aether, terra, atque Cælum est,
Et omnia Jupiter, & si quid his superius.*

Euripides

Ὅρα's τίς ἐστι τοῦδ' ἀπύκτων αἰθέρ,
Κὶ γῆν καὶ ἕλξ' ἔχοντ' ὕδατος ἐν ἀγκύλαις;
ῥῶτον νόμος Ζῆνα, τὸνδ' ἡγεῖ θεὸς.

*Vides profundum hunc finis expertem Aethera,
Qui terram omnem liquidis tenet complexibus?
Puta Fovem hunc, eumque credito Deum.*

Mirum equidem est poetas istos tories citari, tanquam verum & ipsum æternum Numen agnoscerent, cum adeo manifestum sit eos de Solo Universi circumplexu cecinisse. En autem ut præclare mentem exprellerit Seneca. *Non Fovem*, inquit, *qualem in Capitolio colimus, fulmina mittere, sed custodem, rectoremq; Universi, arctum ac spiritum mundani hujus operis dominum & Artificem, cui nomen omne convenit. Vis illum fatum vocare, non errabis; hic est ex quo suspensa sunt omnia, causa causarum. Vis illum providentiam dicere? recte dices, est enim cujus consilio huic mundo providetur, ut inconcussus eat, & actus suos explicet. Vis illum Naturam vocare? Non peccabis, est enim ex quo nata sunt omnia, cujus spiritu vivimus. Vis illum vocare mundum? non falleris. Ipse enim est totum quid, totus suis partibus inditus & se sustinens vis sua: Etiam si de animo Universi disertim hic locutus fuerit*
Seneca,

Seneca, tamen quoties quasi verum & ipsissimum Deum celebraverat, laudatur! Et sanè quicquid Veteres Sophi de Jove prædicaverint, quam fidenter hodiè tanquam Deo *Opt. Max.* adscriptum accipitur; quanquam tam perspicuum sit, quam quòd maximè, eos semper ad animum mundi, seu pertinem substantiam per Universi ambitum fusam respexisse.

Hinc scilicet Dei unitatem celebrarunt. Ut Seneca *Totum* *Epist. 92.*
hoc quo continemur & unum est, & Deus. Idcirco Deus unus est, quia unus mundus, unde *Ἐν τῷ πᾶν* *Sapientium Principes prodiderunt*, inquit Macrobius. Quemadmodum Thales, *Satur. l. i. c. 17.*
Stob. ecl. phys. c. 2. & 5.
Pythagoras, Empedocles, Ecphantus, Parmenides, Melissus, Heraclitus Anaxagoras, Zeno unicum mundum & subinde unicum Deum simul posuere. Hinc reliquos omnes Deos ad Unicum Jovem tanquam totidem illius nomina referre priscis solenne est. Sic Stoici apud Laertium censuerunt *Ἐν τῷ*
ἑνὶ θεῷ, καὶ πᾶσι, καὶ εἰμαρμένῳ, καὶ Διᾷ, πολλὰ ἴσθι ἐπίεργις ὀνομασίαις πρὸς ὁνομαζέσθαι In Zenone.
Unum quid esse Deum; sed tamen mentem & fatum & Fovem aliisq; pluribus nomenclaturis solere efferrè. Hinc Orpheus

*Ἑρμῆς δὲ ἱερμηνεύς τῶν πάντων Ἀγγελὸς ἔστι,
 Νύμφαι ὕδωρ, πῦρ Ἥραιος, οὐτὸ Δημήτηρ
 Ἡδὲ θάλασσα Ποσειδῶν μέγας, ἧδ' Ἐρως ἔσθ'.*

*In Nymph.
 Cratere.*

*Mercurius vero interpret omnibus nuncius est,
 Nympha aqua, ignis Vulcanus, panis Ceres,
 Mare ingens Neptunus terram concutiens,*

& compluribus aliis Deorum enumeratis demum concludit

Ἐν ταῖς πάντι *Unum vero hac omnia.*

Quin & Hermefionax

*Πάτων, Περσεφόνη, Δημήτηρ, Κύβηρις, Ἐρωτις,
 Τρίτωνες, Νηρεὺς, πηλὸς, καὶ Κουανοχαίτης,*

Ἑμῶς θ'; Ἡρακλῆς τε κλυτὸς Πάρ, Ζεὺς τε ἡ Ἥρα,
Ἄρτεμις, ἡδ' ἰσάσπυρ Ἄπιδων, ἐν Θούῃς ὄντι.

*Pluto, Proserpina, Ceres, Venus, Amor
Tritones, Nereus, Thetys & Neptunus,
Mercuriusque, Vulcanusque inclutus, Pan, Jupiter, Juno,
Minerva & procul jaculans Apollo, Unus Deus est.*

Et ex Sorano decantatum illud,

*Jupiter omnipotens, regum rex ipse, Deusq;
Progenitor, Genitrixque Deum, Deus unus, & omnes.*

Hinc quidem Opinantur viri docti Ethnicos, saltē ex iis sapientiores τὴν μοναρχίαν εἰσεῖναι, atque unicum verum & supremum Numen agnovisse, quod inter alios fusiùs comprobare satagunt *Cl. Seldenus* de Dīs Syris proleg. c. 3. *Doctiss. Vossius* de ortu & progressu Idololatriæ l. 1. c. 2. Nec non *F. Raymundus Breganius*, de Theol. Gent. enarrat. 3. capp. 16, 17, 18. Et deniq; Nobiliss. *Herbertus*, qui integrum librum super hac re adornavit, cui scilicet titulum fecit *de religione Gentilium*. Verum herclè quæcunq; afferunt argumenta, nihil majus adstruunt quàm credidisse Ethnicos Unicum esse supremum omnium Numen, in quod reliqua omnia contrahere oporteret; minimè vero evincunt Numen istud, qualecunq; fuerit, quicquam esse rebus naturalibus & creatis superius; Ipsi autem non modò liberè confitemur, sed & contendimus unicum eos supremum Numen agnovisse; dicimus tamen in rebus creatis substituisse, neque ad ipsum Deum *Opt. Max.* affurrexisse, sed *animam mundanam* numinis unici & supremi prærogativā ornavisse, & in eam omnes Deunculos minores refudisse. Ut *Maximi Gentilis* verba sunt in epistolâ ad B. Augustinum. *Equidem unicum esse Deum summum atque magnificentum, quis tam demens, tam mente capius,*

ut neget esse certissimam? Hujus nos virtutes per mundanum opus diffusas multis vocabulis invocamus, quoniam nomen ejus sancti proprium ignoremus. Nam Deus omnibus religionibus commune nomen est. Ita fit ut dum ejus quasi quadam membra carptim variis supplicationibus prosequimur, totum colere profectò videamus.

Quis porro non miraretur, cum in Eugubino ex Cicerone laudatum legeret. Xenophanes paulò etiam quàm Anaxagoras antiquior, unum esse omnia, neque id esse mutabile, & id Deum esse, neq; natum unquam, & sempiternum & conglobatà figurà. At sanè quis non videt Xenophanem de Universo, mundive globo locutum esse? Quin vero ad hanc rem, quid apertius, quàm sunt ipsius Eugubini verba, dici potuit. Dico divinitatem, i. e. illum ipsum, qui apud prios diceretur ipsum unum, ipsumque ens, appellatam quoque magno quodam, altissimoq; mysterio τὸ πᾶν ipsum Universum. Quod non obscuris, fictitiisque testimoniis comprobabo, Aristoteles in primo de principiis Philosophia libro, prodit Veteres illos dixisse Ἐν τῷ τὸ πᾶν Unum esse Universum. si probamus igitur eadem eos de Universo pradicasse, atque ente & uno, claret atque Universum eis fuisse ipsum Deum. haecenus ille. Quid autem appositius, quid luculentius è re nostrà dici potuit, ut nempe liqueat eos Universum hoc pro Deo supremo habuisse? Et sanè vel pueris notum est eos voce τὸ πᾶν & ipsum hoc Universum intellexisse. At vero (pergit Eugubinus) Empedocles, Melissus, Parmenides mundum hunc Universi particulam esse dixerunt, unde eos Universi Nomine non mundum hunc intellexisse infert, sed Deum ad quem mundus talem proportionem gerit, qualem quævis particula ad ipsum mundum. Verum clarius est, quàm ut probatione indigeat, eos per Universum intellexisse aut universum immensumque locum, aut aliquid quod istum occupat, sive sit materia supervacua, sive alii plures mundi, quod disertim de Empedocle Plutarchus in placitis, & Stobæus in Ecclóg.

Peren. Philos.
l. 3. c. 6.

Eodem libro.
c. 8.

Libello de Xenophane, &c.

referunt, eum censuisse mundum *ἢ Πᾶν* & partem perexilem esse, reliquam otiosam materiam. De Melisso Laertius lib. 6. dixisse eum tradit τὸ πᾶν ἀπείρου ὢν καὶ μέγας *Universum infinitum esse & plenum*. Quod autem de Parmenide refert eum mundum hunc Universi particulam esse censuisse insigniter falsum est, cum apprimè innotescat idem ei fuisse mundum & Universum, quòd nihil extra hujusce mundi pomæria esse crediderit: quod & ipse Eugubinus cap. 10. aperte edocuit. An non etiam eundem latè reprehendit Aristoteles Eugubino indubitatæ fidei per omnia testis, quod Deum corporeum sphaericumque esse fecerit, An num denique venerando præfati arrideant protriti isti Parmenidis de Deo versiculi.

Πᾶνθεν κύκλῳ σφαίρῃ ἰσότητος ὄντων
Μεσσοθεν ἰσοπλάτῃ πάντι, τὸ δ' ἔτι τι μέγαν.

*Undique globosa sphaera persimilis est molli,
Ac entro undiquaque aequalis, quo nihil majus.*

Quam scilicet habuit Mundi figuram, Deo aptavit, quem utique nihil aliud à mundo censuit. Sed esto, dixerit cum reliquis mundum hunc *ἢ Πᾶν* & (quod Deus est) porrexiguam portionem esse, quorsum inde Eugubini encomiis exornatur? Quid enim apertius quàm τὸ Πᾶν apud priscos omnes Universam rerum Naturam significare? quam alii finitam esse, alii infinitam reputarunt, & qui infinitam, iidem etiam Deum infinitum esse prædicarunt. Eugubinus autem ut Dei immensitatem è veteri Philosophiâ depromat, affert Anaximandrum, Anaxagoram, Empedoclem, Melissum aliofque, at iidem sunt, qui mundum quoque infinitum esse dixere, & proinde Deum infinitum esse, quòd æquè cum eo diffundatur. Sic Melissus, Diogenes, Archelaus apud Laertium Universum infinitum statuerunt. Anaximander apud Ciceronem Infinitatem Naturæ adseruit. Anaximenes infinitum

Lib. 2.
1. De N. D.

nitum Aera; ut *Cic. 4. acad. & Stob. 2. eccl. phys.* Seleucus *Stob. eccl. phys. l. 1. c. 25.*
 Erythræus & Heraclides Ponticus infinitum dixere mundum,
 & denique Anaxagoram statuisse materiam esse infinitam tē-
 stes sunt *Cicero 4. Acad. & Aristoteles. 1. Metaph. 3.* Et hoc
 quidem vidit olim Aquinas in hujusmodi rebus non admodum
 perspicax, sic enim de antiquis Philosophis. *Quia erraverunt*
circa Naturam Primi Principii: consequens fuit, ut errarent
circa infinitatem ipsius, quia enim ponebant primum princi-
pium materiam, consequenter attribuerunt primo principio infi-
nitatem materialem, dicentes aliquod corpus infinitum esse pri-
mium principium rerum. Quin & hinc intimam Jovis seu
 Numinis supremi cum rebus omnibus præsentiam prædica-
 runt, nempe quoniam arbitrati sunt *eis ἅπαν κόσμῳ κῆρ διήκων* *Laert. in Zenona.*
τὸν νῦν, καθάπερ ἐφ' ἡμῶν τὸν Ἰουῖον. *Per omnia Mundi membra*
mentem pertinere ut in nobis animam. Hinc ipse *Tripos* apud
Porphyrum

Πάντα θεῷ πλήρη, πασὶν θεὸς ἐσφαλόντων,

Πάντα ζωόντων, ὅπου πνέει καὶ ἔρπει.

Omnia plena Deo, Deus ubique vagatur,
Omnia vivificat, quaecunque spirant, reptantque.

Aratus item

— Μεσὶ δὲ Διὸς πῶσαι μὲν ἀζώα

Πασσὶ δ' ἀνθρώπων ἀζοῦσι μεσὶ δὲ θάλασσῃ

Καὶ λίμναι· πασὶν δὲ Διὸς καυχέμεθα πάντες.

Fovis plena sunt omnes via
Pleni sunt omnes hominum catus, plenum mare,
Et lacus, sit ubique Fovis copia omnibus.

Quibus accedunt trita Maronis carmina

— Deum namque ire per omnes

Terra[que], iræ[que] maris, calumque profundum

Uc

Ut & Principio Cælum, & terras, camposque liquentes.
 Lucentemque globum Lunæ, Titanique astra
 Spiritus intus alit, totamque infusa per artus
 Mens agitat molem, & magno se corpore miscet.
 Inde hominum, pecudumque genus, vitæque volantum.
 Et quæ marmoreo fert monstra sub aquore Pontus,
 Igneus est ollis vigor, & Cælestis origo
 Seminibus.

Et Lucanus

Estque Dei sedes ubi terra, & Pontus, & aer,
 Et Cælum & virtus; superos quid quarimus ultra
 Jupiter est quodcunque vides, quocunque moveris.

Neque abludit Osyridis interrogati quis Deorum ha-
 beretur responsum

Macrobi. sat.
 lib. I. c. 20.

Ἐγὼ θεὸς, τοῦ δὲ μαθὴν, οἷον καὶ ἔγωγε ἴππο,
 Οὐρανὸν κόσμον κεφαλὴν, γαστήρ δὲ θάλασσαν
 Γαῖα δὲ μοι πόδες εἴσι, τὰ δὲ ἕατ' ἐν ἀέρι κείται,
 Ὅμματα τε πτερυγίαι, λαμπρὸν δὲ ἡλίου.

Sum Deus talis, qualem describam Ego me ipse,
 Cælestis mundus caput est, venter verò mare,
 Terra vero mihi pedes est, aures vero in Cælo sunt,
 Oculum vero cuncta videntem fulgidum dic Lampada
 (Solis.)

Quin & Orpheus

Ζεὺς κόσμος, μέγιστε θεῶν, εἰλυμένη κόπρη.

Jupiter gloriosissime, Maxime Deorum, luto involute.

Nempe

Nempe quia spiritus mundanus ita omnia permeat, ut stercore & luto permisceatur: & ejusmodi reliqua, quæ vulgo afferuntur tanquam omnipræsentiae divinæ testimonia; etiamsi semper ad animum seu spiritum mundanum respiciant.

Cæterum commodè hic notandum est, quod per totam dissertationem observari oportet, veteres Substantiam hanc pertenuem (quam mundi animum plerunque appellarunt) indiscriminatim vocibus animi, spiritus, aeris, ætheris, coeli, &c. expressisse, quibus passim tanquam *ισοδυναμίου* utuntur. Neq; sanè vocum istarum quælibet ante Scholasticorum tempora certam & limitatam significationem habuisse videtur, ut scilicet rem designaret corporeæ molis omnino expertem, sed potius quicquid pertenuæ erat neque aspectui obnoxium pariter denotarunt; sic Cælum & Ætherem pro aëre, & aerem vicissim pro cælo posuerunt, ut *Toto sonnerunt Æthere nimbi;* *Æcid. 2.*
& Varium Cæli (i. e. aeris) prædicere morem & expresse *Georg. 1.*
Lucræti l. 4. Constituntur in hoc Cælo, qui dicitur aer. Et si quæ inter aerem & ætherem intercessit discrepantia, non alia erat, quàm quod Aer æther spissior & gravior esset, at æther aer tenuior, seu purior & magis defæcata aeris pars, etenim qui æther terris vicinus erat, atque exinde à terrenis exhalationibus densior factus, aer dicebatur, qui sublimior, & exhalationibus non tantoperè conspissatus, æther *κατ' ἐξουὴν* dicebatur, i. e. purus & impermixtus æther; (Unde vulgare pronunciatum *ætherem esse mentis vestimentum, aerem ætheris*) quemadmodum Varrone Mundus dividitur in duas partes, cælum & terram; & cælum bifariam in æthera & aera. Inde apud Aristophanem Socrates aerem & ætherem simul invocat.

Ω Δίσποντ' ἀναΐ, ἀμύνηντ' Ἀἰὲρ, ὅς ἐχει τὴν γῆν ὑπὸ τοῖσιν,
 Λαμπρὸς τ' Αἰὲρ,

*Orex ô imperator Aer waste, qui terram continet suspensam
Nec non Splendide Æther*

1 De N. D.

Ibid.

Æneid. 8.

Lib. 5.

Ut perinde sit utrûm Deum aerem an ætherem appellaverint, ut cum apud Tullium Anaximenes Deum Aera esse statuit, eumque immensum & infinitum: ut & Diogenes Apolloniates *Quid aer? quo Diogenes Apolloniates utitur Deo.* Aeris nomine idipsum intelligunt quod alii spiritu, & animo, & æthere expriment: Siquidem reliqui per animum & animam aeream substantiam intellexerunt, Ut Anaxagoras, Anaximenes, Archelaus, Diogenes Apolloniates animam aeream esse dicunt, quod referunt *Stobæus eccl. phys. l. 1. c. 25. & Plutarchus in placit. l. 1. c. 3. & l. 4. c. 3.* Sic de Stoicis scribit Galenus, iis animam constare *ἐκ τῆς ἀερῆς καὶ πυρρῆς οὐσίας ex aerâ & igneâ substantia*, unde auctoribus familiare est animam pro aere aut flatu, aut vento usurpare; ut quantum ignes animæque (e. i. venti) valent in quem locum Servius *animum* *ἐν τῷ ἀέρι* aptè deducit. Sic Lucretius

— Ac prece qua sit

*Ventorum pavidas paces, animasque (i. e. flatus) secundas
& alibi, aurarum anima.*

Horat. carm. l. 4. od. 12. *impellunt anima linthea Thracia.* Item & Arnobius l. 4. *suas animas expiraverunt venti*, unde Nonius, c. 4. Animam ventum interpretatur & Isidor. l. 2. orig. *anima à ventis nomen accepit.* Hinc & Antoninus l. 2. commonstratâ corporis fragilitate addit *ὁμοίᾳ δὲ καὶ τὸ πνεῦμα ὁμοίᾳ τῷ αἵματι ὡς αὐτὸ ἀλλὰ πᾶσι ὡς ἐξ ὁμοίων, καὶ πᾶσι ἐδιδύμων.* *Quin & animam considera qualis sit, ventus est, nec is semper idem, sed qui jugiter eflatus denudè resorbetur.* Cicero l. Tusc. *Anima sit animus, ignisne, nescio.* Et lib. de Universo *Ut inter ignem & terram aquam Deus animamque* i. e.

(i.e. aerem) poneret, eaque inter se compararet, & proportionem coningeret: ut quemadmodum ignis anima, sic anima aqua, quodque anima aqua, id aqua terra proportionem redderet, & passim ibidem, sic & apud Virgil. cecinit Silenus

Magnum per inane coacta

Eclog. 6.

Semina terrarumque, animaque (i.e. aeris) marisque fuissent.

Quin & Tertull. Stoicos allego, qui spiritum dicunt animam, De animâ c. 5. pene nobiscum: quia proxima sunt flatus & Spiritus. In eodem usu Græcorum ψυχή ut Orpheus — τὸ δὲ ἐκ γᾶς πάλιν ὕδωρ, 'Ex ὧ δὲ ψυχή, &c. Ex terrâ creatur aqua, ex illâ autem anima est i. e. aer; & Heraclitus apud Clem. Alexand.

Strom. I. 6.

ψυχῆσι θάνατος, ὕδωρ γίνεσθαι ὕδατι δὲ θάνατος, γῆν γίνεσθαι ἐκ γῆς δὲ ὕδωρ γίνεσθαι ἐξ ὕδατος δὲ ψυχῆ. Animabus mors est aquam fieri, aqua autem mors est fieri terram, ex terrâ autem fit aqua, ex aquâ verò anima, i. e. substantia aerea. Hinc ψύχῃ vulgo πνεῦμα ψύχων flare, spirare ducitur, ut ψαῖ anima à ψαῖ in Niphal respirare; Hesychius ψεύχων exponit πνεῦν, & ψύξαι reddit φύσους, πνεύους, ἀνεύων ποιήους. & Homerus

Iliad. v

Ἀθήνη Πρωϊὴ Ἀχαιῶν πάλιν ἔτρεπε κυδαλίμοιο

Ἦκε μάλα ψύξασα.

*Mimerva hastam flatu ab Achille detorsit,
Leniter admodum spirans.*

Nec alienum est, quod Chrysippus apud Plutarchū existimat. De Stoic. repug.

τὸ βροῦν ἐκ τῆς γαστρός φύσιν περὶ τοῦ, καθάπερ οὖτις ὅπως τελεῖται, ψυχῶν μιν ὑπὸ τῷ ἀέρι καὶ σπέρματι, τὸ πνεῦμα μεταβάλλειν, καὶ γίνεσθαι ζῶον, ὅθεν ἐκ ἀπο τῶν πνεύματων ἀνομάσθαι πνεῦμα τὸν ψύχων. Fermé

*In Cratylō de l'
placit. I. 5. c. 15.*

eadem Socrates apud Platonem; ut & Herophilus ac Diogenes apud Plutarchum, ubi docent animalia inanimata hâci & animam in pulmones attrahere. Hinc Varro apud Lactan-

K k

tium.

De opif. Dei
cap. 17.

De animâ c. 9.

In Æneid. 2.

Æneid. 4.

Lib. 3.

Æneid. 6.

Libello de
anim. procr.

Æneid. 10.

tium. Anima est aer conceptus ore, repositus in pulmone, fervescens in corde, diffusus in corpus. Et ipse Lactantius eodem libro c. 11. Animam in pulmonibus habitare arbitratus est, & aere intus per respirationem hausto nutriri. Quin & Tertull: spiritum vitæ, quem Deum Adamo inspiravisse proditum est, pro aereo quodam flatu cepit. *Recogita enim cum Deus sufflasset in faciem hominis flatum visa; totum utique per faciem statim flatum illum in interiora transmissum, simulque divinâ aspiratione densatum, omni intus lineâ expressum esse, quam densatum impleverat, & veluti in formâ gelasse. Inde igitur corpulentia anima ex densatione solidata est, & effigies expressione formata.*

Ab hac denique opinione exortæ sunt phrasæ istæ animam exhalare, efflare, &c. Animam exhalare dicitur, inquit Servius, secundum eos qui animam ventum volunt esse. Quam phrasin itaque aliis verbis sic exprimit Attius in Trachinum *Frendens efflavit graviter extremum halitum.* Sic ad illud Virgilii *In ventos vita recessit* Adnotat Servius *hoc est in materiam suam redit.* Quo accedit Manilianum illud

Proximus intenues descendit spiritus auras.

Cæterum viculæ Mens & νῦς apud veteres non tam animæ substantiam quàm facultatem denotant, i. e. λογιστικὴν five ratiocinantem facultatem. Unde Lucretius. *Consilium, quod nos animum, mentemq; vocamus.* & Maro *Magnam cui mentem animumque Delius inspirat vates,* ubi Servius *Perissologia est, nam secundum Lucretium, unum est mens & animum quamvis pro sapientiâ mens accipiatur & intellectu.* Et consonanter Plutarchus ψυχή & νῦς distinguit, quod ψυχή sit αἰτία κινήσεως καὶ ἀρχή, νῦς δὲ τοῦ σκοπεῖν καὶ ἀποφασίζεσθαι αἰνέοντων. Anima sit causa & principium motus; mens ordinis & consonantia in motu. Eandem itaque animæ & mentis materiam esse existimarunt, unde Maronis illud -- *Calum hausit, mentemque*

temque recepit. Sed animam solummodo quatenus facultate intellectrice polleat *νῦν* & mentem appellarunt. Atque huc usque quid antiquior Sophia per voces istas intellexerit, sat fusè expediti, non scilicet essentiam materiâ vacantem sed pertenuem & invisibilem quandam materiam. Jam itaque pergendum est.

Cùm autem censuerint animam mundanam sapientiâ & ratione præditam esse, ut palam Stoicus Ciceronianus. *Mundum & ejus partes natura sentiente teneri, in qua ratio perfecta insit, qua sit eadem sempiterna. Quam vim animum esse dicunt mundi; eandemq; esse mentem, sapientiamq; divinam;* postquam inquam istud crediderint in animam mundanam statim rerum omnium imperium, gubernationem, creationem, & providentiam devolverunt. Hinc Orpheus hymno ad Panem (quo spiritum omnia pervadentem indiget)

Παντοφύς, γὰρ τοῦ πάντων, πολυώνυμος δαΐμων
Κοσμοκράτωρ.

Quin & egregie de Jove sic modulatur

Ὅν ἐδὲ εἰς Ἀθήνας, ἐδὲ ἄν ποιῶν,
ἐδ' ἄν ποιήσων, ἐδὲ παποικῆς πάλαι
ἔτε Θόος, ἐτ' ἀθροῦσ' ἔτ', εἰ μὴ ἔγῳ
Ἀλφ, ὅν ἄν τῆς ὀνομάσῃς ἐν Δία.
Ἐγὼ δ' ὁ ἔργον εἴμι πανταχῷ
Ἐν ταῖς πόλεσι πάσαισι, ἐν ταῖς οἰκίαις
Πάσαις, ἐν ὑμῖν πάσαις ἐκ ὅσῃ τέπ',
εἰ μὴ ἔστιν ἀλλ' ὁ δὲ παρὼν ἀπανταχῷ
Πάντ' ἐξ ἀνάγκης, οἷός τε πανταχῷ παρὼν.

Quem nullus aliquid perpetraturus latet;
 Aut perpetrans, aut si quid olim fecerit,
 Sive hic Deus sit, sive mortalis, Ego sum
 Aer, vocare quem liceat etiam Jovem:
 Et Ego, Deorum quod opus est, ubique adsum,
 In urbibus cunctis, simulque in adibus.
 Vobis in omnibus, nec est quisquam locus,
 Ubi non sit Aer, ceterum qui ubique adest,
 Norit necesse est cuncta, cuncta tenens loca.

Phrynium.

Nec his absoum est, quod dicitur, Jovis oculum videre
 omnia, atque omnia audire: Quo enim pacto fieri pote est,
 ut quicquam horum, qua in mundo gerantur, lateat omnia
 gubernantem potentiam?

Et alibi Orpheus eundem Jovem invocat

—— παργεντην, βασιλῆα μέγιστον

Omniū genitorem, Regem maximum

Eclog. Phys.
 l. i. c. 2.

Cicero 4. Acad. Mundum esse sapientem & habere mentem,
 quæ & se & ipsum fabricata sit, & omnia moderetur, moveat,
 regat. Sic & Onatus apud Stobæum de Deo (quem ibidem
 esse animam universi definit) plura edisserit, nempe com-
 prehendi non posse totius mundi principem esse, nec visu,
 nec sensu percipi, unum esse, omnia gubernare, omnibus
 magnitudine ac virtute præstare, &c. In hanc rem insignis est
 alter Orphei hymnus ad Naturam

ὦ φύσι παμμήτερα θεᾶ, πολυμήχανη μήτηρ,

Εργαῖα, πρήξαια, πολύκλυτοι δαίμονες ἄνασσα.

Πανδαιμότων, ἀδάμαστ, κυβερνήτειρα, πτωχότης,

Παντοκράτειρα, τιπμύνα, πτωχότητι πάντων.

* Αρδισ

* Ἀφ' ἧς, περὶ τῆς, παλαιᾶς, κυδανεύου

Αὐτοπάτωρ, ἀπ' αὐτῆς, ἀρετὴ πλουτῆς μέγιστος

Αἰθερία, ἡδίστα, καὶ εὐραλῆα μανύουσα

Πικρὰ μὲν φάυλοις, γλυκεῖα δὲ πεθομένους.

*O Natura omnium Mater Dea, artificiosa admodum Dea,
Suscitatrix, honorabilis, multa creans, Divina regina;
Omnidomans, indomita, gubernatrix, ubique splendens:
Omnium rectrix, honorata, praestantissima omnibus,
Incorrupta, primogenita, antiqua, claros viros cohonestans,
Ipsa pater sine patre; virtute maximâ praeclita.
Aetherea, terrestris, & marina regina,
Amara quidem impiis, dulcis vero obtemperantibus.*

Orpheum eò sæpius asserre par est, quod eum ὀρφέου & cumprimis suum esse gestiunt Justinus, Eusebius, Cyrillus, Clemens Alexandrinus, Augustinus, Philoponus, Eugubinus, alii, qui eum nullis non encomiis ornant: Cum hercle longè aliena fuit *Orphæi* sive *Onomacriti* mens, qui utique semper ad *Spiritum Pythagoricum* omnia pervadentem respexerit. Cæterum Stoicos quod attinet, non acrius contendunt, cum ullam omnino *πείθειαν* esse probant, quàm cum eam *ipsi mundo* asserunt: Cujus rei luculenta specimina videre est apud Ciceronem in dissertatione Balbi Stoici 2. de Nat. Deor. Et hinc fortè primò nata per mundi elementa divinatio, sc. Geomantia, Hydromantia, Pyromantia, Botavomantia, &c. quòd nempe arbitrentur Deum omnium præscium omnibus interessè & immisceri. Neque quicquam aliud fati nomine designarunt: quemadmodum Heraclitus fatum definiit *ἡσάν εἰμαμένους λόγον τὸ διὰ τῆς ὁσίας οὐ πάντ' ἀνέκοντα* αὐτὴ δὲ ἔστι τὸ αἰθέριον σῶμα, σῶμα τῆς οὐ πάντ' ἡγήσεως *fati substantiam esse rationem, qua universi naturam pervadat: ipsa autem sit ætherem*

alibereum corpus, semen procreationis universi Authores sunt Plutarch. de placit. l. i. c. 28. Stobæus eccl. phys. l. i. c. 9.

De Stoic. repug. Quin & idem Chrysippus apud Plutarchum οὐθὲν ἔστιν ἄλλως τῶν καὶ μᾶλλον γινώσκων, ἢ τὰ τελέα, ἢ καὶ τὴν κοινὴν φύσιν, καὶ καὶ τὴν κοινὴν λόγον ὅτι δ' ἡ κοινὴ φύσις, καὶ ἡ κοινὴ τῆς φύσεως λόγος οὐκ ἀποκρίνεται καὶ τῶν καὶ τῶν καὶ τῶν ἀποκρίνεται. Nihil singularum rerum ne minimum quidem fieri potest aliter, quàm secundum communem naturam, & ejus rationem, communem autem naturam, ejusque rationem esse fatam, Providentiam, Favem, ne Antipodes quidem nesciunt. Sic Seneca de animo seu spiritu mundanæ hujus fabricæ Vis illum fatum vocare? Non errabis, hic est. ex quo suspensa sunt omnia, causa causarum. Chrysippo definitur esse δύναμις πνευματικὴν τὰς ἐν τῷ κόσμῳ δυνάμεις. Vim spiritalem ordine universum gubernantem; quod & τὴν φύσιν appellat: Neque aliud est Platoni fatum, est enim ei λόγος αἰθερῶν, καὶ κόσμος αἰθερῶν τῆς οὐρανῶν φύσεως Ratio sempiterna, æternaque lex natura Universalis. Neque Aphrodisiensis insigni libello de fato aliud fatum, quàm totius Naturæ vim legē & ordinem agnovisse videtur. Ad hanc legem (inquit Seneca) animus noster aptandus est, hanc sequatur, huic pareat: & quæcumque sunt, debuisse fieri potest, nec velit objurgare Naturam. Prefatus itaque & disertius Chrysippo apud Agellium definitur. Fatum esse naturalem connexionem universarum ab æterno mutuo sese consequentium, immutabili & invariabili hæc complicatione: Unde Apuleius Ἐκὼς ἑαυτῶν quasi ἑαυτῶν connexioni, à tractu quodam invicem causarum se continentium. Quò accedit Phurnutus. Jupiter certè etiam fatum est; eo quod distributio sit invisibilis eorum, quæ unicuique adjiciuntur, hinc jam & alia, partes visæ, i. e. Parca appellata sunt: ἀνορα est eorum, quæ sunt, latens & incognita causa: ἀφ' ἑαυτῶν est secundum quod fatatum, comprehensumque est quicquid in elementi ordine terminum hancquæquam habentis sit. Quæ non multum ab insigni isto loco libri de

Nat. quest. l. 2.
cap. 45.
Stob. eccl. phys.
l. i. c. 9.

Ibid.

Epist. 107.

Lib. 6. c. 2.

De mundo.

de mundo, qui vulgò Aristoteli affingitur *ὅτι μὴ ἔστι τὸ ἀνάγκη ἐκ ἄλλο π λήρεια πλὴν ἔστι, ὅτι ἀνάγκη ἔστι ὅτι Εὐμαρίωνος* *ἔστι, διὰ τὸ εἶραται τε ἔστι χωρεῖν ἀκωλύτως* *Πετρομένους* *ἔστι, διὰ τὸ πετρα-*
πῶσαι πάντα, ἔστι μὴδὲν ἐν τοῖς ὕπνι ἀπείρην *ἔστι* *ἔστι Μόλεων μὴν ἀπὸ τῶ μα-*
μείδων *Νίμωιν* *ἔστι ἀπὸ τῆς ἐξέως διαμύστωος.* *Ἀδελφίστων* *ἔστι, ἀναπό-*
δραστον αἰπαὶ ὕσαν *ἔστι* *φυσιν.* *Μίσην* *ἔστι αἰεὶ ὕσαν.* *Existimo autem*
necessitatem non aliud dici, quàm hoc ipsum, puta immobilem
Naturam, fatum autem dictum à serie rerum conserta, inof-
fensoque tonore procedente, quod alio nomine Πετρομένους *ideo*
appellarunt, quod ab eo omnia terminata sunt, ac nihil in rerum
Natura infinitum est. Quin & Μόλεων, i. e. sortem appella-
tum à partitione rerum dixerim, & Νίμωιν quasi potestatem
divinam, ejus quod visum est cuique distributricem: *Ἀδελφίστων*
etiam quasi causam quandam naturæ comparatam, quam fallere
nemo queat, aut vitare. Αἰσων *denique dictum, quasi semper*
existentem. Et hinc erat quòd Deos ipsos fato subesse vel-
lent. Eadem necessitas (Senecæ vox) & Deos alligat, ir-
revocabilis pariter divina atque humana cursus voluit. Hero-
dotus τὴν πετρομένην μίσην ἀδύνατον ἔστι ἀποφυγεῖν ἔστι *ἔστι* *fatum*
nec Deo fas effugere, & Philemon

De provid. 5.
Lib. 1.

Ἀλλὰ βασιλεὺς εἶσιν, οἱ βασιλεῖς θεῶν,

ὁ θεὸς Ἀνάγκη.

Sunt regibus servi, rex servus est Deo,
Deus necessitati.

Sed si plures autores afferrem frustra forem, si-
 quidem res nimisquàm nota est. Ratio autem quòd
 Deum & Jovem fato subjecerunt, videtur, quoniam
 iisdem legibus id sancitum est ac mundi ordo, causarumve
 naturalium connexio, (id quod Jovem esse censuerant) cum
 scil. rerum causæ in eam, quam obtinent, seriem, conces-
 serant, etiamtum constituta fati necessitas, quæ nihil aliud sit
 quàm necessaria & inviolabilis causarum series, quæ à primâ
 naturæ

naturæ institutionē intemeratē fuit, quod fortean Seneca
quodammodo innuitur, ubi pangit

*Non illa Deo vertisse licet,
Quæ nexa suis currunt causis,
It cuique ratus prece non ullâ
Mobilis ordo.*

Præclarius autem Lucano

Lib. 2.

— *Parens rerum primum informia regna,
Materiamque rudem, flammâ cedente recepit,
Finxit in aeternum causas, quæ cuncta coerces,
Se quoque lege tenens, & secula iussa ferentem,
Fatorum immoto divisit limite mundum.*

Hinc denique Poetæ Parcas suas, — αἰτι βεβαιῶσι

Hesiod Theog.

τινὲς αἰὶν διδόντι ἔχειν ἀναβήντα κελάρια

Quæ mortalibus mala & bona distribunt

Athenag. legat.

Has inquam commenti sunt ex Cœli Terræque coitu progna-
tas esse. ἡ γὰρ ἐκ τῆς γῆς καὶ τοῦ οὐρανοῦ, Κλάω, Λάχων, Ἀτρυγών.
Terræ Calus coiens, ex ea genuit feminas Clotho, Lachesis, Atro-
pon. Quodd nempè hoc pacto Naturæ series, & rei cuiusque
fors evenerit.

Verum ad reliqua pergendum est. Dein igitur mundanum
spiritum tanquam mundi conditorem celebrarunt. Ut Author
libri de mundo Aristoteli adscripti c. 5. Terram etiam omnem,
omne mare, Ætherem, Solem, Lunam & postremo totum
Calum vis una per omnia pertinens certo ordine descripsit, con-
cinneq; digessit: è diversis ipsa Naturis atque impermixtis,
aere, terra, igne & aqua mundum architectata. Sic insuper
de Stoicis Laertius Δοκῶν δὲ αὐτῶν ἀρχῆς ἵδ' τὴν δυνάμιν, τὸ

In Zenone.

πρῶτον,

ποιῶν, καὶ τὸ πάρεν. τὸ μὲν ἔν πάρεν ἰδὲ τὴν ἀπὸ τῶν ὁρίων, τὴν ὕλην; τὸ δὲ
 ποιῶν, τὸν ἐν αὐτῇ λόγον τὸν Θεόν. *Videtur iis duo esse omnium prin-*
cipia, efficiens & patiens, & patiens quia etiam qualitatis experientem
essentiam, materiam; efficiens autem rationem, quae in ipsa
est, sive Deum. Et huc respexit Epidectus, cum dixerit
 ὑπὸ φύσεως γινῆθαι τὸν κόσμον *Mundum esse à Natura procreatum.*
 Sed peregre regie quidem Orpheus in Argonaut. Sic cecinit

*V. Stob. eccl.
 phys. l. 1. c. 22*

Οὐρανὸς σὺν τῷ παντὶ Διὸς πάλιν ἀπὸς ἐπύχθη,
 Αἰθέρις αἰρήνης, ἡδ' ἕρπυ ἀγλαὰν ὕλην,
 Πόντος τ' ἀπρυγέτω γαίης τ' ἐρηλύδατος ἕρπυ,
 Ωκεανὸς τε μέγας καὶ πάντα τάρταρος γαίης,
 Καὶ ποταμοὶ καὶ πῦντος ἀπείρατος, αἰὶα τε πάντα,
 Πάντες τ' ἀθάνατοι, μέγας θεοὶ, ἡδ' ὁ βίαιος
 Ὅσα τ' ἔν γαῖᾳ καὶ ὑπερὶ ὅσα ἑτέλλαν
 Ἰχθυόων, ζῶνδ' δ' ἐν γαστέρι σείεισσι τέκναι.

*Itaque una cum toto intra Jovem olim compacta erant,
 Aether immensus, & caeli splendida sublimitas,
 Pontique obscuri, terraque contentiosa inventio,
 Oceanusque magnus, & recondita tartara terra,
 Et fluvii, & mare immensum, ceteraque omnia,
 Omnesque mortales, beati Dii, Deaque,
 Quaeque fuerunt, & quae postea futura sunt,
 Jovis autem in ventre compages enata erat.*

Nec aliena est fabula, quā Apollo i. e. Sol ex Jove, spiritu
 nempe omnium opifice, & Latonā, Universi scilicet materiā
 natus fingitur, quatenus spiritum, ignemve artificiosum ex
 Materiae massā Solem condidisse censuerunt. Quin & eum
 rerum omnium parentem esse perhibent, veluti de Jove
 Phurnutus. *Jupiter pater esse dicitur & Deorum & hominum,*
et quod Mundi natura (quam mox supra Jovem esse ex-

De civit. Dei
l. 7. c. 16.

De errore
profan. relig.

De dogmat.
Plat.
In Zenone.

pedierat) horum substantia sit causa, non secus atque patres
gignunt suos filios. Quo facit D. Augustinus. Et hoc utique
totum refertur ad mundum i. e. ad Fovem, qui propterea dictus
est progenitor, genetrixque, quod omnia semina ex se emitteret,
& in se reciperet, Atque exinde spiritum seu vim per Univer-
sum diffusam approbatur esse voluerunt. Quod & De Persis
ac Magis Jul. Firmicus memorat. Hi (inquit) Fovem in
duas dividunt potestates, naturam ejus ad utriusq; sexus
transferentes, &c. Quin insuper Prometheum, qui et terra
humanum genus finxisse celebratur, communiter mundi ani-
mum esse interpretantur, Considerandum (inquit Phurnutus)
Prometheum esse dominium animarum rerum universalium insitum,
sui recentiores nomen indidere Providentia, Nam per hanc
cum alia omnia tum è terra idoneè ad id disposita confecti sunt
ab orbe condito homines. Quo ritu alias fabulas interpretari
pergit. Sic Panem, inquit, qui nihil aliud est, quàm universa
rerum natura, lascivum ac in Venerem proVectum inducunt,
quod illi naturalis seminis adsit copia, atque eorum, quæ per
congressum ex iis nascuntur. Et paulò post Est fortassis hic
etiam Priapus, quod omnia in lucem producat. Ac mox Puden-
dorum magnitudo uberem in eis vim seminalem significat. Sed
quam sinu gestat omnium fructuum miscellaneam, significat
copiam fructuum in sinu terra sub tempore nascentium ac
prodeuntium. Et ejusmodi reliqua. Vulgare denique est
Mundi animam fontem animarum omnium esse uti loquitur
Apuleius, ut & de Stoicis Laetius *ἡ δὲ ἀνὴρ τοῦ κόσμου*
ἐμψυχὸν ὅ, ὡς δὴ καὶ ἐν τῇ φυσικῇ σοφίᾳ, ἐκείνῳ ὅντι ἀπαιτῶνται
Animatum porro esse mundum, liquet ex nostrâ animâ, quæ
particula avulsa est ab illo. Animas autem nostras animæ
mundanæ particulas esse censuerunt, non quasi ita decerpi
crederent, ut ab illâ deinceps omnino separatae maneant, sed
utique potius cum totâ coherere, & ideo duntaxat animam
specialem haberi, quia speciali nexu uni potiusquam alteri
materiæ portioni adhæreat, quâ demum dissolutâ anima ad
propriam

propriam conditionem remittitur, unde interire nō dicitur, sed in totum refundi, quod fortasse dogmatis de animarum immortalitate radix & origo. Unde Plutarch. de animā rationali,

ἐκ ἐξουρίαν ἐκ τοῦ Θεοῦ μὲν οὖν, ἀλλὰ καὶ μετὰ τὸ ἐκ τοῦ Θεοῦ, ἀλλὰ ἐκ τοῦ Θεοῦ, καὶ
 ἵνα αὐτῷ γένηται. Non opus Saluti Dei sed et pars est: neque ab

ἢ αὐτῷ ἵκεται Non opus Solum Dei sed & pars est; neque ab ipso, sed ex ipso nata est. Seneca. Quid est autem, cur non Epiθ. 92.

existimes in eo divini aliquid existere, qui Dei pars est? Et Epictetus Ἀλλ' ἔγωγε μὴ ὅπως εἶναι ἐκδημιόμην, ἀλλ' οὐκ ἀποφασίζω τὸ θεῖον, ἀλλ' ὡς ἂν μὴ οὐδαμῶς ἴσται. *Animæ ita illigatæ & conjunctæ Deo sunt, ut*

particula ejus sint. atque similiter in eum Arrianus Ἀλλὰ τὰ Lib. I. c. 14.

ἐφύλλα μὲν, καὶ τὰ ἡμέτερα σώματα ὅπως ἐκείναισι τοῖς ὄλοις, καὶ συμπίπτουσιν; αἱ ψυχαὶ δ' αἱ ἡμέτεραι ἢ πολλὴν πλεον; ἀλλ' αἱ ψυχὰς μὲν ὅπως εἰσὶν ἐκεί-
νησιν, καὶ συναφῆς τὸ θεῖον, αὐτῇ μύσει ὅσον, καὶ ἀποστασμάτα, &c.

*Cum ergo folia, & corpora nostra sint Universitati devincta,
tantâque societate copulata sint: quanto magis animi nostri?*

An cum animi nostri ita sint devincti Deo, ut particula sint ejus & ab eo quasi avulsa; non omnem eorum motum ut proprium & coherentem animadvertit? Adeo ut spiritum omnem ubicunque diffusum eo modo unum esse, & sibi connexum statuerunt, quomodo unum sunt mundana corpora; quæ omnia adinvicem coherere, unamque compagem conflare arbitrabantur.

Cæterum hic admonere par est veterum plerosque Spiritum mundanum ignem quoque appellasse, quippe vetus omnis Philosophia ^{θεωρεῖν} quoddam divinum universam Naturæ molem vegetare statuebat; & imprimis Heraclitus, quem potissimum in hac re, ut in aliis fere omnibus ^{ἡμεῖς} ^{ἡμεῖς} ^{ἡμεῖς} secuti sunt Stoici: Iste igitur mundum (teste Eusebio) esse docet ^{πῦρ αἰώνιον} ignem semper viventem, quidem Deum definit ^{τὸ αἰώνιον πῦρ αἰὲν} circulantem ignem æternum. Stoici itaque Dei ^{ἰσχύς} definiunt, quod sit ^{ἡ ἀπὸ τοῦ αἰῶνος καὶ τοῦ αἰῶνος} ^{ἡ ἀπὸ τοῦ αἰῶνος καὶ τοῦ αἰῶνος} spiritus igneus intelligensque. Quin & Augustinus, Stoici ignem i.e. corpus unum ex his quatuor elementis, quibus visibilis mundus his constat, & viventem & sapientem & ipsius mundi fa-

Quest. Platon.

Epiθ. 92.

1 *Differz. c. 14.*

Lib. 1. c. 14.

Prapar. l. 13.
c. 13.

Plut. de placit.
l. 1. c. 6.
De civit. l. 8. c. 5.

Athenag. legat. bricatorum, atque omnium quæ sunt in eo, eumque omnino ignem Deum esse putaverunt. *Id est à ἑστία: unde ἄντὶς ἑστιαὶς Jovis* juxta Stoicos nihil aliud, quam fervida natura. Quibus accedit Democritus *ὡς ἔστιν ἐμπνευστὴς ἢ ἢ λόγος ψυχῆς* Mundi animam esse mentem ac Deum igneum dicens, Unde & Servius *Aneid. 6.* Ad Maronis illud *Athereum sensum atque auræ simplicis ignem: Deum sive ignem sensualem πῶς νοεῖν*, per quod quid sit rerum omnium anima ostenditur, & similiter Pletho in Zoroastris Oracula *τὸ ἰδίον πῆρ ἢ ἰδίαν διάνοιαν* proprium ignem esse propriam divinitatem & rursum *πῶς ἢ ἢ θεῖον φῶς* τὸ λόγια πῆρτι ὡς τὸ πῆρτι οὐρανῷ per ignem plerumque hac oracula (Zoroastris) Divinam naturam significant. Et hinc fortè natum protritum istud Hermeticorum effatum. *In Lumine Numen, & in Numine Lumen.* quia mentem universalem spiritum igneum & subinde luminosum per cuncta meabilem esse æstimarunt. Huc facit Diod. Sic. ubi veteres Ægyptios Ignem maximè secundum Solem & Lunam coluisse memorat. ut & quod de priscis Germanis Cæsare traditum est, eos *Deorum numero solos duxisse Solem Vulcanum & Lunam: reliquos ne famâ quidem accepisse:* in quo licèt lapsus fuerit, alii enim alia recensuere Germanorum Numina, tamen hic effici potest Vulcanum *i. e.* Ignem præcipuum locum tenuisse.

Biblioth. l. 1.

De bello gallico lib. 6.

Consequenter autem animæ nostræ substantiam igneam esse autumarunt; utpote quam non modo Dei similem sed Dei partem esse crediderunt. Uide Aristot. 1. de animâ c. 2. *Ἀντικείμενος πῶρ π ἢ θερμὸν φῶς ἢ ψυχὴν ἢ ἢ ἑμῶς ἢ Ἀδύνατον, ἀντικείμενος ἢ ψυχὴν ἢ τὸ παρὶθεν τοῖς ζῴοις ἢ αἵματιν* Democritus animam esse ignem quendam & calorem dicit, similiter & Leucippus, quoniam illi autumant animam esse quod præbet animalibus motum. Atque hinc Stoicorum quidam crediderunt animam non morti superesse, si quis submergatur, aquâ nimirum ignem extingui, uti refert Servius in 1 Aneid. Unde & animæ atque igni communes loquendi formulæ, etenim dicuntur

dicuntur ignes perinde ac animas vivere, & vicissim animantes
extingui perinde ac ignem, flāmas vivas esse, & animas extin-
ctas, quod nempe eodē modo vivat & pereat anima, quo ignis.

Notandum autem eos ignem hunc etiam spiritum, & eun-
dum cum reliquis Philosophis duxisse, unde Stoicis passim de-

finitur *πνεῦμα πυρῶδες spiritus igneus*, spiritum enim præ
tenuitate appellarunt, ignem præ vigore. *Ut Deum ignem cen-*
serent, movit eos (inquit nuperus porticūs antisthes) *quod à ca-*
lore aut igne omnem vigorem & vitam viderent, in ipso etiam
animo nostro acrimoniam & sensum. Sed verò Deum in-

discriminatim appellitant modo ignem, modo spiritum, modo
spiritum igneum, & modò æthera, quem eundum esse cum
veterum Calido testis sit divinus Hippocrates, qui *θερμὸν*

ἀθανάτου & νοεῖν locutus addit *ὁνομαίνει μὲν αὐτὸ δοκῶσιν οἱ πολλοὶ*
αἰθέρα & illud *τὸ θερμὸν* *mibi videntur prisci Philosophi æthera*

vocitasse; unde Stoici vulgò ætherem *θερμὸν τὸ αἶθερ* ardere
deducunt. Jam verò huic igni quicquid divinum est tribu-

erunt; ut Hippoc. *τὸ πῦρ πάντα διὰ πάντας κυβερνᾷ, καὶ τὰ δὲ καὶ ἐμῶνα,*
ignis omnia per universum regit & gubernat hæc & illa. Et a-

libi apertissimè *δοκῶν ὅ μὲν ὁ ἡγεμόν τις θερμὸς, ἀθάνατος ἔστι, καὶ νοεῖν*
πάντα, καὶ ὁρᾶν, καὶ αἰσθῆν, εἰδέναι πάντα, τὰ ὄντα καὶ τὰ μέλλοντα ἑστῶτα

Videtur mihi id, quod calidum sive ignem dicimus, immortale
esse, & intelligere omnia, & videre, & audire, & scire

omnia presentia & futura. Verum abundè perspicuum est
Hippocratem passim in scriptis *τὸ θερμὸν* quicquid Deo *Opt.*

Max. tribuendum est, tribuisse, immortalitatem, iustiti-

tiam, intelligentiam, providentiam, omnium gubernatio-

nem, mundi omniumque in illo animantium efformatio-

nem, &c. Quin & Pacuvius versiculis, qui sæpiusculè Deo ac-

commodantur, solum Stoicorum ignem descripsit

*Quicquid est hoc, omnia animat, fovet, alit,
Augeat, creat, sepelit, recipitque in sese omnia.*

Omniumque

*Lips. phys. Stoic.
l. 1. d. 11. §. 5.*

De princip.

L. 1. de Diat.

De princip.

*Omniumque idem est pater, in idemque eadem,
Qua erunt de integro atque eodem occident.*

Et in oraculis Zoroastro affectis

Εἰς πάντα πῦρ ἐκ δακρυαῶν

Omnia ab uno igne facta sunt.

In Lycophron.

Quò cedit Tzetzis fabula Ἀθνα πρὶ βασιλίδι, τῇ δὲ Βελονίῃ λεγ-
ομένη, θυγατρὶ δὲ Βερντίου ὑπερχύου Ἡρατὸς γαμοῦ μνηστῆς, γυνὴ Εὐρυδόντου.
Minerva Regina cuidam dicta etiam Belonica, Brontei filia,
Vulcanus, cum eam uxorem duxit, permixtus genuit E-
richthonium, quibus symbolicè ostenditur terram ignis sapi-
entis seu artificiosi prolem esse. Cæterum Stoici ignem istum
mundi & omnium quæ in eo sunt conditorem esse ubique
vociferantur, ut Stoicus apud Ciceronem Zeno igitur ita
Naturam definit, ut eam dicat esse ignem artificiosum ad
gignendum progredientem via. Censet enim artis maxime
proprium esse creare & gignere: quodque in operibus nostrarum
artium manus efficiat, id multò artificiosius Naturam efficere,
id est, ut dixi, ignem artificiosum, magistrum artium reli-
quarum. Atque hac quidem ratione omnis Natura artificiosa
est, quòd habet quasi viam quandam & sectam, quam sequatur.
Ipsius vero mundi, qui omnia complexu suo coercet & continet,
natura non artificiosa Solum sed planè artifex, ab eodem Zenone
dicitur consultrix, & provida utilitatum opportunitatumque
omnium. Atque inde Jovem Solum aut ignem, spiritumve
Æthereum generali mundi conflagrationi superesse volunt,
ut Seneca Forem, resolutò mundo, & Diis in unum confusis,
acquiescere sibi. Heraclitus & Hippasus Metapontinus om-
nium perhibuerunt ἀρχὴν τὸ πῦρ, ὅτι ἐκ τούτου τὰ πάντα τέλει δὲ, ὅτι καὶ
ἐκ τούτου ἀναλύεται τὰ πάντα Ignem principium esse, quia ex eo na-
scantur

2 De Nat.
Deor.

Epist. 9.

Plut. de plac.
l. 1. c. 3.

*In tur omnia, & omnium finem, quia in eum omnia reci-
dent. Et Cleanthes omnia peritura: Fovem autem ἑαυτοῖς
πάντα ἑαυτοῖς καὶ μεταβαλεῖν εἰς ἑαυτὸν Adsimilare omnia sibi & in
ipsumvertere. Stoicis placet (inquit Numenius) ἑαυτοῖς
πάντα καὶ μετέδωκεν τῆς τῶς μετέδωκεν, εἰς πῦρ αἰθερώδης ἀκαταμάχτην πάντων
Omnia evanescere & perire post longissima spatia, omnibus in
aetherem ignem resolutis. Dein Laertius ὅς δὲ ἀφ' αὐτοῦ ἐστὶ καὶ
ἀγνοῖται, διημεργὸς ὢν ὁ διακοσμήσας, ἀναλίσκων εἰς ἑαυτὸν ὁ ἄπασιν ἴστων,
καὶ πάντων ὅς ἑαυτῷ γινώσκων. Qui est incorruptibilis & ingenitus, con-
ditor huius mundi, absorbens in se omnem essentiam, rursumque
ex se generans.*

Plut. de
commun. nos.

In Zenone.

In protrepi.

Paran. i.

Stromat. l. 6.
In Plat. Theol.
l. 1. c. 6. j

Cap. 7.

ταυτα.

Quod ad Platonem & Aristotelem spectat, quænam illo-
rum de Diis opinio fuerit, hæcenus ambiguum est, quippe
sibi semper inconstantes modò unâ ratione definiunt, modò
alterâ. Et imprimis Plato Socratis fato perterritus, quicquam
de Deo definire timuit, Socratem enim, quòd palam & li-
berè receptos vulgi ritus, & fabulosa de Diis commenta in-
crepasset, *Areopagus* capitis damnaverat; Cujus fato secta-
tores moniti aut ab omni de Diis sermone abstinuerunt, uti
de Xenophonte tradit Clem. Alexand. apertè de Deo eum
locutum fuisse εἰ μὴ τὸ Σωκράτης ἐδιδόξατο μὴν *nisi Socratis ti-
muisset pharmacum*: aut non nisi caute admodum & involutè
quicquam de Deo statuerunt; ut sanè ambiguum sit num
à Socratis disciplinâ an ab ejus fato profluxerit cauta Pla-
tonis totiusque Academiæ Philosophia; & propterea
Plato ne fabulosa commenta aspernari suspectus esset,
ea scriptis suis ubique inseruit. Uti scribit Justinus eum
*Socratis exemplo perterritum veneni metu variam atque fuca-
tam de Diis instituisse orationem, & veritatem fabularum
involutis obduxisse*; & (quemadmodum loquitur Clem.
Alexand.) *per vulgi linguam locutum fuisse*. Sed & Proclus
ipse monuit Platonem fabulas in Protagorâ inseruisse
ὁ πολιτικὸς ἔργου civilis disciplina causâ. Et Democritus ὁ Πλά-
τωνος

τοια παντα ἔχοντες τὸν θεὸν λόγους ἐπιβολῆς ἢ παλαιῆς φήμης ματέραι
Platonem ubique de Diis sermones sequentem antiquos rumores
effecisse. Atque hinc illius cum inconstantia, tum obscuritas. Ut
quancquam fabulosam omnem Græcorum Theologiam, tan-
quam scœdissimam & indignam, quæ hominum auribus occina-
tur, penitus à suâ republ. arceri voluit, tamen in Timæo iisdem
fabulis fidem haberi oportere statuit, tum quòd Deorum
nepotes, qui majorum suorum res optime noverint, eas tra-
diderant, tum quòd sic leges decreverant, ἐπομῆς τῶ νόμου πει-
τιόν. Unde eum vellicat Velleius Epicurei personam sustinens
apud Ciceronem. Plato in legum libris quid sit omnino Deus
inquiri oportere non censet, tamen in Timæo sine corpore ullo
Deum vult esse. Idem tamen in Timæo & in legibus & Mun-
dum Deum esse & cælum, & astra, & terram, & animos, &
eos quos majorum institutis accipimus: quæ & per se sunt
falsæ perspicue, & inter sese vehementer repugnantia. Quod
& de Platone monuit Eusebius. Πλάτων ὅτι μὲν ἢ οἰκίαν

De Nat. Deor.
 lib. 1.

Πλάτ. l. 2. c. 6

ἀπ' ἑαυτοῦ περὶ αἰσῶν, τοιμητέρον ἀπαρτῶν καὶ θόλας περὶ θεῶν τοιαῦτα
 φερνόντα καὶ λέγειν, διὰ τοῖς παλαιῶς εἰρηται ὅτι ἢ τοῦ νό-
 μους ὑποκολλέται, καὶ δὴν φασὶ τῶν περὶ θεῶν μυθῶν πιστεύειν
Plato si quando suam ipse mentem ac sensum aperiat, tum verò
majori cum libertate prorsus interdicat, quò minus ea, quæ à
veteribus decantata olim fuerant, de Diis impostero sentia-
ntur; ubi autem ad leges sese homo meticolosus accommodat
simul jactatis de Naturâ Deorum fabulis habendam esse fidem
pronunciat. Cæterum de illius obscuritate, cum de Deo
differit nihil attinet dicere, cum sua omnia effata, tam cum de
rebus quibuscunque aliis quàm cum de Deo agitur, allegoriis
& fabulis obvelare affectavit. Nisi quod hoc unicum adver-
tere liceat, librum, qui inscribitur Parmenides, quique ipsius
Procli censura ὅλον καὶ τέλειον ἢ θεολογικὴν εἰσαγωγὴν οἷς ἀνάπτη τοῖς τῷ
Πλάτωνος ἐγασσέ. Univerſum & perfectum theologica scientia
lumen accendit Platonis amatoribus, involuto, ænigma-
tico, obscuro ne dicam ridiculo dicendi genere scriptum esse,

In Platon.
 Theol. l. 1. c. 7.

ut herclè mihi sæpius & attentius perlegenti potius Chaos verborum quàm Philosophi dissertatio videatur.

Caterum ut dicam, quid revera Plato confuerit, Imprimis geminum *Numen*, ut & *mundum* finxisse videtur, Visibile alterum, nempe hunc mundum, alterum intellectuale prioris autorem, unde in Timæo ὁ θεὸς ἀρχαῖος ἅμα καὶ δυνατὸς καὶ αὐταρχὴ καὶ τελευτῶν θεὸν ἐγέννα. *Deus intellectualis & potens Deum sibi sufficientem & perfectissimum genuit* i. e. mundum, latè enim docet mundum hunc undiquaque absolutum esse, quatenus ad Ideam *mundi intellectualis* ipsiusve Dei perfectissimi fieret. Quin & hoc primarium, illud secundarium Numen statuerit, ut scitè Origenes, cum quid Stoici & Platonici super hâc re sentirent, & quo pacto discrepant narrare velit, *Σαρῶς ὃ* inquit *καὶ ὅλον κόσμον λέγουσιν ἰδὲ θεὸν, Ἰπποκρίτοι δὲ καὶ ὡς ἔστιν, ὅς ὃ ἀπὸ Πλάτωνος καὶ δευτέρου.* *Certè totum mundum Deum esse dicunt, Stoici quidem primarium, Platonici vero secundarium.* Plato autem principalem supremumque Deum extra mundi hujus pomæria abegit, & ἐν ἀκρετάτῃ κορυφῇ *supra vertiginem Cæli habitare, extraque Cæli Solisq; vias regnare prædicavit*, ut de eo Justinus, dicit ἐν τῇ πρώτῃ καὶ αὐτοτάτῃ καὶ ἑρμῇ ἀπλανῇ *Θεαίρα τότῃ πρῶτον θεὸν καὶ τὰς ἰδέας ἰδὲ.* *Principem Deum & Ideas esse in primo supremi Cæli eoque immobili orbe.* Unde Martianus Capella ad Platonis mentem canit

Contra Cels.
lib. 5.

Cohort. ad
Gracos.

*Ultramundanum fas est cui cernere Patrem
Et magnum spectare Deum.*

Quemadmodum (uti author est Porphyrius) Oraculum Apollinis interrogatum quomodo Deus sit invocandus, formulæ, quam præscripsit, hoc exordium fecit

Ἀθάνατος, ἀρχὴν, πατὴρ αἰώνιος, μέγα

Κόσμον ἀμφιδέμον ἐπεχέμεν, δέσποτα γούτοις

Ἀθελίοις.

*Immortalis, ineffabilis, pater aterne, Sacrosancte,
Super mundis circumvertentibus invecte, Imperator su-
Cælorum circumvecte.*
(pra dorso)

Et Alibi.

Ἐστὶ ὡς ἑγενία πνεῦς ἀφῆτε αἰθερὸν φλῆξ,

Ζωρὸν θ, παῖτων πρὸν, παῖτων θ ἡ ἀρχὴ.

*Est supra Cælesti igne incorruptibili ardens flamma
Vitalis, omnium fons, omnium quoque principium.*

Quid autem de Deo senserit Aristoteles haud mediocriter ambiguum est, nisi quod perspicuum sit eum Numen summum intra Cœlos alligasse, *ἰσθαιμὸς* inquit

τὸ ἔρατον ἡ ἄνω μέγιστη καλεῖν ἑρῶν, ἐν ᾧ τὸ Θεῖον πᾶν ἰδρῖσται. *Consuevimus ultimum ac supernum corpus appellare Cælum;* in quo totam divinitatem dicimus habitare. Et alibi præcipuum argumentum, quo Cœli immutabilitatem adstruit, inde arcessit, quod Dei locus seu domicilium sit.

πᾶσις ὁ αὐτάτω τὸ θεῖον τόπον ἀποδιδόσσι, ἡ Βάρβαρι ἡ Ἕλληνες, ὅσοι περ ἰδ νομίζουσι Θεός, δηλονότι ὡς τῷ ἀθανάτῳ τὸ ἀθάνατον συντηρηθῆναι: ἀδύνατον δὲ ἄλλως. Omnes eum, qui supremus est, locum Deo tribuunt, & Barbari & Græci, quicunque putant esse Deos, tanquam videlicet immortalis immortale coaptatum sit, impossibile enim altiter. Hanc porro Aristotelis mentem docet Plutarchus.

Ἀριστοτέλης ὁ αὐτάτω Θεόν, εἶδος χρεῖστον ὑποβιβηκῶτα τῇ Θεοῦ τῷ παῖτι. Aristotelès vero Deum supremum aisi esse speciem separatam, quæ insit at globo Universi. Unde Atticus apud Eusebium *Ἀριστοτέλης μὲν καὶ σιλνῆς εἶδος τὸ Θεόν, τὰ λοιπὰ δὲ κόσμου μὴν ἀπὸ γένεσις τὸ*

Θεῖον

De placit. l. 1.

c. 7.

ὅτι οὐρανός. Aristoteles Numen ad lunam usque collocans, reliqua Mundi excludit à providentia. Quod etiam libro de placitis memoratur l. 2. c. 3. Quid autem porro statuerit, hætenus fere omnes ipsius interpretes hæsisse videntur, quod nempe plerumq; secum ipse diffideat, & sibi contradictoria statuat, modò apertissimè Cælum *ὡς ἄνθρωπος* animatum esse statuit, modo ibi *substantias separatas* posuisse videtur, adeo ut ejus interpretibus nulla supersit eum sibi conciliandi via, nisi utrunque agnoscendo nempe in Cœlis esse tum animas *informantes* tum intelligentias *adstantes*: sed utcunque fuerit, indubium est eum passim Cælum non modo animatum, sed & Deum esse statuisse: Quippe in libris de Cœlo sexcentis locis Cælum *ἐμφυλον* esse, & eodem modo quo animalia *ἐν τῷ θεῷ ζῶντες*, &c. expressè asserit. Atque Cælum Deum esse quid disertius dici potuit, quàm quæ legimus lib. 2. de Cœlo cap. 3. *Ἐξέστιν ὁ θεὸς ἂν ἐργον ὦν, ἔνεκα τοῦ ἐργου. θεὸς ὁ ἐνέργεια ἀθανάτος: τὸτο ὃ θεὸς ζῶν αἰσιν. ὡς ἀνάγκη τὰ θεῶν κίνησιν αἰσῶν ὑπερρεῖν, ἐπὶ ὃ ἕκαστος τοῦτο. σῶμα δὲ θεῶν οὐα τὸτο ἐχθὲρ τὸ ἐγκυκλίον σῶμα, ὃ φύσις κινεῖται κύκλῳ αἰετῇ.*

Unumquodque eorum quorum est opus, id est operis causa. Dei vero operatio immortalitas est: hoc autem est perpetua vita. Quare Deo perpetuum inesse motum necesse est. Cum vero Cælum sit tale (est enim corpus Dei) eò corpus habet rotundum, quòd naturà semper in orbem movetur. Quasi planè dixerat necesse est Cælum circumferri, quia ejusmodi motus Deo necessario conveniat. Cui quidem (ut hoc obiter moneam) in hoc dogmate prævisse Zabaiistas primos istos, quoad novimus, Idololatriæ Authores & patronos author est Maimonides, summus autem gradus, inquit, ad quem philosophi (Zabaiistæ) illius temporis in speculatione suâ pervenerunt, fuit, quod existimant Deum esse spiritum sphaera vel orbis cælestis, orbis caelestes & planetas esse corpora, & Deum Opt. Max. esse spiritum illorum; Ideo omnes Zabaiistæ crediderunt antiquitatem mundi, quia cali juxta illos sunt Deus. Et fortè eadem ratione

*More Nevoch.
l. 3. c. 29.*

Cœli æternitatem asseruit Aristoteles: quoties enim libris de cœlo ingeritur, unum & Solum cœlum esse, quod sit *αἰώνιον* & *αἰδώς* ingenitum & sempiternum: His denique postmodum (si fides primævis Ecclesiæ patribus habenda sit) Gnostici, aliiq; Hæretici accesserunt, qui innumeros cœlos fingentes, Omnium Supremum *Deum Opt. Max.* esse autumarunt.

Hactenus quid de Deo statuerit Gentilium philosophorum theologia rudi. fortè & perturbatâ methodo exposuimus; non modò quòd brevis admodum spatii opus fuerit, Sed & quòd præsentis sit instituti potius rem strictum monere, quàm plenè & accuratè pertractare: ætati enim nostræ sat duximus istam monuisse; ita tamen ut in animo sit eandem posthac fusiùs, clarius, & accuratiùs, dislerere,

*Si me fata meis patientur ducere vitam
Arbitriis.*

C A P. III.

Plerumque Gentilium Theologiam Historicam perperam & temerè Sacræ Historiæ accommodari.

Quemadmodum hætenus modestè eos increpare conatus sum, qui omnem Gentilium Theologiam Physicam ad *Deum Opt. Max.* perperam referre seu potius detorquere satagunt; ita porro obiter liceat & alios verecunde reprehendere, quorquot scilicet illorum Theologiâ historicâ ad Sacram Historiam traducendo abutuntur, & quicquid fabularum Græcia commenta est è veritatis fonte exhauriri volunt. Quippe decurrentis jam seculi initio circiter aut superioris excidio inter eruditos vigere cepit aut potius revocari mos vetustiorè Græcanicam Theologiam ad Historiam S. Codice cōprehensam referendi, quasi inde rapaces Græculi pleraque
sua

sua surripuissent, aut saltem quasi ibi extarent omnia primæ
 vestigia. Huic viæ, quantumcunque alii de illius
 inventione seu revocatione sibi plaudant, primus instituisse vide-
 tur *Sandfordius* aut *Parkerus*. Nostrates in eruditiss. libro
 de Descensu Christi ad Inferos, Quem à Sandfordio incho-
 atum absolvit Parkerus. Sed quicunque primus auctor extitit,
 eam postea insigniter nobilitarunt Veneranda *Scaligeri*, *Sel-
 deni*, *Bocharii*, *Grævii*, *Vossii*, aliorumque doctissimorum
 nomina, qui impensissimo studio hujusmodi *Philologia* rati-
 onem adornarunt; inde fit ut si quis inter *Philologia Antislites*
 nomen suum recenseri affectaret, sese protenus accingeret res
Græcicas Hebraicis quoquo modo accommodare. Cujus
 affectationis scabies eo usque indies invalescit, ut nisi liberè
 & maturè cohibeatur, verendum sit ne demum ridicula &
 nugax facta in immensum serpat; etenim sicubi advertatur
 vel fortuita vel longè admodum petita similitudo inter Hebrai-
 cam veritatem, & Græcorum commenta, *εὐρυγ. εὐρυγ.* prote-
 nus conclamatur, quasi nihil in Græciâ reperiri potuit nisi
 ab Hebræis deductum. Quin & non longè impari successu
 alii aliarum Gentium sacra & facinora pariter Hebræorum gestis
 aptare moliti sunt; Veterem Phœniciam & Judæam in suam
 quisque patriam transcribere conatur; Hic in Galliam, in
 Germaniam ille, alter in Britanniam, in Hispaniam alter, adeo
 ut demum *Palæstina* sit totus orbis evasura. Sed verò *Celticam*
Theologiam, quam vocant, *i. e.* veterum Hispanorum, Illy-
 ricorum, Germanorum, Gallorum, Britannorum, &c. missam
 facio, utpote quam à longe & nimis anxie è *Palestinâ* peti-
 tam eruditiores ubique repudiant; & pauca Solùm de Græ-
 canica adnotare pergam, ut brevi ostendam incertam, pre-
 cariam, & prorsus commentitiam esse posse analogiam, quam
 plerisque ad Hebraicam gerere videtur.

I. Imprimis itaque analogia, quam videre sibi videntur, for-
 tuita esse potuit. An non facilè evenire potuit ea Poetas com-
 minisci, quæ aliquo pacto rerum, quas prorsus nesciverant,
 similia.

similia sint? An non Græcorum historia fortuitò cum Hebraicâ quodammodo concinere potuisset? Immo potius vix fieri potuit, quin talis intercederet similitudo, qualem ad Analogiam deducendam arripere solent, uti mox liquebit. Hinc facile est analogiam eruere, ubi nulla antea designata fuit. Ita primos fabularum inventores mythologicam Philosophiam sub illis non designavisse tum alibi subinnuimus tum acriter contendunt *Viri Docti*, adversus quos jam disputatur & tamē quàm mirabili concinnitate eas rebus physicis accommodant *Mythologi*, neq; minùs accuratè cum iis quàm cum sacrâ historiâ quadrare videntur: exemplo sit Saturni fabula. Hunc Coelum genitorem executisse & filio Jove executum fuisse fabulantur Poetæ, *inquiunt Mythologi*, quoniam Saturni sphaera Coeli influentiam, quæ vis illius seminalis videtur, excipit, & deorsum demittit; & sic pariter Jupiter Saturni influentias:

Porphyr. de
antro Nymph.

Cic. de N. D. l. 2

Porphyr. de
antro Nymph.

τὰς δὲ δυνάμεις αὐτῶν ἀποκαταστήσας καὶ τὰς δὲ ἀπὸ τοῦ Κρόνου τῶν
quoniam virtutes Caeli generatrices Saturnus. Saturni deinde
Jupiter excipit. Natos commesse fingitur, quia consumit aetas
temporum spatia inquit Stoicus. Bella adversus Coelum
gessit, quoniam αἰὲρ τοῦ ἀνθρώπου τὸ ἕκαστον ἐκείνῳ τῷ, καὶ
τὸ τῷ Κρόνῳ Saturnus ejusque orbis primus est eorum, qui contra
Cælum moventur. Vincit a Jove, quoniam Jovis
sphaera illius cursus intra propriam sphaeram coercet. Fœdus
iniit cum Titano (quo Sol designatur) ut natos omnes devoraret,
quo innuitur tempus cum Sole conspiravisse, ut omnia, quæ nascuntur,
ad interitum redirent, & demum in principia sua interirent. Quòd
saxum evomuerit, quid aliud innuit, quàm Naturam è demortuis res
alias demum conficere: & tandem fingitur à Jove (qui illius immanitatem
evaserat) in Tartarum præcipitari, quoniam sublimia & Coelestia,
utputa ab omni mutatione immunia, vim temporis effugiunt, eamq;
ad inferiora mutationi scilicet obnoxia demittunt; Alia hujusmodi
videtis apud Porphyrum de An-

no Nympharum. Ex his satis videre est quam facile sit ex re qualibet argutas & jucundas analogias exculpere. Insuper prætereo cæteras accommodationes quas mire traxere *Astrologi, Ethici, Chymici* ad suam quisque disciplinam, quæ cum accuratæ satis videantur, ex quibus quid sequatur, si taceam res ipsa loquitur, ingenii acumen analogiam eruere posse, ubi non inveniat? Mirum tamen voluptati semper fuisse eruditis ingeniose nugari! Ita porro veterum nonnulli in Noachi ebrietate mortem Christi symbolicas præsignatam fuisse nugantur; & *Vinum, Chamum, Faphetum, Vestimentum*, quàm optimè ad *Crucem, Fudeos, Gentes, Sacramenta* accommodari arbitrantur: Et quantâ ostentatione Kercherus iste ænigmatum, utut sese *Oedipum* jactat, revera *Davus*, ex Ægyptiorum Hieroglyphicis totius Christianismi mysteria exculpisse gloriatur. Quid quod ad alias quascunq; historias pari similitudine atq; ad Sacras prædictæ Græcorum fabulæ accommodari possent, Sic *Ch. Bochartus* de Saturno fabulas ad Noam reduxit, quæ quidem accommodatio tamen si præ aliis verisimilior sit, tamen aliæ ad res admodum alienas neque magis coactæ aut incongruæ effingi possent, v. g. Si Saturnum cum Guilielmo Normanico seu Conquæstore dicto, orbis Brittannici devictore (à quo vulgò recensetur Regum nostratium series) componamus, suppar faciliè cum illâ *Bocharti* prodibit analogia. Ut Quòd Saturnus Oceano ortus dicatur, perinde de *Guilielmo* explicari licet, qui huc classè transvectus è mari, ut olim Argonautæ, emerfisse videbatur, ac de *Noâ*, qui è diluvio evaserat. Ut Saturnus Terræ maritus habetur, quoniam Noah vir Terræ dicebatur: sic quoniam Guilielmus Haroldo filiolum desponsaverat, sub conditione ut terrâ Britannicâ potiretur: at seculis longè submotis factâ Patris & filii Metatthesi Guilielmum pro Haroldo posuerunt, atque ita istum hujus natam duxisse Solùm terræ Britannicæ potiundæ causâ, unde in diverbium abire potuit

eum.

De Idol. l. 1.
c. 18.

De gestis Reg.
Angl. l. 3.

eum terram Britannicam desponsavisse. *Neque mirum est* (Vossiana verba agnosce) *si in seculis tam longè remotis antiquitas patris & filii nomina confuderit* ; Mihi autem liceat suâ ipsorum licentiâ uti : quippe crebrò in suis analogiis filium pro patre commutant, vicissimq; pro filio patrem ; nepotes itidem pro avis, & avos rursus pro nepotibus. Patrem Saturnus devicit & imperio abrogavit, sic Guilielmus Haroldum (cujus ob filiam ei desponsatam filius credebatur :) Patrem ebrietate oppressum devicit Saturnus, nempe quoniam Haroldi milites noctem ante prælium insomnem vino ingurgitando ducentes imparati prælium consenuerant, & subinde victoriâ exciderant. Justitiâ celebris Saturnus, Guilielmus quoque tantoperè justitiam coluisse dicitur, ut puellæ cuivis manu loculos auro plenos portanti liceret per totius regni ambitum latronum securæ itinerari. Saturno imperante aurea effluxit ætas, quia Guilielmi ætate facta ab Historiographis ingentis auri copię mentio, *tanta erat ut nostri seculi estimationem superaret fulvi aggeries metalli* inquit Malmsburienfis, aut quòd de eo dicatur, quòd provincias suas *pecuniâ emulgeret*, id enim vocabulum propriè sumptum fabulæ de aureâ ætate ansam præbere potuit. Quemadmodum Saturni uxor ab eo Jovem subduxisse perhibetur ; ita Matildis Gulielmi uxor filio Roberto, quem subigere moliebatur Gulielmus, suppetias tulisse fertur. Filius ejus Robertus modo pro patre bella gessit, modò in eum vexilla sustulit, & prælio quodam Gulielmi patris equum confodit, ab eoque illum dejecit ; sic Jupiter nunc pro patre adversus Titanas stare, nunc in patrem pugnare fertur. Adjice quòd Guilielmus dum bellum gereret in Philippum Regem Galliæ, quem filius suus Robertus adversus se excitaverat, forte præruptam fossam sonipes transfiliens, ventrem inferiorem parte sellæ eminente sauciaret, ex quo vulnere postea mortuus ; & hinc fabula Jovem Saturnum castravisse, regno depulisse, & in Infernum detrussisse. In Philippum Galliæ regem pugnans cum diu æger

æger Rotomagi commoraretur, Philippus in eum (quoniam præ obæsitate protuberaret venter) joculari fertur, quòd scilicet gravidus more scæminarum parturientium cubili hæreret, seque mirari quando tandem esset pariturus, hinc verisimilis fatis fabulæ locus de Minervâ è patre procreatâ: & hujusmodi reliqua. Aliquantò fortasse accuratiùs accommodatur *Cl. Bocharti* comparatio, industriâ enim summâ, vel minimum, quicquid potuit, exsculpsit. Cæterùm haud dubito si plures Guilielmi Historiæ Scriptores percurrerem, si altiùs de illius gestis meditarer, si in linguas Saxonicam, Gallicam, Normanicam, Wallicam disquirerem, ut inde analogias expiscarer, quin parem similitudinem in eâ, ac in *Bocharti* accommodatione reperitur, explicarem. Neque quidem hoc specimine usus sum, quòd aliis accommodatius videretur, sed quoniam in familiari hac de re sermone fortè & ultrò mihi excidisse memini: Neque enim ineptius Saturnum in Julio Cæsare contuemur, cui nempe (ut reliqua omnia præteream) à filio victo, quod innuit decantatum istud *ἡν πνυθ*, saccesserunt tres nati, in imperio nimirum hæredes, quorum alter occisus Orco, ut olim Pluto, demittitur, alter Antonius nempe ad Oceanum classe aufugit, qui exinde Neptunus evasit, Augustus autem quoties tanquam Jupiter *Terra Cælique Dominus* audit? Cum autem fabulæ de Saturni filiis tria mundi imperia inter se partientibus historiam trium Noë filiorum occasionem dedisse dicitur, an non multo verisimilius à Græcanicâ historiâ valdè temporis decursu ampliata oriri videatur, scil. quòd in divisione paterni Imperii Jovi contigisset regio Orientalis, in quâ mons Olympus, Neptuno regio maritima, Plutoni Occidentalis, hinc subsequentibus seculis fabulæ locus, Jovem Cœlo, Neptunum Oceano, Plutonem Inferno præesse? Et facile quidem opinor Poetas fabulas omnes de rebus propriæ gentis confinxisse, & non aliunde pro iis materiam petiisse, Non enim probabile est ut missis propriæ nationis rebus gestis, aliena adaugerent.

Cæterum ut revertar, quàm facilis negotiū foret non modo diversarum gentium historias sed & ipsas fabulas pari concinnitate ad invicem adaptare! quàm bellè conveniunt Davidis cum Philistæo pugna, & M. Valerii cum Gallo, quomodo describitur Livio l.7.c.26. Val. Maximo l.3.c.2. Sic porro Hercules & Bacchus quanquam diversi habeantur, tamen quàm mirificè consociantur in Antipatris quodam Epigrammate

Ἀμφοτέρωσι Θήβησιν, καὶ ἀμφοτέρωσι πολεμικῶν

Ἐκ Ζηνὸς· οὐρσῶ δειρὸς ὁ καὶ ῥοπαλῶ,

Ἀμείν· ὃ σῆλαι συντίμωτες ἑκάλα δ' ὄπλα,

Νεβρὲς λείοντ' ἡ κύμβαλα καὶ πλατύη,

Ἡρὴ δ' ἀμφοτέρωσι χαλεπὴ θεὸς εἰ δ' ἀπὸ γαῖης.

Ἡλθ' ἐς ἀθανάτους ἐκ πυρὸς ἀμφοτέρωσι.

Vertit Athanas. Kircherus

Ambo Thebani, gnati Fovis, ambo strategis,

Hic clavâ gaudens, Thyrsiger alter ovat.

Ambo triumphantes variis armisque, columnisque,

Hic cervi exuvias ille leonis habet.

Utrique ara crepant, Juno grave Numen utrique,

E terra ad superos ignis utrumq; tulit.

Fortuitæ autem hujus analogiæ aliud argumentum esse potest, quod diversi diversis modis analogias instituant, hic ad unam narrationem, ille ad alteram refert. v. g. Saturnum ad Noam referunt alii, alii ad Adamum, alii ad Abrahamum, unde quid justius effici par est, quàm similitudinem Saturni ad singulos prorsus esse fortuitam? quippe inde liquet Noam & Adamum fortuitò similes extitisse, quidni igitur Noah & Saturnus? Hinc Porro eadem viâ aggressus est Doctiss. Dickensonus

kenfonus Josuam ad Apollinem aptare, quâ *Cl. Vossius* Delph. Phe-
eundem in Herculem transformare conatus est. Sic Noam nicif. de idol.
cum Saturno, cum Baccho, cum Jano, Deucalione, Pro- l. 1. c. 26.
metheo, Osire (& quo non?) concinere autumant, Janus
idem ac Noe, ac Japhet, ac Javan esse perhibetur. Bacchus
tum ad Mosem, tum ad Noam refertur. In Plutone Semum
cultum fuisse contendit Bochartus, Vossius autem è contra
Chamum: Quibus innumera ejusmodi nullo negotio adjicere
liceret, è quibus satis constat nullam hisce analogiis inesse
certitudinem, sed incertas esse omnes & planè ambiguas, &
quales in quamlibet partem verti, & ad quodlibet ferè pariter
accommodari possent.

2. Adeo infinitæ est varietatis Græcorum de Diis &
Heroibus historia, ut impossibile ferè sit, quin aliquid in quâ-
que narratione facile erui possit, quod ad historias quascunq;
alias analogiam gerat: scilicet imprimis varia multorum faci-
nora in unam aliquam personam aut nomen congefserunt, ita
ex multiplici historia una pertextentes; Sic Saturni nomen
quàm plurimis olim commune erat, ut libro de æquivocis,
qui Zenophontis nomen præ se fert, perhibetur Saturnos
cognominari quotquot urbium extiterunt extructores; quo-
rum omnium variæ historiæ in unam conflata, non possent,
quin maximam rerum gestarum varietatem exhiberent, adeo
ut cuique quodammodo accommodari posset tam varia histo-
ria, imo vix fieri potest, quin multa haberet, quæ cuique
urbis aut gentis Conditori facile conveniant. Quod & de
aliis omnibus dicendum est, sic Reges omnes, qui cæteris
dignitate & potentiâ antistarent Jovis nomine gaudebant, imò
Δίας οἱ παλαιοὶ πάντες ἐξέλεον τῶν βασιλέων inquit Isæcius. Sic
porro ab uno Hercule robusti omnes Hercules appellantur, à
Mercurio quotquot facundia eximii fuere Mercurii dicti sunt,
à Marte Martis cognomine insigniti sunt Duces & fortiores
quique Milites, quemadmodum ab uno *Julio* Imperatores
Romani tanquam in nominis auspiciis *Cæsares* appellantur;

hinc de pluribus sub eodem nomine toties legimus, ut de Hercule Ægyptio Gignone vel Gigone dicto, Argivo, Tyrio, Cretico, Thebano, Indico, & aliis ad numerum 44. quos recenset Varro : de Jove Ægyptio, Arcadico, Cretensi, Atheniensi, aliisque. Varrone enim *trecenti Foves* enumerantur : De Sole altero Ægypto nato, altero Rhodi, altero Colchide : De Vulcano Atheniensi, Ægyptio, Lemnio : De Mercurio uno Cœlo patre & Die matre nato, altero Valentis & Phoronidis filio, tertio Jovis Tertii & Maiæ Nymphæ nato, quarto qui Nilo patre natus est quinto Thoith ab Ægyptiis appellato, quem colunt Pheneatæ : De Apolline Atheniensi, Cretensi, Arcadico, &c. De Marte Thracio, Gretico, Germanico, Latino, Assyrio, de tribus (ne omnia prosequar) Dianis, quinque Bacchis, quinque Minervis, & similiter de reliquis : Jam vero omnia tot Heroum facinora in unum aliquem congesta tantam varietatem exhiberent ut cuius nullo negotio aptari queant.

In Messeniâ.

Accedit quod Græci narrationes aliquas, quibus deinceps alias suæ gentis intertexerent, ab exteris nationibus suffurati fuerint ; quod & ipsæ etiam mutua inter se latrocinia exercuerint ; Egypti à Chaldæis & Phœnicibus ea surripientes, Chaldæi à Phœnicibus & Egyptiis, & deinceps Phœnices fortè ab utrisque, quæ rebus gestis propriæ gentis apponerent. Hinc viri egregii omnes fere omnium fuere gentium, ut de Jove refert Pausanias, quod arduum foret gentes singulas recensere, quæ Jovem apud se natum glorarentur. Quin & in ipsis Græciæ angustis Rebuspub. quæque peculiare Deos & Heroes sibi afferebat, quibus omnia aliorum gesta adscriberent, Argivi, Sycionii, Arcades, Lacedæmonii, Athenienses, omnesq; vicinæ insulæ, & quæque pœne Græciæ civitas. His postmodum accedentes Poetæ non modo veritatem Historicam temeravere, sed etiam fabularum immensam colluviem adfinxerunt, quâ Demum invalescente cacoethiâ quisque pro ingenio aut libidine nova subinde

subinde portenta adjecit, usque dum in immensum excreverant: quos exceperunt Philosophi, qui historicorum narrationes & Poetarum fabellas in unum permistas pari licentiâ mystico, symbolicoque sensu de Rebus Physicis interpretati sunt: & mortaliū vocamina ad naturalia accommodavere:

sic quinque Heroes Soles cognominatos memorat Cicero,

De N. D. l. 3.

quorum postea gesta omnia Soli Naturali attributa fuerant. Sic *Jupiter Aetheri, quem coluit, avi Urani cognomen, & terra avia Telluris indidit*, quod refert Ennius in La-

L. l. c. 11. & 22

stantio. Quod similiter de Phœnicibus tradit Philo Biblius

Ἐκατέρωτ' ἀπὸ τοῦ ἑσπερίου βασιλέων τοῖς κοσμοῖς στεφάνοις τὰς ἀνομήτας ἐπέθεσαν. Cum autem quæ historicè, quæ fabulosè, quæ my-

sticè dicta sunt, in unum confudissent alii, veritatem ipsum penitus oblitterarunt, adeo ut nihil de illis certi statuere liceat. Quippe Poetæ, quotquot, posteaquam Philosophis captum est fabulas mysticè interpretari, vixerunt, omnia adhuc foedius corruperunt, rerum enim omnium omnes facultates perinde ad fabulas traducebant, ac Philosophi prius fabulas ad illarum analogiam traduxerant, ita ex ratione Physicâ ingens statim nascitur fabularum seges, rerum enim proprietates multiplicem iis materiam facile suppeditarent: sic cum semel Junonis Nomini Aërem subesse voluissent Philosophi, Poetæ statim quicquid Aëri competeat de Junone fabulari ceperunt. Atque ita demum historias multiplices ad invicem confundendo, historias fabulis interpolando, utraque Philosophiā commiscendo, & huic farragini novas subinde fabulas inducendo, novisque tandem mythologiis omnia in-crustando, ita omnia temeravere, ut nullus restet locus conjectandi, quid, unde, à quibus quodque acceptum sit. Cum itaque usque adeo multicolor & variegata sit Gentilium Theologia, sive de Diis ac Heroibus Historia, vix fieri possit quinculibet Historiæ convenientiam gerat. Quis istâ conditione

ὅς τις τ' εἴη qui mortalis sit ex Heroum numero non fuerit? Facile convenient & in unum coalescent, quæ

ἡ δὲ δὴ

μῆτον dissonant, neq; modo simia nobis quàm similis erit, sed & quicquid ἰδοι Διμήτερος ἀνὴρ *commedat cerealia dona*. Quis gentis cuiusvis conditor, quin Saturnus fuerit? Quis regum, qui Jupiter non evaserit? & pariter de cœteris.

3. Perexiguas quærunt & arripiunt analogias, quales in quibuscumque investigari queant, nedum in narrationibus, in quibus tanta rerum varietas; quin & omnem movent lapidem ut similitudinem aliquam aut eruant, aut faciant, & totidem vias indagandi analogias instituunt, ut fere res nullæ tantoperè dissimiles sint, quin istis viis tales analogias facillè indagaveris. Veluti si quidpiam in quovis scriptorum genere, sive Poetæ, sive Historici, sive Mythologi sint, reperiant, quod rei cuius in *Sacrâ Scripturâ* memoratæ quoquo modo simile sit, extemplo ex eâ re delumptum fuisse efficiunt; atqui vero cum tam diversa diversi scriptores memorent, ut nempe alia Poetæ, alia Historici, alia Mythologi; imo cum poetarum quique peculiare quiddam fabuletur, varii historiographi varia memorent, & Mythologi abinvicem recedant, pene impossibile erit quin in unâ historiâ ex tot tamque diversis constat nonnulla occurrant, quæ aliqualem non modo cum Sancti codicis veritate, verum etiam cum quâvis aliâ historiâ analogiam præ se ferre videantur. v. g. de Saturno alia produnt Phœnices, alia Ægyptii, alia Græci, alia Latini, aliud Sancho niathon, aliud Diod. Siculus, aliud Hesiodus, aliud Orpheus, alia alii; verum in tam variâ & multiplici historiâ multa reperiri necesse est, quæ aliquem concentum cum aliqua Sacræ Scripturæ narratione habeant; Sic quòd Saturnus ab aliis Oceano & Ope Satus esse perhibeatur, cum Noâ, qui è diluvio emerfit, convenire creditur; quòd autem ab aliis Cœlo patre & Tellure matre pronasci memoretur, inde cum Adamo, quem Deus è Terrâ efformavit, convenire colligitur. Immo porro si quicquam ex Authore quoquam recentiore afferre possunt, etiamsi prorsus incertum & incompertum esse norunt, tamen ad analogiam adstruendam arripiunt.

Sic

Hoc Bochartus
Phalæg. l. i. c. 2.

Hoc Vossius de
Idol. l. i. c. 18.

Sic Illustriss. Vossius, quoniam Genebrardus in Chronicis, & Lipomanes in catenâ Naamam Lamechi filiam Mose memoratam *Genes. c. 4.* lanificium ac texturam reperisse tradunt, inde colligit eam eandem cum Minervâ fuisse. At verò *Vir Doctiss.* non potuit non advertere Genebrardi narrationem nullius prorsus momenti esse, sed incertam immò commentitiam, cum idem ante eum nemo tradidit, at id quod ævo antediluviano gestum fuerat quî Genebrardo innotescere potuit, qui totidem pòst seculis vixerit, si à nullo acceperit authore? à nullo autem accipere potuit, solus enim Moyse res antediluvianas prodidit, in ipso autem nihil tale quidquam reperire est. Sic perperam crebrò afferuntur Julii Materni & Rufini testimonia, quibus adstruatur Apim Ægyptium fuisse Josephi Patriarchæ symbolum. Deinde circuitu sæpissimè utuntur, ut demum analogiam eruant, sic quoniam Herculem & Apollinem eundem esse Macrobio adstruitur; Hercules autem facinora quadantenus iis similia, quæ Josuam gessisse refert Sacra historia, hinc demum colligitur eundem quoque esse Josuam & Apollinem. Et porro unam fabulam è plurium narrationum fragmentis consuunt, & eandem Personam variè ob varia gesta accommodant: Sic de Apolline fabulas ab Hebræis desumptas esse cōjectatur, quoniam Ἀπόλλων paris sit valoris cum Hebraico דָּם *damon*, quod nimirum à דָּם *destruere* nascitur, eundemque fuisse tum cum Jabal primo Musicæ auctore, quoniam musicæ præsidere fingebatur, tum cum Jacobo, qui utique Labanis oves pascebat, sicut Apollo Admeti. Neque solum ex rerum sed & è vocum similitudine analogias sæpissimè expiscari solent, ut ex vōcum simili significatione, sive ἰσοδυναμία, sic Neptunum eundem cum Japheto Noë filio fuisse colligunt, quia Περσίδων Neptuni scil. cognomen, & Japhet sint synonyma, utrumque nempe *latitudinem* designat; sicque Venerem eandem cum Naamâ Lamechi filiâ, quoniam Naama perinde ac Venus venustam notat. Neque solum è nominum ἰσοδυναμία analogias

De Idolol.
l. 1. c. 17.

Eickinson
Delpb. Phanis.
cap. 4.

Béchart. Phal.
l. 1. c. 1.

Vossius de Idolol.
l. 1. c. 17.

gias extorquent, sed etiam satis est si vox aliqua ad accidentale & extrinsecum cuiuspiam Personæ opus pertrahi possit.

Vossius Ib. c. 18. Sic Saturnus idem cum Adamo habetur, quia *Satar* Hebræis *latere* notat; Adamus autem Nuditatis pudore à facie Domini se abscondebat *Gen. 3. 10.* Sic Janum Noam fuisse volunt, quia Jani vocabulum vicinum est vocalæ *ו* quod vinum sonat, cujus princeps inventor Noe perhibetur. Sic denique Prometheum Noam esse hariolantur, quoniam eum sonat, qui ante malum sapit, qualis Noah fuit, qui divinitus edoctus diluvium prævidit. Tum deinceps è vocum vicinitate, sic Bochartus Japhet à *יפת* deducit, quod in conjugatione Niphal fit *יפתה* unde Neptuni nomen. An non longè propius esset frigidum istud etymon, quo Neptunus à *nando* deducitur? Et sanè hâc ratione voces admodum dissimiles ab eâdem trahunt, & eandem vicissim à valde dissimilibus tandem conficiunt: Sic Bacchi nomen à voce *בכ* seu Noacho trahunt nonnulli, alii à *כוש* i. e. *filius Chushi*, nempe Nimrod, alii à *יה* seu *יהוה*. Immanis quanta discrepantia inter Nach, Bar Chush, & Jah! & tamen singulis similem esse Bacchi vocem somniatur. Et passim quidem exiguum admodum vocum similitudinem arripiunt. Sic *Δις* antiquitus apud Græcos supremi Dei vocabulum, cujus vestigium in genitivo *Διός* invenire est, à voce *שד* *Schadai*, quæ Dei omnipotentiam significat, derivari autumant; quantilla similitudo! Sic *זיז* vox Siriaca est possem vel limen significans, unde per *אֵלֶּיֶם* Xisuthrus Noæ cognomen; qui tanquam limen vel janua i. e. primordium omnium, qui ab diluvio fuere, ut ex B. Cyrillo Vossius. Quinetiam è suspitione aut sphalmatis graphici, aut erroris qui à vocum Hebraicarum aut idiomate aut ambiguitate oriri potuit, analogias venantur, sic quod Noe *אִישׁ הַדְּמָה* dicatur, quod cum hebraicè Agricolam denotet, propriè tamen & ad verbum sonat *אִישׁ הַדְּמָה* *vir seu maritus terra*, hinc protenus ansam fabulæ datam esse, quâ fingitur Saturnum Rheæ

*De Idol. l. 1.
c. 18.*

Rhet̃ i. e. Terræ nup̃sisse, autumant. Aliisq̃ue hujusmodi innumeris ambagibus utuntur, si verò ista omnia liceat, quàm facile erit quidlibet cuilibet accommodare, nulli erunt mortalium tam dissimiles, quin aliquâ ratione similitudinem ad invicem habeant.

Prædicta autem non ita accipi velim, quasi consilium Græca Hebræis accommodandi penitus aspernarer, sed solum ei modum & rationem adhiberi velim: Quod enim Cicero de rebus, idipsum de fabulis sentio. *Non enim sumus ii, quibus nihil verum esse videatur: sed ii, qui omnibus veris falsa quedam adjuncta esse dicamus, tanta similitudine ut in iis nulla insit certa judicandi & assentiendi nota.* Neque cum Lucilio dicam

De N. D. l. i.

Sunt ea

Pergula pictorum, veri nihil, omnia falsa.

Quippe planè scio nonnullas Græcorum historias egregiam lucem à scripturis mutuari, & in iis fere cujusque antiquioris monumenti vestigia deprehendi. Cui quidem disquisitioni ritè instituendæ quæ leges & regulæ adhibendæ sint, neque hujus loci est, neque meæ facultatis assignare; penitus enim in Antiquitatis monumenta penetrare, & illius rudera diligentius versare oportet, quàm mihi per ætatem licuit, priusquam ejusmodi canones sancire liceat. Ut ut tamen nollem omnes Græcanicæ vetustatis reliquias indiscriminatim in sacram historiam refundi, nollem omnia analogiæ eruendæ susque deque verti. Ad quod congruenter id præsentis instituti præstare volui, ut explicarem non omnem narrationum similitudinem ne quidem probabiliter arguere alteram ab alterâ desumi; & proinde similitudinem, quam narrationes Græcanicæ cum Hebraicis gerere videntur, nullum esse indicium illas ex his depromptas fuisse: Ut obviam iis eatur, qui sicubi similitudinem qualemcunque, & per

multas fortè ambages deductam exsculpere seu comminisci valeant, sibi plaudunt, quasi denuo vetustatis aliquod monumentum eruerant, & qui denique eò industriam omnem vertunt, ut analogicas rationes nare venatico odorentur. In hanc rem infinita alia adferre facile liceret, sed non expedit sermonem penè institutum nimium protrahere. Hæc itaq; monuisse sufficiat.

C A P. IV.

De Substantiâ & Essentiâ Divinâ.

*Cic. l. de Nat.
Deor.*

In Timæo.

PAssim celebratur Simonidis responsum, qui scilicet Tyranno Hierone interrogatus quidnam aut qualis esset Deus, unum sibi diem postulavit: cum idem ex eo postridie quæreretur, biduum petiit: & cum sæpius duplicaret numerum dierum, admiransque Hiero, cur ita faceret: quia quanto inquit diutius confidero, tanto mihi res videtur obscurior: Ut & Platonis effatum, *ἡ ἀπὸ μόνου καὶ παλίου τοῦ θεοῦ οὐκ ἐστὶν ἐκπεύουσα ἡ φύσις, καὶ τὸ ἐκπεύου καὶ τὸ παλίου ἀδύνατον διγνῆναι. Ὁπότερον Γενιτοῦ καὶ τοῦ ὅλου τὸν ἀνὴρα τοῦτο ἐστὶν ἐκπεύου καὶ τὸ παλίου ἀδύνατον διγνῆναι. Ὁπότερον Γενιτοῦ καὶ τοῦ ὅλου τὸν ἀνὴρα τοῦτο ἐστὶν ἐκπεύου καὶ τὸ παλίου ἀδύνατον διγνῆναι.* *Opificem Genitoremque Universi tam invenire difficile, quàm inventum impossibile dignè profari.* Atque adeo quidem omnes suæ ignorantiae in iis, quæ Dei essentiam attinent, conscii fuere, ut præter perpaucos admodum jactabundos & male sanos Platonicos, Soli per omnia secula *Anomei* Eunomii sectatores circa annum Domini 358 extiterunt, qui essentiae Divinæ intelligentiam sibi arrogarent. Hos vero (Teste S. Chrysostomo, qui contra illos quinque homilias scripsit) non puduit palàm jactitare perinde ipsis Dei naturam perspectam esse, ac sit ipse sibi. Verum enim vero si aut seipsos aut Deum omnino cognitum habuissent, facile agnoverant immensum quantum tenuitatem facultatis finitæ superat
Dei

Dei infinitudo. Horum vero arrogantiam abunde retulerunt prisca patres, potissimum Chrysostomus, Basilius, & Gregor. Nyssenus: quos adeat, si quis operæ pretium existimet: equidem mihi non tanti videtur, ut in illis refellendis defudarem, nisi fortè id fiat digitum ad fontes ignorantia nostræ circa Divina intendendo: à triplici nempe fonte exoriri videtur.

1. Ab Immensitate Majestatis Divinæ. Ecquid pulvis & cinis, ut supremam infinitamque Majestatem exploret? Ecquis homuncio ut Deum contempletur? Ecquidem parum immensa Numinis majestas, si modulo rationis nostræ comprehendi possit: facilius longè Universam Cælorum complexione pugillo comprehendes; siquidem nulla sit tanta distantia, quantâ Deus Creaturas quantascunque excedit, quippe istas innumerabilibus intervallis exuperat, cum utique alia omnia utcunque ab invicem abeant, intra limites certos demum contineantur: quantum igitur cunque perfectionis cogitemus, Deum esse infinitis vicibus perfectiorem agnoscendum est; quocunque provehitur rationis humanæ solertia, nunquam ad infinitatem affurget, hæc quidem omnem intellectum obruit, tandemque cogit ignorantiam confiteri: Et inde merito Sacri Doctores magnitudinis Divinæ *ἀγνοῦντες*, exilitatisque suæ sensum profiteri malunt, quàm ipsius descriptionem quoquo modo conari. Certè (inquit Gregor. Nazianz:) *Hoc est Deus quod cum dicitur, non potest dici: cum æstimatur, non potest æstimari: cum definitur ipsâ definitione crescit: quem omnia nesciunt, & metuendo sciunt.* Atque argutè quidem Damascenus *ὁτοῦ μὴ ὄντος ἁπλοῦς, ἀπείρητος ὁ ἀγνοῦντος* Salum hoc ejus comprehendendi potest, quod comprehendendi non potest. Quin & Arnobius. *Unus est hominis intellectus de Deo: natura certissimus, si scias & sentias nihil de illo posse mortali oratione depravari, ut & alibi Deum alloquens, Non est mirum si ignoraris, majoris est admirationis, si sciaris.* Neque secus Minucius. *Hic [Deus]*

Orat. 59.

Adv. gentes l. 3.

Lib. 3.

nec videri potest, visu clarior est; nec comprehendi, tactu purior est; nec aestimari, sensibus major est, infinitus, immensus, & soli sibi, tantus, quantus est, notus. Nobis vero ad intellectum pectus angustum est: & ideo sic, cum digne aestimamus, dum inestimabilem dicimus. Eloquar quemadmodum sentio, magnitudinem Dei qui se putat nosse, minuit, qui non vult minuire, non novit. Nempe secundum Pervulgatum Trismegisti ^{magister} optimè Deum silentio definiri. Facile quidem foret innumera huiusmodi congerere. Et sanè qui Dei descriptionem periclitati sunt, id solum efficiunt, ut potius describi non posse ostendant, consultò enim vægrande aliquid adferunt, quod captum omnem tam suum quam alienum effugiat. Ut *Arnob. lib. 1. f. n. Scaliger de Subtil. Exerc. 365. N. 2. & innumeri alii.* Ab hac perfectionis immensitate Deus passim ^{ἀγνώστου, ἀμετάμετρου, ἀνέκδοτου} incomprehensibilis & similiter predicatur: Nempe comprehendere perinde sonat ac rem undique includere; &, quando intellectionem denotat, plenè perfectè & ex omni parte intelligere; voces enim, quibus varios intellectionis actus significamus à manu ad mentem transferuntur, quomodo comprehendere propriè significat rem manu vel pugno undique stringere & circumplecti: apprehendere solummodo ex aliquà parte quasi per anam tenere; attingere extremis quasi digitis tangere, ita ut non valeamus aliquam ipsius partem retinere. Sic scientia objectum suum comprehendere dicitur, cum omnes illius partes & perfectiones circumscribit, seu ut loquuntur rei intelligibilitatem adæquat & exhaurit, aut quicquid in eà sit intelligendum pernoscit; cum verò solum inadæquatè & quasi unam objecti partem tenet, apprehendere dicitur: attingere autem, cum obscurissimè objectum advertit, & quasi externam tantum ipsius particulam attingit. Cum igitur divinas perfectiones non nisi per creatas cognoscamus: cumque Deus omnium suarum perfectionum imagines creaturis non indiderit, cumque proinde nulla sit

via

via perfectiones, quarum similitudinem operibus suis non impressit, advertendi; hinc dico agnoscendum est multas Deo inesse perfectiones, quas ne quidem extremis ut loquuntur digitis attingimus. Cum insuper quas quidem perfectiones creaturis *Divinus Artifex* impressit, immensum infra suas subsident, sequitur perfectiones Dei, in quarum cognitionem per illas devenimus, inadæquatissimè apprehendi, si quidem non aliter perfectiones creatæ increatas representant, quàm lucernula Solis meridiani fulgorem: Quin & demique cum obscurè quidem creata omnia intelligamus, (potissimum si quæ aliis propius ad Deum accedunt) etenim dum in rerum cortice & superficie hæreamus, ad interiora penetrare non posse abundè experimur, quantò igitur minus ex illis plenè & adæquatè Divina percipiemus: & propterea meritissimò ingeniolo nostrati incomprehensibilis agnoscenda est *magnitudo Divina*, cum, uti dictum est, quàm plurima in Deo non attingimus, alia perquam obscurè apprehendimus, nihil adæquatè pernoscamus, ut clarius fortè ex infra dicendis elucebit.

Ab incomprehensibilitate Dei passim illius ineffabilitas deducitur: etenim excogitatæ olim fuere voces, ut exhibeant mentis conceptus, nimirum quoniam conceptus aliis indicare non possumus, idcirco iis subrogamus voces, quibus exprimantur; hinc quod conceptibus nostris subducitur, ei quoque ut desint propria & adæquata nomina necesse est: propterea si imperceptibilis Agnoscatur Deus, ergo & ineffabilis.

Ut Damascenus *τὸ θεῖον ἀνεκτίμητον πᾶσι & ἀσύνετον ἔστι Ἀγνοούμενον* Lib. I. c. 13.
ὅτι ὁ θεὸς ἀπὸ τοῦ ἑὸς ὡς αὐτὸ μὴ ἐκ τῆς οὐσίας ὄντα. Δ' ὁ λόγος δὲ τῆς γενέσεως ἐστὶ τὰ ὀνόματα. Inde & Philo. *ὑπερβαλὼς* ex more suo. *Ne totum quidem Cælum* inquit *in vocem articulatam conversum posse Deum, pra sui magnitudine, eloqui.* Unde passim Theologis docetur nullâ voce intimam Dei essentiam exprimi: & qui vocibus *יהוה* & *יהוה* Deum *יהוה* ὁ θεὸς significari aiunt, iis tamen explicari negant, solumq; indicari volunt

* Conciliat.
in Exod. 4.3.

volunt essentiam Divinam; sed de istarum significatione alibi. Modo dicendum Judæos eâ de causâ inter innumeras alias futes rationes Nomen tetragrammaton *אֵלֹהִים* esse censuisse: ut ostenderetur (inquit Manassah Ben Israel) *incognitam & inexplicabilem esse divinam essentiam, occultanda est pronuntiatio nominis, quod eam denotat.* Quod autem ad reliqua divina nomina spectat, appellativa aliisque extra Deum communia sunt, licet pleraque peculiari quâdam ratione Deo propter ipsius *אֵלֹהִים* propria quodammodo fiant. Neque Dei essentiam, sed aut attributum aliquod, aut habitudinem ad creaturas exprimunt: Ut nominibus *El, Eloah, Elobim, Baal, Baalim, Adon, Adonai* denotatur Dei potestas, imperium & Dominium. Nomine *Schaddai* aut *אֱלֹהִים* & sufficientia, aut omnipotentia exprimitur; modo enim 70 interpretibus vertitur *יְהוָה*, modò *παντοκράτωρ*, ut & modò enatum volunt Hebraicè periti à radice *וָשׁוּ* *vas-shavîr*, quomodo indicat robur, quod omnia in nihilum potest redigere; modo conflatum volunt ex inseparabili pronomine *אֲנִי* & *אֱלֹהִים* *sufficientia, sufficiens*, atque ita denotat exuberantem perfectionis copiam, quæ in Deo residet. Deinde Vox *אֵל* cum supersticiosæ sit originis, illius significatio non ab suæ Etymologiæ ratione petenda est; Veteres enim Græci (ut vulgo pernotum est) cum astra sola pro Diis haberent, quòd illa (ut memorat in Cratylo Plato) adverterent perpetuo *αἰὲρ* in jugi cursu esse, inde *αἰὲρ* vocitarunt, quæ vox postmodum ad omne, quod Numinis instar colebatur, manavit: Atque igitur eâ quoque abusi sunt Sacri Scriptores ad verum Numen exprimendum; quòd verò apud illòs ejusdem perpetuò valoris sit cum vocibus *El & Elobim*, non magis quàm istæ, Dei essentiam exprimere nedum explicare potest. Deniq; Nominum *Kibûr & Damius* genuina significatio vulgò notior est, quàm ut illorum voces Latinas indigerem; & si quæ alia legimus nomina Deo attributa, non omnino significant Dei *essentiam* sed *quædam*

quam ad creaturas, siue *Ætææ potestatis*, siue *divinæ gubernationis*.

Alterum caput ignorationis nostræ de Deo habetur illius invisibilitas, cuius passim habentur testimonia in sacro codice ut 1. ad *Timoth.* 1. 17. Deus dicitur *ἀφανὴς ἀόρατος*, & ejusdem epistolæ c. 6. com. 16. *ὅς οὐκ ἔχει σῶμα ὡς ἡμεῖς, ὅς οὐκ ὁρατός, ὅς οὐκ ἔστιν ἀνιστανόμενος* Lucem habitans inaccessam, quem vidit nemo hominum, neque videre potest. Vide *Heb.* 11. 27. Et *Deuter.* 4. 15, 16 Ullam sui effigiem fabricari vehementer prohibuit, & quidem idcirco, quod se nunquam sub aliquâ specie spectandum præbuerat. *Quamobrem cavebitis vobis; nam non animadvertistis ullam similitudinem, quo die allocutus est Jehovab vos in Chorebo à medio illius ignis: ut non corruptatis vos, & faciatis vobis sculptile similitudinem ullius simulachri, formam maris aut fœmina, & quæ deinceps.* Quibus locis manifestum est Neminem oculis corporeis Deum vidisse, & proinde loca, quæ id testari videntur non de ipsâ *divinitate* præsentia, sed de ipsius symbolo & tesserâ explicari oportere, siue Angelus fuerat, siue quidvis aliud. Nam symbola præsentia Divinæ apud Hebræos tanquam ipsum Deum habita fuisse notum est, cuius, inter alia, luculentum specimen videtur vitulus aureus ab Israelitis conflatus; cui nempe cum nomen, tum opus Dei referebant *Exod.* 32. 4. *Hi sunt Dii (Elohim) tui, Israel, quos eduxerant à terrâ Egypti.* Et cum summus Pontifex vitulo altare extruxerat, festum solenne Jehovæ indicit. Non adeo obtusos & ab omni ratione vacantes Israelitas, Aaronem potissimum & sacerdotes existimare par est, ut vitulum, quem modo conflatum viderant, ipsum Jehovam fuisse crederent, qui illos aliquândiu ante ex Egypto eduxerat. & proinde vitulo Jehovæ nomen tribuerunt *Cyprianus*. Adjici possent vituli Jeroboami jussu in *Dan & Bethel* collocati, ut & Michæ simulachrum, sed fufius de his edisseruit reformati capite de Idololatriâ adversus pontificios, quos, si liber, adire licet. Sic *Exod.* 13. 21.

Deus

Deus Israelitas antecessisse memoratur interdum *in columnâ nubis*, & noctu *in columnâ ignis*: Non quasi ipsa *nubis* in columnâ delituerat, sed quod symbolum erat favoris & præsentia divina, seu potius quod in eâ delitesceret Angelus Dei personam referens: nam cap. 14. comm. 19. columna ista expressè Angelus Dei dicitur, & tamen comm. 24. *Jehova* appellatur, *qui in columnâ ignis & nubis erat*. Vidé Exod. 33. 2, 3. Hinc porro nomen Dei Arcæ tribuitur, uti quæ symbolum erat præsentia divina Num. 10. 35, 36. Josue 3. 7. Res vero luculentius parebit, si loca specialia, quæ objectari possent, consideremus. Inter alia extat locus Gen. 32. 30. Ubi dicit Jacob *vidi Deum facie ad faciem* (i. e. præsens præsentem) *& liberata est anima mea*. Non autem ipsum Deum sed Angelum intelligi oportere perspicuum fit collatione cum Osæ cap. 12. comm. 3, 4. Ubi ipse idem, qui Jacobo Deus appellatur, disertim tum Deus, tum Dei Angelus vocatur: Deus, quatenus ipse Angelo repræsentabatur: Angelus, scil. *angelus*, quod licet Deus dicebatur, quia Dei personam gesserat, reipsa tamen Dei Angelus erat. Quin & Angeli, qui Abrahamo Gen. 18. & Lotho Gen. 19. apparuerunt, loquuntur ac compellantur non secus atque ipse Deus, quod ejus personam assumpserant, tamen non modo eodem loco Angeli vocantur, sed & auctor epistolæ ad Hebræos cap. 13. comm. 2. Hospitalitatis laudi vertit, quod ejus occasione hospitio excepti olim fuissent Angeli, ad hanc Abrahami & Lothi historiam respiciens. Et profectò si Deum ipsum exceperant, quanto potius hospitalitatem laude extulerat Paulus aut quicumque istius epistolæ auctor, quod illius beneficio Deus olim hospitio exceptus fuerat? Ita qui Moyse in rubo apparuit, quanquam Dei nomine insigniatur, tamen Angelum fuisse expressè testantur tum Moses Exod. 3. 2. tum Stephanus Act. 7. 30. Deus item, qui Judic. 6. Gedeoni apparuit, ipso Gedeone disertissimè Angelus Domini agnoscitur vers. 22. Ita & qui sese videndum Samsonis parentibus

parentibus præbuit Judic. 13, alternatim Deus, & Dei Angelus dicitur. His adde Angelum Dei nomine decorari potuisse, quòd ipsius personam repræsentaret, non autem potuisse Deum angeli, nuncii, ministri officio fungi; nempe angelorum est alterius imperio subesse, ejusque jussa exequi, quod quantum Maximæ Numinis Majestati derogaret nemo non videt. Cum igitur qui priscis apparuisse memoratur, Dei Angelus nuncupetur, Angelum fuisse dicendum est, tametsi Dei ipsius nomine celebretur; quippe quòd Angelo Dei nomen assumere licuisset, cujus Personam assumpserrat: Atqui Deus nullâ ratione Angelus dici potuit, & inde non Deum fuisse sed Angelum, qui veteribus apparuit concludendum est. Atque cum passim memoratur Deum, dum legem promulgaret, sæpenumero cum Mose præsentem collocutum fuisse, ut Exod. 34. 9, 10, 11. cap. 33. 11. Num. 12. 8. Non ipsum nihilominus fuisse Deum, sed Dei legatum, qui Dei nomen usurpabat, quòd ejus vicem sustineret, non modò manifestum est ex mox dicendis, sed & si conferantur priora loca cum epist. ad Hebræos 2. 2. Ubi lex infra evangelium deprimitur, quòd sit *ἡ νόμος ὑποταγὴς τοῦ εὐαγγελίου*; & proinde Evangelicâ doctrinâ inferior, quæ *καταλείπει* Dei filio: Etenim si Deus ipse legis promulgationi interfuisset; quomodo lege evangelium superius evaderet, quòd Dei filii operâ promulgaretur? An filius patre præstantior? necesse est igitur legem promulgatam fuisse Personarum operâ, quæ filio erant, nedum patre inferiores, atque istas Angelos fuisse apertissimè testantur non modo hîc Apostolus, sed & Stephanus Act. 7. 35. & D. Paulus Gal. 3. 10.

Aliæ quæ Dei visiones memorantur non propriæ fuerunt, sed ænigmaticæ & Symbolicæ repræsentationes phantasiis impressæ; cujusmodi fuere, quibus Deus patriarchis per somnum apparuisse dicitur, ut *Abrahamo* Genes. 15. 1. *Isaaco* 26. 2. *Facobo* 28. 11, 12, 13. Qui nihil reale aspexerunt, solâ repræsentatione rerum phantasiis impressâ. Ita

1 Reg. 22. 19. Micha Deum vidit *super solium majestatis sedentem*, eo tamen modo, quo vidit *populum Israeliticum* undique hinc inde per montes sparsum, hoc autem nequaquam visione propriâ, sed propheticâ rem suâ imaginationi repræsentante vidit. Ut & Isaïæ cap. 6. 1. & Dan. 7. 9. & passim in prophetis libris, crebro enim prophetis per somnia repræsentabantur rerum futurarum scenæ, & sicubi Deus suam quoque partem sustinisset, similitudinem aliquam habuit sui repræsentatricem, licet à se alienam & distinctam, ut adnotavit auctor libri de fundamentis l. 2. c. 28. ad Ezechiel. 1. 28. *Velut aspectus arcûs cum fuerit in nube in die pluvie: sic aspectus erat splendoris per circuitum: hac viso similitudinis Gloria Dei.* Qui aspicit, inquit, colores Iridis, sentit oculos sibi effundi; i. e. videre id, quod non ita est. Quamobrem comparat Propheta aspectum splendoris gloria ipsi apparentibus coloribus ejusmodi ad significandum illas formas, quibus Deus conspicitur à Prophetis, non esse sic reipsa in ipso: quemadmodum quod in Iride apparet, non sic est in ipsâ, ut apparet. Atque equidem facile arbitror pene omnia, quæ libris Prophetis gesta narrantur, non reipsa effecta fuisse, sed solummodo in visionibus Prophetis symbolicè representata, & quasi in conspectu posita. Quod herclè opinari necesse est, nisi crediderimus Prophetas Dei jussu sese stultorum aut infanientium more gessisse. Sic quicquid fere in Jeremiæ, Ezechielis, Oseæ prophetiis narratur, non revera peractum fuit, sed solum in visione Symbolicæ transactum: Ut cum Deus Jeremiam (qui quidem Hierosolymis adhuc erat) Jussit, Euphratem adire, ut ibi cingulum absconderet: & Ezechielem ut caput, & Barbam tonderet (quod Ezechieli utpote magno Sacerdoti non licebat:) & Oseam denique, ut sibi vulgare scortum uxorem duceret, & ex eâ liberos procrearet: & his similia.

Adeo quidem vehemens est Majestatis Divinæ splendor, ut ipsius radios ne quidem gloriosi Seraphim ferre valeant, qui faciem præ immensitate Divinæ Gloriæ *velant*, ut videre est

Jer. 13. 4, 5, 6.

Ezech. c. 4.

Ose. c. 1.

est Isai. 6. Quinimo tanta quidem Majestas Dei, ut nemo impune gloriosam illius *representationem corpoream* videre potest, quæ ita vehementis fulgoris erat, ut non potuit quin mortalis temperaturæ fragilitatem absorberet, quomodo sumendum æstimo Exod. 33. 20. *Non poteris videre faciem meam, non enim videbit me homo & vivet.* In quæ verba non placet Episcopii *non enim* aliorumque Theologorum glossæ, qui dicta volunt de *essentia Dei præsentia*, & sensum esse nolunt: Nemo homo, qui me viderit, in vitâ diu superstes esse potest; aut omnis homo postquam aut simulatque me viderit, dictum factum, vel non multò post morietur: sic enim, inquiunt, tacitè indicaretur Deum videri posse. Propterea *non videbit me homo & vivet* Hebraïsmum esse aiunt, quo *Dei invisibilitas* indicatur, ita ut sensus sit nemo vivens Deum videre potest utique *ἀόρατος*. At videntur de Dei *representatione* dictum, quasi de ipsius *personâ* dictum fuerat, perperam accepisse. Nam Deum de gloriosâ & Majestaticâ sui *representatione* locutum fuisse haut admodum obscurum videtur. Dominus enim verba illa protulit, ut quibus Moses petitioni, quâ expetebat *Dei Gloriam* videre, (vers. 18.) responderet. Mosi enim id flagitanti non concessit, quòd nemo mortalium ipsius gloriam ferre posset: at vero non potuit Moses tam rudis & naturæ Divinæ ignarus esse, ut illam peteret aut expectaret coram oculis pervidendam fisci; Sanè non usque adeo barbarus Moses, ut nesciret aut Dei substantiam spiritualement esse, aut esse spiritum invisibilem; unde manifestum est non expetiisse Dei essentiam videre, & proinde non de illâ respondisse Deum: ac consequenter verba de quibus agimus, non de *substantia* accipienda esse.

Et hoc modo accepisse videtur olim populus Dei, qui viso vel quidem solo Angelo, tametsi Angelum esse scirent, exclamarunt mox sese morituros, ut passim S. Codice proditum est. Non adeo sanè Hebraicè ignari, ut hujus schematis proprietatem non assequerentur. Illi sanè interpretati sunt,

quasi apertam Angeli aut alterius cujuscunque Deum representantis visionem certa mors sequeretur, quod in mentem inducere non possent, nisi verborum istorum, *non videbit me homo & vivet*, proprius & genuinus sensus ipsis fuerat, quicumque simul atque me viderit statim morietur : si quidem isti (si qui alii) genuinam verborum proprietatem caperent. Neque dicas eos erravisse eò quòd putarunt se extemplò ab Angeli visione expiratos, cum nihilominus diu post supererant. Hoc enim evenit, quòd Angelicà præsentià consternati exclamarunt esse se morituros, quasi dictum fuerat de quacunque Angeli præsentià, quod alioqui norant solùm de *gloriosà*, atq; *Dei termoximi representatrice* dictum fuisse: etenim ex iis nemo שכינה *שכינה*, *gloriosam & majesticam Angeli apparentiam* vidit, sed semper sub aliquà corporeà formà, cujus non tanta erat gloria, quin eam faciliè ferre potuit humanæ temperaturæ fragilitas. Locus igitur Exodi 33. 20. commodius explicandus esse videtur de *gloriosà seu majesticà præsentià Divina representatione*: Moses enim petierat commate 18. ut sibi Deus כבוד *כבוד* *gloriam* suam revelaret: *qua majesticam Dei representationem* (à Rabinis שכינה dictam) passim significat: ut Exod. 48. 34. *Gloria Jehovah implebat tabernaculum, ita ut Moses ingredi non posset* com. 35. Exod. 34. 16, 17. *Habebat Gloria Jehovah in monte Sinai, cujus species erat tanquam ignis consumens in summitate illius montis. i. e.* Lux splendidissima Jehovah *representatrix*, & inde dicta *Jehova Gloria*, cujus tantoperè vehemens erat vis & splendor, ut ejus conspectum ferre non posset caducæ mortalitatis fragilitas; quemadmodum Saulus penè exanimatus procubuit splendore, qui illum circumfulsit. Act. 9. 22.

Quod Insuper colligitur è tribus ultimis vers. dicti capitis 23. Deus Mosi in rupis aperturà delitescenti tantum gloriæ suæ aperuit, quantum ferre potuit, licèt *facies* i. e. pars anterior *Majestatica Gloria* præ vehementi fulgore videri non

non potuit, tamen à parte posteriore ita attemperata erat, ut eam citra vitæ periculû conspicere liceret, (ut Ethnici Numina sua vultu avertito & avolantia depingebant.) Quare Deus Mosi posteriora gloriæ istius videre permisit, cujus *faciem* videre non potuit donec mortalis, sed gloria, cujus posteriora vidit Moyses, corporea erat & solum *Dei representatrix*, ergo & *facies* istius Gloriæ, quam videre non licuit, corporea etiam ut sit necesse est. Hæc inquam Gloria erat, quæ impunè videri not potuit: Unde sicubi videatur sacra Scriptura prodidisse cuiquam perspectam illam fuisse, aliquid quasi consultò addit, quo innuitur non apertè visam fuisse ut Exod. 24. dicitur 70 *è Senioribus Israelis Deum vidisse, & tamen Deum in eos non extendisse manû suam; sed postquam illum intuiti sunt, comederunt & biberunt* i.e. quanquam Scriptum sit *non videbis me* (i.e. gloriâ meam) *homo & vivet*; nihilominus Deum, Deive Gloriam illæsi viderunt: *manum enim extendere*, Schema Hebraicum est pro lædere aut quoquo modo percutere: & additur tanquam argumentum nihil damni illos accepisse, quòd postquam Deum intuiti fuerant, cibum & potum sumpsisissent i.e. nō ita clarè & apertè Dei gloriam viderunt, ut quidquam inde damni acciperent, Gloriam enim, quam videbant, nube fuisse opertam proditum est vers. 15. Ita cùm proxime sequitur Moysen propius adhuc Deum accessisse, cum montem conscenderet, cautè ^{per periculum} subjici videtur *montem rube obvelatum esse*, ne fortè errori ansa daretur Mosen ipsam Gloriam aperte vidisse ut comm. 15, 16. Et Ascendit Moyses montem illum (*operiebat autem nubes montem, וישכן* unde ortum duxit Rabbiorum וישכן) i.e. *habitabat enim gloria Jehova in monte.*) Sed hæc in resusius, fortè quàm par sit, hærerè videor, modo igitur adjici velim occasione hujus Gloriæ adeo crebram demum *Gloria Dei* mentionem fieri in utroq; instrumento: ut ad eam respexisse D. Paulum in epist. ad Romanos 1.23. autumat *Clariss. Hammondus: Mutarunt Gloriam incorruptibilis Dei in efformatam imaginem corrupti-*
bilis

bilis hominis & volucrum, & quadrupedum & reptilium. i. e. pro stupendo & glorioso splendore, quo Deus se representare voluit in monte Sinai, Deum repræsentant sub corporeâ formâ hominis, volucrum, &c. & inde Idololatræ facti sunt, cum eâ de causâ vetuit Deus ne ullâ similitudine repræsentaretur, quòd scil. non ullam *viderant similitudinem quo die allocutus est Jehova illos in monte Horeb è medio ignis* Deuter. 4. 15. Huc insuper referendum illud Davidis Psalm. 106. 20. *Gloriam suam in formam vituli comedentis herbam mutaverunt* i. e. Deum vice *Gloria*, quâ se repræsentavit, vitulo repræsentarunt. Huc itidem alluditur 1 Sam. 4. 21. Math. 16. 27. 25. 31. Johan. 1. 14. 12. 41. 2 ad Corinth. 3. 7, 9. 11. Marc. 8. 38. 13. 26. 2 Pet. 1. 17. Act. 7. 55. Heb. 9. 5. & innumeris aliis locis.

Huc denique alludit Psalter Psalm. 18. 10, 12. *& demittens calum descendit cum caligine sub pedibus suis. Nox & tenebra in circuitu ejus & Psalm. 97. 2. Nubes & caligo circumstant eum*, quasi sibi tenebras circumfuderat, quibus homunciones à sui conspectu prohiberet: non multò secus quàm cecinit Orpheus in palinodio suo ad Musæum

Ἄνδρ' δ' ἐκ ὁμίῳ, θεὸν δὲ νέφ' ἐκρύβηται,

Hunc Ego non video nubes quia densa resistit
& alter

Conspectus nulli, quoniam caliginis atra
Obfistunt nebula.

Quomodo Acmonæ philosophorum antiquissimo & Mercurio coætaneo, uti perhibet *Justinus*, Deus πάγκρυσ cognominatur. Ita Lacedæmonii summus Jupiter Σκοπιῆς aut Σκοπιτῆς cognomento quodam in loco colebatur: unde & Dei Naturam nonnulli veterum nigro lapide repræsentarunt.

Ἡλλοὶ δ' αὖ, ἐ μύλαι λίθω τὸ ἀφανὲς αὐτοῦ τῆς θεῆας ἐδίδωσαν

Plerique

Paran. 1.
Maurf. Miscel.
Lacón. l. 1. c. 1.

Porphy. apud
Euseb. ωγ παρ.
lib. 3. c. 7.

Plerique nigro lapide naturam illius nusquam sub oculo cadentem adumbrarunt.

Accensenda his deinceps tanquam tertia ignorantiae causa (ut alias innumeras præteream) intellectus, donec materiae immergitur, imbecillitas; quandiu enim mens corpori alligatur, nihil intelligit nisi ope phantasiae, cujus phantasmata rerum sensibilibus conditionibus imbuuntur. Licet enim ejusmodi sit animæ nudæ & corpore exutæ perspicacitas, ut, quicquid sibi obversatur, id *intuitivè*, ut aiunt, contemplari & perspicere valeat, tamen quandiu corporeâ crassitudine obvelatur, offusâ inde caligine, nihil immediatè & directâ acie contemplatur; cum nullæ species nisi per sensus haustæ ipsi obversentur, secundum tritum illud *nihil esse in intellectu, quod non prius fuerat in sensu*. Nihil vero per sensus transit nisi quod quodammodo crassum & corporeum, siquidem non percelluntur sensus nisi speciebus corporeis, quo fit, ut nihil intellectus perspiciat, nisi quod corporeum sit. Licet fortasse argumentatione res esse alias & spirituales colligat, tamen quid qualesve sint non omnino intelligit, quia nempe corporeas species non emittant, quæ per sensus ad intellectum transmittantur. Præterea tantoperè debilitatur vis mentis, quandiu immergitur *in materia* (uti statum animæ in corpore habitantis vocant Platonici) ut nullius substantiæ tamen nobis perquam familiaris ideam assequi possimus; sed eam continuo per attributa, operationes, accidentia, quibus se sensibus nostris objicit, describimus. Ut hominis non perfectiorem attingimus ideam quàm corporis externa & mentis actus quosdam, ratiocinationem, cogitationem, volitionem concipiendo; Sic homo percipitur tanquam corpus erectæ figuræ, in quo delitescat ignota res, quæ ratione & voluntate pollet. Neque quidquam clarius est decantatissima Aristotelica hominis definitio, esse scil. *animal rationale* i. e. animam quæ ratiocinari potest. Et quanquam videamur ipsissimas rerum essentias per voces abstractus & universales intelligere, tamen
nihil.

nihil reipsa ultra accidentia advertimus: exempli causâ id humanitatem dicimus, in quo homines omnes convenire, & à rebus aliis discriminari percipimus; quid autem sit, in quo conveniant, ultra actiones atque externam corporis figuram, nequaquam cognoscimus, ita cum de specie humanâ ab omnibus singularitatis conditionibus i. e. accidentibus præcisâ loquimur, non tam menti obversatur universalis & abstractus quidam homo, quàm aggeries quædam omnium hominum; nempe quoniam rationem peculiarem, qualiscunq; demum fuerit, omnium hominum advertimus, ideo omnes in unam aggeriem conjicimus, quæ vulgò *species* appellatur; adeo ut cum singularem hunc aut alterum hominem esse prædicatur, Solum refertur ad hominum aggeriem, v. g. cum dicitur *Petrus est homo*, solum intelligitur Petrum referri oportere ad aggeriem rerum istarum, quæ similes existunt erectâ corporis figurâ, lineamentis, sermone, ratiocinatione, & ejusmodi aliis, quæ in sensum incurrunt, extra ipsam intimam hominis naturam posita. Jam vero si rerum corporearum & nobiscum familiarium naturas tantoperè ignoremus, quanto magis essentiam Dei spiritualem & nobis nusquam usurpatam. Si fortè Apostolo licitum fuerat ea, quæ viderat arcana in tertium cœlum raptus, effari; uberius quiddam fortasse de Deo noveramus; *ἐπεὶ δὲ* (inquit Greg. Nazianz.) *ἀρρητὰ ἦν, καὶ ἡμῶν πέραν ἤμυντο.* Quoniam autem hæc in vulgus effari nefas erat, nos quoque ea silentio commendemus.

Orat. 34.

Verùm hæc in genere; ut vero aliquanto specialius agamus consideranda venit ab omnibus recepta Dei descriptio (a cujus consideratione ulterius patefiet ignorantia nostrâ.) Definitio, quæ de Deo adfertur, ad hunc similemve modum constitui solet; quod sit *spiritus infinitus, æternus, immensus summè bonus, summè sapiens, summè potens* & similiter; quæ omnia, excepto duntaxat nomine *Spiritus*, Dei attributa reputantur, & proinde alibi tractanda sunt, nunc enim agitur de nudâ & solâ essentiâ detractis attributis: hæc autem exprimitur

mitur nomine *Spiritus*, in illius igitur consideratione paulisper immorandum est: Cujus natura, si investigari posset, ad ulteriorem naturæ divinæ investigationem deducet: sin minus, dic quomodo nomine spiritus essentia Dei quicquam explanatur? Sunt imprimis qui spiritus naturam in *rationalitate* ut aiunt consistere definiunt; atqui illa potius spiritualis substantiæ vis, facultas, & potentia, quâ ratiocinari valet: neque ratio suppetit cur in spiritus descriptione ponatur potiusquam voluntas aut quævis alia facultas: neque dubitandum est quin Deus spiritualem substantiam creare potuerit rationis exortem, perinde igitur est (ut non neminem dixisse memini) ac si corpus per rotunditatem definirent. Deinde mitto Scholasticorum nugamenta, quæ adferunt de spiritus naturâ exhibilanda potius quàm refutanda, cum non modò futilia sint sed & apertè contradictoria. Cæterum aliis (quibus cordi non sit consultò nugari) Spiritus definitur *substantia pariter atque corpus extensa propter soliditatem indivisibilis, propter subtilitatem penetrabilis*; ut licet in eâ partes designari possunt, tamen ejusmodi non sunt, quæ secari aut ab invicem divelli possunt, puta quæ nihilo imbecilliori nexu ad invicem cohæreant, quàm partes minimulæ atomi, inter quas nihil intercedit inanitatis. Quippe atomi non idcirco insectiles dicuntur, quòd extensione careant, sed quoniam quicquid in illis contineatur ita cohæret, ut nullum intercedat inane, atque idcirco pars à parte distrahi non potest: neque tam partes dicendæ sunt, quàm una & simplicissima entitas, quæ ut nata est cum tantulâ mole, ita quamdiu superest, eandem tueri necesse est; ubi enim partes intercipit inane (quas utique designare licet) ibi diversitas agnoscenda est, nullo autem inani intercedente ibi rei identitas. Et hoc equidem quomodo negari possit non video; nimirum cum quicquid existit, toti in essentiæ Dei beneficio acceperit, & subinde quicquid ad naturam alicujus rei attinere voluit Deus, id illius rationem ingrediatur necesse est. Si igitur voluerit atomorum essentias

aliquò extendi, quicquid intra præfinitam extensionem clausum fuerit, earum naturas intimè & inseparabiliter ingreditur. Unde fit, ut ipse Deus atomum discerpere nequeat, quoniam impossibile est ut una simplicissima entitas in plures abeat: itaque quo jure negetur atomum entitatem esse simplicissimam & inseccilem, eodem negandum est Deum efficere posse ut una eademque entitas ultra punctum Mathematicum diffundatur. Jam verò quod de atomo diximus, proportionem inquit de spiritu dicendum est, quem divisionis expertem esse aiunt, non quòd extensione careat, sed quòd adeo solidus sit, ejusque partes adeo intimè uniantur, ut non magis divisionem subire possit, quàm si omni diffusionem careret: quoniam, uti dictum est, non extensio sed soliditatis carentia dissolutionis radix est. Et quidem hujusmodi fortasse corpus Deum existere censuit Epicurus, nempe ut Deum corpus esse statuit, ita ejusmodi, quod ex atomis non confectur, & quidni tale, quod hîc spiritus esse statuitur: quod ut multis aliis alia corpora exuperat, ita quoque soliditate, quod utique ex atomis non coaluit, sed in se planè solidissimum sit, perinde ac particula, quæ nihil in se admittit aut inanitatis aut divisionis: ita ut subinde Deum ex atomis constari negaverit, quòd ipsum quasi ingentem atomum esse, nullam sui dissolutionem ferentem autumaverit. Utcunque sit hâc viâ essentia divinæ immensitatem explicare visus est Theologus multo perspicacissimus *simplicissima*, inquit, & *spiritualis Dei essentia in immensum sese diffundit, extenditurve, divisionis tamen expertis est, quod non quasi totum componatur ex partibus sive homogeneis sive heterogeneis, sed quòd simplicissima essentia per omne spatium extendatur, ita partes non veras sed imaginarias habere dicenda est, in ordine ad spatium, cui extensa concipitur, in cujus parte unâ mens nostra concipit aliquid ejusdem integræ entitatis, quod non concipit in aliâ, & hinc partes per extrinsecam denominationem appellantur, quod fit*

Episcop. insir.
Theol. l. 4. sec. 2.
cap. 9.

fit Deum, licet in immensum spiritali extensione diffundatur, non magis divisibilem esse quam atomum aut punctum. Ab his non multum abeunt, qui corpus & spiritum in eo duntaxat differre volunt, quod hic substantia sit pura, simplex, nullique corruptioni obnoxia, istud vero dissolubilis corruptionique obnoxium, ita ut eadem substantia modo spiritalis esse possit, modo corporea, ut quæ jam corruptile existit, & posthac incorruptionem induet; cui opinioni favere seu potius ansam dedisse videtur Apostolus 1 ad Corinth. 15. 44. ubi aperte dicitur corpora nostra *ἐν ἀναστάσει* futura esse spiritalia.

Sunt deinde alii, qui quicquid reale est corpus dicendum esse reputant; sic Stoicis omne quod est, corpus est; Laert. *Σώμα ὃ ἐστὶ κατ' αὐτὸν ἢ ἰδέα, Corpus est penes ipsos essentia.* Plut. *ὅσα δὲ πάντα τὰ σώματα ἔχουσιν, quæ sunt sola corpora appellantur*, hinc non modò Deos, animas, Genios, sed qualitates omnes, virtutes, vitia, facultates, artes, affectus in corporum censu reponunt, & inde veritatem, bonitatem, desiderium, assensionem, justitiam, prudentiam, iram, ambitionem, tristitiam, metum, audaciam corpora esse definiunt. Ut quidem in sacro codice *Σώμα* frequenter non corporalitatem sed essentiam denotat, & incorporeis tribuitur, ut Coloss. 2. 11. *Σώμα ἀμαρτιῶν ἢ Caput* i. e. *ἀμαρτιῶν ἢ Caput*, similis locutio Rom. 6. 6. sic comm. 17. dicti capitis ad Colossenses *οἷα* & *σώμα* opponuntur, & v. 9. *in illo inhabitat omnis plenitudo divinitatis* *σωματικῶς* i. e. realiter, substantialiter seu veraciter, ut opponitur umbris legis Mosaicæ. August. *in ipso inhabitat plenitudo divinitatis corporaliter, quia in templo habitaverat umbraliter.* Quomodo *עֵשֶׂת* apud Hebræos imprimis robur & firmitatem denotat, & deinde soliditatem corpoream, quæ roboris fundamentum est, atque deinceps ipsam substantiam tam incorpoream quàm corpoream, aut quicquid inane non sit, sic Rabbinii quoniam nomen Tetragrammaton denotare ipsissimam Divinitatis es-

sentiam arbitrantur, □W □W *Nomen substantiæ* vocant. Stoicis accessit Tertullianus nihil substantiale præter corpus esse existimans, ut passim in Scriptis suis innuit, ut lib. de carne Christi. *Cum anima sit necesse est ut habeat aliquid per quod est: Hoc est corpus ejus; omne quod est corpus est sui generis, nihil est incorporale nisi quod non est.* Et lib. contra Praxeam. *Quis negabit Deum corpus esse, etsi Deus Spiritus est? & passim alibi; timuit enim, inquit D. Augustinus, ne Deus nihil esset, si corpus non esset.* In eâdem opinione fuisse quoque Epicureos pervulgatum est. Jam vero Nihil mirum si isti, aut quicumque in eâdem sententiâ fuerunt, Deum corporeum esse dixerint. Cæterum Quotquot substantiam Dei corpoream esse censuerunt, non tale corpus, quale sensibus usurpamus Deo tribuunt, sed peculiare & sui generis, aliisque omnibus infinitis fortasse intervallis nobilius, imo quod aliis non minus antister, quàm aliorum opinione substantia spiritualis corporeæ præcellat, ideoque Epicurei non corpus esse statuunt, sed *quasi corpus*, non aliter quàm plerique Deo non inesse passiones, sed *quasi passiones* censent *i. e.* affectus quosdam, qui analogiam ad passiones nostras referunt, tametsi cum illis nihil commune habeant, sic dicunt Dei substantiam similitudinem ad corporea gerere, quanquam infinites purioris sit & perfectioris consistentiæ: & propterea licet omnia alia ex atomis constare statuunt, id tamen de Diis vehementer negant.

Sunt denique alii potissimum Spagirici, qui medium quiddam corpus inter & spiritum commenti sunt, id *corpus incorporaleum*, & *spiritum corporeum* nuncupantes, cujusmodi divinam substantiam esse autumant.

Quod ad prædictas hæc opiniones attinet, ut quid sentiam, breviter dicam, dico solum primam incertam esse, nullâque solidâ ratione inniti, & spiritus notionem, quam adferunt istius auctores, meram esse conjecturam: talem quidem posse esse spiritus rationem fateor, sed tamen an reipsa sit necne, hæcenus in puteo delituit; & quidem si ita se habeat, tamen obscure

obscure, admodum & leviter substantiam divinam attingit, siquidem spirituum ingentem posse esse varietatem agnoscatur, etenim hæcenus à Theologis disquiri permittitur imprimis utrum angelica substantia perinde spiritalis sit ac divina, neque pauci sunt, qui Angelorum *spiritalitatem* non adeo puram ac subtilem esse adserunt, atque sit divina, sed quadantenus corpoream esse, licet crassitudini ossæ, carneæ & palpabili comparata sit longè tenuissima: deinde an per *spiritalitas* Angelorum & animarum: an denique eadem omnium Angelorum *spiritalitas*, de quâ re licet in oppositas sententias abeant, tamen extra dubium ponitur Deum haut minorem, si placuerat, in illis, quàm corporeis diversitatem efficere potuisse. Quæ si ita sint, prior spiritus definitio nequaquam ad peculiarem substantiæ divinæ naturam inducit.

Qui in secundâ opinione sunt, & nihil ultra corpus esse statuunt, atque subinde Deum corporeum esse existimant, imprimis *λογωμαχῶν* videntur, cum id laxiore significatione corporis nomine designant, quod alii per spiritus vocabulum designarunt: tamen non vehementer reprehenderem, nisi quod quodammodo periculosum videatur corporis vocabulum Deo tribuere, ne demum ad significationem substantiæ crassæ, carneæ, & palpabilis transeat: Neque nihili est illud Nazianzeni, quòd *nemo hæcenus eorum, qui divinitus afflati sunt, hoc vel dixit, vel ab aliis dictum comprobavit.* Orat. 34. Deinde cum corpus esse statuunt longè alterius rationis ab iis, quæ apud nos usurpantur, non omnino explanatur essentia Dei, cum quale sit corpus explicare non suscipiunt.

Qui deniq; in tertiâ opinione & Deum corpus incorporeum esse docent, aut secum ipsi pugnantia loquuntur, aut ad partem alterutram è prædictis transeunt. Sed vero non acerbè reprehendendi videntur, si per corpus excludant solummodo *inane*; & per incorporeum *crassitudinem*, ut dicant esse Deum substantiam veram, realem, eamq; purissimam.

Verum

Verum ut, quid statuerdum arbitror, verbo dicam. Mihi prudentius Philosophari videntur, qui abditam spiritus indolem indagare desperant, seque potius ad illius vires & facultates investigandas accingunt. Quanquam parum mihi arrideat illorum institutum, qui spiritus aut incorporei notionem primigeniam in facultate aliquâ ponunt; quemadmodum jam pridem in vi percipiendi magnâ cum Pompâ posuit *Sagaciss. Author libri de concordia scientia cum fide*: Cæterum licet fortasse perceptione nihil spiritui magis proprium & peculiare intelligimus, tamen longè abest, quin inde vel minimum pateat, quid reapse sit ipsissima spiritus substantia; postquam enim innotuerit spiritum esse rem quandam, quæ percipiendi facultate polleat; tamē ejusmodi sit solida rei perceptricis *etia* nihilo minus latuerit; cū perceptione non rei substantia, sed sola facultas explicetur. Ut verò in percipiendi virtute primigeniam spiritus notionem minimè statuendam esse arbitror; ita nollem ut quispiam in quo collocanda sit indagando operâ & literis abutatur. Quisquis enim rerum naturas, quæ sensum non ferunt, investigatum iverit, scientiæ limites statim errabundus transilierit; neque quicquam nisi conjecturas umbratiles & evanidas venari pergit. Et profectò perlepidum est ea legere insomnia, quæ super spiritus naturâ suo more somniant Platonici. Propterea lubenter Authori quæstionum Græcarum sub Justinii nomine prodeuntium subscriberem; qui Deum neque *corporeum* neque *incorporeum* dici permittit; eumque tam substantiam incorpoream, quàm corpoream transcendere statuit.

Quest. 2. Καὶ τὸ θεῖον οὐκ ἔστι δυνάμει, ἀλλ' ὅτι ἐστὶν ἀσώματος ἐνέργεια καὶ τὸν ὅλον τοῦ κόσμου ἰσχύει, ὡς καὶ τὸ δυνάμει, &c. *Atque Deum incorporeum esse dicimus, non quasi quod incorporeum existeret: Deus enim in suâ essentiâ ut supra corpus, ita supra incorporeum est.* Neque equidem dubitandum arbitror, quin Deus substantiæ perfectione longè magis incorporeo cuicunque creato antecellat, quàm tale incorporeum corpori.

Quid

Quid itaque aut qualis sit Dei substantia penitus me latere tateor, qui multò augustiorem esse reputo, quàm ut captum humanum non obruat; adeo ut facilius sit Nocturæ meridiani Solis splendorem, ad quem cæcutit, describere, quàm ut intellectus humanus maiestatem Divinam, quâ obruitur, capiat. Propterea mihi in promptu est credere Sacram Paginam Dei substantiam describere non quemadmodum in se existit, sed ut fert aliquam ad aliquid nobis notum analogiam: sic primitus spiritus dictus fuisse videtur ab similitudine, quam cum spiritu habet, *i. e.* quoddam corpulentiam, crassamque mole vacat: spiritus enim propriè corpora significat admodum subtilia, & ideo spiritus voce voluit Deus impermixtam & summè puram suæ naturæ rationem adumbrare; etenim in totâ scripturâ nullâ voce designatur Dei *spiritualitas*, quin quæ corporeis etiam tribuatur. Ita denotatur vocibus Lucis & ignis propter simplicissimam naturam, nihil enim inter res creatas simplicius aut desæcatus Luce & Igne esse videtur, nihil enim sibi permisceri aut uniri patiuntur. Ut Jamblicus (quam fortè ad vim igneam, de quâ supra diximus respexerit)

Jamb. de myst. Egypt. cap. de prov.

ὡς αὖτε αἰὲρ πορεύεται διὰ τοῦ φωτός, οὕτως καὶ τὸ πνεῦμα διὰ τοῦ φωτός ἐκλαμπύσκει καὶ ἐκτείνεται, οὕτως αὖτε μορφήν ἰσχυρότερον περιέχει διὰ τοῦ ὄντος ὅλης.

Sicut lux non mixta adest aeri, sic Lux Deorum illucet ita ut non miscetur, & individua in se manens pervadit in omnia omnino.

Unde non minus propria appellatio est, si Deus ignis aut lumen appellètur, quàm si spiritus, ut enim spiritus ab analogiâ, quam ad spiritum gerit dicitur, ita ignis & Lumen dici potest ob analogiam, quam cum igne & Lumine habet: & sicut cum spiritum appellitant; talem esse volunt, qui nihil cum spiritu proprio & vulgari commune habeat; ita cum ignem aut Lumen dicimus, aliquid sublimius intelligere oportet, quàm res fiat, quæ apud nos istis nominibus designatæ veniunt: ut congruè à Platoniciis *Lux incorporea* habetur, duo enim luminum genera statuunt, quorum alterum *θεοτικόν & μαθηματικόν*, ut lumen *Empyreum, Ethereum, Hyleum*, &c. alterum

autem

Plat. Phædro.

autem τὸν *materia expers*, quod ἐν τῷ αὐτῷ τοῦ *Cæli* *Empyreæ* tergo *assidet*, quodq; extra mundi finiti terminos in infinitum porrectum effunditur, Græcè Philonis voce πανούργια, Latine, Patricio vertente *Omnilucentia*. De opinione seu potius fabulâ & somnio Palamæ, Barlaami, Massalianorum (qui & εὐχεται & ἀποκαλύπτει dicti) Eugubini, aliorumque, qui reputarunt ab æterno *lucem* quandam extitisse divinam & increatam, à Dei substantiâ diversam, & ab eâ manantem: eamque corpoream & aspectabilem, quæ Dei sit habitatio, Dei-que regnum, quod Cælum empyreum *vocatur*: quâque se Deus tanquam vestimento *induit*. De hac, inquam, re vide-
 sis Josephum de Voisin. Theol. Indæorum lib. 2. cap. 6. Petavium Theol. Dogm. lib. 1. cap. 12. & lib. 3. cap. 5.
 Cum ex hæcenus dictis liqueat longè nos abesse ut summo conatu *physicam*, ut aiunt, naturæ divinæ substantiam & quidditatem aut certò aut plenè attingamus; adeo ut penes nos non sit definire, quid inter illam resque alias intersit: Consentaneum est ut quidpiam de *metaphysicâ* & abstractiori essentia Divinæ notione subtexamus. Huc usque enim de Deo egimus quatenus substantia, quæ cum nos penitus effu-
 giat, pergimus Deum eatenus considerare, quatenus Ens dici-
 tur; quò fortean quodammodo assequamur quî & quibus in-
 tervallis ab entitate aliarum rerum discriminetur. Ut vero verbo exauriam totam perfectionem entitatis divinæ, solum dico esse infinitam & summè perfectam. Quæ propositio paucis illustranda est.

Notandum imprimis, cum essentiam Dei infinitam esse dico, nequaquam aut ad immensitatem aut ad æternitatem respicere, aut ad attributa & proprietatum perfectiones, ut vulgò infinitas Divina concipitur; sed vero solius & nudæ essentia detractis omnibus attributis infinitatem considero. Neque ipsa infinitas Dei attributum est, non enim oblique, ut aliâ prædicata, sed συναντῶνως & directè de Deo enunciatur; quippe Deo convenit ut intrinseca essentia conditio, alia
 autem

autem attributa more proprietatum; nimirum cum rem quampiam infinitam esse prædicamus, non proprietatem subiecto adnectimus, ut cum omnisciam, summè potentem, summè sapientem esse dicimus; sed solum significamus nudæ & simplicis essentiaë *ύμερξν*, & inexhaustam essendi plenitudinem.

Notandum deinceps finitatem & infinitatem rebus nullis convenire, nisi secundum quod extendantur, sive quatenus aut partes aut gradus sortiantur, ut quantitati, loco, tempori, numero, & similibus: Laxiore tamen vocum acceptione quicquid rerum est, quodammodo finitum aut infinitum dici potest, quia rerum omnium essentiaë & notiones analogiam quandam cum extensione gerunt, eò quòd omnia per similitudinem ad corporea imaginemur; hinc perfectionis quantitatem, latitudinem, gradus, ac partes habere videntur: ut perfectior natura Divina quàm Angelica, hæc rursus quàm humana, quæ porro bruta omnia excedit: unde vulgò distinguunt Scholastici inter quantitatem *molis* & perfectionis. Disquirendum igitur est quibus intervallis Divina essentia cæteras omnes exuperat, quotque gradus perfectionis exhauriat, finitos, an infinitos. Jam supra infinitos perfectionis esse gradus in essentiâ Divinâ adseruimus, quod nunc enodandum & adstruendum venit; & paucis expediam.

1. Perfectio rei dicitur, quicquid illius naturæ debetur, aut quicquid imperfectionem quamvis tollit, & propterea perfectio essentiaë est, quicquid removet ab essentiaë notione imperfectionem: essentiaë autem nudè considerata (de quâ jam agitur) notio est *esse*; & proinde quò remotior sit quævis essentia à *non esse*, eò perfectior dicenda est: Essentiaë itaque perfectio in *actualitate* ponitur; perfectum enim quodque in suo genere dicitur, quod optimum sui generis modum consequitur; cùm porro *essendi* modi eò plus minusve perfectionis adipiscuntur, quò plures paucioresve gradus *actûs* seu *essentialitatis*, ut aiunt, & *potentia* seu *non*

essendi teneant; sequitur ut quò profundius quidpiam in *potentialitatem* detrudatur, eò imperfectiorem *essendi* modum habeat, & quò vicissim plus *actus* fortiat, eò perfectiorem.

2. Infinitum seu infinites perfectum dicitur, quod omnia habet, quorum capax est, sive quod quàm longissimè ab omni imperfectione sibi oppositâ distat. Sic potentia, sapientia, iustitia, beatitudo, similesque virtutes infinitæ reputantur, cum omnia habent, quæ ipsarum notionibus convenire possunt, cumque illis nihil defectuum, qui illis opponuntur, admisceatur: Pari modo essentia infinitè perfecta dicenda est, cum omnes perfectionis suæ gradus obtinet, sive cum quàm longissimè ab omni imperfectione, quam essentiæ contingere possibile est, amovetur. Idcirco cum essentiæ perfectio ex jam dictis in actualitate, seu remotione ab omni *potentialitate*, sive non essentialitate consistat (barbaris hisce vocabulis condonent Critici, cum nulla alia suppetant, quæ pari luce & subtilitate res, in quibus versamur, expriment) ista essentia infinitæ perfectionis æstimanda est, quæ omnes actualitatis gradus possideat, sive cui nulla immisceatur potentialitas.

3. Ex his subsumo essentiam Divinam esse infinitè perfectam, utpote quæ omnes actualitatis gradus habeat, ita enim est ut non potest nisi esse, quàmque longissimè ab omni *potentialitate* seu *non essentialitate* distat: etenim tanta est ipsius *actualitas*, ut contradictio & impossibilitas sit omnium maxima eam non esse. Unde manifestum fit infinitudinem nudæ & solius essentiæ Divinæ resectis omnibus attributis in absolutissimâ *essendi* necessitate, quâ utique infinitis intervallis à *non esse* removetur, positum esse: Id, quod volunt *Scholastici*, cum Deum *actum purum* esse docent; etenim dictione istâ non respiciunt ad simplicitatem Divinæ essentiæ, quatenus ex materiâ & formâ non componatur: sed ad existentiaæ necessitatem, seu, quod aiunt, *essendi*

essendi puritatem, quatenus non componatur ex parte *positivâ* & *negativâ*, sive ex *esse* & *non esse*; quemadmodum creata omnia, quæ ita sunt, ut quandoque non fuerunt, & semper non esse potuissent, & quovis momento in nihilum interire possint. At vero essentia Divina tam innumerabilibus intervallis à *non esse* recedit, & ita excludit omnimodam *potentialitatem*, ut directè cum illâ pugnet, non modo ut dicatur posse non esse, sed etiam posse esse, quippe possibilitas importat indifferentiam ad utramque partem, quod cum necessariâ *actualitate* Divinæ essentiae pugnat, quæ nullam admittit *potentialitatis* admissionem. Ex his colligere est

1. Infinitatem Divinæ essentiae ab iis labefactari, qui Deum *positivam* sui ipsius *causam* esse docent; nam præterquam quòd illorum sententia contradictionem, quam quæ maximè, involvit, si enim repugnat (ut repugnare in confessio esse necesse est) creaturam seipsam *positiva causalitate* efficere, quantò potius id repugnat in Deo; si enim creatura, quæ Deo multò imperfectior est, à *non esse* ad *esse* transire nequit, nisi vi præexistentis potentiae, quantò magis immensitas Divinæ essentiae producenda præexistentem potentiam exigit, quo enim perfectior est res producenda, eò plus potentiae præexistentis disiderat, ut producat, cum vi solâ præexistentis potentiae è nihilo extrahatur, si igitur repugnat creaturam fieri sine alterius potentia, quàm enormem & monstrosam contradictionem involvit, ut nullâ præexistente potentia fiat res tantæ perfectionis, quantæ esse agnoscitur Divinitas. Præter manifestam hanc multasque huiusmodi repugnantias, quæ cum istâ sententiâ complicantur, eam inquâ infinitatem quoq; essentiae Divinæ non modo imminuere, sed & penitus abrogare: siquidem ex jam ante dictis liqueat infinitatem entitatis divinæ in *purâ actualitate* consistere, quæ ut tollatur necesse est, si essentia Divina *positive* producat *i. e.* è *non esse* ad *esse* extrahatur, sic enim *potentialitatem* aliquam sibi permistam haberet.

2. Hinc ratio constat, cur nulla infinita essentia nè quidem infinita Dei potentia produci queat: quippe eo quod producat, neutiquam infinita censeretur potest, siquidem ex jam supra allatis infinitas essentiae nihil aliud sit, quam vi propria, independenter, & necessario subsistere, quicquid verò producit non vi propria, sed externa, sibi adsciscit substantiam: Adeo ut tametsi alias quascunque perfectiones res aliqua participaret, deesset nihilominus omnium princeps & suprema, necessitas scil. existendi, suisque dotibus fruendi: ita ut quanquam aeterna, summè potens, sapiens, bona, justa evaderet, nunquam tamen perfectionis divinae amplitudinem exaequaret, quoniam non à se, suive perfectione, sed aliunde quicquid perfectionis habet, proveniat. Utrum vero pote sit infinitum esse duratione, magnitudine, numero, ullàve alià ratione in capite de aeternitate dicendum est, & nihil tale ratione essentiae posse esse præter Deum jam satis dictum.

3. Hinc denique elucescit ratio, cur sola divina essentia *negativè* ut aiunt à seipsa esse possit, cum aliae omnes causam exigunt, ut existant. Nimirum etiamsi Deum esse à se *negativè* duntaxat dicimus, tamen illius fundamentum positivum assignari necesse est, scil. immensitatem perfectionis divinae radicem, causam, seu fundamentum esse dicimus, quod causam non habeat: ita licet non se ipse producat, tamen à solà perfectionis exuperantia est, quod non producat: quomodo quanquam Deus propriè à se non sit, tamen sibi debet, quod ab alio non sit neque sit opis alienae indigus, quatenus ab immensa suae perfectionis exuperantia sit, ut causam non postulet, quā produceretur. Atqui vero entia creata non nisi positivè à seipsis esse potuissent, quae utique ab intrinsecà naturae necessitate non subsistunt, talis enim naturae illorum conditio est, ut causā aliquā indigeat, cujus potentia & beneficio subsistat, & inde à se esse nequit negativè, *i. e.* à naturae suae perfectione habere non potest, ut causā non egeat, cujus

cujus vi existat ; & nisi talis esset creatorum conditio, semper & necessario fuissent, eademq; non esse impossibile foret, necesse est igitur ut si à seipsis extritissent, sibi subsistentiam *positivè* seu *causali influxu* dedissent ; nimirum quæ vi & perfectione essentia: propriæ non existunt, indigent reali influxu, ut existant, quia non transitur à *non entitate* ad *entitatem* nisi reali vi & influxu, & propterea dicunt *Scholastici* creaturæ omni intimam esse, alienæ opis *indigentiam* : quod enim ex naturæ vi aliquid non est, essentiam non assequitur nisi alius beneficio.

Hic modo obiter subnotare fas sit quòd quanquam jure expectari non possit, ut infinitas proprietatum Dei vi argumentationis citra sacram scripturam solidè adstruatur : quoniam nihil perfectionum divinarum scire licet, nisi aut ex ipsarum effectibus aut ex perfectionibus, quas Deus creaturis indidit ipsis analogas ; cum verò omnes effectus & imagines perfectionum divinarum hætenus finita sint, ex iis infinitas perfectionum Dei ritè elicere non possumus. Exempli causa, quæ intelligam Deum vi potentia: undiq; infinitâ pollere, ex eo quod mundi fabricam extruxerit, quòd quanquam opus sit ingentis & eximia: potentia:, tamen omnipotentiam non arguit, quæ nempe hoc operæ non exhauritur, sed longè absolutiora, quæcunque scilicet contradictionem non involvunt, conficere valet ; at hoc legitimè ex Universi fabricâ adstrui non potest, cum nimirum perridiculum sit *affirmative à minori ad majus* ratiocinari ; hinc inquam licet infinitas proprietatum Dei firmiter probari non posse videatur, tamen non admodum imbecilla ex jam ante dictis de infinitate essentia: Divina: probatio facilè petitur. Quod enim tam immensa: perfectionis est, ut sibi tam immensam essentiam dederit, (sic loqui fas sit) quantò magis omnes alias quascunque perfectiones daret, cum nulla attributa amplioris possunt esse perfectionis, quàm sit immensa & inexhausta Dei essentia ; si igitur hanc Deus à seipso habuit, seu non desideravit causam, à quâ eam mutaretur,

tuaretur, nedum indigeret, à qua attributa aut quasvis proprietates derivaret. Quæ ratio licet solito subtilior videatur, nèque idcirco vocibus plenè exprimi possit, eam tamen nullus dubito attentius perpendenti solidam visum iri. An addam rationem, quæ perfectiones in rebus creatis limitat, esse quòd creatæ sint, seu quòd essentias aliunde hauserint, & proinde non plus perfectionis obtineant, quam aut potuit aut voluit earum causa illis elargiri. Idcirco sicubi abfuerit ista limitationis causa, sequitur omnes ibi adesse perfectiones nullis limitibus circumscriptas, ac subinde perfectiones Dei utpote *divinus* nullo limite constringi. Et quò quidem diutius meditor, eò minus intelligo quì quidpiam *ad intra* ut aiunt, seu à seipso restringi & limitari possit; siquidem sola producta limitari videantur, ex eo quod è nihilo fiant, quòdque huc usque & non ulterius progressa est illorum causa productrix: Quandoquidem igitur quicquid ad Naturam Dei attinet, sive per modum essentiae, sive per modum attributi aut adjuncti à nullâ causâ dependeat, non video quo pacto sibi ipsi certum perfectionis modulum potuit præscribere nisi etiam à seipso produceretur, quod manifestò absurdum esse plus satis supra evictum est; sed de his fortasse fusius alibi. Eo jam, unde digressi sumus, redeundum est.

Dictam puritatem seu necessitatem essendi prisca subnotarunt est, dùm nullam nomenclaturam Deo magis propriam esse docuerunt, quàm istam *ὁ Θεός*: ut passim videre est in *Platone, Simplicio* 1 Phys. ad text. 15. *Aristot.* 2 Metaph. c. 3. *Senec.* ep. 59. *Plotin.* Ennead. 6. l. 8. c. 9. aliis, qui omnes Deum per *τὸ ὄν* describunt, Reliquis quidem insignior est *Platarchi* liber de *τῷ* Delphici templi propyleis affixo: quem vide. Neque abludit iactata *Ful. Scaligeri* dictio, *ἀνταυτός*, quam Deo præ quibuscunque aliis propriissimam esse iactat ejus auctor. Neque prætereundum est plebrosque, Rabbinos utique omnes & Scholasticos, velle Deum Nomen Tetragrammaton יהוה sibi imposuisse, ut puram indicaret

indicaret existentiae suae necessitatem : quod scil. indubium est à verbo יהוה *fuit* originem traxisse, quamvis hactenus controvertatur an ab istius radicis *praterito* an *futuro* immediatè enascatur : at inde fieri extra controversiam ponitur, atque ita propriè יהוה significare, & Deo יהוה attribui, quia ipse solus non aliunde subsistit ; cætera autem quod sint, Dei accipere beneficio. Huc insuper adferunt Exod. 3. 13. ubi Deus dictionem istam *ero qui ero* tanquam שם המפורש *nomen sibi peculiare* vendicat ; quia, inquiunt, cætera omnia à Deo dependent, & ideo de illis dici nequit *ero quod ero*, cum ab alterius arbitrio pendent, & id sunt, quod illa esse ipse vult : Deus autem quia à se solo dependet, ideo de illo solo extra cætera entia dici potest *ero qui ero*, i. e. existo quia sum, & semper *ero qui sum*, quia non ab alterius arbitrio pendeam.

*Vide lib. de
fundamentis.
l. 2. c. 27.*

Facilius tamen aliis adsentirer, qui dicto Nomine Tetragrammato Dei constantiam & veracitatem potiusquam essentiam indicari arbitrantur, quod clarè, ut mihi videtur, conficiunt è loco, qui extat Exod. 6. 3. & deinceps, ubi Deus Mosem sic alloquens inducitur. *Ego Fehova & visus sum Abrahamo, Isaaco, Jacobo* יהוה *in [nomine] Dei omnipotentis, at nomine meo יהוה non cognitus sum eis. Etenim statui pactum meum cum eis, quod daturus essem illis terram Canaan, terram peregrinationum ipsorum, in quâ peregrinati sunt : & etiam audiui clamorem filiorum Israel, quos Aegyptii servitute premunt : & recordatus sum pacti mei, idcirco dic filiis Israel : Ego Fehova, & educam vos de sub oneribus Aegyptiorum, & eruam vos è servitute ipsorum, & redimam vos brachio extenso, & judiciis magnis : accipiamque vos mihi in populum, & ero vobis in Deum, ac scietis quod Ego sum Fehova Deus vester, qui educo vos ab oneribus Aegypti. Introducam quoque vos in terram, pro quâ levavi manum meam, me daturum illam Abrahamo, Isaaco, & Jacobo, daboque vobis in hereditatem : Ego Fehova.* Quibus verbis Deus apertè indicat, ideo

ideo sese *Jehova* cognominari, quòd promissis suis constet, id nimirum erga Israelitas præstiturus, quod olim ipsorum patribus promiserat; quo nomine deinde ideo sese tribus Patriarchis non innotuisse dicit, quòd non experti fuerant eum se esse, quem se futurum dixerat: Illorum nempe posteris se daturum terram Canaan promiserat; quoniam autem revera experti non fuerant Dei constantiam in promissis, quatenus illis effectum, quod pollicitus erat, non dederat, idcirco illis non innotuerat nomen יהוה: sed jam promissa præstiturus erat, & Israelitas in terram Canaan introducturus, ut experimento agnosceretur se esse *Jehova*, i. e. eum, quem se futurum esse dixerat: sive ut manifestam & plane notam faceret proprietatem & rationem nominis sui יהוה i. e. veracitatem & constantiam. Dicta hujus nominis proprietas similiter innuitur Isai 43. 8, 9. ubi Deus Jehovæ nomen vendicat, quod olim promissis constiterat, & recens promissa postea præstiturus erat. Capite item 43. 10, 11, 12. cap. 44. 24. cap. 45. 2. & passim alibi. Hinc (id subnotante Vorstio) in uno capite 31. Jerem. ubi promissiones amplissimas in Christo tandem exhibendas suo populo proponit Deus, nomen istud trigiesies ter sibi attribuit. Quin & quomodo Deus Patriarchis innotuisse potuit sub nomine אל שרִי *Dei omnipotentis*, & interim non innotescere sub nomine יהוה, si nomen hoc immediate ipsam Dei essentiam denotaret? potentia innititur essentiæ, eamque supponit, quapropter cognitam istam habere non potuissent, nisi prius alteram agnoverant; cum igitur Deum in nomine אל שרִי noverant, non autem in nomine יהוה, necesse est ut nomen hoc nihil significet, cujus conceptus prior sit isto, qui altero nomine indicatur, & consequenter non Dei essentiam significare, utpote quæ præsupponitur ejusdem potentia. Deinceps quomodo magis Israelitis quàm eorum patribus in Nomine Jehova innotesceret, quippe his Dei essentia perinde innotuerat, atque ipsorum posteris?

Not. ad disp.
2. de Deo.

Similem

Similem quoque esse usum & significationem nominis Jah cum Nomine Tetragrammato norunt omnes; & propterea cum Nomine Tetragrammato celebretur Divina veracitas, sequitur eandem quoque nomine Jah celebrari: & proinde solennem ac decantatam istam cohortationis ad Dei laudes celebrandas formulam *Hallelu-Jah* potissimum ad Dei veracitatem referre, quam exhibuit populum Israeliticum in terram illorum patribus promissam inducendo. Quomodo denique interpretantur Exod. 3. 13. ubi Deus se appellari jubet *ero qui ero*, & mox *ero*, & postmodum *eris* (non in præsenti ut verterunt 70 i. *ἔρ*, sed in futuro *ero*) i. e. is *ero* quem me futurum esse dixi, seu mei ipse similis *ero*, semper is *ero* factus, qui fui promissus; unde in verbis istis *ero qui ero* elegantem *ἁτανάκλασιν* seu dilogiam observant, quæ figura neque infrequens neque invenusta, in quâ eadem vox in eodem orationis contextu repetitur significatione variatâ, qualis fit Rom. 12. 12, 13. in voce *δουλοῦ*, quæ bis repetita priore loco *pietati studere* significat, posteriore *pios execrare* & in illo apud Suetonium

*Quis neget Anea magnâ de stirpe Neronem ?
Sustulit hic matrem, sustulit ille patrem.*

Ubi idem vocabulum è medio tollere significat simul & tollere in humeros, ita hîc prius *ero* factum denotat, posterius obligationem; factus is *ero*, quem me futurum esse promissione obligavi.

Jam demum cum essentiam Divinam per suam infinitatem ab omni aliâ discriminari viderimus, consentaneum est ut, priusquam ad illius attributa descendamus, paucis inquiratur, an illam, cum infinita agnoscatur, fas sit in *categoria* aliquâ includere. Quo negotio ut expeditius defungamur.

Dicendum imprimis categoriarum aut prædicamentorum nomine designari certas classes, quas excogitarunt veteres, quò commodius in illas res omnes digerere; hinc quisque,

ut lubuerit aut ut commodius æstimaverit, variè illas digessit & instituit, adeo ut demum quælibet secta peculiarem sibi categoriarum seriem depinxerit, hæc plures assignat, pauciores illa, una Duas, sex alia, altera decem; quidni & mihi centenas, millenas, millies millenas, aut numerum quantumcunque libeat, assignare liceat? Cæterum præ aliis multo illustrior numerus categoriarum Denarius ab Aristotele propositus, quas tanquam totidem fidei articulos propugnant Peripatetici, & ad eas non minus religiosâ pertinaciâ, quam ad decalogum divinitus sancitum adhærescunt, neque quovis pacto aut plures aut pauciores assignari permittent.

Deinde res aliquamultas à categoriis suis excludunt (jurenè mox liquebit) Deum scilicet Angelos, entia quòtcunq; incompleta, entia per accidens dicta, æquivoca, & hujusmodi alia. Quippe haud paucas conditiones exigunt, ut quodvis categoriæ alicujus municipio donetur; *municipio* dixi, quod causæ, quæ quidpiam à categoriâ excludunt, iis similes videantur, quæ quempiam à municipio excludunt. Ut alii propter dignitatem municipiis donari aspernantur, sic Principes & plerunq; nobiles municipali quovis ordine se recenseri nolunt: ita omnes Deum, & pleriq; Angelos in categoriam aliquam cogere verentur. Alios deinceps à municipiis abigunt propter fortis tenuitatem, ut mendicos, inopes, vagabundos; sic & à categoriis arcent privationes, entia rationis, externas denominationes, entia incompleta, entia per accidens, quæ nempe *incerta conditionis*; & si quæ alia sint entia tenuioris fortunæ. Alii rursus jure municipali mutantur propter inhonestam vitæ rationem, ut fallarii, fures, factiosi: sic à categoriis interdicunt æquivoca, in substantiis concreta, in accidentibus abstracta, &c. Quam politicè se gerunt viri boni! sed quâ quæso vos autoritate leges municipales, quas libitum erit, præscribitis? Aristotelis? At jam pridem impotentem istius dominatum excussimus. Cur illi potius in nos imperium, quàm Platoni, Epicuro, Zenoni, aliisque, qui aliter statuunt;

turant, liberè Philosophamur & jure utemur quisque suo. Sed seriò demum, Imprimis cum tam religiosâ superstitione decem, neque plures neque pauciores, categorias amplectantur. Dicant quorsum tantoperè numerus denarius præ aliis placeat: cur non prius sistatur, aut ulterius descendatur? cur postquam ens in substantiam & accidens divisum est, non subsistant? aut si subsit dividendi pruritus: quorsum accidens in novem subdividatur genera, cum interim intra unum genus indivisa quiescat substantia? aut quorsum postquam accidens in novem classes reduxerunt, sistatur? cur non pergunt in viginti, centum, sexcenta, mille, & ultra subdividere? Quidni etiam quantitatem in continuam & discretam subdividant, hanc rursus in longitudinem, latitudinem, & profunditatem, illarumque singulas deinceps in suas species? cur non situm in supra, infra, pone, retro, dextrorsum, sinistrorsum, stare, sedere, procumbere, &c? At summa genera non fore ejusmodi subdivisiones causantur. Attamen neque summa sunt, quæ illi assignant. Sed dicatur quid summum genus esse velint. Idne sit, quod superius non habet? si ita, à summi generis dignitate deiciantur quantitas, qualitas, & cætera, quæ sequuntur omnia; quibus nimirum superius est accidens, cujus subdivisiones habentur quantitas, qualitas, relatio, non aliter quàm quantitatis longitudo, & profunditas: idcirco si sola summa genera pro prædicamentis agnoscent, quiescendum est in accidente: sed cum ulterius descendere velint, descendere cuique pari jure licebit, quousque lubuerit, ad inferiores quasque cujuslibet categoriæ subdivisiones. Quorsum insuper substantiam non subdividant in corpoream, & incorpoream, in compositam & simplicem, in immutabilem, & mutationi obnoxiam, aut qualvis alias hujusmodi species? an non pari modo corpus subijcitur substantiæ, atque quantitas accidenti? cur igitur à categoriæ dignitate, quâ quantitatem cohonestant, excludatur corpus? Næ iniquè cum corpore agitur, quòd tamen si longè nobilioris

fortis & dignitatis fit, inter subditos & privatos delitescat; cum interim quantitas, quæ è corporis famulatio fuerit, & corporis solius beneficio ac munificentia substerit, eo usque honoris evehatur, ut inter decem rerum omnium capita & monarchas recenseatur. Hæc in genere ut liqueat quàm futiliter in categoriis digerendis se gerant Peripatetici, ut nihil mirum sit si futiles sint, cum Deum in illas cogere verentur, sed pergo.

Deinde cum tot conditiones exigitis viri boni, ut quidpiam in categoriam aliquam admittatur; Quidni nobis liceat conditiones vestris contrarias ad jus categoricum postulare? vos analogâ proscibitis, nos univocâ; vos incompletâ, nos completâ; vos incorporeâ, nos corporeâ; vos externas denominationes, nos (quoniam alterius esse generis censetis) omnes relationes; quidni etiam animata omnia, corruptibilia, & quævis alia? Cur conditiones à vobis propositæ potius admittendæ sint, quàm quas vicissim nos proposuimus? Quorsum substantiarum concreta rejicitis, accidentium tamen manumittitis? Unde jus habent corporeâ, univocâ, completâ; non habent spiritalia, analogâ, incompletâ? quippe paria utrinque merita; nam si illinc completâ præcellant incompletis, ita hinc spiritalia corporeis. Sed denique quorsum conducatur ullas omnino conditiones categoriis apponere? quid periculi si conditiones nullâ necessitate, sed pro vestrâ solum libidine excogitatæ refigantur? Quod si bonâ vestrâ cum veniâ fiat, nihil obstat quominus analogâ, spiritalia, infinita, aliaque omnia in jus & privilegium categoriarum redeant. Et profectò non possum nisi demirari res omnes in categoriarum classes distribui eo solum fine ut nihil vagum sit, sed ut omnia ad certos ordines & locos referantur, quò expeditius ubi quidque reperiatur, à quibus distet, & quibus affine sit complectamur, & simul tamen haud paucas rerum series ob conditiones pro arbitrio confictas excludi, idque eo solum fine ne intra rerum series recenseantur. Non aliter, ac si
cùm

cūm olim Pop. Rom. in tribus & curias distribueretur, ut ad aliquam quisque pertineret, seclūsā interim bene magnā populi parte ne cuiquam adnumeraretur; quasi quispiam nullius curiæ censendus foret, quoniam ex ordine senatorio aut equestri erat; ita scil. ut quamvis primitus institutum fuerat totam populi aggeriem in classes referri, tamen solam populi partem distribui mallent, potiusquam ordo equestris curiæ cuiquam accenseretur, tametsi nihil prohibeat, quo minus equites perinde ac plebei intra curias cogerentur: sic ē categoriis, quæ nihil aliud sunt quā totidem classes, ad quas omnia referantur, multa, solum quōd ita volunt, ex omnibus ejiciunt prudentes isti. Dicite obsecro vos cur Deo locum in substantiæ categoria denegari vultis? en quia infinitus est; at rursus cur infinitum excluditis? cur potius infinitudo à jure prædicamentali deiciat, quā finitudo? substantia infinita nihilo minus verè ac propriè substantia est, atque finita; quorsum igitur hæc, exclusā illā, in substantiæ prædicamento locum habeat? cum eo fine, si ullo, substantiæ categoriam usurperis, ut promptius substantiæ quæque seorsim ab accidentibus ponantur: an operæpretium finitas omnes ab accidentibus seungi reputetis, & non similiter infinitas? Quinimo an non Deus primum locum in substantiarum ordine meretur, qui utique omnium maxima sit? ita equidem non aliter ē substantiæ genere secludi potest, quā è regno Princeps, ex exercitu Imperator. Denique pari jure Deum inter causas *Physicis* recenseri non oportet, aut *Grammaticis* inter nomina, ac *Logicis* inter prædicamenta.

Sed insurgunt universi, Deus in aliquo prædicamento collocari non potest, nisi genere & differentiā componatur, ac proinde *actū & potentiā*; quōd genus ita referatur ad differentiam ut potentia ad actum: Deinde aliquid inquit, Deo foret prius & superius, siquidem *omne genus* prius & superius sit *suis speciebus*, postremo limitaretur Deus, siquidem *omne genus* contrahitur *suis differentiis*. Quæ ratiocinia quā putida sint

sint facile liquet consideranti genus & differentiam non esse reipsa distinctas entitates, sed eatenus solum penes intellectum secerni, quatenus perspiciat rem quamque cum aliis convenire & ab aliis differre; quod enim cum aliis commune habet, genus dicitur, quod sibi peculiare, aliisque diversum, differentia; & proinde fit, ut nihil rebus ipsis conveniat ratione generis & differentia; sed solum prout mente nostrâ varios de iis conceptus & respectus formante versentur: ut in Deo non alia res est *entitas*, alia *infinitas*, tamen quoniam advertimus Deum rebus aliis similem in *entitate*, dissimilem in *entitatis infinitudine*, diversos de iis conceptus fabricamus, idque quod aliis simile habet, quidni genus vocitemus, quod dissimile, differentiam? & propterea genus in Deo non est tanquam quidpiam *potentiale*; sed solum quatenus intellectu nostro exprimitur, eatenus potentiam imitatur, quod capax sit pluribus *differentis* quasi *informari*, quodq; eam determinet accedens *differentia*, eo modo quo adveniente *formâ* materiam determinari volunt: verum quid periculi si conceptus nostri de Deo aliquam similitudinem gerant cum potentia & actu, si nihil tale reipsa in Deo ponant? equidem non magis quam cum cogitatione essentia ab attributis divellitur. Atque pari ratione ad cetera quæ obijciunt respondendum est: speciatim non est quod vereantur Deum differentia limitari, cum eam adferamus esse *infinatam*: brevi differentia limitant *logicè* i. e. vocum significationes, non *Metaphysicè* i. e. rerum perfectiones. Ad id quod obijciunt hinc Deo aliquid superius fieri: an, ut jocosè Clariss. Gassendus, moneam *invertere categoriam*, ut Plato ille non erubuit *arborescens inversam ex homine facere*; sic enim quod est *categoriâ summum* fiet *infinum*, poteritque Deus *Demum remanere superior*? an potius serio respondendum præter ea, quæ jam supra diximus, nihil absoni esse, si Deo aliquid superius ponatur; etenim ipsi, qui obijciunt, *ens* Deo superius agnoscunt, quatenus *enti*, quod commune

Exerc. paradox.
adv. Arist.
l. 2. c. 3.
Ubi una cum
his plura.

mune est tum Deo tum creaturis & vocum omnium supremum, in rerum serie Deum subjiciunt, hæc quoque subjectio *logica* dicenda est, quæ fit, quatenus notio Dei in serie ab intellectu humano confictâ subjiciatur notioni eatis; quæ par indignitas est, ac si in chartulâ aliquâ Nomen Tetragrammaton subscriberetur vocalæ *mus*; execrabilis impietas ridiculum murem Deo superiorem fieri! E dictis abundè liquet Deum sub religioso prætextu, quod plerumque obtendunt Scholastici, intra prædicamentorum seriem sive Aristoteleam sive quamcunque aliam non includere, futilissimæ & summopere ridiculæ superstitionis esse.

Prætereo hic haud irridiculas, in quibus desudant Scholasticorum ingenia, quæstionculas: ut *utrum sit idem Deus, quod sua essentia?* utrum *in Deo sit idem essentia & esse*; ac hujusmodi reliqua: in quibus evolvendis nihil aliud crepant Barbari, quàm Bucephaleitates & equinitates, & humanitates & Petreitates. Aliud inquiunt esse Bucephaleitatem, aliud Equinitatem, aliud item ab humanitate Petreitatem. Lepide! ut nempe humanitas equinitatem equitaret, Petreitas Bucephaleitatem; miror quidem utra, si cursu contenderent, superaret. Modo dicite, ô boni Doctores, si ab invicem distraherentur Bucephaleitas, & Equinitas, utri istarum adhæreret Hinnibilitas.

C A P. V.

De Dei Attributis in Genere.

POSTquam de Dei Opt. Max. Essentiâ egimus, sequitur ut de ejusdem Proprietatibus & Attributis agamus, iis scil. quæ *in partibus* obliquè, & ad modum Affectionum de Deo

Deo enunciantur; quæ passim nomine *Perfectionum* significata veniunt; nec immerito, cum omnia, quæ Dei sunt, Perfectiones dicenda sint; ut & quicquid perfectionis sit, Dei esse dicendum est. De quibus imprimis in genere dicendum est, & ut commodius explicentur, præmittenda est trita perfectionis divisio in *Absolutam* seu ut vocant *simpliciter simplicem*; & *secundum quid*, seu *quodatenus sic dictam*; Primi generis sunt Perfectiones omnes, quæ nullam imperfectionem adjunctam habent, quasque præstabilis est adesse quam abesse: secundi generis habentur omnes; quæ aut aliquid imperfectionis invehunt, aut cum perfectioribus pugnant; quemadmodum notio corporis aut materiæ aliquid perfectionis includit, ejusmodi tamen, cui aliquid imperfectionis immisceatur, non modò quod spiritus notione sit imperfectior, sed quod eam, quæ perfectior est, excludat; aut denique cujus contrarium paris sit perfectionis, aut saltem imperfectum non sit. Cujusmodi sunt omnes actiones Dei *adextra*, seu omnes illius actus liberi, qui utique nihil perfectionis Deo adferunt, etenim perinde perfectus fuerat Deus, tamen si nunquam fuerant, atque etiamnum sit illis existentibus.

Hanc distinctionem commodè præmittendam esse dixi, quia controversiæ pleræque, quæ de Divinis Perfectionibus agitantur, ex eo proveniunt, quòd non attendatur aut quæ sint *perfectiones absolute*, aut quid cum illis pugnet, quid conveniat; & quæ vicissim *perfectiones* sint *quodatenus completa*, quomodo cum absolutis pugnent, & quid imperfectionis in sui notionem admittant. Hinc, inquam, indigna Deo attribuuntur, digna negantur. v. g. à nonnullis in dubium vocatur sine Essentia Dei immensa, necne? ubi controversiæ cardo in his vertitur; imprimis utrumne esse in loco, seu commensurari cum loco sit perfectio, deinde an absoluta, postremò num immensitas quidpiam perfectionis in se complectatur, ultra quam quod sit in præsentia definita & circumscripta;

scriptâ; sic tota moles disputationis à Deo in notionem Perfecti simpliciter & secundum quid dicti devolvitur; quippe si dijudicaretur de terminorum istorum notione controversia, eodem protinus negotio lites de Deo agitata dirimerentur. Ab hoc quoque fonte scaturiebant propemodum omnes *Atheorum* veterum & *Epicureorum* objectiones, quod scil. Deo attributum irent quicquid in homine perfectum esse arbitrabantur; ita perfectiones inchoatas (quales sunt creaturarum omnes, quæ à *fontali*, ut aiunt, *perfectione* deficiunt) Deo affigebant v. g. si Deus Optimus sit, inquirunt, toto virtutum complexu ornatus est, & proinde fortis est, si vero fortis sit, materiam, circa quam operetur fortitudo, habeat necesse est, quæ arduum & difficile quidpiam est, & sic demum Omnipotenti arduum & molestum esse conficiunt. Mille hujusmodi apud Ciceronem, Empiricum, aliosque Ethnicos, qui de Diis scriptitarunt, videre est. Dein Hinc Epicurus Deo, ut eum beatum efficeret, providentiam mundi que admirationem eripuit; quia nimirum *vitam beatam, quâ nihil beatus, nihil omnino bonis omnibus affluentius excogitari potest* (qualem à Diis degi censebat) *in animi securitate, & in omnium vacatione munerum posuerit*; hinc præterea Naturæ Divinæ speciem & figuram humanam affinxit, quia *naturam præstantissimam oportet pulcherrimam esse, verum humanâ formâ nulla venustior, hominis igitur specie Deos esse confitendum est*; ut arguit apud Ciceronem Velleius Epicureus. Et quidem Veteres Philosophi pro suâ quisque libidine Numen fabricati sunt, sicuti Tertullianus quemq; de animâ definivisse prodit, *Prout aut Platonis Honor, aut Zenonis Vigor, aut Aristotelis Tenor, aut Epicuri Stupor, aut Heracliti Maror, aut Empedoclis Furor persuaserunt*. Ut sanè proditum sit totas Gentes effingere solere suos Deos institutis suis & moribus accommodatos, ut Lacedæmonii plerosque Deos Deasque armatos efformabant, quia ipsi armis delectarentur. Phœnices, quia mercimoniis & mercaturæ dediti erant, Deos cum num-

De Nat. Dæor.
lib. 1.

Lil. Gyrald.
Syn. 1 de dīs
gentil.

mariis loculis effingere solebant, eò quòd ipsi pecuniosum
 beatum putabant. Argutè olim Xenophanes, *si brutis ani-*
mantibus concederetur Deum pingere, cum sibi similem quodq;
delinearet. Si vero isti omnes in animum induxerant hæc at-
 tributa, quæ Deo affingebant, licèt in nobis laudes merean-
 tur, tamen non absoluta esse, sed quodammodo manca &
 imperfecta, in censu Perfectionum Divinarum, quæ qui-
 dem absolutæ esse statuuntur, numerari non oportere vide-
 rant. Sic fortitudinis virtus impotentiam quandam secum
 convolvit, cujus utique objectum arduum & periculosum sit,
 at nihil tale respectu summæ Potentiæ reperitur. Atque adeo
 proinde in attributis Dei enumerandis, imprimis quid per-
 fectum & absolutum, & quid non, disquirendum est. Pro-
 pterea obiter monendi sunt qui posthac contra Heterodoxos
 in hisce negotiis disputaverint, ut fusiùs & accuratiùs demon-
 strent quænam sint perfectiones *simpliciter simplices*, po-
 tiusquam quòd Deo insint; evictò nimirum priore, non per-
 gerent Hæretici (ut vocantur) controversiam de posteriori
 movere. Ita cum Dei Essentiam esse omni modo simplicem
 contenditur, velim ut uberius demonstretur omnimodam
 Simplicitem perfectionem absolutam censendam esse (non-
 dum enim inter Scholasticos convenit omnem simplicitatem
 perfectionem habendam esse, quòd nimirum omne compo-
 situm in simplicia & incompressa se minora Demum dissol-
 vatur) aut si aliqua solùm simplicitas perfectio absoluta dica-
 tur, demonstrandum est quænam ista sit, & unde perfectio
 sit, potiusquam quæ alterius generis simplicitas. Ita pariter
 cum contenditur Deum ubique per immensitatem adesse,
 inprimis astruendum est interminatam Essentiæ diffusionem
 plus perfectionis inferre quàm terminatam; nempe quod ab
 illis negatur, qui Dei immensitatem evertere admittunt, di-
 cunt enim nihil perfectionis esse in loco existere, nisi quare-
 nus arguit rei existentiam secundum istud Ciceronis, *quod est;*
nullibi esse non potest, Unde pergunt quoniam immensa
 præsentia

præsentia non plus arguit Dei existentiam, quam quæ definita & terminata sit, nequaquam istam hæc perfectiorem habendam esse, & subinde non necesse esse ut Deus, quam infinitus & summè perfectus sit, immensus habeatur: propterea hi ut refellantur, demonstrandū est perfectionē in immensā præsentia esse ultra istam, quòd scilicet arguat rei existentia.

Sed alterius loci hæc sunt, modò porro subnotari velim eundem errorem crebro esse commissum in controversiis, quæ hinc inde de Providentiâ Dei ventilantur. Ex hac parte exclamant si eâ ratione, quam nos assignamus, instituat providentia (quâ voce includitur prædestinatio & reprobatio, &c.) magis inde elucesceret hoc vel illud Attributum. Rursus ex alterâ parte exclamatur, si talis præscriberetur Providentiæ ordo, qualem institui oportere nos contendimus, illustriores forent Dei operationes, quàm sunt, quas adversarii assignant. Verùm utrinque peccatur, quoniam Deo liberum est utro modo operari velit, penes quem eligere est, utrū nos magis per misericordiam an per justitiam gubernet; modo fortasse, ut visum fuerit, magis per hanc, modo rursus magis per illam. Argui potest hunc vel illum Providentiæ ordinem cum Dei bonitate, justitiâ, sanctitate, clementiâ, veritate pugnare, ac proinde Deo in mundi gubernatione non electum fuisse; at ordinem, qui nulli attributorum Dei repugnat, Deo magis aut minus nedum absolutè arrisibile argui non potest ex eo quòd magis consentaneus sit cuivis attributo, si enim nulli repugnet, sive illustrior sive obscurior fuerit, objectum est electionis Divinæ, penes enim Deum est, pro absolutâ suâ potestate, diversas inò contrarias providentiæ methodos instituere. Hisce præmonitis facilius Perfectiones Divinas eruemus; ad quod tempus est ut accingamus.

Et imprimis quamquam Innumeris Deus scateat Virtutibus, non plures nobis innotescunt, quàm quarum specimina in rebus creatis edidit, harum nempe meditatione vestigia

aliquot Virtutum in Deo primā omnium causā deprehendimus : Ita innumerabilium Attributorum Dei, quoniam non concedatur quomodo in se sunt contueri, sed solum ex illorum simulachris sparsim creaturis inditis, nullos conceptus efformare possumus, quorum nimirum nulla prostant simulacra. Etenim potuit Deus ex fœcunditate & plenitudine Omnipotentiae suae innumera alia ultra quae creavit, creavisse, quorum naturæ & perfectiones nullam cum illis, quas hætenus produxit, affinitatem haberent, quod si fecerat, innumerae inde patefactæ, fuerant perfectiones, quas hætenus involutas & absconditas esse voluit, & quarum fortè nulla ne quidem similis idea cujusquam menti subrepfit. Quemadmodum si plures, quàm reipsa elaboravit, corpori sensus, mentique facultates addiderat, non modo plures facultates, quàm quæ hætenus obtinuimus, adverteremus, sed etiam ex iis eruere liceret alias ipsius dotes, quas penitus nos celavit. Propterea non expectandum est ut universas Dei perfectiones Lumine Naturali cognoscamus; cum vero quæcunque, in quarum cognitionem Lumine Naturali deveniri potest, ab effectibus solis innotescant, ideo ad effectus respiciendum est, ut illorum perfectiones contemplando, Perfectiones Divinas quodammodo attingamus.

De Divin.
nomin. c. 7.

Atque equidem congruè Doctores Scholastici, id à Pseudo-Dionysio edocti, ad Naturæ Divinæ investigationem, triplicem assignarunt viam, sc. *viam*, ut vocant, *causalitatis*, *viam eminentiæ*, & *viam remotionis* : Prima dicitur, quatenus cætera omnia Deus creavit, & proinde quas illis perfectiones impertit, in seipso contineat. Secunda, quatenus longè uberiori & præstantiori ratione perfectiones Deo insint, quàm creaturis. Tertia, quatenus creatæ perfectiones suis quoque defectibus commisceantur, qui procul à Deo, qui utique nulli imperfectioni obnoxius est, amoliendi sunt. At vero mihi aptius videretur unicam imprimis assignare viam, eamque postea in bivium discindere; primò enim per *viam causalitatis*

tatis demonstrandum est perfectiones omnes, quas Deus creaturis communicavit, Deo inesse; quâ calcatâ, pergere fas erit ad demonstrandum insigniori modo Deo illas competere quàm creaturis, nãvosque, qui illis affunduntur, Deo affigi non oportere, à quo nempe non devenerunt. Sed digna sunt hæc, quæ aliquantò fufius diducantur.

Imprimis quandoquidem perfectiones creatæ ab exigentiâ naturæ propriæ non extiterunt, necesse est ut quicquid ejusmodi perfectionis existat, aliunde efficiatur, at vero cum solus Deus à seipso existat, sequitur ut quicquid perfectionis extra illum reperiatur, ab illo solo primitus promanaverit, cum autem dixerim omnia à Deo descendisse, noli quæso ita interpretari, quasi omnia ab illo immediatè fieri existimarem (istud enim nostro instituto & negotio alienum est) mihi etenim sufficit, si omnia Dei effectus sint sive *mediati* sive *immediati*, ita ut demum omnes perfectiones ab illo unico descendant; siquidem cæteræ causæ nullam virtutem sibi debeant, sed omnem à Deo, qui omnium prima & suprema est, mutuantur, & proinde nihil moliuntur *causa secunda dicta* nisi Virtute *Prima*, quæ *Secundis* quicquid virtutis habent largita est, quo pacto sit ut tandem omnes perfectionis gradus, quos occupant creaturæ, à primâ causâ tanquam immenso perfectionum pelago profluxerint: Attinguntur igitur perfectiones divinæ, quoad nobis licet, creatæ perfectionis gradus tanquam scalas conscendendo: & hæc *via causalitatis* dicitur. Verum enimvero quoniam creatæ perfectiones tenues sunt, & defectus semper admixtos habent, cavendum est ne aut perfectiones inchoatas, aut defectus simul cum perfectionibus Deo tribuamus, oportet igitur priusquam Deo dignæ fiant, omnes defectus reseccare, & perfectiones ad eminentiorem statum evehere. Quod quidem optimâ ratione postulamus, quia nimirum Deus perfectionum duntaxat causa est; nequaquam vero ullius limitationis aut defectus: Etenim res productæ ex se sibi que relictæ sunt *pura*
puta

Respons. ad
prim. object.

puta negationes, omniæ perfectione destitutæ; & quicquid perfectionis habent Divinâ Benignitate datum acceperunt, perfectionis autem inanitas & carentia ipsis citra omnem causam competit. Quò facit quod pulchrè monuit Subtiliss. Cartesius: *proprie loquendo limitationem esse tantum negationem ulterioris perfectionis, qua negatio non est à causâ, sed ipsa solummodo res limitata*. Nimirum *negationes* semper fuere nullam causam postulant, res enim limitata per se sola negatio dicenda est, à quâ tantundem negationis tollitur, quantum Entitatis positivæ producitur, propterea quòd res limitata tanta sit, à causâ esse dicimus, illius autem limitatio seu quòd major non sit à causâ esse negamus, quia quicquid negationis rebus competat, iis competit ante & citra omnem causæ operationem. Jam quòd Dei beneficio accepimus, Deo tribuere par est, eo quòd nihil quippiam in alterum transferre possit, quòd in seipso non habeat: & quòd vicissim nobis convenit à Deo non acceptum, in Deum refundi non oportet; adeoque quoniam nostras duntaxat perfectiones, non verò perinde defectus, seu perfectionum absentias & limitationes divinitus accepimus, sequitur ut illas apud Deum residere concludamus, à quo nempe promanarunt, non vero hos, à Deo utique nequaquam derivatos: quemadmodum si quis eleemosynam faciat 500 talentorum, illius liberalitati deberet pauperulus, quòd tot possideat nummos, soli vero propriæ paupertati, quòd non mille potiatur talentis. Denique annum quis Sole non omnem penitus dissipante caliginem, inde deduceret tenebrarum illum pariter ac Lucis fontem esse? & idem foret confectarium, si quis quoniam Deus non omnem defectum penitus abegerit, inde argueret illum defectuum perinde ac perfectionum Auctorem esse. E quibus satis evictum est Scholasticos non temerè & precario sed perspicuis rationibus inixos per prædictas vias *remotionis & eminentiæ* à perfectionibus, quas occupant creaturæ, omnes limites & defectus detraxisse, quò dignæ fierent, quæ Deo tribu-

tribuantur. Quibus in ante dictis par est ut sigillatim de viis
 ipfis aliquantulum dicamus.

Primo igitur *via remotionis* pertinet ad omnes & solas per-
 fectiones materiales, ut nihil quod materiam includit Deo
 tribuatur; omnem autem materiam procul à Deo amoliri
 oportet, quoniam extrudit substantiam se præstantiorem,
 nempe spiritualem (per materiam & spiritum intelligo sub-
 stantias, quæ ab invicem aliquâ ratione, quæcunque demum
 ista fuerit, discriminantur.) & ut omnes dixi, ita quoque solas
 perfectiones materiales à Deo amoveri oportere, oportet
 enim omnem aliam quamcunque perfectionem Deo tribuere:
 Remotio enim seu negatio duplex esse videtur, vel *quoad rem*,
 cum res ipsa à Deo amovetur, cujusmodi sunt sola materialia,
 nullæ vero perfectiones spirituales à spirituali Dei naturâ
 abhorrent: vel *quoad modum rei*, cum non ipsares de Deo
 negatur, sed limitata & imperfecta rei conditio, quomodo
 agnosco perfectiones spirituales à Deo amovendas esse, ve-
 rum huiusmodi *remotionis via* cum alterâ *viâ eminentiæ* co-
 incidit, atque eapropter ad illam reducenda est. Sicut enim
 cum facultates easdem, quæ nobis suppetunt, perfectiores &
 integriores factas de Deo prædicamus, earum solummodo
 defectus amolimus, quibus amotis continuò ad eminentiores
 gradus amplificantur: Ita cum defectus nostros, quotquot
 materiâ vacant, à Deo amovemus, non simul perfectiones,
 quibuscum commiscuntur, Deo abnegantur, sed defectibus
 amputatis ampliores factas Deo tribuimus, v. g. sapientiâ,
 quam nostrâ eminentiorem Deo tribuimus, ejusdem nihil-
 ominis generis cum istâ censenda est, nisi quod ab illâ de-
 trahantur quicunque limites: ita cum Deo ratiocinatio-
 nem denegamus non tam ipsa facultas denegatur, quàm illius
 defectus, quibus resectis eandem facultatem sub alio no-
 mine de Deo prædicamus: ut jam infra fusius edisserui
 sumus.

Deinceps notandum viam eminentiæ quam dicitant, per-
 tinere.

tinere ad omnes & solas perfectiones spirituales, ita ut quicquid perfectionis à materiâ liberæ in nobis residet, id ipsum longè sublimiori & integriore ratione apud Deum resideat: Nam tametsi nonnullæ facultates mentis humanæ Deo abnegandæ videantur, id hinc evenire videtur, quòd voces nonnullæ tam facultatis imperfectionem, quam ipsam facultatem denotant, propterea nihil mirum si istæ voces ab Infinitate Perfectionis Divinæ abhorreant, tamen ipsa eadem facultas illis designata sub aliis vocibus Deo tribuitur: uti videre est in proximè allato de facultate ratiocinatrice exemplo. Etenim intellectus munus est res percipere & intelligere, illi vero, quandiu *caro circum atque ossa resistunt*, tantæ offunduntur tenebræ, ut omnia sensuum interventu cognoscat; dum enim corporis carcere compingitur, nullas species, nisi quæ per sensuum fenestras speculanti obversantur, percipit, quo fit ut nihil perspicuè & clarè contueatur, & quæ procul amota sunt non omnino attingat, quocirca ut obscura apertè pervideat, ratiocinio utitur gradatim à clariùs perceptis ad obscuriora pergendo, non aliter ac per crepusculum, aut cùm fortè cælum densiore caligine obducitur, Itineranti successivè sese res produnt, modo una arbor, paulò ulterius provecto altera, mox tertia, & statim quarta, sicque deinceps; Per primam viator sese ad secundam non antea detectam perducit, atque per hanc ad tertiam, & deinde ad quartam. Sed vero intellectui divino cum nulla offundatur caligo, ipse omnia undiquaque uno intuitu prospicit, neque opus est ut unum sensum per alterum detegat, cui omnia quaquaversum aperta & nuda sunt; ejusdem igitur ordinis & naturæ Intellectus Divinus ac nostras, nisi quod hic imbecillior cum sit, neque procul pertingit neque clarè pervidet, unde fit ut circa objecta sua ratiocinetur, iste autem cum acerrimus sit, omnia uno simplici prospectu pernoscit: quomodo & nos simplici intuitu percipimus, licet ad objecti intuitionē ratiocinatione pervenimus, ita ut intellectio seu ratiocinatio nostra *successivè intuitiva* nuncupari possit.

Quem-

Quemadmodum exuto corporis velamento, quidni intellectus, qui antea ratiocinio indigebat, quicquid ad se attinet simplici intuitu non aliter atque divinus perspiciat? quod uno ore de Angelis & animis separatis adserunt *Doctores Scholastici*, nempe quod omnia intra ipsorum sphaeram intuitivè *i. e.* eo modo quo Deus, pervideant, nisi quòd ipsorum intuitio intra certam sphaeram terminetur, Divina autem illimitata sit, & rem quamlibet, quæ sciri possit, pernoscat. Quod idem dicendum est, cum dicitur perfectiones aliquas spirituales, quæ scil. imperfectionem aliquam adjunctam habent, *eminenter* solum Deo quadrare, non quasi aliquid alterius & superioris generis Deo conveniret, quod ad illas aliquam analogiam referret, sed quòd perfectiones istæ, quæ Deo insunt eadem existunt cum illis, quæ nobis insunt, non autem simili imperfectione, quâ nostræ, delibatæ, unde si tollatur imperfectio facultatis nostræ, ejusdem generis cum divinâ fieret, & Deus illam *formaliter* continere diceretur: exempli causâ cum prædicta facultas ratiocinatrix aliquid imperfectionis adjunctum habeat, scil. ignorantiam aliquam (ideo enim rem à re ratiocinando colligimus, quia multa nescimus, in quorum scientiam per illationem ab aliis pervenitur) hanc igitur facultatem dico Deo abdicandam esse, ita tamen ut eadem ipsi quodammodo tribuatur, nempe ratio, quæ uno intuitu omnia complectitur, idque ipsum nobiliori ratione præstat, quod nobis præstat facultas ratiocinatrix, utpote quæ id planè cognoscit citra ratiocinium, in cujus nos scientiam non nisi ratiocinando, & gradatim ex uno ad alterum serpendo pervenimus, atq; ita eadem *formaliter* ut aiunt cum nostrâ facultate facultas est, nisi quòd in Deo infinites perfectior & perspicacior sit quàm in nobis, quo fit ut omnia ipse simul pernoscat, cum nos pauca duntaxat, eaque successivè & pedetentim attingamus. Quæ luculentius patefcunt si modò advertatur, cum dicimus Attributa Dei per vias remotionis & eminentiæ investigari, non aliud intelligi, quam

quàm cum dicitur (quod passim dici notum est) Deo perfectionum alias *eminenter* competere, alias *formaliter*, ita nempe ut quæ materiam includant, cujusmodi v. g. habentur facultates sensitivæ, Deo non nisi *eminenter* conveniant, non quia eminentiori modo ipsi insunt, sed quia non omnino insunt; ita tamen emineat Divinæ substantiæ perfectio, ut ipsas non admittat nedum indigeat, sed sine ipsis præstet, quod nos nisi ipsarum subsidio præstare non possumus: exempli causâ Deum *eminenter oculatum* esse dicimus, non quod exquisitiùs visionis organon habeat, sed quòd omnia citra quodcunque visûs Organon circumspiciat, & Organi munere absque ipsius auxilio defungatur: & pariter de reliquis: Quemadmodum Scholastici Solem *eminenter* calidum esse docent, non quòd ipsius calor intensior existat, sed quòd ipsi ineffe vim quandam alterius generis, quæ omnes caloris virtutes contineret, arbitrarentur. Quo sensu insuper substantia Dei spiritualis *eminenter* materialis & corporea dici potuit, non quòd materia sit purioris & sublimioris consistentiæ, sed quòd per illam Deo conveniat, quicquid est perfectionis corporeæ & materialis. Et vicissim perfectiones, quæ materiâ vacant, Deo convenire *formaliter* dicuntur, non quòd non longè eminentiori ratione in Deo existere quàm in creaturis agnoscantur, sed quòd quibuscunque demum gradibus nostrates superant, nihilominus ejusdem generis & naturæ, atque istæ sint, esse advertantur.

Ab hac Excellentia & Prærogativâ perfectionum, quæ Dei sunt, haud pauci sunt, qui, ut nuda rerum nomina Deo tribuantur, non permittent, nisi addatur particula aliqua, quæ significationem adaugeret, & excellentiam designaret, cujusmodi sunt apud Græcos vocula *ὑπὲρ*, apud Latinos *super*: Cum enim reputabant nomina omnia primitus à rebus creatis desumpta fuisse, illicò in promptu erat autumare iis propriè significari res & notionem eo duntaxat modo existentes, quo in Creaturis reperiuntur, atque ita non modo res ipsas

ipsas sed & limitatas existendi conditiones connotare: ut essentiae, substantiae, bonitatis, potentiae, sanctitatis, iustitiae nomina non tam essentiam, substantiam, bonitatem, &c. quae tales significare, sed quatenus finitas, & quomodo in creaturis existens quaeque reperiatur: quocirca iis, cum Deo attribuuntur, particulam adjici volunt, quae aliquid amplius & perfectius exprimeret, & *περισχόν* significationis insinueret: hinc illum frequenter *ὑπερῆσον*, *ὑπερῆχον*, *ὑπεριονον* & similiter in reliquis dicendum esse docent. Neque aliud est, quod docent mystici Theologi (nempe quotquot Platonizare affectant, & quibus primas tenet *Pseudo Dionysius* iste *Arcopagita*) cum omnia de Deo affirmanda simul & neganda esse dicunt, affirmanda *quoad rem*, quod omnes omnium rerum perfectiones Deo infint; neganda *quoad modum*, quod utique longè præstantiori ratione Deo quam cæteris omnibus convenient. Sic Damascenus *διεκόρευεν ὃ μακρόν ἐν τῷ πλείονι ἀγαθότητος ποιεῖσθαι τὸ λόγον ἔχον ὃ δὲ τῷ ὄντων ἔχει, ἔχον ὡς μὴ ὢν, ἀλλ' ὡς ὑπὲρ πάντων ὄντων καὶ ὑπὲρ αὐτὸ ὃ τὸ ἰδὲ ὢν. Magis proprium est ita de Deo predicare aliquid; ut ei omnia detrabantur. Quippe qui nihil est eorum quae sunt; non ut nihil sit, sed ut sit super omnia, quae sunt, immo vero supra ipsam esse, ut & Author lib. de Divin. Nomin. ἐν αὐτῷ μόνῳ καὶ τὸ αἰένον ὅσας ὑπερβολὰς καὶ τὸ ἀζώνον ὑπερέχοντα ζῶν καὶ τὸ αἰὲν ὑπερέχοντα σοφία, καὶ ὅσα ἐν τῷ ἀγαθῷ τῷ αὐτῷ ὄντι ὑπερῆχως εἰσποίτας. In ipso solo substantia experte substantia est excessus: & vitâ carente excellens quadam vitâ: mentis experte præstans quadam sapientia: atque ita cætera, quae in bono illo antecellentem formationem exprimunt eorum, quae speciem & ideam non habent. Neque aliter Marius Victorinus. Sine existentia, sine substantia, sine intelligentia, sine vitâ dicitur: non quidem per *στέρησιν* i. e. non per privationem, sed per superlutionem. Cujusmodi innumera passim occurrunt, quae transcribere majoris laboris quam pretii foret, satis est nonnullae quid per ejusmodi *περισχόντα* velint.*

V. Plotinum
fuse diff. l. 4.
Ennead. 4. c. 2.

De fid. orthod.
lib. 1. cap. 4.

Cap. 4.

Lib. 4. adv.
Arium.

Quæ hæcenus de Perfectionibus Divinis diximus, satis perspicua esse arbitror, si de naturalibus perfectionibus intelligantur, licet fortasse de moralibus intellecta aliquantò obscuriora videntur. Nempe perfectiones divinæ in duplici classe vulgo reponuntur, vel *Naturalium*, cujusmodi sunt omnipotentia, immensitas, sapientia, imperium, & ejusmodi similes, quas omnes Attributo *Maximi* complexi fuisse veteres videntur: vel *Moralium*, cujusmodi sunt Ethicæ quæcunque virtutes, ut misericordia, justitia, benignitas, & ejusmodi aliæ, quæque Attributo *Optimi* olim complexi sunt: unde demum exorta est formula Deum Opt. Max. prædicandi: Idque non modo quòd reliqua omnia omnibus perfectionibus exuperet, seu quod eo major & melior non existat, sed quòd *omnes* omnes omnium perfectionum gradus exhauriat: potuit enim reliqua omnia superare, tametsi multis gradibus minor, quam ipsa sit, foret; innumeri nimirum perfectionum gradus Deum & Creaturarum Perfectissimam interjacent, quorum aliquibus quanquam destitueretur, nihilominus omnibus extra se rebus longè præcelleret; v. g. finge amplitudinem perfectionum creaturarum adusque *centum gradus* asurgere, illas omnes Deus multis vicibus excederet, tametsi non plures *his centum gradibus* occuparet, at vero non propterea *idus* & absolute Optimus Maximus dicendus esset, ne quidem etiamsi millies millenos plures habuisset; sed solum quoniã alia omnia innumeris & insuperabilibus intervallis exuperet, omnesque, quotquot esse possunt, perfectionis numeros expleat, ita ut non possit excedi.

Sed ut ad id, quod dicere cæperam revertatur, breviter dico quæ supra de perfectionibus divinis diximus, tam de *Moralibus*, quàm de *Naturalibus* dicta fuisse; ut si quæ virtutes non nisi corporeis convenire possunt, istas Deo oportet amoliri, ut temperantiam, fortitudinem, quæ illorum duntaxat virtutes sunt, qui corporis voluptatibus & miseriis obnoxii esse possunt. Alias vero, quas utique cuiquam corporis

ris experti competere possibile est, Deo quoque *formaliter* tribuere fas est, ut bonitatem, veracitatem, sanctitatem, justiciam, omnesque ejusmodi alias: exceptis duntaxat iis, quæ conditioni Deo subjectæ innituntur, ut obedientia & religio seu pietas erga Deum. Etenim improprie admodum diceretur Deum sibi ipsi obtemperare, aut ipsum se venerari, licet enim se ipse ad aliquid præstandum obligare potest, tamen cum id, ad quod obligatur, præstat, non obedientiæ est (quæ *omni* inferioris ad superiorem involvit) sed veracitatis aut constantiæ: ita porro quanquam perfectiones suas contemplari & admirari potest, id nequaquam est se venerari, quippe veneratio omnis humili reverentiâ & timore Immensæ Majestatis permiscetur.

Hinc priusquam migremus operæ pretium existimo de passionibus seu affectibus inquirere, sintne Deo tribuendi, quinam ex istis, & quomodo. Quod quæsitum par esse ut hic expendatur censeo, non modo quòd hujus loci, in quo etiamnum versamur, esse videatur, sed etiam ut plenius confirmetur, quæ supra adseruimus, nempe sicut omnia Attributa corporea à Deo abhorrere, & proinde non *formaliter* illi tribuenda esse, sed *per viam remotionis* longè amoveri oportere: ita quæcunque spiritualia *formaliter* Deo tribuere fas esse; de cujus adsertionis veritate scrupulum movere videntur passionēs, quæ utique quanquam spiritualibus conveniunt, Deo tamen plerunque abnegantur.

Imprimis itaque veterum plerique, inter quos & Aristoteles, animâ divisa *εις τὸ λογικὸν καὶ τὸ αἰσθητὸν*, in hoc duntaxat collocarunt Affectus quoscunque tum *θυμικὸς* *Irascentes* tum *ἐπιθυμητικὸς* *concupiscentes*; itaque nihil mirum est, si affectus omnes aliquid impotentiae adnexum habere Jove suo indignū reputarent; nimirum quos brutos & rationis expertes arbitrarentur, quosque principe & intellectu animi parte exclusos ad brutam inferioremque relegarent; quin & suam cuique sedem in peculiari corporis parte assignarunt: *Aristoteles*

Vide Laërt.
lib. 6. c. 15.

Manuduc. ad
Stoic. Phil.
l. 3. diff. rt. 7.

teles singulos in corde stabulari voluit; alii solum timorem in eo residere volunt, ut & cupiditatem in jecore, lætitiā in splene, iram in felle: Sic & Plato deinceps sicut principem Animæ partem sedem sibi in cerebro fabricavisse autumabat (animæ enim vim plasticam illum affinxisse, quā corporis domicilium sibi ipsa extrueret, vulgò notum est) ita Irascentem in pectore, concupiscentem in infimo ventre. Cæterum Stoici seorsim à reliquis abeuntes, affectus omnes in rationali parte collocavisse videntur, ita tamen ut illas immoderatas perturbationes, & rectæ rationi animæque constanti contrarias esse reputarent, quarum matrem & fontem intemperantiam esse censebant: propterea cum passiones *εὐλογος* esse inquirunt, nequaquam, ut alii omnes, intelligunt esse rationis *expertes*, sed rationi *contrarias*, ut scitè monuit insigniter Stoicissans J. Lipsius ad Zenonis definitionem, quod utique *πάθος* sit *ἄλογον κίνησις*, &c. i. e. inquit, *irrationalis motio ad verbum; sed Cicero diducit & aptè explicat, aversa à rectâ ratione* (& quidem ita ferè semper vertit) *est enim rationis sed prava*, sic ille. Cæterum an passiones in ipsâ ratione degant mox disquirendum est; quòd autem mentis perturbationes sint (nisi de verbis contendatur) jam diu explosum est, quocirca nihil est ut anxie refellantur.

At vero quod ad priores spectat, quorsum affectus omnes à ratione ablegant? an nùm ratio nihil appetit? an non experimur eam ad objecta sibi congrua propendere, non aliter atque alias quascunque facultates? quid est, quod honestum amat, eique contrarium averfatur, an facultas bruta, & rationis expert? quid est, quod in homine sit scientiæ appetens, an nihil nisi quod belluis quoque commune sit? equidem facultates sensitivæ hujusmodi objecta nequaquam percipiunt, nec proinde illorum desiderio capi, aut ab illis abhorreere possunt. Et pariter de aliis objectis, quæ varias in nobis passiones creant, quæ tamen nullam cum facultatibus rationis vacuis proportionem gerant.

Ut-

Utrunque Scholastici Aristotelis per omnia sequaces cum affectus quosunque solum in appetitu sensitivo residere reputarent, Deo propterea tribuendos non esse communi omnium calculo sancitum est. Atque idcirco cum affectuum nomina in sacrâ paginâ Deo attributa passim & ubique legantur, improprie & per metaphoram ab affectibus humanis illa ad Deum transferri vellent, quam figuram *ἀνθρώπων πάθος* appellarunt, passim monentes quæ *ἀνθρώπων πάθος* de Deo dicuntur *θεοπαθὸς* intelligi oportere: ita quidem quatenus in Deo vis aliqua sit, ex quâ iidem effectus enascuntur, qui à passionibus nostris fluunt, passiones Deo inesse secundum *effectum* non *affectum* statuebant, & propterea non passiones sed *quasi passiones* vocitarunt, quoniam solum analogiam quandam ad passiones nostras referebant, & *propassiones*, quia vice & munere passionumungebantur, Uti quæ principia sunt effectuum iis similium, qui à passionibus nostris promanant; denique potentias, quæ in nobis passiones dicuntur, *perfectiones* & *virtutes* potiusquam passiones esse, cum Deo tribuuntur. Verùm quid sentiendum sit paucis dicam.

Itaque subnotandum primò dictas passiones duas res includere, primo *mentis actum*, quem Deo proprie inesse adserimus; deinde *commotionem in corpore*, potissimum in corde inde excitatam: Cæterum omnes commotiones corporeas Deo convenire me constanter pernegare ex dictis abundè liquet; veruntamen non tam affectus istæ dicendæ sunt, quàm affectuum effectus; omnis enim affectio animi ex foedere illius cum corpore ad corpus propagatur, similemque sibi motum concitat, qui quidem improprie admodum affectio dicitur, cum corpus plerunque non omnino afficiatur ipsis passionum objectis; etenim quæ in illo excitatur commotio, non ab objecto sed ab animæ affectione gignitur: Veluti si anima apprehendat aut sentiat rem sibi ingratam præsentem esse, illius horrore quasi percussa sese quodammodo com-
primit,

primit, ac quasi intra seipsam colligitur & complicatur, unde spiritus, quos in cerebro modificat, ita cor vellicat, ut se contrahat & constringat, quo sentitur cordis Angustia & oppressio, quæ *angor* & *masstitia* dicitur: Ita cum anima apprehendit malum sibi impendere, averfatur, refugit & quasi recedit, unde spiritus cor eo modo afficiunt, ut sese abducant, & resiliat; & motio est, quam in fugâ experimur: Ita deinceps cum anima irascitur, quodammodo insurgit & effervescit, unde incalescunt spiritus, qui in corde calorem & effervescientiam, & sanguinis ebullitionem concitent: & pariter deinceps in cæteris: Sin animæ res grata fuerit, spiritus inde ita modificantur, ut gratè & jucundè cor demulceant, v. g. cum quis ex contemplatione pulchritudinis divinæ in illius amorem rapitur; anima, quasi Deum amplecti & in sese recipere vellet, dilatatur & expanditur, unde spiritus, qui istâ motione à cerebro ad usque cor propelluntur, ita suaviter & amantè cor titillant, ut sese excipiendis tam placidis hospitibus protinus aperiat & diffundat. Quomodo cor ipsum non omnino amoris objecto afficitur, siquidem hoc spirituale sit, illud corporeum; sed solum propter nexum, qui sibi cum animâ intercedit, fortè gigni contingit motum affectumque sensitivum in corde ex spiritali animæ motione; *sensitivum* dico, quia eodem modo afficitur ac sensus externi; attactu scil. quorundam corpusculorum: Ideoque cum postulat Deus ut se toto corde diligamus, sese accommodat vulgari imaginationi, nempe quoniam ex cordis affectu quantus sit animi amor judicamus, nostrum sui amorē cordis affectu exprimit; quasi diceret vos jubeo tam vehementi & pleno me affectu complecti, ut ex eo sentiatis totius cordis motionem & delectationem. Sive hâc, quam attigi, sive aliâ quâcunque ratione oriatur ex animi affectione cordis commotio, parum interest, cum, sive hâc sive aliâ ratione fiat, indubium sit corpus ipsum ipsis passionum objectis non affici: At si quis nihilominus contenderit corporis affectionem saltem passio-

nem

nem quodammodo nominari posse, quòd tamen non ob-
jecto, tamen affectione ab ipso excitatâ moveatur; Nolo
contentiosè nimis reluctari, modò satis sit monere tum pari
passu licere meditationem corpori tribuere, cum ex illâ mo-
tus varii in corpore enascantur, ut potissimum in ecstasi ex-
perimur: tum magis propriè animæ motiones affectuum no-
men mereri, quàm istas corporis, cum anima objectis mo-
veatur, & corpus non nisi per accidens, è quibus sequitur
affectiones, quas vulgò passiones vocant, non ideo Deo pro-
priè non convenire, quòd motionum corporearum prorsus
sit incapax, quo sine huc usque conatus sum evincere affectio-
nes propriè sic dictas potius animæ quàm corpori inesse. Ne-
que meâ refert an vocabula *affectus* & *passio* propria sint
ad exprimendas animi motiones, sed solum an animi motio-
nes quæ vulgò sive propriè sive impropriè passiones vocitan-
tur, citra quamcunq; corporis commotionem, propriè amor,
gaudium, odium, desiderium, spes, fuga appellentur, quod si
ita, quidni Deo quoque tribuantur? vel saltem illi tribuere
licebit, quanquam corporeæ non sint.

Notandum deinceps passiones non esse distinctas ab invi-
cem facultates, sed voluntatis varias functiones sive actus, seu
potius ipsam voluntatem, quatenus se diversimodè habet ad
diversa objecta, ut cum in bonum sibi gratum fertur, *amor* di-
citur, atque eadem cum malum sibi intestum exhorrescit, *odii*
denominationem subit, variasque alias denominationes ex
variis objectis, variisve objecti circumstantiis desumptas ad-
fiscitur: ut apprehenso in genere bono, excitatur *amor*,
illo præsentè *gaudium* emergit; futuro *desiderium*; quatenus
amitti posse apprehenditur, *metus*, quatenus verisimiliter
exiturum expectatur, *spes*: sic vicissim actio, quæ ex malo
in genere oritur, *odium* dicitur, præsentè *Dolor*, impendente
fuga, futuro *metus*, ineluctabili *desperatio*, evitabili *spes*,
superabili *ira*. Næ equidem si passiones pro tantillâ objecto-
rum diversitate distinctæ facultates censendæ sint; in immen-

sum continuò abeundum foret, nempe in promptu est innu-
mera objecta assignare, quæ non minùs ab invicem differant,
quàm ista, à quorum discrepantiâ passiones ab *Aristotele* in
undecim distinctas species reducuntur: Non quasi improba-
rem passionum in diversas classes reductionem, quippe ex usu
in Philosophiâ morali esse nullus dubito, ut nempe methodicè
ad certos ordines reducantur, quamvis variæ facultates non
sint, sed ejusdem facultatis variæ operationes, passiones igitur
ut velint, dividant, modo pro diversis facultatibus non ha-
beant: sed verò si pro diversis facultatibus obstinatè habue-
rint: Cur non pariter risum, fletum, malevolentiam, invi-
dentiam, æmulationem, obrectationem, zelotypiam, ad-
mirationem, gloriationem, pudorem, sui dissidentiam, pu-
sillanimitatem, pietatem & innumera ejusmodi: immo cur
neque pari jure pro varietate objectorum sensilium totidem
enumerantur cujusque sensûs facultates? Cur non uno gustu
percipiantur saporès suaves, alio insuaves, unus enim est
Palati veluti amor, quo sibi grata arripiat, & alter odium,
quo molesta exhorrescat? cur non unius facultatis sit auditio,
quæ sonum asperum excipit, alterius quæ lenem? unius item
odoratus, qui odores tetros percipit, alterius qui mites?
Unius visio quæ deformia intuetur, alterius quæ pulchra?
Jam vero si affectus non distinctæ sint facultates, sed solum
voluntatis operationes, quis nisi Stoicus aut Epicureus illos
Deo abrogaret? cùm nemo hætenus extitit, qui illi volun-
tatis operationes tribuere vereretur. Præterea an non voluntas
Divina impietatem averfatur, virtutem complectitur, impiis
irascitur, piis oblectatur, resipiscientium miserefcit? an per-
inde Deus erga omnes animatus? An eodem modo erga pios
& impios affectus? an pariter rectè & pravè factis oblecta-
tur? Quorsum aliquid præcipiat, nisi id velit & amet?
quorsum prohibeat, nisi quod exosum habeat & fieri nollit?
cur ab illo supplicium metuemus scelerati, aut præmium ex-
pectamus pii? an non odit, quod punit, & amat, quod re-
munerat?

munerat? Aut si diversimodè erga probos & sceleratos affectus sit; quorsum nefas fuerit affectuum nomina ipsi tribuere? nempe affectus etiam in nobis non diversas facultates habendas esse, sed solummodo diversas denominationes ex voluntatis ad diversa objecta tendentiâ exortas jam dictum est. Quorsum igitur voluntatis meæ propensio in sibi grata, amor dicitur; & non item voluntatis Divinæ propensio in sibi jucunda? Quorsum bono occupato lætor, futurum desidero, sed Deus solum *quasi lætatur, & quasi desiderat*?

Deinde Passiones prout bene aut malè temperantur, virtutum aut vitiorum nomina sortiuntur: si ad rectæ rationis normam gubernentur, virtutes fiunt; sin immoderatæ, intemperantes, turbidæ, & rectæ rationis præscripto contrariæ, tum demum vitia, animique delicta evadunt. Ita *Stoici*, qui omnem animi immoderationem affectuum nomine designabant, ut & virtutem quamcumq; nomine rationis; utrumque ejusdem facultatis esse censebant; quæ ad melius tendebat, ratio dicebatur; si ad deterius, affectus: uti Seneca *Non enim separatas ista [ratio & affectus] diductasq; suas sedes habent: sed affectus & ratio, in melius pejusque mutatio animi est.* v.g. *φιλαυτία*, si nimia sit, vitio vertitur, sin aliàs, laudi: Amor famæ aut potentiæ si moderatus, generosi est animi; sin æquo vehementior, ambitio fit: pecuniæ amor, donec adhibetur modus, frugalitas est; sin immoderatus, avaritia: sui æstimatio si nimia, fastus est & jactantia; si moderata & justa, modestia est; si nimis demissa, pusillanimitas & diffidentia: Ira legitima justitia est; sin illegitima, crudelitas & iracundia: & ne omnia singulatim persequar, Magnanimitas, clementia, lenitas, audacia, ostentatio, verecundia, impudentia, invidentia, malevolentia, *δυσχερεια*, & his similia, five virtutes, five vitia, nihil aliud sunt, quàm animi affectus bene aut malè occupati. Cum igitur *affectus* in Deo non esse, sed virtutes affectibus nostris analogas volunt; idem simul aiunt, & negant,

gant, siquidem affectus debito modo occupati virtutes sint, & virtutes affectus sint, qui debito modo occupantur. Quorsum igitur Deo tribuamus virtutes propriè dictas, & simul eisdem abrogemus affectus ritè temperatos, cum ab his istæ non omnino distinguantur?

Hiscæ serio perpensis non video quâ ratione negari possit, quin affectus veri & proprii perinde ac propria volendi facultas Deo tribuantur. Cur quæso affectus, quo me ipse complector, amor *zelus* appellandus est, & non item affectus quo se Deus amat? Ipse enim cum se planè noverit supremum, immensum, & amabilissimum esse Bonum, non potest, quin se ipse summoperè amet, ut loquuntur Platonici τὸ ἁγνίστην τὸ ἐγγονίστητον, *quod pulcherrimum id amabilissimum*; & propterea non modò amor Deo competit, sed quoque immensus omniumque maximus, nempe immenso sui objecto proportionatus. Quin & si quid mei ipsius gratiâ fortè præstiterim, amoris erga meipsum esse dicitur, quidni etiam amoris erit, cum propter se Deus quippiam operatur? siquidem omnia ad suam gloriam respiciens condiderit; ex sui insuper amore est, quòd inimicos perditos velit, iisq; perniciem inferat; quòd gloriam soli sibi debitam aliorum detorqueri non patiatur; unde fit, ut Vatiniano odio Idololatrias, si quos alios, infectetur, qui utique non sine Maximo sui Numinis contemptu, ejus solius cultum ad Dæmones, sceleratos homunciones, ligna aut lapides, aut siquid sædus & vilius deferant: Qui Dei affectus *Zelus* plerunque sacris literis dicitur; & sane adeo vehementer Numinis supremi iram adversus Idololatrias præ aliis flagrare concipiunt Judæi, ut nusquam in totâ lege (Maimonidis verba agnosce) *invocare est aliquem vocari hostem, inimicum; Osorem Dei nisi propter Idololatriam. Neque furem, iram, indignationem, Zelum, Zelotypiam Deo attribui; nisi quando agitur de Idololatriâ. Quod tamen perperam (ut hoc obiter quidem subinnuere liceat) & temerè fuisse dictum haud pauci adnotarunt:*

runt: Quod enim ad iram, indignationem, furorem spectat, exertim Deo propter alia peccata tribuuntur, ut Num. 16. 46. legitur *egressam fuisse effervescentiam furoris & ira divina adversus Core, Dathan & Abiram, quod Moyse obmurmurarent*, & ita quidem ut illos cum asseclis suis funditus absumpserit. & Exod. 22. 24. legimus Deum comminatum fuisse iram suam acerrimè flagraturam *contra oppressores viduarum & pupillorum*. Quod vero speciatim ad Zelotypiam spectat, ob peculiarem rationem Deo illa in Idololatriæ causâ tribuitur solum respectu Idololatriæ Israelitarum: Vix enim Deo adscripta legitur, cum de Gentilium Idololatriâ agitur, sed solum inquam cum de isto peccato ab Israelitis commissio quidpiam memoratur: Hos nempe ex omnibus terræ nationibus elegerat Jehova, & maritali quodam fœdere sibi desponsaverat, cujus vi illos ad sui solius cultum & obsequium obstrinxerat; unde toties in S. Paginâ quotquot ad Idololatriam à vero Dei cultu desciverant, adulterii inculantur: hinc inquam affectus Zelotypiæ, quæ conjugum peculiaris, Deo respectu Israelitarum ad Idololatriam desciscendum tribuitur, uti quos matrimoniali nexu sibi adjunxerat, ad eos maritalem affectum gereret, ut sicut Maritus rivalis impatiens est, ita Deus Deos alienos sui utique rivales ferre non posset. Sed extra oleas ista, eo itaque, unde exilii, revertor. Cur porro Parentis in prolem affectus amor habetur, & non item flagrantissimus amor, quo Deus filium suum complexus est *φειλόμαι* (Heb. 1. 6.) pulcherrimum, *splendorem utique Gloria, & Characterem Persona ipsius* (Heb. 1. 3.) Amabilissimum, nempe *αγαπᾶν* dilectum (Math. 12. 18) & *filium dilectionis* (Coloss. 1. 13) in quo sibi complacuit Math. 3. 17? Deinde cur neque Amoris nomine affectum donari ferent, quo Deus electos suos & filios adoptivos prosequitur? Cur denique Dei *φιλαυθροῦν* Tit. 2. 4. seu erga homines amorem, amorem dici non permittent? cum profecto mundi causâ filium *ἡ μονογενῆ* (quem se tantoperè deperire passim

passim profitetur) morti tradiderit : in quo quidem, teste Apostolo, 1 Johan. 4. 9. *ἐφανερώθη ἡ ἀγάπη τοῦ Θεοῦ*.

Cæterum ut paulò specialius rem in unâ aut alterâ passione explicem, ne minimus supersit dubitandi scrupulus : dicendum misericordiâ imprimis non significare animi angorem & tristitiam ex alienâ miseriâ traductam, sed propensionem miserendi, miserisque succurrendi, cujusmodi affectum quid obstat quo minus propriè Deo tribuamus, quem utique semper proclivem experimur miseros sublevare, unde argutè *πλείονος ἐν ἐλπί* dicitur Ephes. 2. 4. & *πατὴρ ὁ ὢν δικτυμενός* 2 Corinth. 1. 3. Quanquam monendum est hunc affectum Sanctâ Scripturâ plerumque impropriis & alienis vocabulis exprimi, ejusmodi scilicet, quæ non animi sed corporis motum designent, ut per *viscerum motionem*, ubi viscera per synecdochen pro corde viscerum præcipuo ponuntur. Sic apud Hebræos misericordia denotatur per vocabulum *כֶּחָל* viscera, ut Gen. 43. 30. Josephi viscera astuare dicuntur, affectu scil. misericordiæ erga fratres : Hanc vocem 70 seniores per *σπλάγχνα* reddiderunt ; quos secuti sunt Novi Testamenti Scriptores ; unde Coloss. 3. 12. *σπλάγχνα δικτυμενός* Deo tribuuntur, & Lucæ 1. 78. *σπλάγχνα ἐλέους*, qui & Jacobo 5. 11. *πολύσπλάνχυνος* dicitur ; Nec non Jerem. 31. 20. Dei viscera sonare memorantur præ illorum erga Populum suum commotione. Hæc & his similia ut Deo per *ἀνθρωποπάθειαν* tribuuntur, ita misericordiæ affectum non propriè significant ; siquidem solummodo quidam ipsius effectus quasi fortuiti fuerint ; ex eo enim sequuntur quandiu anima corpori unia-
tur, quâ quidem demum separatâ cessant, & misereri licebit citra viscerum commotiones : nihil igitur impedit quo minus iste affectus propriissimè Deo, si cui alii, conveniat : Non autem mollis ista & effæminata, quæ ad miseriæ participationem pertrahat (unde compassio dicitur) qualis plerumque in nobis præ animi imbecillitate & mollitie commo-
vetur, hæc nimirum affectus *ἀναιμία*, vitium, & defectus est :
sed

sed qualis generosa & verè Divina est, quâ permoveretur Deus
 jacentes & affligtos sublevare. Qui quidem affectus, si istum
 penitus introspicere velimus, non alius esse, quam Dei Amor,
 qui *amor benevolentia* vulgo dicitur, videtur; quique est
 propensitas bonitatis Divinæ ad bonum aliquid volendum
 aut præstandum creaturæ suæ quâ tali: Bonitas enim Divina
 seu propensio perfectionum suarum portiunculas communi-
 candi fons & origo reliquorum omnium in Deo affectuum
 censenda est; utpote quæ in *non ens* ferebatur, Deumque
 movebat res omnes è nihilo educere; ex quâ proxime seque-
 batur Benevolentia Dei, nempe Optimi parentis erga res
 creatas, quâ propendet illis bene velle & facere; atqui vero
 istarum nonnullis ob peccati reatum in miseriam prolapsis,
 Dei amor seu benevolentia, quæ in illas terminatur, miseri-
 cordia dicitur, quæ sanè nihil aliud est, quam propensio mi-
 seris bene volendi; atque ita misericordia nihil aliud est
 quàm *amor benevolentia erga miseros*. Qui equidem
 affectus quin Deo tribuatur, quî in dubium venire potest,
 cum utique ab omni tum perturbatione tum imbecillitate ab-
 jungatur?

Porro neque iræ nomine venit brevis ille furor, animique
 æstus, quo sedata ratio perturbatur, sed firma & constans vo-
 luntas injurias, contemptum, aut quicquid sibi inimicum
 existimet ulciscendi; quæ si iusta sit, justitiæ virtus emer-
 git; sin injusta, in injuriam transit; (secundum quod supra
 monuimus passiones prout bene aut malè usurpantur in virtu-
 tes aut vitia abire.) Quomodo peccati supplicium sæpiusculè
 Iræ nomine designatur Rom. cap. 1. 18. cap. 2. 5. cap. 3. 5.
 cap. 13. 4. & passim alibi. Dei igitur ira, si finire placeret;
 finiri potuit *firma & constans voluntas sceleratos præ scelerum
 odio plectendi*. Ubi notandum dicere me iram in peccatores
 ardere propter peccati odium, secundum quod argutè mo-
 nuît nonnemo *odium Dei potissimum in facta ferri, & facto-
 rum odium ira esse causam, at iram in personas primò ferri, licet*

Crellius de
 Deo c. 32.

ex.

ex factorum odio proficiscatur. Et quidem affectus Dei quotquot creaturis suis adversantur, non primum ipsarum Personarum petunt, sed primum illorum objectum & irritamentum peccatum est: Non enim Deus homines exosos habet, sed eorum flagitia, neque in hominum Personas excandescit, nisi propter peccata: Quippe Deum etiam impios amare abunde documento est, quod ipsorum resipiscentiam optet, ut scilicet ipsius amoris capaces fiant; ita sane ut Deus impiis succenscat potissimum quod amari nollent, & ipsius amorem ac benevolentiam contempserint; & forte quod eum contumaciam suam impederint, ne illos ille aeterno amore complecteretur. Quamvis tamen de irae affectu monendum est, quod jam supra de misericordia divina monuimus, nempe licet propriè Deo conveniat, tamen plerumque in S. Codice ejusmodi verbis designari, quæ Deo nisi *per metaphoram & anthropopathiam* tribuere netas est, verbis scilicet quæ istiusmodi passiones exprimunt, quæ aut effectus, aut indicia, aut excessus & Anomaliae sunt irae nostrae: veluti cum *oculi Gloriae Dei irritari* dicuntur Esai. 3. 8. & *exacerbari spiritus Dei* Psalm. 106. 33. Item cum voculâ *אף* denotatur, quæ ejusmodi iram significat, qualis per nasum efflatur, ut & voce *כע* indignatio Deuter. 31. 21. Jerem. 8. 19. *חרון furor* Psalm. 85. 4. *ערה excandescencia* Psalm. 78. 49.

Quid adversus prædicta excipi possit, prorsus divinare nequeo, nisi fortè dicat aliquis, nihilominus motiones voluntatis Divinae *αἰσος* affectuum & passionum nomine significatas venire; quod utique nomina singularum passionum excogitata fuerint ut ejusmodi affectus, qui aliquid corporeae commotionis secum admistum habent, exprimerent, verum Dei affectus prorsus alterius esse generis, quod ab omni passione & commotione corporeâ vacent. Atqui vero præterquam quod hoc sit *λογισματικόν*, jam supra dictum est, quicquid ad affectus nostros pertineat, non vero ad Divinos, intrinsecam affectuum naturam nequaquam componere; nempe

pe quæ duo affectibus nostris peculiaria contingunt, illis solummodo extrinsecus adhærent, ut quoddam plerumque immoderati & proclives ad intemperantiam sint, fortuitum est affectuum vitium; quodque ex iis sequantur corporeæ commotiones, supra commonstratum est ad affectus neutiquam attinere, quoddam affectuum objecta maximam partem non attingant, aut percipiant. Sed utcumque etiam si ultrò largiamur hæc affectibus nostris adnecti, ipsorumque naturis includi: Quorsum tamen motiones Divinæ quanquam ejusmodi defectibus non obnoxie sint, communem cum illis nomenclaturam non sortiantur? Nisi quod etiamnum homines voces omnes ad terrena deflectant, quemadmodum Minucius in Octavio suo, de illis, quæ Deo tribuuntur, perorans *Quem si patrem (inquit) dixeris, terrenum opineris: si regem, carnalem suspiceris: si Dominum, intelliges utique mortalem. Aufer additamenta nominum, & perspicies ejus claritatem.* Sic affectus eodem nomine atque nostri appellentur, solùm detractis iis, quæ sicut impotentis sunt, ita affectuum naturam non attinent. Quid igitur obstat quo minus iram secundum affectum, ut loquuntur, Deo tribuamus, cum iræ affectus seorsim sumptus nullam omnino impotentiam invehat, (hoc enim Stoicorum delirium est) quippe iram Deo tribuendo neque aut æstum, aut turbationem, aut quidpiam aliud, quod purissimam Olympi serenitatem perturbet, illi adfigimus: etenim perturbationes quæcunque iram non componunt, sed adveniunt tanquam ejus morbi & ægritudines. Præterea an non fas sit Deo vitam tribuere (quanquam ipsam ipse sibi sæpenumero tribuat, potissimum in istâ juramenti formulâ, *Vivo Ego*) quoniam ejusmodi vitam, qualem nos, non transfigat: nostra ab animæ unione cum corpore proficiscitur, sed hæc communis vitæ ratio non est, (vivunt enim Angeli & defunctorum animæ corporum verisimiliter exortes) utpote quæ in certo quodam vigore consistit, atque ita quamvis non vivat Deus per vigorem ab animâ, quatenus

corpori cohæreat, manantem, sicut vivit mortalis homo; interno tamen vigore, qualiscunque demum fuerit, fruitur, per quem æquè propriè vivere dicatur, atque si eadem ratione, quâ nos, vitâ uteretur. De hoc neminem hætenus dubitasse memini: Nam utcunque plerisque religio sit Deum ζῷον & *animal* appellare, tamen nulli usquam scrupulus movetur, si ζῷον & *vivum* dicas, quanquam revera ζῷον & *animal* sint cum vocibus ζῷον & *animalis*; unde enim quidpiâ ζῷον dicitur, nisi quòd ζῷ; aut *animal* nisi quòd *vivas*?

Insuper an neque Deus intellectu faculitate polleat, quia more humano non intelligit? nempe humani intellectûs est ea tantummodo objecta percipere, quæ ipsi sensuum ministerio repræsentantur; at hoc ab impotente illius statu, quandiu nempe corpori alligatur, provenit; neutiquam vero ipsius facultatis naturam constituit, siquidem corporeâ massâ emersa citra omne sensuum famulitium suas ipsâ functiones obeat & peragat: communis itaque intellectûs ratio est, ut sit facultas res qualvis, quæ ipsi obversantur, percipiendi seu advertendi. Quam facultatem Nemo usque adeo superstitione obrutus, ut Deo adscribere vereretur; quorsum igitur alias quoque animæ nostræ affectiones pro Divinis habere nefas videatur? cùm nimirum tanto illas nostris antistare prædicemus, quanto intellectum nostrum exuperet Divinus: Hic quidem purissimus & omni ignorantia exemptus Deo haud indignus æstimatur, quidni & illæ omni perturbatione exemptæ? Aut piaculum sit quòd in Deo residere facultatem intellectu censeatur, aut fas sit alias animæ affectiones perinde ac istam Deo tribuere; ecquæ enim potior istius ratio quàm reliquarum? perturbationibus commiscetur hæc? ignorantia quoque commiscetur & ista; corporeas motiones adjunctas habent? habet & ista, quæ nihil nisi interventu phantasie & cerebri peragat: quocirca ut hæc suis defectibus exuta Deo tribuitur, pari jure tribuantur & istæ.

Denique

Denique quis fortè excipiat de verbis fieri controversiam, illos nempe, quibus litem huc usque movi, non tam affectus quàm affectuum perturbationes & æstus à Deo removisse. At vero si id reputaverint, cur affectus, qui Dei sunt, appellare respuunt? cur *quasi-passiones & propassiones & secundum effectum, non affectum*, & si quid simile, vocitandas esse contendant? Annon *vires* passiones dicendæ sint, nisi imbecillitates quoque annexas habeant? Stoicum fateor hoc dogma esse, sed Scholasticis & aliis omnibus Theologis, quibuscum mihi jam res est, jampridem explosum, & propterea ut aliquid aliud velint necesse est, cum adfectuum nomina Deo abnegatum eunt. Sed esto logomachiam esse; asserenda est vocum libertas, præsertim cum impietatis & hæreseos accusatur quisquis uno verborum tenore id adserat, quod ipsi verborum circumplexu demum agnoscunt (quo quæ usquam sæcundior & infælicior in Ecclesiâ contentionum seges?) An non admodum anilis superstitionis sit à vocabulis licitis & innoxiiis abhorre, & præ servili indignoque ter Venerandi Numinis horrore, nihil, quod intelligant, ipsi tribuere, sed quæ ipse patefecit, ex industriâ rursus obvelare: Quasi rectè de Deo loqui non possent, nisi loquantur ænigmata, etsi igitur totius contentionis cardo in oculis solum versaretur, nequaquam ipse futilitatis insimulandus, qui putidas de oculis contentiones abrogare aditor, ne orbis Christianus liticulis in pupis nulliusque momenti quæstionculis vexetur, quod hætenus plerunque Christianismi ab usque illius pene natalibus morbus fuit omnium maximè exitiabilis. Huc usque de affectibus qui nullam impotentiam intrinsecus involvunt, sequitur ut de reliquis paucis dicamus.

Dico itaque affectus omnes, qui *inimici* quodvis, aut impotentiam sive naturalem sive moralem respiciunt, Deo per *αὐτοπαθητικὰ* attribui, cujusmodi numerantur furor, pænitentia, dolor, tristitia, metus, & innumera ejusmodi, quæ in

neminem cadunt nisi propter aliquē defectum aut potentia, aut sapientia, aut beatitudinis, quippe ex impotentia animi aut viriū est, quod istiusmodi rebus conturbemur, quæ Deum aut non omnino aut secus afficiunt. Sic dolor & tristitia, cum sit animi ægritudo & molestia ob præsentiam rei alicujus sibi incommodæ & infestæ, in summè beatum & potentem cadere nequit, siquidem beatitas ex bonorum omnium complexione, & malorum absentia proficiscatur; atque item summè potens, quicquid sibi molestum sit, amoveret, qui proinde affligitur aliquo sibi gravi & molesto, neque summè beatus neque summè potens centeri potest. Deinde penitentia cum animi dolor sit, & voluntatis mutatio ob factum, quod vellemus infectum, cum supremâ Dei beatitate, constanti, & sapientia pugnât: Metus denique cum sit animæ sollicitudo ne bonum aliquod amittatur, aut malum inferatur, à Divinâ vitâ abhorreat necesse est, qui immensâ animi tranquillitate fruitur, qui neque commodo quopiam carere potest, aut quicquam incommodi pati. Quæ dicimus, non quasi, cum Deo adscribantur isti affectus, nullum proprium affectum Deo adscribi arbitraremur, proprii enim affectus sunt, qui etiam tum Deo attribuuntur, licet impropriis & alienis nominibus exprimantur. Ut Dolor qui Deo tribuitur nihil amplius in Deo denotat quàm odium *אַהבה* seu *linguæ filiorum hominum* (ut loquuntur Hebræi) doloris nomine expressum: sicut enim homines, siquando fortè eveniat quod ipsi quidpiam odio sectentur, dolent & animi disorciuntur, ita Deus dolore affici dicitur, quoniam homines se totos impietati devovissent, quod summopere illi displiceret. Nisi placeat Maimonidis explicatio qui nomen *אֵוֶן* (quod Deo tributum Gen. 6. 6. Dolor vertitur) significare docet iræ & indignationis excitationem ut 1 Reg. 1. 6. *& non indignari fecit, seu non irritavit eum pater ejus.* & 1 Sam. 20. 34. *quia indignabatur propter Davidem.* Addi posset Psalm. 78. 40. *וַיִּרְאֵם אֱלֹהִים כִּי יִרְאֻם* Ut alteram ipsius interpretationem omit-

tam ut nimis contortam, quâ verbum *rebellare* exponit. Ut & alias Rabbinicas argutias mittam, qui volunt *latitiam in Deo vocari, quod spiritum suum hominibus communicat; tristitiam autem quando privat eos hoc bono. Etenim ut in latitiâ omnes spiritus vitales à corde exiliunt, ut obiectum bonum percipiant; in tristitiâ vero inrorsus se recipiunt, præsens malum fugientes: sic quod Deus delectatur effectibus suis, idem est ac si dicas eum demittere spiritum suum in homines; ut quando tristatur, retinet eum in fonte suo, quia indigni sunt mortales tali bono, &c.* Ne insuper memorem Munsteri aliorumque interpretationem, qui Deum dolere dici statuunt, per spiritum suum in piis, qui impiorum flagitiis contristantur.

Mon. J Ben.
Ipsae concil.
in G. R. 9 24.

Deinceps si non dolor, multò minus pœnitentia propriè dicta Deo adscribenda est, utpote quæ potissimùm in animi dolore versatur, etenim illam è duobus constitutam esse pernotum est; primò interno animi dolore ob male factum, quod infectum vellet; deinde hujusmodi doloris effectus, serio scil. conatu destructionis rei, quæ dolori est, quamque voluntas infectam vellet, qui enim ex animo dolet, serio id tolli adnitetur, quod doloris origo est; Quod igitur de dolore Deo attributo jam diximus, id quoad primam pœnitentiæ partem, de pœnitentiâ dicendum est, nimirum iram & odium Dei, è quibus sequebatur effectus, qui ex resipiscentiâ sequi solet, operis nempe factive cujuscumque destructio, pœnitentiam dicta esse. Sic cum Gen. 6. 6. memoratur pœnituisse Deum creationis hominum, non sumendum est quasi doluisset se homines creavisse, sed quòd ipsi quodammodo displicuerat eventus creationis, qui ex hominum liberâ impietate fuerat secutus, à quâ displicentiâ, & impietatis in hominibus abominatione oriebatur non absimilis effectus illi, qui oritur ab interno animi dolore ob malè factum, quod factum nolimus, operis utique, quod ipse fecerat, destructio: Sicut enim cum homines, quòd opera sua sibi non arideant, pœnitet laboris,

ea statim delere solent, ita Deus cum operis sui pessimum & perquam indignum eventum detestaretur, quasi pœnitentiâ ductus quoddam homines condiderat, funditus delere voluit. Quomodo pœnitentia Deo tribuenda est non modo *secundum effectum*, ut aiunt, quatenus id agat, quod agere solent, qui pœnitentiâ ducuntur; sed quoque *secundum affectum*; (omnes enim externæ Dei operationes ab internâ aliquâ voluntatis suæ affectione oriuntur) quam tamen ejusdem esse conditionis cum eâ, quâ homines, cum resipiscunt, tanguntur, constanter pernegandum est: pœnitentia enim hominum interna, dolor est ob male factum, verum Dei pœnitentia, odium & ira ob malè factum, quæ autem Deum ad eandem actionem excitant, ad quam interno nos animi dolore stimulamur: etenim sicut animi dolor propter malum operis nostri eventum nos extimulat ipsius ruinam moliri; ita Ira & odium, quæ Deus concipit adversus præfractam & contumacem hominum impietatem, illum excitat ad operis, quod condiderat, destructionem. Malè igitur cum in sacro codice pœnitentiam Deo ter-Maximo tributam legimus, ei abnegatur omnis internus voluntatis affectus, afficitur enim Deus, cum pœnitentiâ affici dicitur, licet longè diverso affectu, quàm is sit, quo nos pœnitentiâ ducti movemur, tamen proprio affectu, qui quidem ad diversam speciem refertur, quippe hominum pœnitentia ad dolorem reducitur, divinæ autem pœnitentiæ affectio ad odium, iram, detestationem, abominationem; neque minori proprietate odium aut ira dicitur, quàm resipiscencia nostra dolor vocitatur.

*Inst. Theol. l. 4.
Sect. 2. c. 26.
de Deo c. 31.*

An deniq; operæ pretium sit adnotare Episcopium, Crellium, aliosq; nodum ne quidem attingere, nedum solvere; cum dicunt pœnitentiam humanam & propriè dictam *oriri ex* consideratione rei malè gestæ, aut operis non satis consultò, sed prætestinè aut imprudenter suscepti, at è contra pœnitentiam Dei nō oriri ex consideratione rei malè gestæ, aut inconsultò & imprudenter susceptæ, sed ex ratione planè contrariâ *i. e.* ex consideratione

sideratione rei optimè gestæ, operisque consultissimò suscepti, scilicet quòd eventus opere isto planè indignus atque indebitus per accidens consecutus est ex solo liberæ voluntatis humanæ *abusu*. Hæc utcunque vera sint, longè tamen à re aliena. Nam imprimis nulla cuiquam difficultas est, utrum divina pænitentia circa eadem objecta versetur ac nostra: quippe Nemini usquam scrupulus fuit, an Deus resipisceret ex consideratione rei inconsultò & imprudenter gestæ, sed an omnino pænitentia affectui ex ullâ cōsideratione sive istâ sive aliâ quâcunque obnoxius sit. Deinde differentia ista, quâ pænitentiam Divinam ab humanâ secerni volunt, prorsus fortuita, extrinseca, & accidentaria est; Quid enim ad pænitentia naturam spectat ipsius objectum? quippe quodcunque circa objectum versetur perinde pænitentia manet: non enim intrinseca hujus affectûs imperfectio ab objecto desumitur, sed ab ipsius nativâ imbecillitate, quatenus nemini conveniat, nisi qui sit dolori obnoxius: sive igitur circa hoc sive aliud objectum versetur parum interest, siquidem quodcunque objectum habeat, pænitentia fuerit. Quinimo assignatâ differentiâ non perpetuo pænitentia humana à divinâ separatur, non enim homines pænitet solius operis imprudenter & inconsultò suscepti, sed quoque aliquoties consultissimi, ex quo per accidens consecutus est infelix aliquis eventus; quantâcunque enim prudentiâ opus quodvis aggrediamur, fieri potest ut aliquid humanitûs neq; nostrâ culpâ accadat: ut naufragum naufragii pænitere possit, id quanquam nullâ sui aut imprudentiâ aut temeritate acciderat. Quorsum igitur isto modo pænitentiam divinam ab humanâ separatam eunt, cum par sit (scil. quoad assignatam discrepantiam) utriusque ratio, quòd sæpenumerò pænitentia humana perinde ac divina non ex consideratione rei malè gestæ, sed eventûs per accidens & fortuito consecuti nascatur? Adhæc hominum pænitentia, cum circa ingratos eventus per accidens secutos exerceatur, animi miseria & perturbatio est, quomodo igitur divinam tranquillitatem.

litatem in vado sistunt, dum sartam tectam esse putant, quòd Deus solâ istiusmodi pœnitentiâ afficiatur?

De timore nihil attinet dicere, cum nusquam in Sancto codice Deo adscriptus legatur, unicus enim locus, quo Deo tribui videatur, extat Deuter. 32. 26. *Cessare faciam ex hominibus memoriam eorum nisi iram inimici timerem* i. e. præcaverem, quod non sollicita est mali timiditas sed provida & cauta ipsius averfio atque ita prudentia est potiusquam timor.

Hos autem & huiusmodi affectus procul à Deo amovere admittitur non quatenus affectus, sed quòd, contra atque in cæteris fit, speciales quosdam defectus includant: quâ etiam de causâ jam supra varias quidem virtutes Deo abrogavimus, ut temperantiam, quæ illorum duntaxat virtus, qui ad corporis voluptates sollicitari possunt; fortitudinem, quæ illorum, qui laboribus & periculis obnoxii sunt: istæ enim ut perfectiones in nobis censentur, ita & defectus arguunt, utpote quarum munus sit brutas & effrænatas motiones moderari, ad quas vel quidem propensionis umbram in Deo esse non sine piaculo censendum est.

Super sunt hæcenus dubia unum & alterum ad divinas perfectiones in genere consideratas attinentia compendio enodanda, alterum *an à Divinâ essentiâ & ab invicem distinguantur Divina Attributa*: alterum, cum infinita agnoscantur, & maximam partem vocibus negativis exprimantur, cuiusmodi immortalitas, impensitas, incorruptibilitas, & similia, *sintne conceptus, quos de illis habemus, negativi an positivi?* Imprimis de primo.

Controverti nequit de generalioribus attributis, cuiusmodi sunt unitas, æternitas, incorruptibilitas, immortalitas; dubitarique de illis solum potest, quæ Deo insunt ad modum aut facultatum, ut intellectus, voluntas, affectus; aut habituum facultatibus insidentium, ut scientia, sapientia, benignitas, iustitia. Atque de his non operose disquirendum est,

est, partim quòd in istâ re omnes Theologi consentiant, nemo enim hætenus distincta esse adseruit (nō enim hīc de liberis voluntatis Divinæ actibus jam agitur, istos fateor ab essentia Dei realiter distinctos adseruisse haud paucos Theologos, illosq; non infimi subfellii.) Quamquam in Nicholaum Taurellum acerrimè debacchantur nonnulli, quòd attributa & accidentia in Deo ab ejus essentia diversa constituerit, quod tamen vix sine aliquâ candoris jacturâ eidem affingunt: nam accidentia, quæ realia vocant, disertissimè à Deo quàm alienissima esse definit, eique adscribit solummodo respectus & denominationes extrinsecas, quales ex habitudine ad effectus suos oriri universi agnoscunt, quod, si tanti videretur, abundè probare facile foret, sed indubium fiet adeunti ipsum Taurellum Triumpho Philosophiæ p. 223, & 224. ubi ex instituto quæstio hæc ventilanda proponitur. Partim quod ne quidē accidentia, qualitates, aliæque rerum appendiculæ à corporibus, quibus inesse dicuntur, distinguantur, sed solum variæ sint corporum denominationes: nempe ut quodque certo situ, statu, conditione, vi, figurâ, se habeat, tale aut tale denominatur. Sed utcunque in substantiâ corporeâ fuerit, saltem suas à substantiis spiritualibus & incorporeis proprietates & facultates distinguere temerarium simul & supervacaneum foret, quòrsum enim sine necessitate adeo usque entitates multiplicentur? quænam autem necessitas intellectum & voluntatem (par ratio in reliquis) ab invicem & ab animæ substantiâ ut intermediæ & superinductas potentias distinguendi? Aut quorsum non pari jure istæ deinceps pro variis functionibus in varias illis cognomines subdividantur facultates? ut intellectrix in unam quæ apprehendit, in alteram quæ componit, & hanc rursus in affirmantem & negantem, in tertiam, qua ratiocinatur, ut & alias, quibus reflectit, seque intelligere intelligit, comparat, judicat. Cur neque deinceps alia voluntati tribuatur potentia, quatenus amat, alia quatenus eligit, alia quatenus averiatur, alia quatenus admira-

tur, alia quatenus æmulatur, aliaque innumerae?

Immo vero Scholastici intellectum & voluntatem ab invicem distinguendo visi sunt omnes planè virtutis nervos incidisse: Nimirum inter omnes convenit eas solummodo actiones aut laudem aut vituperium mereri, quæ tum deliberatò, tum liberè eliciuntur, seu quæ à principio proveniunt, quod tam deliberare quàm eligere valeat: Atqui verò si una sit facultas, cujus sit intelligere ac deliberare, alia cujus sit duntaxat velle & eligere, non autem intelligere, utraque virtutis & vitii incapax sit necesse est: hæc quòd rationis expers sit, neque intelligit cur potius objectum suum eligat quàm respuat: at vero bonum aut malum eligere, quod esse tale neque scis neque scire potes, neque virtutis est neque vitii: quòdque voluntas bene aut malè eligat prorsus fortuitum foret, non enim voluntatis est scire aut judicare bonumne sit an malum quod eligit. Illa, quòd electione & libertate destituatur, sive enim bene sive malè judicet, intellectui non imputandum est, cum non liberè sed necessariò statuat bonum esse hoc, malum illud: Nempe quemadmodum oculus imaginem rei objectæ repræsentat eo modo quo est, neque potest rem quampiam, quæ sibi sub candidi specie objicitur, apprehendere aut judicare esse nigram, rubram, aut alterius coloris; ita quidem non magis in intellectu potestate est ut quod concipit & judicat esse bonum, apprehendat aut judicet esse malum, sed veritati necessariò adsentitur falsitæque refragatur. Neque porro refert an ultimum intellectus dictamen voluntatem determinet, an solum objectum monstret, ita ut voluntas sui juris maneat, seque in alterutram partem pro arbitrato movere possit: Si hoc, voluntas sibi relicta vel intelligere & judicare potest de objecti bonitate, vel sine judicio in objectum oblatum fertur, si prius, ejusdem erit facultatis judicare, cujus est velle, atque ita (quod contendimus) non distinctas esse facultates voluntatem & intellectum. Sin posterius, ergo voluntatis actio bruta est & irrationalis, &
proinde

proinde omnis moralitatis expertus, bruto enim impetu in ob-
jectum fertur sibi repræsentatum, quod an sit bonum necne
prorsus nescit: sed fortuitâ quâdam propensione sequatur
aut refugiat objectum suum necesse est, non enim rationis est
compos, ut videat & judicet cur potius sectetur quàm aver-
tat, sed sui consilii nescia in objectum sibi monstratum bruto
more ruit. Si vero alterum statuatur, nempe voluntatem
necessariò per omnia esse intellectûs sequacem, funditus
quoque evertetur omnis virtutis, vitii, pœnæ, præmii,
obedientiæ, & inobedientiæ ratio: cum enim intellectus
nullum in actiones suas habeat dominium, sed pura puta &
naturali necessitate judicet, si illius judicium necessariò se-
quatur voluntas, quis superest locus libertati, virtuti, laudi,
vituperio? Intellectûs enim judicium necessarium & natu-
rale est, & si etiam naturalis & necessaria voluntatis ad hoc
judicium sequela, ubi libertas? quippe nihil magis cum li-
bertate pugnat quàm naturalis necessitas. Inne laude dignus
est, qui non potest nisi bene agere? Inne supplicio, qui non
potest nisi malè agere? Quorsum est leges sancire, hos actus
præcipere; alios prohibere, si naturali necessitate elician-
tur? Et quidem si ita se res haberet, intellectum jubere ut
in hanc vel illam partem determinet, aut voluntatem ut in-
tellectui morem gerat, aut obfistat, non minoris esset fa-
cultatis, quàm oculo præcipere ut videat, aut lapidi ut deor-
sum cadat, etenim nihilo minori necessitate intellectus judi-
icaret, & sequeretur voluntas, quàm videat oculus, aut di-
cidat lapis. Præterea utcumque de vitio dicendum sit, saltem
omnis virtus tolleretur, cum enim intellectûs determinatio
necessaria sit, perinde est sive necesse sit ut voluntas illi mo-
rem gerat, sive obluetari possit; quippe si obluetur, male
agit, tum quod temerè & sine ratione moveatur, tum quòd
conscientiæ, ultimove judicii practici dictamini obstinatè re-
luetur: si eam necessariò sequatur, non bene, quia non li-
berè agit, neque si errer dum intellectum præeuntem se-
quatur,

quatur, quodque malum est amari, & bonum exosum habere, magis in culpâ erit, quàm cæcus, si dum oculati ductum sequatur, *procul avius erret*. Immo quidem non modo omnes virtutes, sed etiam ipsæ facultates tollerentur, si distinguantur, non enim video quomodo voluntas, si cognitionis & intellectus omnino expers sit, agere possit, bonum amare, aut malum aversari. Quomodo enim objecti bonitate aut malitiâ affici potuit, nisi eam intelligat? An bonum appetere possumus aut malum refugere, quæ nescimus? An ignoti cupido aut odium? quomodo igitur objectis commoveri possit, quæ nescit? Neque quidquam est quod intellectum ei faciem præferre dicunt, quomodo enim voluntas porrectâ facie objectum suum videat, si cæca sit? quorsum quæso est cæco lucernam præferre? Neque præterea intellectrix potentia actiones suas elicere valeret: v. g. quomodo sese convertere posset ad objecti cuiuspiam absentis cogitationem? cur jam de re aliquâ meditatur, de quâ proximo momento non cogitavit? non quod sibi per sensus objiciatur, de re enim absente loquimur; non quod intellectum voluntas de re istâ permoveat meditari; hinc enim sequeretur non modo falsum esse voluntatem agere non posse nisi intellectum sequatur, sed etiâ posse intelligere & cognoscere, quomodo enim intellectum suadere aut excitare posset ad hoc objectum potiusquam aliud attendere, nisi tale esse objectum cognoscat? Ita equidem necesse est aut eandem potentiam vi intellectu & electricè pollere, aut nos non posse (contra quod experimur) ad objectum quodvis, ut libuerit, attendere; etenim intellectus se determinare non potest, quod libertate careat, neque voluntas intellectum, quod cognitione.

Hæc innumeræq; alia absurda sequi necesse est, si intellectus & voluntas distinctæ facultates statuuntur; sin vero mentem ipsam suas actiones immediatè elicere diceretur, & suapte vi omnes functiones intellectu & electricè obire, rueret omnis

nis omnium prædictarum absurditatum moles: sic enim ejusdem erit facultatis judicare & velle, atq; in intellectu statuatur libertas, in voluntate judicium, atque ita illius actiones virtutis impotes non fient, quòd necessariae, neque hujus, quòd brutæ; sed utriusque actus liberi simul & deliberati erunt. Immo vero tantum abest, ut intellectus & voluntas distinguantur, ut ne quidem necesse sit ut judicandi & appetendi actus distinguantur, sed sæpe judicando volumus, & volendo judicamus, quodque judicamus appetendum, id simul appetimus, quod averſandum, id quoque simul averſamur. Jam vero cum primâ fronte vehementer liqueat intellectum & voluntatem, si quæ aliæ facultes, ab invicem discrepare, cumque porro ista non differre abundè evincatur, sequitur deum neque ullam inter cæteras intercedere discrepantiam, sed ipsam Dei vitam, quatenus varias actiones exereare valeat, nomina totidem facultatum sibi adſcivisse: cujus probationem ulterius conari non licet nisi actum ageremus, cum id abundè adſtruatur iis quæ de judicandi & appetendi facultatibus diximus. Dicatur igitur ipsa Divinitas omnipotentia, scientia, sapientia, bonitas, justitia, misericordia; & rursus omnipotentia non alia quàm scientia, neque scientia alia à justitiâ; & justitia deinceps eadem cum misericordiâ, omnes denique singulis contineantur, & singulæ omnibus; Deusque per simplicissimam suam vitam pòtens, sapiens, justus, misericors; ipsa est, quæ opera quæque efficit, unde pòtentia dicitur; quæ quodque intelligit & ritè gubernat, quomodo fit sapientia, ipsa deinde humana curat & administrat, cuique, pro meritis rependens, & inde justitia nuncupatur; & ita similiter deinceps aliis nominibus pro diversâ ad varios actus & effectus habitudine insignitur una & eadem simplicissima Entitas, Ut præclare S. Augustinus: *Deus multipliciter quidem dicitur, magnus, bonus, sapiens, beatus, verus, & quidquid aliud non indignè dici videtur. Sed eadem magnitudo ejus est, quæ sapientia (non enim mole magnus sed virtute).*

*Et eadem bonitas qua sapientia & magnitudo; & eadem veritas qua illa omnia, & non est ibi aliud beatum esse, & aliud magnum, aut sapientem, aut verum, aut bonum esse, aut omnino ipsum esse. Neq; quidquam est quod intellectus peculiarem de quoq; Attributo conceptum former, Nihil enim tam simplex est, quin illud intellectus dividat & partiat diver-
simodè & inadæquate contemplando; nempe nihil, quæ imbecillitas intellectus humani, plenè & adæquate complectimur, sed res quasque in inadæquatas notiones imprimis comminimus, ut eo modo comprehendantur, quas uno complexu recipere non possumus; ita quoniam justitiæ & misericordiæ adæquatam rationem simul & unico conceptu exprimere non valemus, hinc alteram ab alterâ præscindimus, remque unam & eandem geminatâ ideâ intelligimus, & Dei essentiam, quatenus miserescit, misericordiam appellamus, quatenus remunerat, justitiam. Plura qui desiderat, Scholasticos adeat Aquin. 1. part. q. 13. art. 4. Arimin. in 1. disp. 8. Durand. in 1. dist. 2. q. 2. Suarez. Metaph. tom. 2. disp. 30. sect. 6. Lessl. de perfect. divin. l. 1. c. 1. Raynaud. theol. nat. dist. 6. quæst. 2. Capreol. in 1. d. 8. quæst. 4. Faventin. lib. 1. dist. 2. quæst. 7. disp. 30. Aliosque.*

De altero quæsito, sintne conceptus nostri de divinis attributis negativi an positivi? dico imprimis negationes, quas Deo tribuimus, non negare aliquid entitatis, sed absentiam entitatis, ut immortalitas negat absentiam mortis, quæ entitas non est, sed entis destructio, si verò negarent entitatem, negarent aliquid perfectionis, omnis enim entitas perfectio est, nulla verò perfectio Deo, qui omne perfectionis genus in se complectitur, abneganda est: sic & res infinita dicitur, quæ finis & termini nescia existit, finita, cujus realitatis finis demum ponatur, qui nihil aliud est quàm negatio ulterio-
ris diffusionis. Omne igitur infinitum realitas est summè perfecta, quantum autem quodlibet realitatis habeat, tantundem
&

& entis, quod igitur realitatem sortitur nullis limitibus comprehensam, infinita seu maxima entitas dicendum est. Finitum igitur negationem in se continet, scil. ulterioris perfectionis seu potius infinitatis absentiam: infinitum autem eatenus omni negatione vacat, quatenus omnem perfectionem habeat. Quod de attributis ut re ipsa se habent, sufficiat.

Quod verò ad conceptus nostros de iis spectat, dico esse potius confusos & indefinitos quàm negativos. Veluti si quis in immensum pelagus prospiciat, et visus terminatur, ut quodammodo totum perlustrer, aliquousq; enim oculorum vis pertingit, & quamvis sentiat se limitari, neq; ulterius ferri posse, tamen ubi terminetur non definitè discernit; sed confuse percipit pelagus tanquam quoddam Chaos in immensum patere. Sic cum de perfectionibus Dei ter-maximi infinitis meditamur, intelligimus, quantum pro modulo mentis nostræ capere fas sit, licet experiamur captum nostrum tandem definiri, non tamen ita, ut advertamus ubi desinat; sed percipimus perfectiones, de quibus cogitamus, infinities ideis, quas de illis formare possumus, ampliores esse, quo pacto ita terminatur scientia nostra, ut porro quodammodo deprehendat objecti sui interminabilem immensitatem. *Nimirum ubi cum dicimus immensum, incomprehensibilem, quid aliud quàm & esse cognoscimus, & superesse inquit Scaliger.* Atq; propterea non exprimuntur divinæ perfectiones meris negationibus, sed vocabulis partim negativis, partim positivis, quæ dum aliquid ponunt, simul negant, sic cum Deus perhibetur immortalis, isto vocabulo significatur illum vivum esse, & non posse mori, ubi prius est vitæ affirmatio, posterius mortis abnegatio. Hactenus de attributis in genere, sequitur ut de singulis seorsim agamus; & primo loco consideranda venit *Æternitas.*

*De subit. exor.
365. N. 2.*

CAP. VI.

De Æternitate.

IN facris paginis nullâ voce exprimitur Æternitas, quin quæ durationem quamvis finitam & terminatam pariter significet; Utî videre est in vocabulis Hebræis עוֹלָם & עוֹלָם, quæ quàm sæpius de rebus minimè æternis usurpantur. Imprimis nomen עוֹלָם æternitatem non vi vocis, sed ex ipsius rei, de quâ usurpatur, naturâ & conditione denotat; etenim primariâ & nativâ significatione, rei, cui tribuitur, ætatem totamve durationem sonat; hinc quod ætas Divina sempiterna sit, fit demum, ut quoties Deo tribuatur, æternitatem significet. עוֹלָם verò (ut notavit *Vorsinus* & cuilibet tyroni notum est) propriè significat usque, & inde æternitatem, quod nunquam perveniri possit usque ad hunc vel illum terminum, quin semper relinquatur aliud usque. Ad vocum istarum exemplum similem significationem apud Hellenistas accepit vox αἰών; illa enim quanquam apud veteres Græcorum Theologos & Philosophos plerunque æternitatem sonet, qui nempe dictam volunt quasi αἰὼν ὅλης, unde usitatissima ista Poetarum de Diis immortalibus dictio αἰὼν ὅλης: tamen Hellenista hujus vocis significationem ubique cum voce עוֹלָם congruere fecerunt. (Sicut in Novo Testamento Interprete Syro semper retrò vertitur per חַיְיבִים holmo.) Hæc abundè Theologis nostris, præsertim cum contra Judæos de æternâ Legis Mosaicæ obligatione disputatur, commonstrantur, sed ut paucis ostendam; Prætereo locos omnes, innumeros quidem in libris Mosaicis, quibus Deus legem Mosaicam עוֹלָם עוֹלָם in secula sancitam esse edixit, eam tamen jam olim Jesu Christi ministerio abrogari procuravit. Istis omif-

sis, textus aliquot minùs controversos adferam: & imprimis si retrorsum in secula effluxa respiciatur, comperiemus voces istas temporis spatium, quod aliquando exordium habuit, denotare: ut *Gen.* 6. 4. isti sunt potentes עֲרֵבָה אֶת־אֲדָמָה. *Isai.* 42. 14. *Foh.* 9. 32. & *Act.* 3. 21. ἐλάλησαν ὁ Θεὸς διὰ σφύματος πάντων αἰώνων αὐτοῦ ἀρχῆς αἰώνων. *Coloss.* 1. 26. τὸ μυστήριον τὸ ἀποκαρυμμένον ἀπὸ τῆς αἰώνων; & adjicitur κατ' ἐξήγησιν, ὡς ἀπὸ τῶν πατέρων. *Fer.* 7. 7. habitare faciam vos in loco isto, in terrâ, quam dedi patribus vestris עַל־עַד-וְעַל־עַד à seculo & usque in seculum; & similiter *cap.* 25. *comm.* 5. *Fos.* 24. 2. ultra flumen habitabant majores vestri עַל־עַד Tharah pater Abrahami & pater Nachoris; colebantque Deos alienos. *Job* 21. 4. Nonne nosti hoc וְעַד ex quo posuit Deus hominem super terram. Dein si antrorsum in secula defluxura prospiciamus, innumera pariter occurrunt in *S. Codice* loca, quibus voces istæ spatium definitum & aliquando exhauriendum significant. Ut *Psalm.* 104. 5. 119. 44. 145. 1, 2, 21. 148. 6. *Joh.* 8. 35. εἰς τὸ αἰῶνα significat vitæ humanæ spatium. Immo ve: ὁ utræque voces וְ & עַד simul adpositæ tempus finitum sæpiusculè denotant, de quâ re affatim exemplorum congerere licet: ut 1 *Sam.* 1. 22. Ut maneat tibi coram Domino עַד וְ. *Gen.* 13. 15. Dabo istam semini tuo עַד וְ εἰς τὸ αἰῶνα. *Deuter.* 23. 3. Non ingredietur Hammonita & Moabita in Ecclesiam Domini עַד וְ εἰς εἰς τὸ αἰῶνα usque in seculum; itemque 1 *Paralip.* 15. 2. & *cap.* 23. *com.* 24. E quibus luculenter paret quàm futile sit, quod monuit Maimonides (ut nempe legis Mosaicæ sempiternam vim & obligationem adstrueret) cum dicit *More Nevoch. part.* 2. c. 28. sciendum tibi est quod עַד Holam non necessario significet aternitatem nisi ei jungatur וְ Had. Quod quidem Rabbini effatum si veritati consentaneum foret, lequeretur frustra esse *Judaos* dum reditum ad terram sanctam sperant, utpote cujus desolationem עַד וְ Had holam permansuram

prædixit Spiritus Sanctus *Isai. 32. 13, 14.* Immò quidem sequeretur post exhaustam infinitæ unius æternitatis perennitatem, aliam quidem superesse, quippe quòd eodem loci illico subjiçitur terminum tandem isti desolationi, quæ עולמך perduratura erat, impositum iri *vers. 15.* & postea pacem ac tranquillitatem עולמך inductum iri *vers. 17.* Et in Novo Testamento per αἰῶνας μένοντας ἡ. ἔρχομενος modo significatur seculum, quod post mundi excidium futurum est, modo tempora Messiae, cujus nempe erat novam rerum faciem & statum inducere.

Hicce insuper vocabulis denotatur tota hujusce mundi duratio, ut *Luc. 20. 34, 35,* & aliis ejusmodi locis, quibus ætas hujus mundi opponitur ætati futuri; & passim libris Rabbīnicis. הוּהוּ עולם *seculum hoc*, & הוּהוּ עולם *seculum venturum* opponuntur. Hinc denique *Gen. 49. 26.* dicuntur colles æterni, quòd nimirum illorum duratio αἰῶνι hujus mundi æqualis futura est. Atque quoniam αἰὼν hujusce mundi ætatem designat, fit demum ut ipsum mundum exprimeret, non aliter atque *seculum* apud Latinos. *Math. 28. 19.* Christus pollicitus est Apostolis se adfuturum ἕως τῆς συντελείας τοῦ αἰῶνος. *Math. 13. 39. extremus dies συντελεία τοῦ αἰῶνος consummatio seculi dicitur;* & *1 Cor. 1. 20.* pro eo quod Apostolus dixerat σοφία τοῦ κόσμου τότε, mox *cap. 2. 6,* dixit σοφία τοῦ αἰῶνος τότε. Quomodo Judæi Magnates & Principes vocant גבולי העולם *Magnates mundi:* ut & *1 Cor. 2. 8. 2 Corinth. 4. 4.* Diabolus dicitur ὁ θεὸς τοῦ αἰῶνος τότε eodem sensu ac κοσμοκράτωρ dicitur *Ephes. 6. 12.* Hinc porro αἰὼν usurpatur ut res seu negotia hujus vitæ significet. Ut *Math. 13. 22. Marc. 11. 19. μεμνηαὶ τοῦ αἰῶνος τότε. 2 Tim. 6. 10. ἀγασίας τὸν αἰῶνα, i. e. diligens res, quæ ad hunc mundum spectant; Luc. 16. 8. υἱοὶ τοῦ αἰῶνος τότε* vocantur, qui solis hujus mundi rebus atq; negotiis student & invigilant. *Ephes. 2. 2. χροὶ τῷ αἰῶνα τοῦ κόσμου τότε,* quod Syriaco Interprete vertitur per ܡܢܕܢܐܝܬܐ i. e. *mundanitas; juxta mundanitatem mundi*

mundi hujus. At Denique mundus quidem αἰῶν in plurali dicitur, ut Heb. 11. 3. κατασκευασται τὸν αἰῶνα ρήματι Θεοῦ *conditum esse mundum verbo Dei*, qui vocis usus apertè Hebraïsmum sapit; Judæi enim triplicem mundum seu עולם statuebant, primò עולם השפל *mundum depressum* i. e. regionem hanc infimam, quæ elementaris dicitur: dein עולם התיכון *mundum medium* i. e. orbes Cœlestes: postremò עולם העליון *mundum excelsum*, id nempe quod beatorum sedem dicimus; quodque D. Paulo tertium Cœlum vocatur, quâ locutione ad receptissimam hanc αἰῶν divisionem verisimiliter respexit, quorum itaque supremum, in quod raptus erat, περιεῖν dici erat consentaneum. Hinc erat quòd Deus Rabbiniis passim vocitetur רב עולמים *Dominus mundorum* i. e. mundi, quo sensu sumunt nonnulli 1 Tim. 1. 17. τὸν βασιλεῦσιν αἰῶν ἀφθάρτου. *Regi mundi incorruptibili* sic & 1 Cor. 11. 7. ὅτι αἰῶν i. e. ὅτι καταβολὴς κόσμου, qui αἰῶν plurali dicitur, quòd è tribus prædictis αἰῶν constet. Sed ne nimis extra oleas excurratur, sistendum est; cum satis liqueat propria vis & energia vocum, quæ in S. Codice ad æternitatem denotandam usurpantur; quòd nempe totam rei cujusque permanentiam sive definitam sive infinitam exprimant, & propterea, cum durationem divinam designant, æternitatem valeant; quoniam, tam apertè postulat Deitatis natura, ut sempiterna sit; uti iis, quæ ante diximus demonstratum est.

Alia adhuc supersunt loca, quæ scil. comparatè *Dei æternitatem* exprimunt, nempe quæ Deum ante mundum conditum extitisse adserunt, cujusmodi insignis extat locus Psalm. 90. 2. *Antequam fierent montes, aut formaretur terra & orbis, à seculo & usque in seculum tu Deus fortis es.* Cujusmodi locis (ut id obiter innuam) commode insinuari videtur nihil præter Deum solum ante jacta mundi fundamenta extitisse; quippe si ideo Deus sibi soli æternitatē adseruerit, quòd ὅτι καταβολὴς κόσμου extiterat, sequitur nihil extra se unicum tunc temporis

extitisse: quomodo enim inde significari potuit æternum Deum extitisse, quod ante mundum conditum fuerat, si quippiam aliud, quod tamen æternum non erat, extitisset; unde satis evictum videtur Angelos ante hujus mundi natales natos non fuisse: si enim mundi initio præextitissent, sufficiens æternitatis indicium & argumentum non foret mundo præextitisse.

2 De gener.
cap. 11.

Ut à voce ad rem tandem deveniam, non opus est ut operose æternitatem durationis divinæ adstruam, siquidem supra dictis satis stabilita videatur. Quippe superius abundè demonstratum est Deum non posse nisi esse; at sanè quod non potest non existere, id æternum, ortusq; & interitus expers esse necesse est, ut bene monuit *Aristoteles τὸ δὲ ἀνάγναι, ὃς αἰὶ ἀνα.* Quod necessarium, & quod semper, simul sunt; siquidem aliàs minime necessarium foret, necessarium enim est, quod non potest aliter se habere, propterea si necessaria sit existentia divina, apertissimè repugnat, quin ut eadem semper fuerit. Dein quod principium essentiae nullum habuit, id sempiternum est, atqui Deus nunquam esse incepit, quippe si existere cæpisset: aut sibi ipse existentiae principium conciliaverat, quod ex supra dictis apprimè pugnantiā involvere apparet, siquidem isto pacto idem simul fuerat interea & non fuerat, seipso itidem prius & posterius, causa & causatum, dependens & independens, factum & non factum, ac cætera ejusmodi: aut aliunde acceperat, quod pariter impossibile; sic enim causa foret Deo prior, quanquam Dei nomine intelligatur causa prima, atque ita demum daretur primo prius.

Præterea nisi Deum semper extitisse agnoscatur, aliquando non extiterat, ac proinde quoniam repugnat aliquid ex nihilo sine causâ emergere; cum demum Deus existere cepisset, à causâ aliquâ productus extitit; atque ita non ipse, sed causa, quæ ipsum genuerat, Deus foret, cum Dei nomine causa prima designetur; porro de istâ causâ redit argumentum, quod si æterna non fuerit, aliquando cæperit, & proinde eam

à causâ aliâ genitam esse, verum porro de istâ causâ, & causâ istius causâ & ultra usque in infinitum redit argumentum, dum tandem causa aliqua improducta ortus & interitus expers agnoscatur: Quippe si omnia aliquando nata, nihil extitit, antequam nata; sicque omnia aliquando non fuere: qui ergo in actum transire possent, siquidem nihil omnino foret cujus vi & virtute à non esse ad esse demum transirent?

Verum tam evidens & toties ab aliis demonstrata est æternitatis divinæ necessitas, ut si quis magis operosam ejus probationem desideret, mallet alios consuli, quam millies exscripta rursus à me exscribi. His igitur dimissis pergam, ut difficultates unam & alteram, quæ ad æternitatem spectant, expedire adnitar: Quarum alterâ in æternitatis naturam inquireretur, nempe *an sit divisionis & successionis expers, necne?* alterâ de æternitatis subjectis, *an scil. aterna duratio ita Dei propria sit, ut nihil extra Deum sempiternum sit aut esse potuit*: quarum debitâ explicatione exhaurientur omnes, quæ ad æternitatem attinent, difficultates. Imprimis itaque de primâ quæstione, quæ ut accuratius expendatur, primò consideranda est duratio, quæ *concreta* sive *interna* dicitur, quænam illius natura, an successiva sit, unde, & in quibus: deinde expendenda veniet duratio *abstracta* sive *externa*, qualis illius natura & successio.

Primò igitur concreta sive interna duratio nihil aliud quàm rei cujusque existentia videtur, quatenus simul cum indefinente temporis fluxu coexistit; nam utcumque non desinat è Scholasticis, qui illam esse modum quendam, aut accidens cujusque rei existentie superadditum arbitrentur, tamen ferè universa illorum quæ veterum, quæ recentiorum cohors durationem à rei cujusque existentia non distingui adseruere: Quippe si ponatur rei existentia, inde statim, quamquam nihil præterea adjiciatur, perdurare incipiet; siquidem nihil existere potest, quin propterea temporis alicujus fluxui coexistat; atqui simul cum quovis temporis fluxu existere,

id demum est perdurare. Adde durationem esse rei cujusque permanentiam, verum quidem permanentia non quidpiam est rei adjectum; siquidem res permanere intelligitur, si eadem, quæ antea fuerat, esse perseveret, atqui sanè res eadem secum sine omni adjectione esse possunt. Deinde si duratio quidpiam adventitium rebus adjiceret, augmentum quoddam & mutatio potius foret quàm perduratio; cum exinde res augeantur & quodammodo mutantur, quod aliquid iis de novo adjiciatur, quod verò quantum à duratione abest, nemo quidem nescire potest.

Cæterum cum durationem rei cujusque ab ejusdem existentia non distingui dixerim; id ut aliquantum explicatius intelligatur, dico porrò existentiam eatenus durationis nomine designari, quatenus cum indefinente temporis successione coexistat, ita ut duratio hodierna & hesternæ una & eadem existentia sint: quippe existentia non alia hodie est, ut neque alia heri fuit, alia cras futura, sed existentia quatenus existit (unà cum temporis portione, quæ hodiè præterlabitur, hodierna duratio appellatur; quatenus cum aliis partibus heri præterlapsis, hesternæ duratio dicitur; quatenus denique cum aliis cras demum successuris, crastina duratio habetur: verum eadem utrobique perseverat existentia, iidem nempe hodiè sumus, qui heri fuimus, quique cras futuri, nisi quid aliunde impediatur.

Jam vero quanquam huic durationi vulgò adscribantur incrementa & partium successio, id sanè intelligendum est, non quasi de die in diem mutaretur, est enim per se fixa & immobilis: tamen quatenus partes durationis externæ successivas connotat, quodammodo successiva ipsa videri potest. Ita productior est existentia sive duratio, cum ad hodiernum diem protrahitur, quàm fuit crastino, non tanquam aliquid novæ existentia hodiè acquiratur, sed quod pluribus temporis partibus hodie quàm heri coexistatur, & ita deinceps prout aliæ & aliæ subinde labuntur temporis partes, prolixior habetur

habetur continuò fixa & stabiliter permanens cujusque duratio. Nimirum res quæque eo tempore, cui coexistunt, durare censentur, at verò cum tempus incessanter fluat, & successionem partium priorum & posteriorum habeat, ita ut unâ præteritâ sine interruptione sequatur altera, hinc fit ut coexistentia cum iis successiva videatur, siquidem cum rebus successivis, aliisque alias sequentibus impossibile est ut simul *i. e.* sine successione coexistatur. Cæterum ista coexistentiæ sive externæ habitudinis successio nullam adfert existiendi successione, quæ eadem & stabiliter permanens cum præterlabenti successione successivè coexistit, nimirum quandiu quidpiam perdurat, tandiu fixum quiescit, omnisque motus & successionis expers perseverat. Quin & profecto rei cujusque duratio *quies quadam* non incongruè dici potest, ut enim quies est permanentia in eodem loco, ita duratio permanentia est in eodem esse. Sicut insuper res dum quiescit, successivam habitudinem ad aliud, quod successivè præterlabitur habere potest; ut rupes præterlabenti flumini continuâ quâdam successione coexistit, ita dum res quasi immota in suâ existentiâ perseverat, cum temporis fluxu & successione coexistit. Porro ex his apparet quomodo discriminentur *res permanentes* (quas vocant) à *successivis*; scilicet quia harum essentiæ successivè existunt, idcirco perseverando aliquid ulterioris existentiæ acquirunt, cum autem rerum permanentium existentiâ in quiete & immobilitate sita sit, quantumcunque perseverent, nihil inde novi assequuntur.

Itaque ut in aliis interna duratio permanens est, ita in aliis successiva, ob internam scil. rerum ipsarum successionem, res enim pleræque continuâ partium subinde accedentium & abscedentium successione fiunt; quibus nihil mirum est si successiva duratio tribuatur, cum enim res permaneant partem successivè post partem adsciscendo ipsarum permanentia successiva propriissimè dicenda est; neque hujusmodi permanentia

manentia solum motui convenit, sed & rei cuius materiali compositæ, quod paucis explicare par est, primò de viventibus, dein de vitæ expertibus.

Primarium itaque vitæ fontem sive animam vitalem, quâ accensâ, luce fruimur, extinctâ, luce mulctamur ipsi & extinguimur, flammulam quandam esse censuere non modo veterum plerique, *Leucippus, Hippasus, Heraclitus, Heraclides, Hipparchus, Stoici omnes, Parmenides, Democritus*, sed & recentiores quotquot quidquam de illâ, ut Philosophos decet, commentati sunt, & illam porro, quanquam corde tanquam præcipuo foco speciatim vigeat, ubique per omnes corporis artus diffusam esse addiderunt, atque non modo ipsam continenter avolare (flammæ enim partes successivo quodam fluxu consistunt, quarum aliæ quovis momento evanescent, aliæ accedunt successione quidem temporis fluxui non admodum absimili) sed & incessanter corporis particulas agitare, voraciter ut pabulum suum depascere & dissipare, atque modo alias secum abripere, modo alias sive per occultiora corporis spiraminula, sive per pulmones tanquam per apertiore & communem caminum foras eliminari. Animam verò sensitivam esse igneam substantiam extra dubium erit attendenti proprietates quas habet igneas, ut continuam pabuli absorptionem, vigorem, perpetuam agitationem, pulmonum tanquam flabelli munus, aliosque effectus omnes, quos in animalium corporibus molitur. Unde intelligitur, cur tot vocabula igni & vitæ communia prostant, ut cum animal perinde ac lucerna extingui dicitur, & cum ζωπνίσθαι ad vitam revocare, simul & ignem sopitum excitare significat, uti subnotat *Suidas*. Hinc & *Seneca Epist.* 54. nos quoque accendimur & extinguimur. *Antoninus* item lib. 4. Sect. 21. αἱ ψυχὰς ἐξάπνουν anima incenduntur; & *Plutarch. de com. not.* ὅταν ἐκπύρσθῃς γένῃται, διόλου ζῆν & ζῶον ἵδ', tunc vivere cuncta atque animari, cum ignitio quasi obvenerit: unde non desunt, qui vitam definiunt essentia effervescentiam. Hinc insuper celebrata

celebrata vitæ animalis fragilitas, quasi tota à primo ortu
nil aliud quàm mors foret, ut isto *Thalesis* effato insinuat, *ἡ δὲ θάνατος διαφέρει τοῦ ζῆν, nihil mortem à vitâ differre*, ut &
isto *Divini Hippocratis* *ἡνδρα γ' ἀνθρώπου τ' αὐτὸ γενεῖται & interire idem esse*: & argutè *Prosper*, *vita hujus principium*
mortis exordium est, nec prius incipit augeri aetas nostra quam
minui: cui si quid adjicitur spatii temporalis, non ad hoc acce-
dit ut maneat; sed in hoc transit, ut pereat: & peræquè
quidem *Johan. Francisc. Grandis* Socratico quodam (ut
de se ipse loquitur) furore correptus cecinit

*Laert. in Tha-
letis vitâ.*

*2 De vocat.
gent. c. 21.
Dissert. de
rerum communi
vivendi ra-
tione.*

*Vivimus hic, morimurque simul, redi viva parentas
Vita sibi, & propriâ morte perennis adest.*

Hinc denique insigne illud *Epitaphium* sepulchro suo tan-
quam Philosophicæ vitæ coronidem (inquit jam laudatus
author) inscribi non ita pridem curavit *J. Lipsius*.

*Via alio voce me tecum loqui?
Humana cuncta, sumus, umbra, vanitas,
Et Scena imago, & verbo ut absolvam, nihil.*

Quippe ignis *ῥέος*, qui nos fovet, simul quoque absumit,
& clanculum per intima viscera grassatur, cujus con-
stanti agitatione dissoluti continuò in aërem faceffimus, quo
fit ut quovis momento quodammodo moriamur, quatenus
quod proximo momento pars nostrum extiterat, jam in fu-
mum evanuit, & nostrum pars esse desiit.

*Nam quodcumque suis mutatum finibus exit,
Continuò hoc mors est illius quod fuit ante.*

Lucret.

Atque hinc demum animal quodvis indefinente partium motu
& successione subsistit, quòd nempe *flammula vitalis* corporis
B b b partes

partes incessanter deprædetur, in quarum locum nisi aliæ continenter substituerentur, brevi sequeretur animalis extinctio, quatenus cum succendiculi defectu langueret *lampas vitalis*, tum alimenti defectu exhauriretur corpus: idcirco quantum materiæ perenni effluvio expiramus, tantundem semper novæ in locum effluxæ substituitur, partim ut pabulum igni suppedietur, partim ut corporis partes igne absumptæ instaurarentur. Atque ita continuò unâ effluente nostrî parte, subit altera; istâ avolante, mox altera, & incessanter deinceps, quomodo in *perpetuo fluere sumus* *ὅτι ἐκ τῆς αὐτῆς ποταμῆς οὗ ἐστὶν ὁ καὶ ποταμὸς* (inquit Gregor. Nazianz.) & *fluminis instar præterimus*. Quò fortè respexerunt, cùm *Plato*, animam esse *ἀείδωντα* definiens, tum *Aristoteles* cum eam *ὑπερέχουσαν* dixerit, quæ vox, *Cicerone interprete*, perennem quandam motionem sonat.

Orat. 34.

Hæc porro proportionē de aliis quibuscunque corporibus dicenda esse arbitramur, ut de ipso mundo loquitur *Plato* *αὐτὸ ἐαυτοῦ τροφὴν ἔχει καὶ οὐκ ὅτιον παύεται* *seipsum consumptione ac senio sui ipsius alit*. Et sanè edocuit Antiquitas ignem quendam intimè corporibus omnibus permistum esse, ut *Heraclitum* apud *Eusebium* mundum esse censuit *ὅτι ἀπὸ τοῦ ἰγνὸς* *ignem perpetuò vigentem*, neque aliter de *Stoicis* *Cicero*, *Omnia vestri*, *Balbe*, solent ad *igneam vim* referre, *Heraclitum*, ut opinor, sequentes. Sed utcunque fuerit; extra dubium ponitur prima, quæcunque fuerint, corporum omnium elementa internâ quâdam energiâ ad continuam motionem cieri, quo pacto nihil stabile in rerum naturâ reperitur, quoniam *fluere omnia constat*.

In Timæo.

Πλάτωνος.
lib. 12. c. 13.
De Nat. Deor.
lib. 3.

Lucræ.

Ovid. metam.
lib. 15.

Lucræ. l. 1.

Nec species sua cuique manet, rerumque novatrim
Ex aliis alias reparat natura figuras. Ut & alter
Namque aliâ ex alio reficit natura, nec ullam
Rem gigni patitur, nisi morte adiutam alienâ. Unde
Nil equidem durare diu sub imagine eadem
Crediderim. Verum

Omnia

*Omnia res prorsus veras non esse, sed umbras,
Nunquam eadem, fluxu semper variata perenni.*

Fracastorius.

Nempe irrequietæ materiæ particulæ quibuscunque nexibus cohibitæ & revinctæ fuerint, indefesso nisu exagitantur, ut sese in libertatem vindicent, & quo sponte tendunt, ferantur, unde tandem sese explicant & avolant, quarum subductione sensim demum quicquid ex iis coaluit, labefactatur; ut in corporibus quibuscunque experiri est, nulla enim tam adamantinis nexibus colligantur, quin intestinâ corpusculorum agitatione aliquando exoluta intereant. Quo fit ut ipsæ quidem *Pyramides*, aliaque omnia, quæ Eternitati consecravit Antiquitas, monumenta, tandem dilabuntur. *Tantum avi longinqua valet mutare vetustas.* Unde apud *Stobæum* *Heracitus*,

πάντα ῥεῖσι, καὶ οὐδὲν μένει καὶ πάντα τὰ αἰσθητὰ τὰ ὄντα ἀγνοῦν. *Ecclog. Phys. lib. 1. c. 24.*

Omnia transire nec quicquam manere dicebat fluxu labenti res comparans. Et hoc pacto censuit *Plato* res materiales à spiritualibus discriminari (quam opinionem illum ab *Heracito* mutuatum fuisse author est *Aristoteles*) quod illæ incessanter moveant, sed istæ sine motu semper persistant, ὁ πλάτων φησὶ

Metaph. 1. 1. c. 64

αἰσθητὰ πάντα ῥεῖ, καὶ οὐδὲν μένει ἐν τῷ κοινῷ καὶ οὐδὲν ποιεῖ διακρίσειν, ἀλλὰ ἀπὸ πέρας καὶ ἀσθενείας, &c. *Laert. in vita Platonis.*

sensibile asserit *Plato*, quod aut in qualitate aut in quantitate nunquam persistat, sed diffinit semper atque immutetur --- Porro ista sunt quorum generatio est, nunquam autem substantia: Intelligibile verò cui nihil vel accedit vel decedit. Hoc autem sempiternorum natura est, quam similem atque eandem semper esse contingit: ac proinde Deum solum ὅλον (quam vocem quasi ἅπαν, quâ stabilitas innuitur, dici vult in *Philebo*) appellandum esse censet; non autem res sensibiles quæ indefinenter fluunt. In quibus οὐκ ἔστι οὐδὲν, ἀλλὰ ὅτι γίγνεται nihil unquam est, semper verò fit, ut in *Theateto* loquitur. Unde

Bbb .

¶ nos,

nos improprie loqui monet, si res *factas esse* dicamus, quia continuò fiunt *in potestate & virtute ex latente, fluxu, motuque*; quod insuper *Homero* subinnui videtur, cum *Oceanum* pro Deorum Genitore, *Tethyn* pro matre habeat.

Ὠκεανὸν Θεοῦ γένειον & μητέρα Τηθύν.

Plato itaque Æternitatem, quâ voce rem intellectu præditam, sive animam mundi, quam æternum durare arbitrabatur, intelligere visus est, fluxu & successione carere statuebat, quod simul & immutabiliter totam sui essentiam possideret, cujus nempe partes non jugi affluxu & effluxu agitantur, ut evenire solet rebus quibuscunque materialibus & mutationi obnoxiiis.

Ex dictis jam satis insinuari arbitror rerum materialium durationem, quam successivam esse hætenus ostendimus, non successionem ab existentia suâ, quam in, sive cum temporis successione habent, habere; sed à Physicis causis, quarum molimine perennis particularum effluxus peragitur: ipse autem temporis fluxus nihil mutationis aut successionis in rebus molitur, ut ipse *Stagirita* agnovit, cum Coelum, quod in tempore perinde ac alia quæcunque perseverat, *ἀναισθητόν αἰσθητικῶν ἀλλαγῶν* alterationis immune esse docet: & quanquam vulgò tempus edax rerum censeatur, id tamen *Poeticè* non *Physicè* intelligi oportet, *qua sententia* (inquit Scaliger) *quanti est vulgo propior, tanto abest longius à subtilitate*: sed eodem sensu dicitur, quo tempus *sapientissimum, omnium parens, praeceptor, &c.* perhibetur, quod scil. temporis defluxu acquiramus sapientiam, res quæque producantur, scientiâ & usu instruamur; ita ex usu fuit, tempus edax rerum habere, non quòd Helluo adeo vorax sit, ut omnia devoret, sed quod decurrente temporis fluxu Physicæ causæ res omnes arrodant atque demum absument & dissipent.

Ceterum ut res aliæ perenni fluxu pertranseunt, ita aliæ adeo

adeo solidæ sunt, ut nihil ab illis unquam deteratur, sed qualia primo existentiae momento extiterant, talia semper esse perseverant, neque equidem magis quam Deus ipse procedente temporis effluxu, nisi aliunde noxam accipiant, labefactantur, cujusmodi sunt non modo spiritualia omnia, sed etiam ipsa materia abstractè seu quoad se solam considerata; uti quæ per omnes mutationum vicissitudines eadem semper substantia permaneat: Quicquid enim mutationis hætenus molitæ sunt causæ physicae, non ad atomorum materiae substantiam, sed ad contexturas, mutuosque adinvicem respectus, aliaque ejusmodi, quæ materiae accidunt, pertigit; etenim nihil majus causæ physicae præstare valent, quam materiâ agitando, quâ vi omnes mutationes, quæ hætenus naturæ viribus contingere, peractæ sunt. Nullæ autem mutationes aut alterationes, quantumcunque penetrent, ipsam materiae *hypostasin* attingunt, quæ immutata per omnes mutandi vices persistit. Neque equidem nisi solâ annihilatione mutari potest, siquidem fiat rei cujusque mutatio abrogando priorem ipsius statum & novum inducendo, at vero materiae aut corporis cujuscunque *hypostasis* solâ annihilatione abrogari potest, & proinde istâ solâ mutari, & quascunque alias mutationes subit, nisi prorsus intereat, subsistere perseverabit. Unde liquet materiae & cujusvis substantiae, pariter ac Dei, permanentiam successionis ac divisionis expertem esse, quatenus in corporum corruptione sive dissolutione, neque abrogatur, *Neque adaugefcit quicquam, neque deperit inde*; sed eadem semper permaneat, quod succinit Lucretius

*Nec sic interimit mors res, ut Materiai
Corpora conficiat, sed catum dissipat ollis.*

Ex dictis satis intellectum arbitror quid sit duratio interna, esse scil. rei cujusque existentiam: quomodo successiva sit, nempe non. intrinsicâ sui naturâ, sed externo solum respectu,

specu, quem ad temporis durationisve externæ successione
gerit: unde in rebus ex materiâ conflatis intrinseca successiva fiat, nō
scilicet à tempore, cui correspondet, sed ab intrinsecis, quibus
confiunt, principis jugi successione accedentibus & absceden-
tibus: quomodo insuper res spirituales, & ipsæ materialium
substantiæ intrinsece successivæ non sint, sed permanenter & eo-
dem modo quo Deus, præterlabente temporis successione
perdurant. Quibus haud paucæ difficultates, quibus æternita-
tem involverunt *Scholastici*, enodantur.

De æternitate hoc modo concretè sumptâ fumenda videtur
decanatissima *Boëtiana* definitio, nempe quoddam sit *intermi-
nabilis vita tota simul & perfecta possessio*. Dicitur vitæ tota
simul & perfecta possessio, quia essentia divina (quam solam
sempiternam reputabat *Boëtius*) stabilis & fixa est, ita ut
neque incrementa capiat neque detrimenta patiatur, sed quo-
vis momento, id totum, quod ad naturam suam attinet, pos-
sideat, cui nulla pars aut detrahatur aut adjiciatur; sed sem-
per citra partium accessum & decessum id totum est, quod est,
aut fuit, aut futura est; etenim materialia omnia jugi quodam
fluxu alternantur, siquidem

Ovid. Met. l. 15.

— Nihil est toto quod perstes in orbe,
Cuncta fluunt, omnisque vagans formatur Imago

Seu potius perenni mutatione fluminis instar variantur, ita ut
indefinenter aliæ partes effluant, aliæ subeant, adeoque non
totam vitam aut essentiam simul possideant: vita verò divinx
semper eadem, nullique mutationi obnoxia permanet, ne-
que quidquam acquirit, neque deperdit, sed quovis mo-
mento id totum possidet, quod in omni æternitate aut habuit
aut habitura est: & propterea tota simul esse dicitur, ubi
particula *simul* non ipsam æternitatem aut tempus respicit,
quasi Deus cum omnibus illius partibus simul eodemve mo-
mento coexisteret; sed *temporalem* respicit, quatenus se

ἀκρίτως habeat, & quicquid sit, id totum quovis momento sit; adeo ut congruenter Essentiam nostram aquæ profluenti comparaveris, Divinam stagnanti. Cæterum cum *Doctores Scholastici Boetianam* hanc seu potius *Platonicam* descriptionem (ex *Platone* enim desumpsit *Boetius*) de ipsâ æternitate abstractâ intelligi volunt, turpiter deridendos sese propinant, non modo quòd momentaneam esse illam arbitrentur, sed quòd ei vitam ascribant, quasi æternitas animal quoddam foret immortale. Eâdem tandem viâ excusandi *Platonici*, qui nomine æternitatis, quam indivisibilem esse docebant, rem æternam *Animam* scil. *Universi*, quæ indivisibiliter & sine mutatione infinitis temporum fluxibus correspondet intellexisse videntur, ut prolixè explicare adlaborat *Plotinus Ennead. 3. lib. 7. cap. 2. & Ennead. 6. lib. 5. cap. 11.* Quâ denique ratione veterum haud paucos interpretari velim, præsertim *Augustinum*, qui passim æternitatem omni successione carere innuit: quippe nihil solliciti de æternitate præcisè sic dictâ, quòd ipsam fortè nequaquam advertebant, de æternitate solum concretâ seu rei æternæ duratione agere curabant, quam scitè neque partes, neque successionem tortiri autumarunt. Hinc *Augustinus* in *Psalm. 91.* æternitatem ipsam Dei substantiam esse statuit. *Æternitas Dei substantia est, quæ nihil habet mutabile.* Et alibi, *Illæ est autem vera æternitas, quæ vera immortalitas; hoc est, illa summa incommutabilitas, quam solus Deus habet.* Adde *Tertullianum* adversus *Marcionem* lib. 1. *Non habet tempus æternitas. Omne enim tempus ipsa est. Quod facit, pati non potest. caret ætate, quod non licet nasci. Deus si est vetus, non erit: si est novus non fuit. Novitas initium testificatur, vetustas finem comminatur.* Quibus (ne reliquos exscribam) apertè satis innuitur; illis æternitatis nomine indigetari æternitatem concretam.

Operæ pretium porrò monere videtur *Boetium*, cum æternitatem *interminabilem* esse statuerit, nō ad sempiternam quamcunque durationem in genere, sed speciatim *divinam* respexisse,

Lib. de Naturâ
boni. c. 39.

respexisse, quæ quidem neque terminatur, neque terminari potest, & propterea *interminabilis* definitur, at vero quod ad durationem sempiternam in genere spectat, satis est si *interminata* sit, tametsi non repugnet posse terminari. Quin etiam neque definitur nuda Dei æternitas, quæ solùm dicit carentiam initii & finis, sed potius in quantum convolutam habet independentem subsistendi necessitatem, quò nomine non modo *interminata* est sed & *interminabilis*, quod enim absolutâ necessitate existit, non modò initio & termino caret, sed etiam non potest non carere; at hoc accidit non æternitatis sed essentialis infinitudinis ratione; itaque ut res æterna sit, non refert utiùm deficere possit, modò nunquam re ipsa deficiat.

Quod ad durationem spectat, quæ *abstracta*, sive *externa* dicitur, tantillæ sanè & tam tenuis realitatis est, ut inanem illius ideam intellectus noster assequi non valeat. Res enim acutiem nostram effugiunt tam præ exilitate, quàm præ nimio fulgore, ut enim splendida intellectum obstringunt, ita exilia in illum non cadunt; quemadmodum Solis splendor Luminum aciem perstringit, quam non afficiunt molecule hinc inde sub solis radios motitantes: ita mens quæ obruitur immensâ Numinis majestate, ægrè minimorum naturam attingit, quæ non adeo longè à nihilo amoveatur. Intellectus objecta eò expeditiùs capit, quo suæ mediocritati propiora sunt, eoque difficilius quò ab eâ remotiora, hinc fit ut ad ea, quæ procul submoventur sive ob naturæ exilitatem, sive perfectionem, prorsus cæcutiat; unde omnia quæ nullam præ se ferunt proportionem ad intellectûs mediocritatem, & serè immensum ab illo distant, quatenus nihil solidæ entitatis habent, per quam quasi apprehendi possent, penitus conceptus nostros effugiunt. In quo censu præcipuè annumeranda sunt *Locus* & *Tempus*, in quorum naturis explicandis tam insigniter omnes pænè philosophi (in ipsius profectò philosophiæ opprobrium) aberravere: Verum omnium errori ansam dedisse videtur,

videtur, quòd præoccupatione nescio unde ortâ imbuti *locum & tempus* tanquam res solidas & positivas imaginabantur, cum revera nihil prorsus *positiva realitatis* habeant: quanquam enim eatenus realia haberi possint, quatenus non mera figmenta sint, neque ut chimææ à solâ imaginatione fabricentur: tamen nihil *realitatis positiva* in se habere inde intelligitur, quòd semper & necessariò existant improducta, & à Deo independentia, etenim tametsi se Deus nunquam ad opus quodvis producendum accinxerat, in immensum usque nihilominus patuissent *spatiales extensiones*, nec non ab omni seculo in omne seculum defluerat *temporis successio*, & quamvis porrò Deus omnia rursus, quæ condidit, in nihilum redigeret, superessent tamen locus & spatium. Quanquam enim penitus evanesceret Universi machina, nonne superforet ista spatii intercapedo, quam occupabat mundi *visus*? Annon regio, quæ etiamnum terrâ occupatur, ab istâ, quam tenet corpus solare, distaret? Num omnis & immensa spatiorum diffusio in punctulum omnis dimensionis expers conflueret? Non desunt fateor, quos hujusmodi monstrosas ineptias palam vendere non pudet: Quales tamen si admittantur, renunciemus simul omni rationi & Philosophiæ cultui, quippe non video quidpiam tam ab omni parte fatuum & monstrosum, quin pari passu propugnandum capiatur: nimirum, ut Paulò ulterius urgeam, si Deus aliam, hâc dissolutâ, fabricam extrueret, isto quidem casu tota moles, quantacunque esse fingatur, unico puncto comprehenderetur: si quidem nihil spatii extra unicum punctum foret, & proinde quicquid producatum totum in illo comprehendi necesse foret. Adde corpora spatiis, in quibus collocantur, extensionem novam non adferre, sed solum spatiorum extensionem, quæ ante illorum adventum inanis erat, oppleri, idcirco si omne spatium antequam corporeâ mole repleatur punctum sit, non puncto amplius erit, cum corpore occupetur. Immo porrò quid quæso positivæ realitatis in purâ putâ inanitate esse po-

est: & quid aliud spatium quam pora inquantas obijci
itaque in ea fingi potest solida entitatis vel quidem ambigere
Quod pariter de duratione dicendum est, ut uberius infra de-
clarabitur.

Istam vero, quancquam nihil solidi sit, concipimus tanquam
infinum quendam fluxum seu successione, quare a nullâ aliâ
dependeat, sed invariabili & eodem semper tempore, siue
quidquam existat siue nihil, absque initio defluxit absque ter-
mino defluxura; quaque nullâ vi aut fisci potest aut interio-
rompi: hujus totâ amplitudinem, quæ extra ullam principium
& terminum diffunditur, æternitatem appellamus; ut &
portionem istam, quæ mundi existentiâ designatur, *temporis*
nominis indigemus. Non aliâ itaque ratione tempus &
æternitas discrepare videntur, quam quâ ab invicem pars &
totum discriminantur, quod nempe æternitas censeatur quasi
omne tempus, seu totus inatherabilium seculorum tractus;
& tempus subinde quasi designata totius æternitatis portio;
istam itaque definire par est, quod sit *interminata temporis*
successio, quæ neque principium habuit neque finem si ha-
bitura; ut & tempus definiri potest *quicquid aori à mundi*
exordio ad excidium effluxerit; siquidem veterum Sophis
placuit eam æternitatis portiunculam, in cujus transitu con-
tingit mundum existere, tempus appellare: ut *Apollodoro*,
Zenone, *Chrysippo* aliisque apud *Stobæum* describitur
Tempus est mundani mo-
tus intervallum, utpote quod mundi permanentiam com-
plectatur, aut simul cum mundi motu defluat. Quod insuper
de Scholasticorum ævo dici potest, esse nempe æternitatis
partem dimidiatam; resectâ enim anteriore æternitatis por-
tione jamdudum transactâ, pars residua in posterum sine fine
defluxura. *Ævum* dicitur.

Eccl. Phys.
l. 1. c. 11.

Cassend. phys.
sc. 1. l. 2. c. 7.

Verum enimvero æternitatis & temporis naturam eximie
declararunt alii ex parallelismo inter locum & tempus: sicut
enim spatium imaginarium (in quo uno sita est loci natura)
sine

sine termino in immensum diffunditur, ita aeternitas seu tempus imaginarium absque exordio retrò excurrit sine fine excursura: sursum sicut in spatio imaginario designare licet dimensiones, quibus correspondere possent dimensiones corporum, ita quoque in aeternitate partes praeteritae, praesentes & futurae sunt, quas tempus rei cuiusque esse potuissent: ut intus ex loci immensitate desumpta est pars aliqua, in qua collocaretur mundus, ita in aeternitate quasi sejuncta fuit quaedam portio, quâcum commensuraretur corporum motus: adhuc sicut spatium, in cuius sinu mundus recumbit, à mundi existentia dependere non concipitur, sed ejusdem semper dimensionis esse intelligitur, sive existat quidpiam sive nihil; ita tempus, in quo existit mundus, non omnino à mundo aut quoquam in illo dependet, sed eodem semper tenore fluit, sive quidpiam aliud existat, sive nihil: item sicut spatii partes ab invicem avelli nequeunt, ita nec ullo obice suspendi aut interrumpi potest temporis decursus: & ita in aliis omnibus tempus sive duratio eandem ~~semper~~ ad mundum gerit, quam gerit spatium, propterea cum spatium nullo modo à mundo dependeat, impar quoque erit ut dependere tempus concipiat, quin potius, antequam res ullae fierent, fluxisse dicatur, & post rerum creationem eodem, quo prius, decursu fluere perseverare, & denique post omnium interitum (si id unquam eveniat) usque in omne ævum pariter decursurum.

His obstat solum vulgaris *Scholasticorum* sententia, quæ statuit ante mundum conditum nihil fluxisse temporis, sed quicquid durationis ante fuit, *momentaneam* quandam fuisse alterius ordinis *aeternitatem*, temporis vero fluxum simul cum motu aliquo cepisse, & à motu ita dependere, ut nullo motu existente nihil temporis fluat, sed motu incipiente simul incipiat, perseverante perseveret, desinente una desinat; hinc per motum, hic quidem Universi, ille Coeli, tertius Solis, alius siderum, tempus definiarunt, & qui mundum sempiternum arbitrabantur, illi propterea tempus quoque

Eccl. phys.

l. 1. c. 11.

Phys. l. 4. c. 11.

absque ullo principio fluxisse censuere. Hinc item *Epistura* temporis definitio apud *Stobaeum*, nempe quòd sit *παρεχόμενα κινήσεων consequens motuum*, quasi à motu emanaret: verum prae reliquis insignis est *Aristotelica* definitio, nempe *ὁ χρόνος τὸν αἰθέρος κινήσεως καὶ τὸ πλείονος καὶ ὀλίγου*. Neque ab hac Aristotelicâ transversum digitum abiret *Hobblana* definitio (scil. *tempus esse phantasma motus*), si abesset otiosum istud vocabulum *phantasma*, quod alibi definit esse *sensionem in facto esse*, ut tempus esse sensationem quis sani incipitis asserat: verum (ut *ὅς ἐστι πάρεργον* insinuem) per *phantasmata* & *Ideas* aliasque ejusmodi voces, quas in definitionibus toties adferunt Neophytæ nonnulli, sive intelligant rerum imagines, quas per conceptus mente depingimus, sive exemplaria seu res ipsas quæ sub conceptum cadunt, perinde nugantur; nam si Ideam in mente depictam per istas voces exprimi velint, alienæ est ista naturæ, à re cujus est idea; præterea omnis idea non repræsentat suum prototypum, quomodo igitur veram à falsâ abjungere licebit? deinde finitionis munus est, ut nos dirigat in ideâ rei cujusque formandâ; at quantillum subsidii nobis affert ad genuinam ideæ conceptionem, si dicas rem quampiam ideam esse. Si vero per *phantasma* & *ideam* rem conceptui objectam intelligant, quomodo quæso enucleatur abdita rei cûspiam natura, si dicatur eam esse rem, quam concipio? de hoc equidem non ambigo, sed definitionem adhiberi velim, ut perspicuam habeam rei quam concipio, naturam, & ut rectè an falsò concipiam, comprehendam; at verò interrogahti qualisnam sit natura rei, quæ conceptui obijcitur, respondent illi esse rem quæ conceptui obijcitur: Delphicum responsum! sed eò, unde exilii, revertor.

Cum verò *Aristoteles* alique tempus esse numerum motus definiverunt, non de internâ temporis naturâ locuti sunt, sed potius de externâ ejusdem mensurâ, quæ sit usui humano accommodata, quo nempe sine *Luminaria Celi* creata fuerunt, ut scil. stata tempora definirent; uti exentè legimus.

mus 1 *Genes.* 14. facta fuisse לְכוּכְרִי: מוֹדִי autem
 tempus *statutum* seu *definitum* designat: quâ voce de-
 signantur non modò Anni tempestates, ver, æstas, messis
 hyemsque, sed porrò solennitates certâ quâdam anni tempe-
 state redeunt, ut *Pascha*, *Novilunia*, *Succoth* seu *Taber-
 nacula*, &c. ad quas textum hunc respexisse docent Judæi
 (qui scil. omnia sui causâ condita esse arbitrantur:) ut-
 cunque vero vocem מוֹדִי certam temporis portionem
 significare notissimum est; unde locum hunc verti voluit
Calvinus generaliori vocabulo *temporum opportunitates*,
 & *Philoponus* vult *moadim* idem quod *χρόνος* sonare; ut
 χρόνος ὁ πᾶσι, ἔαρ, θέρος, μετόπωρον, χειμῶνα ἢ τὸ πᾶσι ποτὶ κίνησις *De mundi*
tempestivitates autem, ut ver, æstatem, autumnum, hyemem creat. l. 4. c. 14.
rursum facit motus Solis. Quomodo *Proclus* sidera appellat
 ὁράματα τῶν ἡλίου, non quoniam iis nentur temporis volumina, sed
 quod temporis filum in certas portiones distribuunt: Dura-
 rent certè res & manerent, etiamsi omnis Cœlestium motus
 cessaret, quamvis durationem istam sine motu vix metiri,
 numerare, & discernere possemus; *Aristoteles* igitur in hac
 temporis, ut in plerisq; aliis definitionibus, rem ipsam po-
 tius indigetatum ivit, quàm illius naturam explicatum, scil.
 tempus esse id, quicquid demum fuerit, quod mensuratur
 per revolutionem Cœlorum, qualis verò res sit, quæ per
 motum istum mensuratur, explicare non aggressus est; non
 aliter quidem atque tempus apud *Empyricum* descripsit *De-
 mocritus* quod sit ἡμετέριος καὶ νυκτερός χρόνος quale spatium
Diei noctisque apparet; verùm quid rei sit istud spatium nihil
 sollicitus fuit *Senex*, quod fortè desperaret illius naturam as-
 sequi. Hanc fuisse *Aristotelis* mentem, ut ex multis aliis
 colligitur, ita speciatim quòd toties moneat tempus esse
 τὸ ἀριθμητικόν, ὃ καὶ ἀριθμεῖται id quod numeratur non quò nu-
 meramus, nempe id cujus partes motu Cœlesti nobis nume-
 rantur. Non est igitur (inquit vir longè Doctiss.) tempus *Dr. Ward*
phantasma motus; magis quàm angulus est *phantasma arcus* adv. *Hobbiū*
circuli, secl. 2. c. 1.

circuli, quo mensuratur, quod tamen nemo sanus dixerit.
 Veruntamen utriusque censuerit *Aristoteles*, hanc illius
 definitionem, tanquam temporis naturam à priori sive per
 causam explicantem asseperunt *Scholastici*, inde porro ad-
 struentes omne quodcumque tempus circuitus *Cœlestis* sobor-
 lem esse, atque harenus ab illo dependere, ut eo sublato, si-
 mul quoque aboleretur temporis decursus, & proinde ante
Cœlorum circumvolutionem nihil temporis aut successionis
 effluxisse, sed quicquid durationis antea fuerat, immensum
 quoddam momentum, quod ab omni divisione & successione
 vacaret, fuisse. Quod dogma *Scholas* hætenus oplevisse,
 mihi equidem stupori est, uti quod primâ fronte innumeras
 fere *admodum* exhibeat. Age equidem si Deo *Cœlestem*
 motum refigere placeret, an non interea temporis successio
 transiret? an non homines nasci possent & denasci, quod ta-
 men non in momento, ævo, aut æternitate fieret, sed in tem-
 pore, cum initia haberent & finem.

Sed ut aliquantò pressius confectaria pauca proliciam, inde
 imprimis sequeretur si Deus plures mundos aut plures primo-
 rum mobilium motus fabricaret, plurium temporum *Tor-
 rentes* simul defluxuros, siquidem multiplices fierent, motus,
 ex quorum singulis suam emanaret tempus, nimirum si tem-
 pus omne ex *primi mobilis* motione *scaturias*, si porro mul-
 tiplices peragerentur istiusmodi motus, necesse est ut pro-
 pterea multiplicarentur temporum defluxus, cum ex cuiuslibet
primi mobilis circuitu peculiaris oriretur motus numerus.
 Deinde si tempus à partibus motus numeratis emanaret, seque-
 retur quò plures motus partes peraguntur, eò diuturnius
 seu majus tempus defluere, & quo pauciores, eo minus; ac
 proinde si cælum duplò velocius convolveretur, proportionem
 quoque acceleraretur temporis defluxus, & tantundem spatii
 in uno die efflueret, quantum jam in duobus effluit, scilicet si à
 totidem partibus numeratis nascerentur tot temporis partes
 quorū unum diem constituerent, à duplò pluribus duplò plures
 emanarent;

emanarent, quæ tempus ad duplicem consumpseris, quoque
 absurdum. Quis enim non videt, quoniam si dies illi esset
 via sua, et horam percurreret, tamen ponimus abhi (paulum
 expletum) iri quam nunc expletum, et si hoc tunc quædam
 temporis apud diuinitatem nunquam reputatur, annorum diebus
 nihilominus prolixior foret annus, ita quædam omnia, diuini
 diuinitas est. Sequeretur in super interdicto, et ad horum morem, dum
 Israelitæ cum Amoricis præliarentur, prælium tempus
 substituisse, neque momentum quidem effluxisse, ex quo quæ
 exisset, celum, usque idum, rursus moueretur, melius vero quis
 sibi persuadere valeat, etiam tum nihil temporis, nullaque
 horas solito tempore præteruisse, præsertim cum memoret Si
 Pagina non fuisse, alium, neque antea, neque postea, et tunc
 Diem, quomodo autem iste dies aliis longioribus pluris tem-
 poris, effluxu? Neque video, quid de primo mundi Die re-
 spondere possit, in quo nempe creatum fuit Chaos, quan-
 quam Deus nondum motus caelestis leges tulisset. Finge
 denique, Dauid decies millenis abhinc annis universæ fabricæ mole
 creavisse, & post aliquot secula aboluisse, & postea hanc novam
 aliam condidisse, inter priorem istam & hanc, quam colimus
 renatam, nisi tempus aliquod decurrerat, non major foret
 distantia inter primam istam, & alteram hanc, quam si Deus
 extemplo post primæ ruinam, sese ad alteram fabricandam
 accinxerat, quod quis capit, cum supponimus eum diu,
 quod pro suâ libertate potuit, à secundæ creatione abstinuisse?
 Vel (quod perinde est) si hoc, et Deus in nihilum re-
 digeret, demum post interiectas aliquot annorum myriadas,
 alium conditurus, quam ridiculum & rationi absens foret,
 utrumque mundum unum statim post alterum factum iri;
 Finge tandem Deum inter mundi prioris abolitionem, &
 alterius fabricationem undantat arenulæ superstiti motum
 indidisse, absque hac atomo foret, immensus prope modum
 spatii tractus, in momentum colligeretur, explicent, qui
 deprehendi queat alium esse temporis defluxum, hac atomo
 mouente,

movente, ab eo qui existeret si ista moveri defineret; cui sane stuporem non incutit unicam arenulam non modo annorum myriadas metiri, sed & facere? Si porro fingeretur Deum atomo cuiusvis existentiam & non pariter motionem indulsisse, cum inter utrumque mundum neque ævum neque æternitas interflueret, quatenus quicquid interfluxûs foret, initio & fine terminaretur, spatium quo perduraret atomus ista tempus esset, atque ita tempus adempto omni motu fluere perseveraret. Quibus alia ejusmodi innumera addi potuissent, sed ista in re tam apertâ insinuavisse sat est. Immo vero, (ut id solum porro adjiciam) tantum abest tempus prius & posterius à motu denominari, ut potius motus à tempore prior & posterior dicatur: etenim unde motum motu sive priorem sive posteriorem dicimus, nisi quoddam priore aut posteriore temporis parte peragatur? Quorsum circuitus, quos peregit primum mobile mille abhinc retrò annis, iis, quos etiamnum peragit, prævisse reputentur, nisi quoddam temporis partes, quibuscum coexistenter, antè fluxerant, quàm quæ nostrâ ætate præterfluunt. De hisce hæcenus, quæ tanquam in velitationem præmitti par erat, jam demum copias omnes utrinque explicare, & prælium committere licebit, ut quid utrinque argui potest videatur, & imprimis quibus ratiociniis momentaneam æternitatem abolere & æternam successionem stabilire contendimus; & quibus vicissim cavillatiunculis Scholastici nostrum de æternitatis successione dogma impetitur eunt. Pergo igitur

Imprimis quid quod contradictionem implicet, ut momentum quoddam omnem omnium seculorum fusionem complectatur? Quis capit inextensum quodpiam quopiam extenso amplius esse? An non omnem captum fugit punctum (quaecunque illud fingatur, modò punctum sit) totius mundi ambitum continere. Ita equidem ad amplitudinem mundi se habet spatii punctum, atque se habet ad illius durationem quodlibet

quodlibet durationis momentum. Verùm Æternitas quicquid successione ab usque mundi initio ad ejusdem finem effluerit, intra ambitum suum complectitur, cum nulla esse potest duratio sive ante sive post æternitatem. Quid quæso sibi repugnantius fingi potest, quàm ut tam diuturna tot seculorum diffusio inextenso quodam momento contineatur? Sic enim quod inextensum est & omni partium diffusionem caret, amplioris diffusionis foret, quàm quod ferè immensum diffunditur: at sanè inextensum extenso majus esse, seu magis extendi, manifestâ contradictione, ut quod maxime, implicatur.

Cùm autem respondent æternitatis momentum, etiamsi *formaliter* non extendatur, quòd partes non habeat alias aliis succedentes, tamen *virtualiter* ob peculiarem suæ infinitatis eminentiam omnem omnium temporis partium successionem complecti. Sub istis voculis ad obscuritatem inventis non tam sese propugnare satagunt, quàm latebras quærere; quoties enim ~~καταφύματα~~ quantumlibet absurda promunt, quæ nec explicare nec propugnare valent, toties adhibentur sesqui-pedalia istiusmodi vocabula, ut sub illorum obscuritate sese subducant, nobis interim, qui hujusmodi ineptias intelligi non posse profiteamur, oscitantiam aut hebetudinem conviciantes; non aliter quàm olim *Pythagoras*, nuper *Spagirici*, qui quoties ineptirent, dictata sua obscuris & peregrinis vocabulis involvebant, præ se ferentes consultò se interiora sua mysteria celare alienos. Age verò, quoniam nugari cordi sit, *Epicuro* ipse adsentiar, qui (teste *Cicer.* l. i. de nat. Deor. & lib. de fato) *omnem enunciationem esse aut veram aut falsam abnegavit*: aut Philosophis istis, quos (ut author est *Aristoteles* l. i. Met.) affirmare non puduit *idem simul esse & non esse*; refellas quomodocunq; possis, hisce tuis vocabulis munus facile tua omnia ratiocinia eludam; quid absurdi est, inquam, id, quod *formaliter* non est, *virtualiter* esse; aut simul neque esse neque non esse, *eminenter*
D d d scilicet;

scilicet; non intelligis obtuse quid sit *eminenter* neque esse neque non esse? si requiras quo pacto hoc fieri possit, eodem sane modo, quo quod extensum non est, *eminenter* extenditur. Equidem vim vocum *virtualiter* & *eminenter* intelligerem, si de facultate potentiâque aliquâ effectrice ageretur, quatenus validior unius virtus alterius virtutem superat, at cum hoc etiam de quantitate fingunt, omnino captum fugit: quî indivisibile divisibili *virtualiter* majus evadat, intelliguntne ipsi utinam ingenuè faterentur; hætenus equidem nullâ importunitate adduci possent, ut istius eminentiæ mysterium explicarent; sed qualiscunque istius modus fuerit, quid absurdius quàm ut momenti duratio emineat multis seculis? ut punctum quoquo modo, præsertim eminentiori, ultra ingentia spatia diffundatur? ut omnium seculorum volumina puncto revinciantur? ut denique (quod perinde est) centro circumferentia contineatur. Quomodocunq; enim æternitas omnia tempora complecti dicatur, parum refert, siquidem nullo pacto quod extensum non est, revera plus extensionis habere potest quàm quod extensum est, nempe quòd plus extensionis habere non posset, nisi isto nomine extensum foret. Verbo ut dicam, æternitas reipsa aut extensionem habet aut non habet, si prius extenditur, partesq; alias aliis succedentes habet, sin posterius, nullo pacto extendi potuit ultra omne extensum.

2. Si sit æternitas indivisibilis, totâque quovis momento existens, sequitur omnia, quæ quâlibet temporis periodo existunt, toti æternitati coexistere; nihil enim quavis temporis parte esse potest, quin simul sit tota æternitas; siquidem in singulis temporis partibus tota esse dicatur: unde porro omnia æterna esse, quatenus quæ unâ cum totâ æternitate existunt, æternùm existant necesse est; quid enim aliud æterna duratio quàm unâ cum totâ æternitate existere? Nullam subinde esse temporis successionem, sed singulas illius partes simul esse, siquidem omnes uno momento, quod nullam

nullam successionem habeat, contineantur: quin & omnia tempora quantiscunque intervallis diffita coire, mundum eodem momento quo incepit destructum iri; Adamum extremis seculis coævum esse; quodvis insuper temporis momentum sempiternum esse, quia toti æternitati coexistit; ac proinde momentum, quod alterum sequitur, post æternitatem deum accedere, cum idipsum sequitur, quod toti æternitati coexistit; in totâ æternitate tempus fluere, & in totâ æternitate non fluxisse; Petrum in totâ existisse, & tamen totam fuisse non existente Petro; Omnia quæ diversis temporum intervallis existunt, simul esse, nempe in eâdem æternitate, & simul non esse, quod quo tempore existant alia, alia non existant; quod præterit futurum esse, quod futurum est præteritum; quod olim factum est jam fieri, quod jam fit, posthac factum iri; Deum mundum quem hodiè construit, heri destruxisse; Actiones Dei quas in suâ æternitate; quæ nihil in se prius & posterius habet, exierit, simultaneas esse, ita neque Deum ante mundum condidisse, quàm aboluisse; nam si antea condidit, quàm destruxit, actionum, quas in æternitate exierit, una alterâ prior erit, & in æternitate existens, alterâ non existente (saltem enim ut nos agimus in tempore, quæ nostra duratio est, ita Deus in æternitate suâ) & proinde in æternitate partes erunt aliæ priores, posteriores aliæ. Aliaque præterea hujusmodi quæ huc conferre licet absurditatum plaustra. Sed nihil est necesse, plura congerere, superest potius ut quomodo objecta eludere satagunt videamus.

“Excipiunt itaq; plerique consecraria quæ ex æternitatis indivisibilitate pertexuimus non ritè fuisse deducta, quòd
 “æternitas coexistat singulis partibus tēporis, nō *simul* sed *divisim* sumptis, ita ut hodiè tota æternitas coexistat hodierno
 “die, cras tota coexistat die crastino, perendie perindino, &c.
 “quod hujusmodi similitudine illustrent, quòd hodie totum
 “Cælum quantum quantum est coexistat Vorstio, eo mortuo
 “totum coexistit filio Vorstii, quo defuncto totum Nepoti,

“ & sic deinceps ; & tamen hinc non sequetur, quia toti Cœlo
 “ & Voistius, & filius, & Nepos, quòd ideo simul coexistunt.
 Verum enimvero ; præteritâ objectione principium duntaxat
 repetunt, nempe eò collineant objecta omnia, ut evincatur
 temporis partes, positâ æternitatis indivisibilitate, non *divisim*
 sed *simul* cum illâ coexistere, quod quæ in duratione, in quâ
 nihil prius sit aut posterius, conveniunt, propterea simul sunt;
 cum itaque singulæ temporis partes in æternitate, quæ nihil
 prius aut posterius habet sed tota simul est, contineantur, ne-
 cesse est ut simul omnes ei corresponsdeant, si enim æternitas
 modò huic coexisteret, modo alteri, intelligi nequit quo-
 modo partes alias aliis succedentes non habeat, superest igi-
 tur ut expediant, quâ duratio, quæ tota simul est, *divisim*
 & *successivè* rebus aliis corresponsdeat. Vel enim æternitas
 reipsa in se habet prius & posterius, vel non ; id contendim-
 mus ; si hoc, necesse est ut cuicumq; illa coexistat non prius
 & posterius sed simul coexistat, si enim antea uni coexisteret
 quàm alteri, pars uni coexistens prior esset quàm quæ alteri ;
 nihil enim coexistere potest, priusquàm sit, neque potest
 quin coexistere, quando existit, quandoquidem igitur detur
 in æternitate quod coexistat huic temporis periodo, & detur
 quoque quod alteri postmodum secururæ coexistat, fieri ne-
 quit, quia prior sit æternitatis portio, quæ priori temporis
 parti coexistit, & posterior quæ posteriori. Adde quod toti
 durationi coexistere sit existere quandocunq; existit duratio,
 aliàs non toti coexisteretur ; si ergo dies hodiernus coexistat
 toti æternitati, existit quandocunque tota existit, cum ideo
 tota æternitas coexistat Diei crastino, dies quoque hodiernus
 eidem coexistet. Sed ne multa congeram, edoceant velim
 quomodo binæ distinctæ durationes, scil. *abstractè sumptæ*,
 cujusmodi sunt tempus, & æternitas præcisè sumptæ, simul
 esse possunt, & tamen eandem durationem non esse, cum ex
 eo quod simul sint, una eademque duratio evadant, sicut
 ep̃o spatia non possunt eodem ambitu contineri, nisi in unum
 con-

conflentur. Ad similitudinem quam adferunt de Vorstii cum toto Coeli ambitu coexistentiâ : dico longè aliam esse rei perdurantis rationem à spatio seu tempore in quo perdurare dicitur, rei enim (quod antea insinuatum est) cuicumque permanenti nulla tribuitur aut successio, aut cum rebus aliis coexistentia, nisi à tempore in quo existit, ideoque res nulla permanens quâ talis partes alias aliis succedentes habere potest, & ita rei permanentis essentia, nunc tota esse potest, & tamen posthac tota quoque perseverare, cum nulla sit illius successio; duratio autem non potest nunc esse, & interea eadem postea esse, cum ex eo variæ habeantur durationis partes, quòd modo hæc fit, & postea illa; & quæ simul sunt durationes in unam & eandem coeant necesse est, nisi duo in unico darentur momenta. Ex quibus liquidò apparet quàm enorme à scopo suo exorbitet quod adferunt exemplum; nimirum percontantibus quâ duratio infinita simul cum finitâ quantumlibet exiguâ tota esse possit, id satis illustratum putant, quòd magna seu immensa extensio simul cum duratione brevissimâ existere valeat; ut quòd tota Cœlorum amplitudo simul cum contractissimâ Vorstii ætate coexistat, idcirco nihil mirum esse si tota æternitatis duratio simul cum eadem existat. Veruntamen præterquam quod ratio rei cuiusque permanentis longè alia sit ab ipsâ duratione, quod jam ante monuimus, Miror equidem nondum illos ex Aristotele suo didicisse *mensuram* seu comparisonem debere esse *homogeneam*, id est ejusdem rationis cum re ad quam comparatur; ut magnitudinis cum magnitudine, ponderis cum pondere, durationis cum duratione; hic autem comparatur duratio Vorstii, non (ut oportet) ad Cœli durationem, sed ad illius extensionem: Pari verò ratione Cœli ambitum, quantus sit, horologii motu aut libra dimetiantur; horæ mensuram per ulnas capiant; exactâ trutinâ temporis diuturnitatem ponderent: Fertur Sertorius à Barbaris suis hostibus *tempus emisisse*, mirum si quantum erat libramentis non metiebantur: quip-

quippe parili passu congruum est durationem cum pondere, cum ulnâ pondus committi, at durationem cum magnitudine: Immo vero si ex eo quod immensa Cœlorum amplitudo simul cum exiguo quovis corpore existat, conficere par sit æqualitatem in utriusq; duratione; quidni etiam & inde concludere fas sit pares utriusq; dimensiones? ut quemadmodum ex eo quod hominis cujusvis duratio simul cum maximâ amplitudine coexistat, efficitur illam quoque unâ cum maximâ duratione coexistere posse; quidni etiam si æqualis sit Cœli & atomi cujusvis duratio, exinde colligatur æqualem esse utriusque magnitudinem; seu quod homo simul cum toto Cœlo existat, inferatur eundem, quousque diffundatur Cœlum, unâ diffundi? Verum enimvero si commisissent durationem Cœli ad Vorstianam, falsum est, ut quod maximè, Vorstium toti Cœlorû durationi coexistere, aut eidē illius portioni, cui Vorstii nepotes coexistunt. Acrius hæc sugillarem, nisi lapsus tã crassos parcius viris eruditis objiciendos meminissẽ.

Sed excipiunt alii res omnes non semper & simul in æternitate fore, etiamsi simul cum totâ æternitate existant; quod coexistentia *inadequata* sit, nempe rerum naturæ & durationis ab æternitate *heterogenea*; ut verò *inadequatè* unâ cum totâ æternitate quodlibet existat; nihil absurdi inferre reputant. Nugæ! Profectò nihil aliud satagunt Lucifugæ isti quàm ut, cuniculis, quos agunt, aliis obstructis, alios sibi continuò talparum instar effodiant; neque enim quidquam novi in responsis suis adferunt, sed eadem solum millies usq; sub alio verborum tenore oggerunt, quasi voluptati foret id nobis negotii facessere, ut easdem nugas sæpius ad tædium usque dissipare cogamur. Quorsum verò rerum creaturarum duratio *heterogenea* & *alterius rationis* ab æternitate habeatur? siquidem rei cujusque duratio nihil quidquam aliud esse intelligatur, quàm coexistentia cum duratione, à quâ denominationem accipit; ut simul cum omni æternitate existere, æterna sit duratio, cum tempore temporanea: Propterea si res omnes simul

cum

cum totâ æternitate coexistent, quidni durationem *homogeneam* cum æternitate habeant? Quid quod insuper duratio Dei *homogenea* respectu æternitatis esse putatur, nisi quod simul cum illâ existat; si itaque unâ cum illâ existant res creatæ, quorsum durationem *heterogeneam* ab illâ habere dicuntur? Præterea si quid undique cum omni spatio diffusum esset, cujuscunque naturæ & consistentiæ foret, immensum esse facile agnosceretur, quidni etiam res, quæ simul quoque cum omni æternitatis perennitate diffunditur, sempiterna censeatur? Unde fit ut potius duratio aliqua, quàm locus aut spatium aliquod, rei cuius *heterogenea* reputetur? Si Deus corpus immensis dimensionibus præditum, & in omnes inanis spatii regiones fufum efficeret, pari passu tale corpus immensum esse inficiarer: quod nempe substantia corporea sit, non spiritualis, aut quod dimensiones *heterogeneas* respectu immensitatis haberet: Quod si adsererem, non video quo ratiocinio usque adeo fatuam opinionem labefactare possent, nisi quod pariter hoc ipsorum effugium funditus convellat. Neque quidem satis est verba quævis pro libidine comminisci & dare, nisi explicentur; dicant itaque qui, & unde duratio durationi *heterogenea* habeatur, certè adeo ambigua, & incerta sunt hujusmodi responsa, ut vix quidpiam tam fatuum comminisci valeant, quin pariter eâdem viâ propugnari possit. Denique cum supponitur (ut jam ante subinnuitur) durationes (abstractas & externas) cum quibus coexistunt uno eodemque momento Deus & creatura, quid obtusius excogitari potuit? Nempe eodem momento plura & abinvicem distincta existerent momenta, alterum scil. temporis, alterum æternitatis: an non apprimè perspicuum est non distincta esse momenta ista, eo nomine quod simul extiterint; quemadmodum impossibile sit duo diversa spatia eodem spatii ambitu contineri. Sed piget istiusmodi nagas ulterius confectari.

Ultimo (ne plura addam) quid quod æternitatis indivi- 3 Arg.
sibilitas

sibilitas multis iisque vesanis admodum dogmatis ansam simul & patrocinium præbeat, præsertim, ut cætera præteream, istis opinionum prodigiis, primò *Alvaris, Cajetani, Ferraricensis* aliorumque, qui statuunt res singulas, quæ ullâ temporis periodo aut extiterunt aut sunt extituræ, verè perque proprias & actuales existentias ab omni æternitate extitisse: Deinde *Lutheranorum*, qui Naturam humanam *Domini nostri Jesu Christi* immensam & ubique præsentem esse credunt. Quæ deliramenta quanquam insanum futilia agnoscantur, tamen aut æternitatis indivisibilitati innituntur, aut saltem ab analogiâ cum illâ propugnantur, ut extra dubitationis aleam cuius erit, qui ratiocinia, quibus ista probatum eunt, pernoscat. Sic itaque imprimis argumentatur *Alvarez*: *Æternitas ambit omne tempus, ergo cum sit ista tota simul, semper & simul continet omnia futura in tempore tanquam sibi præsentia*: quod alibi explicatius ad hunc modum diducit: *Adamus & Antichristus vel coexistunt in æternitate, vel non: si prius habetur propositum. Si non, ergo Adamus prius erit in æternitate, & Antichristus posterius, & ita in æternitate erit præteritum & futurum, nihil enim dicitur præteritum & futurum in ordine ad durationem, nisi duratio illa habet partes præteritas & futuras, at Æternitas tales partes non habet, & quæ deinceps. Hi vero, quicquid objicitur, iisdem se responsis tuentur, quibus Æternitatis indivisibilitas propugnatur, adeo quidem ut nihil dogmatis tam prodigiosum cudi possit, quin quod iisdem *xpotoquutus*, quibus ista, propugnetur. *Lutherani* deinceps omnipræsentiam corporis Christi statuunt, non quasi *formaliter* & ad modum aliorum corporum per omnem spatii immensitatem funderetur, sed omnia spatia in unius puncti angustias colligi volunt, quod *eminenti quâdam ratione* immensæ spatiorum amplitudini æquivalet, cui cum præsens sit corpus Christi per *unionem Hypostaticam* cum naturâ Divinâ, quæ indivisibilis simul & immensa reputatur, æquivalenter unâ cum totâ immensitatis diffusionem diffundi*

pro-

pronunciant. Quod commentum non modo per momentaneam æternitatis durationem, quæ diffitis omnibus temporum intervallis æquivalet, illustratum eunt; sed & pariter eodem verborum lusu tuentur; ac proinde redargui nequeunt, nisi simul æternitatis indivisibilitas labefactetur; ut oporteat aut utrumque simul explodi, aut neutrum.

Vix autem præterire possum immania de spatio opinionum portenta, quæ per æternitatis indivisibilitatem non incommode explicantur, simul & adstruuntur, potissimum periculosum istud (ut mihi videtur) *Davidis Derodonis* delirium, qui locum & spatium tum inextensum, tum ipsam Divinitatem esse contendit: Quod sicut *Æternitas Dei*, quæ est ipse Deus, indivisibilis sit, nullamque partium successionem habeat, tamen factio motu ei correspondet tempus, cujus partes aliæ aliis succedunt: Ita pariter in immensitate spatii, quæ est ipse Deus, & in se indivisibilis, ac sine partibus, producto corpore aliquo, fit quædam, quæ ei coincidit, extensio, quæque partes partibus adjacentes habet; adeo ut corporum omnium locus nihil aliud sit quàm inextensa Dei immensitas. Oh, quod cuiquam hominum adeo vehementer cordi sit cruces ingenio suo creare!

*Disput. Theol.
de exist. Dei
part. 1. cap. 8.*

Jā autē superest ut objecta diluamus; & imprimis è Sanctâ Scripturâ objiciunt, ut Psalm. 90. 4. *Mille anni ante oculos tuos tanquam dies hesternæ, quæ præterlit, & custodia in nocte,* & 2 Pet. 3. 8. *Unus dies apud Dominum ut mille anni, & mille anni sicut unus dies.* Unde argumentantur apud Deum nullum esse temporis discrimen, ac proinde nullam partium successionem, & probant, quod respectu Dei perinde sit unius Diei & mille annorum spatium, & propterea non plures in mille annis partes reperiri, quàm in unius diei spatio, & inde easdem esse utriusque respectu. At immane quantum à genuino locorum sensu abeat ista argumentatio primâ fronte perspicuum est. Quod enim ad locum priorem spectat, apertus illius scopus est, ut declaret quàm brevè sit vitæ humanæ

E c e

spatium,

spatium, si ad sempiternam Dei durationem comparetur; ut potius æternitatem in longissimam durationem protrahere videatur, quàm contrahere in punctum; tam diuturna est, inquit, Dei duratio, ut præ illâ mille annorum spatium brevissimum & veluti unius diei videatur; seu tantilla est portio vel quidem mille annorum respectu Æternitatis, ut ei comparata fere in punctum evanescat. Loci itaque doctrina est non pluris esse mille annos si durationi Divinæ comparentur, quàm unum duntaxat diem, si toti cujusque hominis ævo comparetur: vel mille annos minorem esse portionem durationis Divinæ, quàm sit unus dies humanæ; ita ut plures sint annorum myriades in ætate Dei, quàm numerantur dies vitæ humanæ; ut si quis Æternitatem in annorum myriadas ad numerum dierum vitæ humanæ divideret, minorem proportionem ad Æternitatem gererent, quàm unus duntaxat dies ad vitam hominis.

Loci alterius, quo ad *Psalmi* verba alluditur, scopus est (ut utrinque in confessio est) ut respondeatur irrisorum objectioni commate quarto, *Ubi est promissio adventus ejus, ab eo enim die, quo patres dormierunt, omnia permanent sicuti ab initio creationis*: Apostolus itaque, ut declararet quomodo inanis non fieret Dei promissio quod eo usque differatur, inter alia reponit quod *unus dies apud Dominum ut mille anni, & mille anni ut unus dies*. Quibus verbis quam malè argueret Apostolus omnem temporis periodum semper Deo præsentem esse, & proinde Deum non distulisse promissi impletionem? quippe an non merito reponerent illudores isti isto pacto Deum adventum suum non differre, tamen si eum in innumerabilia secula procrastinaret, propterea quod semper supersit idem quasi dies, quo se adventurum susceperat, ut quanquam millies millenæ seculorum myriades transierint, isto tamen casu adventum suum non prorogasset, quod utique idem sit apud Deum immensus iste seculorum tractus, atque unus dies? Cæterum utcunque Apostoli verba premantur, hoc solum exprimes

expresses apud Deum perinde esse unum diem & mille annos, non inter se (id enim ab Apostoli instituto alienum est) sed respectu expletionis promissionum Dei : Ut sensus sit, durationem, quæ nobis longissima æstimatur, Deo longam non haberi, sicut vita, quæ ad centum annos prorogatur, longæva nobis ducitur, quæ tamen Patriarchis antediluvianis brevissima putaretur, ita temporis periodi, quæ nobis quàm diuturnæ videntur, non ita Deo æstimantur, apud quem temporis intervalla brevia & diuturna perinde sunt, ut Dei respectu breve sit, tam quod nobis diuturnum est, quàm quod breve, tam mille anni, quàm unus dies, nobis enim unus dies spatium breve ducitur, mille autem anni diuturnum, utrumque vero à Deo breve æstimatur, ita ut quanquam Deus adventum per quater aut quinquies mille annos distulisset, tamen non aliter eum distulerat, quàm si quatuor aut quinque solum dies procrastinaret. Inde est quod proximè sequatur

ὁ θεὸς οὐ κενὸν ἔσται ἡμεῖς, ὡς τὸν θεὸν ἡμεῖς.

Non tardat Dominus promissionem, ut nonnulli tarditatem esse ducunt. Tarditas enim homini videtur, quæ ita Deo non videatur, promissionem enim tardare est illius impletionem diu & longo spatio procrastinare; cum autem quod multum spatii hominibus videatur, breve sit respectu Dei, fit ut quanquam diu promissionem suam Deus differre videatur, tamen revera non distulerit, cum non multum temporis in Dei cœlo transferit, ex quo se adventurum pollicitus est.

“ Nisi potius arideat Clariss. Episcopii glossema. Scopus, “ inquit, Petri alius nullus est, quàm indicare non esse cau- “ sam desperandi aut dubitandi de promissionibus Dei, pro- “ missionumque Divinarum impletionem, propter lapsum, “ moramque temporis diuturnam, quæ omnia interim pro- “ miscuè, & nullo piorum aut impiorum discrimine, eodem “ prorsus modo ire ac procedere videntur: prout inferre ac “ concludere paulò ante vers. 3. 4. irrisores in suis cupiditati- “ bus incedentes dixerat, quia tantundem Deum impedit, quo-

*Instit. Theol.
lib. 4. Sect. 2.
cap. 9.*

“ minus promissa sua expleat, longissimum tempus, quàm brevissimum; tam facile Deo est post mille annos explere & præstare quod dixit, quàm post unum diem aut unam etiam horâ: Ut proverbialis omnino videatur hæc oratio Petri esse, “ qualis hæc est; quando Deus victoriam largiri vult, unus “ miles ei est ut mille, & mille milites ut unus duntaxat, &c. Hæc loca eò fusiùs excussi, non quòd illa quidquam difficultatis in causâ nostrâ facessere arbitratus sim, sed quòd illa obstinatâ fiduciâ Theologis aliquot, ut Maresio in confut: Crellii de Deo cap. 18. nec non Arnoldo adv. Catech. Racov. loco 3. cap. 1. Sect. 19. aliisque urgeri adverterim.

Objiciunt rursus si sit Æternitas successiva, continuò fieret in Deo mutatio, quia quovis momento aliter, quàm priùs, se haberet, quòd duratio, quam prius habuerat, præteriret, & nova pariter accederet, futuraque & præterita foret Dei permanentia.

Absit autem ut ullum *πρὸς ἀποκρίσιν* Deo offundamus; utpote quem dissitis omnium temporum intervallis variisque periodis eundem semper, nullâque mutatione attritum perdurare credimus; utcunque instabiles fluant seculorum vicissitudines, stabilis semper & incolumis labentibus coexistit Deus; scilicet quæcunque contingat mutatio, essentiaæ divinæ prorsus extrinseca est; diversa enim Deo coexistunt temporum intervalla, non aliquid novi Deo affigendo, sed aliquid extra Deum, cui Deus coexistat, ponendo; ut quod Deus coexistat temporis momento, cui prius non coextiterat, exinde solummodò fit, quia existit istud momentum quod antea non extiterat; ita oportet fluxionem non ipsi Deo, sed præterlabenti temporì assignare. Mirum præterea, quod hoc nobis exprobetur iis, qui æternitatem ab omni mutatione vindicant, etiamsi coexistat dissitis temporum periodis, quoniam constanter eadem coexistit omni temporis parti, cum tota mutatio in continuâ temporis non æternitatis successione fiat; Quidni autem idem multò potius respectu æternæ successionis

fionis dicemus, quòd successio in Deo non fiat, qui semper idem, nulliq; mutationi obnoxius omni temporis successioni coexistit.

Neque porro ipsi (ut antea monuimus) ullatenus commutamur, quia in temporis defluxu sistimur, quasi simul cum violento illius Torrente raperemur, sed quòd nos ipsi pariter fluminum iastar præterimus, & semper quod sumus, esse definimus, quorum scil. corpuscula *lampas vita*, cui debemus quòd lumine fruamur, avidè depascit, & in fumos aurasque abigit, sic dum indies nascimur, indies interimus, quorum quæ hodie pars altera, heri nulla fuit, cras nulla futura est

— *Nec quod fuimusque sumusque;*
Cras erimus —

Ovid.

Sic demum profectò nisi ἑμῶντων τῶν nos deprædaret, in æternum iidem nullisque mutationum vicibus obnoxii permanere possemus. Deus autem cum sit ἐκράτος ἡ μεταβολῆς expers, ut loquitur *Ammonius*; temporis defluxu non alternatur, sed

Idem semper erit, quoniam semper fuit idem;
Non alium videre patres, aliumve nepotes
Aspicient, Dens est, qui non mutatur in ævo.

Manil.

Seu ut Sancta Scriptura, οἱ ἐκαθὶ ἀπελθῶνται, σὺ δὲ διαθήῃς πάντες Heb. 1. 10, 11. ἀλλ' ἀγῶνται, σὺ δὲ ὁ αὐτὸς εἶ:

Neque aliter Parmenides

— ἐπεὶ γούν ἐόν ἑμὲ παῖ,

ταυτὸ τ' ὄν, ἐν ταυτέῃσιν ἔσθ'· καὶ ἐαυτὴν καί τας.

Nunc simul totus est, idem existens, in hoc manens & secundum idem jacens.

Porro Deo tribuuntur præsens, præteritum, & futurum, non

non quatenus *negationem* (ut aiunt) connotant, sed parè quatenus *continuationem* dicunt; scil. quòd, id quod prius fuit, nunc sit, & quod est, idem sit perseveraturum, non autem quasi quod olim fuisse aut futurum esse dicimus, jam non esset, sed quòd qui olim fuit, est, & semper erit

Zeús ἦν, Zeús ἐστίν, Zeús ἔσται, ὁ μὴ αὐτὸς Zeús.

Unde ex *Augustino Bradwardinus*: *Deus fuit & erit & est, fuit in præteritis seculis, est in præsentibus, erit in futuris: fuit, quia nunquam defuit, erit quia nunquam deest, est quia semper est.* Hæ denique denominationes Deo competunt solummodo ex denominatione extrinsecâ, scil. à successivis æternitatis partibus desumptâ. Ut Præsens non denotat existentia principium, sed principium extrinsecæ conjunctionis cum *τῷ νῦν*, res enim, quòd concipiatur existens fluente hoc momento, præsens dicitur: Neque futurum ipsius rei futurationem dicit, sed rei etiamnum fortè existentis futurum ad fluxura momenta respectum; Nec denique præteritum rei ipsius desitionem dicit, sed tantum conjunctionis cum momentis istis, quæ evanuerunt.

Deinde cum obijciunt Dei essentiam esse simpliciter indivisibilem, neque partes ullas admittere, & æternitatem, cum Dei sit internum attributum, ipsissimam esse ejusdem essentiam, ac proinde esse indivisibilem: Ad ista jam ante responsum est, cum de duplici æternæ durationis acceptione diximus, alterâ, cum concretè sumitur, sicque attributum est Dei internum, neq; quidquam aliud quàm divina existentia cum denominatione extrinsecâ à temporis fluxu desumptâ, hanc permanentem & divisionis expertem esse in confessio est: Alterâ, cum præcisè & abstractè spectatur, & inanis est quædam successio, quæ *labitur & labetur in omne volabilis ævum*, hæc est, cujus rationem in perpetuâ successione constitutam esse arbitramur, & eodem modo ad æternam Dei durationem se habet, quo spatium imaginarium ad illius immensitatem

tem se habere statuitur; ut enim spatium non reputatur attributum Dei, sed interminata cum illo coextensio, ita neque ipsa hæc Æternitas Dei attributum est, sed perpetua in illâ permanentia.

Cum porrò obijciunt Deum ex nostrâ sententiâ æternum dici non posse, cum nondum omni successioni coexistit: dico si æternitas accipiatur (ut plerumque in vulgari sermone accipitur) pro fundamento & radice sempiternæ durationis, quòd Deo semper attribui potuisset; quatenus scilicet exigat essentia divinae perfectio, ut semper existat; ita ut non potuerit ab æterno non fuisse, & in æternum non futura esse; sic quovis momento æterna dici potest, quia non potest non esse æterna: ut anima rationalis vulgò æterna perhibetur, non quod omnibus momentis in posterum fluxuris coexistit, sed quod in ejusmodi conditione sita sit, ut necesse sit eam in æternum perseverare, & cum singulis momentis, quando-cunque demum advenerint, conjungi. Sin æternitas pro actuali conjunctione cum omnibus successioneis momentis sumatur, ita ut durationem utrinque infinitam complectatur, quæ quidem non modo omnibus momentis hæcenus effluxis, sed & in posterum effluxuris actu conjungitur: Hanc dico Deo jam nunc tribuere tum absurdum tum impossibile esse: *Impossibile*; quod contradictionem involvat Deum revera cum eo conjungi, quod nunquam erit: at omnia successioneis momenta in perpetuam futura nunquam actu erunt, quando enim omnia actu fuerint, nulla futura superessent, ita demum infinitæ successioneis daretur finis; quo enim momento nullæ ipsius partes futuræ essent, tota exhaustiretur, cum enim nihil futurum est, nihil superest venturum, & cum nihil superest venturum, toti successioni finis ponitur: sed infinitam successioneis finiri apertissimè contradictorium est, ergo & impossibile Deum cum ea actu conjungi. *Absurdum*; tum quia falsum esset, quod de Deo loquitur Scriptura, *qui est, qui finit, & qui futurus est*; tum quod sequeretur quic-

quicquid in æternum futurum erit, jam actu esse: si enim Deus jam actu coexisteret omnibus momentis in æternum futuris, necesse est ut jam quoque existant omnia, quibus coexistit, momenta; at quid absurdius quàm omnia quæcunque in infinitum usque futura sunt, jam actu præsentia esse?

Pergunt, captum omnino fugit æterna absq; initio successio, quantumcunque enim successionis mente complectimur, initium semper agnoscamus necesse est. Fateor quidem hominis ingenium complecti non posse æternitatem, quippe si comprehendi posset, non foret æternitas, quia eo nomine nequaquam infinita esset, quicquid enim mens finita capit, infinitum non est: Verumenimvero etiamsi mentem fugiat quæ fluat æterna successio, perinde quoque fugit quomodo non esset æterna successio; neque enim de æternitate loqui possumus aut cogitare nisi ad modum successionis (ut comperiet quotusquisque in proprias meditationes inspexerit) quod ipsi adversarii fatentur, cum tempus, quod *imaginarium* vocant, nihil aliud esse docent, quàm Æternitatis Ideam, quam ad modum & sortem temporis fabricamus; si vero non valeamus de æternâ duratione ne quidem cogitare nisi ad modum successionis, tantum abest quin captum nostrum effugiat æterna successio, ut intellectum potius adjuvet. Porro *ἀσπράδην* est totum æternæ successionis spatium, non quia *successivum* sit, sed quia *infinitum*; facile enim comprehendò æternitatem successivam esse, licet minimè comprehendam æternam successionem; neque quidquam intellectum cruciat, ut in æternitate partes aliæ aliis succederent, sed solum ut detur partium infinitudo, ita non captum fugit infinita successio, sed successionis infinitas; Quod quicquid infinitum est, innumeras ingenio nostro cruces figat, utpote quod finitum quemcunque captum infinitis intervallis superat; angustiores sunt cerebri humani cellulae, quàm ut in iis hospitari possit infiniti Idea. Et propterea objectionem esse nullius momenti, si in infinito quovis sit, quod captum nostrum effugiat,

fugiat, quod serio adverti velim, quoniam quicquid præterea adversus æternam successionem objiciunt, penitus enervat. Quod ex his quæ proximè sequuntur, luculentius constabit.

Quærunt itaque Æternitatis partes finitæne sint, an infinitæ? finitæ? ergo & finita æternitas. Infinitæ? hoc absurditatum plaustra in se convehit, sic enim imprimis infiniti finis foret, partes enim, quæ transierunt, horâ quæ jam excurrit, terminantur, si igitur infinitæ sint, infinitum finitum erit, & ut aiunt, exhaustum, siquidem hodiè terminantur & exhauriuntur æternæ successionis partes, cum omnes jamdudum pertransierint: Deinde foret infinito majus, quod utique Æternitas contineret infinita secula, plures annos quàm secula, plures menses quàm annos, atque deinceps plures septimanas, dies, horas, semihoras, horæ quadrantes, momenta. Foret centuplo major annorum numerus numero seculorum infinito; at quantò quæso plura momenta forent, quorum pene innumera quolibet anno continentur? his comparatus infinitus seculorum numerus quàm exiguus, quàm nullus esset? Adeo ut demum numero infinito infinities major foret: immo numerus infinitus infinito infinities minor foret, numerus enim infinitorum annorum minorem proportionem ad numerum infinitorum dierum gerit, quàm gerit unus duntaxat annus ad infinitos, quippe totidem infinitates inter infinitatem annorum, & infinitatem dierum intercederent, quot, uno solum subtracto, in quolibet anno continentur dies, & propterea cum contineat quilibet annus dies 365, inter infinitates annorum & dierum intercederent infinitates 364: Verum non plusquam unâ infinitate ab uno anno distant infiniti. Adde quòd partes, quæ Moysis ætate effluerant, aut finitæ erant aut infinitæ: si finitæ, finita quæ præcesserat æternitas; si infinitæ, illæ additæ, quæ ex eo tempore ad id quod excurrit successerunt, infinito majus constituent, Adhæc si æternitas partes habeat, ergo vel omnes illius partes ab æterno fuere, vel non: si istud, ergo omnes simul

stant, ab æterno scil. Si hoc; ergo omnes aliquando inceperunt, siquidem incipiat quod ab æterno non sit, atque ita æternitas initium haberet, utpote cujus omnes partes inciperent, ipsa autem ante omnes suas partes esse non potuit. Et si quæ sint istiusmodi alia.

Sunt qui huic postremæ objectioni satis se fecisse putant, de æternitatis partibus distinguendo, quod primò *distributive* & sigillatim sumantur, sic singulas inquit æternæ successionis partes temporales esse, quia quæque initium habet, omne enim quod sibi præexistens habet, æternum non est, omnis autem successionis sempiternæ ratio præcedaneam sequitur, quia exigit ejus rationem præcedentem sed semper priorem habere: Deinde *Collective* sumi inquit, sicque omnes æternas esse statuunt, quarum nempe immensa aggeries immensam successionem conficiunt, nulla enim pars omnium partium collectione prior est, sic enim extra omnem partem pars superesset; quæ quidem partium omnium collectio in infinitum procedit: Ut enim spatium infinite per omnes partes simul sumptas, ita tempus per omnium partium defluxum infinite & ab æterno in æternum folum est. Quod responsum an adversus adversariorum instantias propugnari possit, videant illius auctores, de illo parum ipse sollicitus sum, utpote qui prædictas omnes objectiones abundè solvi arbitrer, solvi non posse confitendo. Quemadmodum jam ante monuimus ista omnia non tam in æternitatis *successionem* quàm *infinitem* objectari, uti quæ in quolibet infinito pariter usurpari queant; neque magis successionis infinitatem evertunt quàm spatii; & propterea non æquum est ut quidquam adversus æternam successionem valeant. Atque quidem nihil tantoperè manifestum est, quin istiusmodi ratiociniis labefactetur. Omnia quidem *Euclidis* axiomata, problemata, postulata, si ad *Infinitem* quodvis aptarentur, prorsus aut incerta aut absurda forent: ut isto posito axioma, *Infinitem non dari majus, neque infinitum quovis esse minus*, ausim dicere prima & apertissima.

tissima ista omnia Geometriæ postulata, non modò dubia sed manifestò absurda videri, pars enim toti æqualis foret, nempe spatium Orientem versus diffusum, quanquam immensi spatii solum pars sit, omni spatio æquale foret, siquidem infinitum est. Totum item æquale non foret omnibus suis partibus simul sumptis, ut tota spatii immensitas non plusquam infinita est, tamen pariter infinita illius pars quæ in Orientem procurrat, ut & infinita, quæ in Occiduum, at duplex infinitum uno majus est, & pariter in cæteris. Cæterum ut rem aliquantò fusiùs & clariùs diducam; *Parallelismum* hac in re inter æternitatis successionem & spatii immensitatem explicatius ostendam.

Spatium itaque utrobique infinitum esse, tam perspicuum est, quàm quod maxime; adeo ut si quis tam protervi ingenii fuerit, ut id inficiari sustineat, ad propriam mentem remittendus est; si enim proprias cogitationes paululum consulat, spatii infinitudinem protenus, velit, nolit, agnoscat: Quotusquisq; enim animum ad spatorum diffusionem advertere velit, coactus infinitam quaquaversum expansionem concipere se fatebitur, in quamcunque plagam se vertat, spatium citra metas & limites immensum diffundi percipiet: Ubi quæso assignari possit terminus, quo claudi potuit? Qui excogitari possent extima totius quasi pomæria, extra quæ spatii nihil ulterius pateat? Sive in Orientem sive in Occidentem, sive sursum sive deorsum prospiciat, nusquam *limites* agnoscat; sed in omnem partem spatia ulterius & in immensum patere percipiet; ut tametsi limites alicubi sibi fingat, ulteriora adhuc non superesse spatia imaginari non potest, sed, velit nolit, spatium extra limites, quos inscripserat, ulterius diffundi concipiet, ut tandem fateatur se nusquam finem percipere posse, & spatii vastitatem ita undiquaque ultra fines quoscunque fusiã esse, ut nusquam terminus figi queat, quia ulterius serpat in immensum: Quippe ultra assignatum limitem aut solidum aliquid foret, aut inane: si solidum; spa-

tium quoque foret in quo reponeretur: si inane; id ipsum spatium est, quod in immensum porrectum esse pertendimus. Adde quod omne terminatum alterius generis aliquo terminatur, sicubi igitur desinat spatium, datur aliquid alterius generis ultra omne spatium, quod impossibile, quoniam quicquid fit, alicubi existat necesse est; cum itaque nihil alterius generis, in quod desinat spatium, cogitari potest, necesse est ut ejusdem naturæ spatium in immensum excurrat;

*Nunc extra summam quoniam nihil esse fatendum est
Non habet extremum. —*

Adhæc finge *Achillem* ^{videt} statim à *Troja* excidio viam fuisse ab aliquâ Cœli plagâ auspicatum, & *extra longè flammantia mania mundi* procedere, ut v. g. orientale spatium percurreret, quousque quæso, antequam terminum quenquam attingere potuit, excurreret? nisi profectò prius viam, quàm metam attigerit, relegaret, frustra foret *Vates*, qui illum *ad iteranda Troja fata* aliquando tandem esse rediturum vaticinatus est: immò verò tamen si fingatur ab æterno in æternum rectà in eandem plagam perrexisse, nusquam demum terminum reperiret.

*Præterea si jam finitum constituitur
Omne, quod est spatium; si quis procurrat ad oras
Ultimus extremas, jaciaturque volatile telum;
Invalidis utrum contortum viribus ire
Quò fuerit missum, mavis, longèque volare?
An prohibere aliquid censes, obstareque posse?
Alterutrum fatearis enim, sumasque necesse est;
Quorum utrumque tibi effugium praecludit; & Omne
Cogit ut exempta concedas sine patere.
Nam, sive est aliquid, quod prohibeat, officiatque,*

*Quo minn, quo missum est veniat, finique locet se,
Sive foras fertur, non est ea fini profecto.
Hoc pacto sequar, atque oras ubicunque locâris
Extremas, quaram telo quid denique fiat:
Fiet uti nunquam possit consistere finis,
Effugiumque fuga prolaret copia semper.*

Ut egregiè, uti maximam partem solet, arguit *Lucretius. Lib. 1.*
jam autem cum spatium infinitum esse adeo certum est, ut nihil supra, ista ratiocinia firma esse negandum est, quæ si firma forent, tolleretur penitus spatii immensitas, quare si rationes, quibus æternitatis successionem eversum eunt, perinde spatium (ut & quodvis aliud infinitum) labefactent, inde colligere par videtur non omnino firmas esse, sed esse sophismata quædam, quæ imbecillitati intellectûs nostri, cum circa *Infinitum* versatur, imponunt, & propterea non adversus æternitatis successionem urgenda esse, cum non tam ipsam speciatim redarguant, quàm omnem in genere infinitudinem, neque istam, nisi propter captûs humani imbecillitatem: si igitur evicero infinitati spatii ista pariter adversari, atque æternitatis successionem, satis me illa solvisse arbitror, etiamsi cetero qui solvi nequeant. Id autem cuiquam, qui ratiocinia ista ad spatium adapteret, apprimè constabit.

Ut spatium vel partes finitas habet, vel infinitas, si finitas, ergo & finitum spatium: si infinitas, imprimis terminaretur infinitum, quodd scil. partes omnes, quæ v. g. ab *Oxonia* in Orientem excurrunt, quanquam infinitæ sint (si enim finitæ forent, utrinque terminarentur) tamen hâc urbe terminantur: Daretur insuper infinito majus, in infinito enim spatio milliaria infinita forent, & tamen major foret stadiorum numerus numero miliarium, numerus ulnarum major numero stadiorum, numerus pedum major numero ulnarum, numerus palmorum major numero pedum, numerus digito-
rum

rum major numero palmarum, & pariter deinceps, cæterum infinitus milliarium numerus numero digitorum comparatus quàm exiguus & pene nullus foret, uti de æternitatis successionem deductum est? Præterea spatium à plagâ hujus urbis Orientali situm infinitum est, ut pariter occidentale infinitum est, cum neutrum terminetur: & tamen utrumque simul majus est alterutro, atque ita infinito foret infinitum duplò majus. Adde denique quòd partes spatii Orientales, quæ urbe *Hierosolymitanâ* terminantur, infinitæ sint, iis tamen adjectum quicquid spatii inter *Hierosolymas* & *Londinũ* interjacet, majus spatium infinito isto constituet, & si quæ istiusmodi alia sint, quæ in æternitatis successionem urgentur, huc illa referre licebit. Propterea aut objecta ista nihil adversus æternam successionem valeant, aut simul immensam spatii diffusionem tollant; cum verò absurdus nihil sit, quàm spatii immensitatem abrogari, sequitur argumenta ista firma non esse, quæ si firma essent ipsam abrogarent; non itaque æquum est ut adversus æternam successionem urgeantur, aut ut propter illa illam repudiet, quoniam mera sophismata esse aliunde deprehendimus, tametsi fortè alioqui satis illis fieri non posset. Hinc (ut hoc obiter subiiciam) non sine temeritate, ut mihi videtur, jamdiu statutum est Deum corpus magnitudinis infinitæ creare non posse; id enim qui negant, non tam adversus corporis, quàm omnem dimensionum immensitatem disputant, quippe nullam probationem adferunt, nisi quæ pariter spatii immensitatem tollat: Quod pariter de multitudine numerove innumerabili dicendum est. Satiùs enim duco intellectus humani imbecillitatem confiteri, quàm propterea limites Dei Omnipotentia ponere, quippe infinita est Dei potentia, cavendum itaque ne illam propter ingenii angustias circumscribamus.

Sed pergunt manifestè cum rectâ ratione pugnare, ut ex partibus, quarum singulæ finitæ sunt, fiat infinita duratio, ut tametsi in æternum adderentur durationes finitæ finitis non

“con-

“constituent nisi durationem finitam, nam si supponatur, in-
 “quiant, una pars durationis finita, & tam sic huic parti finitæ
 “plures etiam finitæ addantur, quantum universa patitur
 “Arithmetica, & hoc in æternum continuetur; tamen cum
 “sit additio partis finitæ ad finitam, impossibile erit ut un-
 “quam ex istis finitis fiat duratio infinita, finitum enim finito
 “additum non producat aliquid nisi finitum.

Verum & hæc per parallelismum inter tempus & spatium
 diluantur. Quæro enim an spatium infinitum compingatur
 ex partibus, quarum cujusque propria extensio finita sit, si
 affirmetur, ut affirmari necesse est, cum quæque vicinâ
 claudatur, ergo ex finitis sit infinitum. Dein designetur una
 pars spatii, & huic parti in infinitum continentur aliæ finitæ,
 pariter non fiet infinita extensio, & ita tolleretur spatii immen-
 sitas. Deinde cum assument unâ durationis partē omnibus aliis
 præcedaneam, & cui reliquæ in æternū continentur, æternitati
 affingunt primam partem, quod æternitatis rationem destruit;
 exigit enim illius ratio ut nullum terminum habeat, sed sem-
 per ultra procedat, eoque modo in infinitum assurgat, ut in
 eâ nulla pars, cui cæteræ omnes succedant, designari queat;
 sed semper altius & altius nullum admittens fastigium pro-
 vehitur. Siquidem totidem partes habeat æternitas, quot
 recenseri nequeunt, & durationem tantam, ut quæ nullos
 limites mensuram nullam agnoscat, sed utrinque interminata
 sit, neque principio quovis neque finē circumscripta, in quâ
 nulla pars aut prima aut ultima reperiatur. Ita si Perspicacis-
 simi quidam Chronologi à fælicibus v.g. Salvatoris nostri
 natalitiis auspicantes repetitis retrò seculis supputarent omnia
 quæcunque temporis intervalla, dynastias, æras, epochas,
 paræpigmata, Characterismos, & ascendant demum ultra
Annum Magnum Scaligeri, ultra extinctos quinque *Indorum*
Soles, ultra *Persarum*, *Chaldaeorum*, *Egyptiorum*, *Serum*
Annales aliorumque omnium, quotquot aniliter vetustatis
 affectu delirant. Colligant toties totidem secula, calculos in
 immen-

*Merc. apud
Stob. & cl. phys.
l. 1. c. 9.*

immensum accumulens, usque & usque per enormes valdè & infinitas annorum myriades assurgant, nihilominus nullum invenirent Æternitatis ortum, nullum Phosphorum. Absq; scaturigine labuntur Æternitatis fluctus *aut d' éternité ou éternité* *semper delabitur ævum.* Æternæ successionis catena nec primum admittit nexum nec ultimum. Quin & sicut *Æternitas* *in posterum* nullam sit partem ultimam habitura, sed in immensum diffunditur ævum, ita etiam postulat Æternitatis retroactæ ratio ut nullâ primâ inchoetur, quare cum in æternitate primam partem supponant, à quâ reliquarum continuatio arcessenda sit, par quidem Solæcismus est, ac si in eâ partem ultimam assignarent: sicut itaque *successio in posterum æterna* nunquam partem postremam habebit, sed semper sit posteriorem habitura, ita & quæ *retro æterna* nunquam primam, sed semper priorem habuit partem: ut enim omnis successio prius & posterius includit, ita æterna, ab æterno prius, in æternum posterius. *Quis dinumerare valeat dies Æternitatis*, si quis illos seriatim numerandi periculum audeat, hoc solum lucrabitur, ut illorum numerum iniri nō posse agnoscat, tādēq; *ἡ ἀναιρέσις* & cōsistere cogetur, quoniam semper & *ultra semper* (*Criticorum veniā*) procedendum erit, ut tametsi infinita retro transegerit æva, nequaquam initium attingeret, & post iterum infinitiēs infinita, infinita adhuc superessent: ut si detur *æternum* emetiri posse, restaret adhuc *prææternum.* *Intelligentiam commove, & totum complectere, nihil tenes: totum hoc habet reliquum.* Ad id denique quod aiunt finitum finito additum non producat infinitum: fateor certum finitorum numerum infinitum constituere non posse, tamen nihil repugnat quin ex infinito finitorum numero tandem exurgat infinitum; ut enim finita finities repetita finitum constituunt, ita infinitiēs repetita infinitum, ut documento est spatii immensitas ex innumerabilibus spatiolis conflata. Ut igitur dinumerentur infiniti partes ultra Arithmeticæ numeros pergendum est, quæ enim innumerabilium numerus esse queat?

Sed

*Nilar. l. 2.
de Trinit.*

Sed porro persistent assignari posse in æternitate primam partem quæ potest assignari, ergo ante illam nō superest prior assignanda: *propositio identica est*, & propterea negari non potest, *consequentia probatur*, quia si ante primam, quæ assignari potest, superesset prior, prima quæ assignari potest, prima non erit; quoniam restaret prior assignanda, atque ita erit prima quæ potest sumi & non erit prima. Cæterum tametsi *propositio identica sit*, tamen eo quod falsæ hypothesi innitatur falsa est, secundum Logicorum canonem *propositio de subjecto non supponente, etiamsi identica sit, falsa est*; cum igitur ad propositionem istam præsumatur assignari posse primam partem, quæ potest assignari, quod manifestè repugnans est (primam enim partem in infinito esse impossibile est) propositio quoque, quæ isti præsumptioni innititur, ut absurda sit, necesse est. Ut *Chimara*, quæ potest produci, potest produci; extrema immensitatis pars, quæ potest assignari, potest assignari, & tamen contradictionem implicat, ut aut producat *Chimara*, aut assignetur extrema pars immensitatis: Quomodo itaq; produci potest *Chimara*, & quodvis aliud impossibile, quod potest produci, & quomodo assignari potest ultima Æternitatis nec non Immensitatis pars, quæ potest assignari; eodem modo assignari potest primum æternitatis momentum, quod potest assignari; verum sicut *Chimara*, quæ produci potest, produci non potest; sic Æternitatis prima pars, quæ assumi potest, assumi non potest.

Verum porro insurget aliquis: omnis æternitatis pars vel priorem habuit, vel non; si istud, pars ante omnes partes foret: si hoc ergo prima fuit, prima enim est, quæ priorem non habet. Cavendum autem est à voculâ *omnis*, quoties de infinito agitur: ista enim plerumque designat definitam rerum collectionem, per quam totum intelligimus, extra quod non restat amplius; cum verò in æternitate aut quovis alio infinito complecti non possumus tot partes, quin supersint plures, non nisi cautè admodum istâ voce de iis uti licet, ne

fortè ita de æternitate concipiamus, quasi definita foret, & certum partium numerum haberet. Ne autem nimis hujusmodi subtilitatibus inhæream, prætereo quæ reponunt alii subtiliter fortè potiusquàm solidè; omitto etiam rationem istam urgeri posse adversus spatii immensitatem, & dico solàm, si firma sit, tolletur penitus æternitas *à parte post* nuncupata, in illam enim pari vi urgeri queat. Ut omnes successione in æternum procursuræ partes vel sibi subsequenter habituræ sunt, vel non; si primum, pars futura est, quæ sequetur omnem successione partem, sic demum plures esse partes fateamur necesse erit, quàm omnes: & proinde omnes non esse omnes. Si non, ergo futura est ultima æternitatis hora, ultima quippe sit necesse est, cui alia non subsequitur, & sic demum æternitatem transactum iri.

Ad posterius quæsitum, quod supra ventilandum proposuimus, jam tandem devenire licet, an scil. æterna duratio ita sit incommunicabilis Dei proprietas, ut nulli alii competere queat? quod paucis expediendum est.

Omnia olim cepisse S. Scripturæ fide accepimus, ut nobis extra dubitationis aleam esse debeat, an revera sit æternitas Dei solius attributum, nullique alii communicatum: tamen Mundi Æternitatem inter præcos non pauci adferre, non modo qui mundum supremum esse Numen arbitrabantur, sed & qui illum productum fuisse autumabant: Sic ex *Platonis* sententiâ genitus fuit mundus *ἐκ χρόνου non tempore*, quod utique nullâ temporis periodo ceperit, *ἀλλὰ ἐκ χρόνου sed cogitatione*, quod nèpe creati ab æterno mundi initii cogitatione *διὰ λογίας ἔκτεν doctrina gratiâ* solum assumi potuisset censuerit. Hanc sententiâ totidem sapientum consenserunt, hanc solum ratione persuasi, quia Deus cum Optimus sit, non potest nisi optimè operari; præstat autem mundum ab æternò extitisse, quàm aliquando demum exoriri; ac proinde Deus, qui quod melius est necessariò agit, non potuit quin eum ab æterno produceret: quæ quidem argumentatio ut ut levissima sit,

fit, tanti tamen momenti hactenus visa est, ut ferè in nullâ non causâ usurpetur; eâ videlicet imprimis mundum numeris omnibus absolutum esse probatum eunt, sic Plato in Timæo Deum invidiæ infontem esse non potuisse asserit, nisi præstantissimum, quoad posset, mundum creasset.

τέτα δ' [θόνον] ἐκτὸς ὧν, πρῶτον ἐπὶ μάλιστα ἐβελήθη γίνεσθαι παραλήπτα αὐτῷ & paulo post. θίμω δ' ἐτ' ἢν ἔτ' ὅτι τῷ ἀεὶ ὅσον ὅσον ἄλλο πᾶν τὸ ἐλάττω.

Fas autem neque erat, neq; est, quicquam nisi pulcherrimum facere eum, qui est optimus. Hinc protenus mundam animantem & intellectu præditum, & quid non præterea, esse colligit, quia præstantius est ut istis fruatur quàm careat. Et ad Platonis mentem mundum non potuisse præstantiorem dispositionem adipisci, utpote qui ab Optimo Opifice extruatur, tusetur inter alios *Vanninus*. Eâdem viâ porrò mundum in æternum perduraturum adstruunt: *Quidni*

*Amphib. prov.
Exerc. 17.*

& mundus in æternum duraturus est, quia haudquaquam boni est ratione vinctum velle dissolvere, inquit in Timæo Plato Cicerone interprete. Quin & eodem argumento alii sydera omnia animantibus referta esse adstruunt. *Hiccinne* (inquit Kepplerus) *omnem in globo telluris consumpserit artem, ut non posset, omnem bonitatem, ut non vellet ceteros etiam globos convenientibus exornare creaturis?* *Origenes* item ejus vi persuasus sempiternam mundorum successionem adseruit,

*Harmon.
l. 5. c. 10.*

quoniam enim recentem mundi creationem inficiari non potuit, inde mundos alios aliis ab omni æternitate successisse autumavit: sic & animarum rationalium, antequam in corpora terrena detruderentur, existentiam statuit, quoniam præstaret illas præexistisse, quàm è contra. Denique, ut innumeros alios præteream, eidem fundamento innixum est notissimum istud plerorumq; è priscis delirium de necessariâ mundorum infinitate aut saltem ingenti multitudine: nempe si Deus semper præstabilius efficiat, si itidem unum esse mundum bene sit, ergo præstabit binos esse, & his præstat adhuc tertium accenserj,

De Orac. de feli.

& sic porro quousque velis augendus est mundorum numerus. Neque multum ab simile est ratiocinium, quo mundi pluralitatem adserere conatur Plutarchus ἀποδίδει. ὅτι ὁ πάλαι, ἰδιώτης ἀπὸ τοῦ ὁδοῦ ἐστίν, &c. *Deus enim perfectè bonus. cum sit, nullius virtutis est expert, tantum abest, ut iustitia atque amicitia, utpote quæ pulcherima sunt, Deumq; apprimè decent. --- Sunt ergo extra alii mundi, erga quos utitur virtutibus istis ad communiatem pertinentibus. Non enim erga seipsum, sui ve partem utitur iustitiâ, gratiâ, benignitate, sed erga alios. Quare haud probabile est amicitia, vicinitatis, ac commerciorum exortem mundum in inani infinitate fluctuare, Et quæ deinceps. Quæ omnia idcirco huc congeffi, partim ut inde constaret, quàm futilis sit ratio, quàm mundi æternitatem comprobare satagunt, scilicet quàm pariter quælibet fabella, inanisve conjectura stabiliri queat: partim ut uno opere plures simul ineptias diffarem.*

Advertere itaque debuissent Deum, quanquam necessario bonus existat, arbitrii tamen libertate pollere, necesse est igitur ut, quodocunque agit, tam liberè quàm bene agat. Quapropter non obligatur *absolutâ necessitate* ut bene agat, sed *hypotheticâ*, quòd si pro suâ libertate agere velit, necesse est ut bene agat. Hinc pro arbitrio quidq; operari potest, aut ab opere quoque sibi temperare; uade mundum non fabricavisse potuit, aut si pro arbitrio fabricare velit, magis minusve perfectum: quòdque tam perfectum crearit, *bonitatis est*, quòd non perfectiorem, *libertatis*. Immodò sanè dum Dei bonitatem illustrare se putant, periculose admodum ferè singula illius attributa imminuunt, & labefactant: Quis enim Deum summè potentem dixerit, si in mundi creatione ita omnes vires exercuisset, ut nihil præstantius efficere potuit? Inne omnipotens, summè sapiens, immensè bonus, qui nec fabricam ampliorem excogitare valuit, nec condere, quàm sit huius mundi machina? quàm angusta Dei cum benignitas, tum potentia forent, quas exhaustit opus mundo hoc, quem occupamus,

occupamus, nihilo perfectius? quàm exiguus foret Deus si omnes suas opes jamdudum effuderat, & Optimum, quod potuit, elaboraverat! Potuit sanè, si libuisset, pestes multas, quæ mundum urgent, submovisse, aliaque longè seu plura seu præstabiliora commoda suppeditasse. Equidem quanquam mundi elegantiam & amplitudinem vehementissimè demiror, tamen tantâ æstimatione & veneratione divinas perfectiones colendas esse arbitror, ut præ illis exigua aut nulla sit mundi gloria & venustas. Næ quidem perversè admodum Dei virtutes ex operibus suis agnoscerem, si ad illorum modulum ipsius immensitatem coarctarem. Adde quod, cum Deo necessitatem ea, quæ fecit, faciendi imponunt, non parum à supremâ Dei potestate delibatur: penes enim absolutissimum illius dominium erat, res quascunque creare, aut è contra; potuitque semper tam à mundi productione abstinere, quàm eundem aliquando condidisse: quod non modo præcipuè supremi dominii pars est, sed & aliorum omnium partium & graduum ejusdem fundamentum: nempe quòd jus habeat quidlibet pro arbitrio creandi, hinc exoritur jus & potestas omnia tanquam sua possidendi, iisque, ut lubet, utendi; hinc penes Deum est opera sua quæque conservare, & demoliri, ut in eodem statu maneant permittere, aut in alium sive deteriolem, sive meliorem, ut libet, immutare. Qui itaq; Deum necessariò & ab æterno mundum fabricavisse, atque in illius creatione omnes vires effudisse volunt, tantum abest ut quidquam laudis ubertati benignitatis in Deo adferant, ut Divinæ bonitatis, sapientiæ, potentiæ, potestatis, gloriam & magnitudinem indignè admodum nec sine impiæ audaciæ crimine limitatum & imminutum eant.

Fide itaque, cui nequicquam repugnat ratio, constat sempiternam durationem Dei solius propriam esse; an verò ea *potuit* creaturæ cuiquam, seu speciatim mundo communicari, sequitur ut verbo dicamus. Dico igitur mundum aut quamcunque creaturam (id quanquam non bene capiat intellectus noster)

ab æterno fieri & permanere potuisse. Quòd autem caprum nostrum quadantenus effugiat, nihil mirum est; inde enim evenire videtur, quòd flaccescat & deficiat mens nostra, quoties æternitatem percurrere conamur; quantumcunque enim progressi fuerimus, demum intra metam aliquam delassatis subsistendum est, & inde non possumus nisi concipere omnia, quandocunque esse ceperint, intra temporis metas, quas nobis præscribit ingenii imbecillitas, incepisse, & ita nihil existentiae initium habere posse, nisi etiam initium habuerit tempus, in quo permanerit: sin in ipsam æternitatem assurgere possemus, nullo negotio cogitare liceret, quomodo quidpiam ab æterno fieri posset; quod ex eo confirmari videtur, quòd quocunque assurgamus in æternitate dimetiendâ, intelligimus rem quamque jam tum incipere potuisse, adeoque si semel comprehendere possemus æternitatis infinitatem, protenus etiam non absurdum videretur rem quamque productam simul cum æternitate esse potuisse: Quippe palam est mundum prius extrui potuisse, quàm extructus est, si itaque durarionem, quæ mundi natales antecessit, assumamus, in nullâ ipsius parte cepit demum mundus posse creari, quin antea & antea in infinitum creari potuit, nunquam enim creari posse incepit; possibilitas autem, quæ initii experts est, æterna quoque sit necesse est, adeoque ab æterno possibile erat, ut mundus crearetur: sin vero dicatur tempus fuisse, quo primum mundus fieri potuit; inquiri solùm an momento, quod proximè ante tempus istud decessit, fieri non potuit? quid, quæso te, impediit quo minus momento priori perinde ac posteriori fieri potuisset? præterea si mundus ab æterno impossibilis fuerat, & postea fieret possibilis, dic sodes quando submota fuit impossibilitas, & quando nata ex illius ruinis possibilitas, quândiu impossibilis fuerat, & quândiu est ex quo possibilis esse cepit. Quid multis opus est? si nunquam extitit tempus, in quo mundus produci non potuit, sequitur semper & ab æternis seculis produci potuisse. Accedit quòd decreta

Dei

Dei quodammodo producta fuerint; nam siue à divinâ essentia distinguantur, siue secus, parum interest, cum præfractè ii, adversus quos etiamnum disputatur, æterna esse pertendant, ita tamen ut esse non æterna potuissent, quod non necessaria, sed libera & quandantenus contingentia agnoscantur, quod si ita sit, cur non mundus etiam ab æterno sic exitisse potuisset? An non potuit Deus mundum jam tum produxisse, cum eundem producere decrevisse statuitur? quid compedes illi injecit, ne potentiam simul cum voluntate exerere potuisset?

Cæterum ne vocum ambiguitas cuiquam imponat, attendenda est diversitas initii *essentia*, & initii *durationis*; illud in *dependentiâ* à causâ situm est, hoc in *coexistentiâ* cum tempore; ita mundus *essentia* initium habere potuit, tametsi *durationis* nullum habuisset; quatenus ab æterno produci potuit, & initium (suiipsius) absque temporis initio adipisci. Quod quanquam primâ fronte absurdum præ se ferre videatur nobis, qui rerum primordia æstimamus ab illo temporis momento, quo fluente, incipiant; si verò attentius meditemur, protinus promptum erit deprehendere aliud esse initium rei, & aliud temporis in quo res esse ceperit, alterum enim alteri alienum est, cum utrumque existere potuit nec tamen coexistere, ita ut fortuitum sit rem incepisse incipiente hâc vel illâ successionis parte, pariter enim potuit in quâlibet aliâ extare, atque adeo prius & prius ab usque omni æternitate; sic quemadmodum æterna successio non habuerit initium, ita res quælibet initium habere potuit simul cum æternâ successione *i. e.* initium sui absque successionis initio.

His suffragantur Scholasticorum haud pauci, Aquinas cum sui sequacibus, Durand. Ocham. Biel. Molina. Suarez. Hurtado, Arriaga, Oviedo, Compton. Alii, & quotquot de duplici æternitate distinguendum esse censent, quarum altera rerum est, quæ durationis neque initium neque finem habent, quan-

quanquam aliunde pendeant, altera rerum, quæ non modo durationis principio carent, sed & omni *causalitate* & dependentiâ; ista licet initium & finem non habeat, tamen habere posset, hæc neque habet neque habere potest: Hanc solius Dei esse, istam verò creaturarum quoque esse potuisse arbitrantur. Quo disertim iis, quæ contendimus, adstipulantur, etenim quod velint res creatas sempiternæ durationis participes fieri potuisse, nobiscum conspirant; neque dissentiant, cum alteram æternitatem, quæ non modo durationis exordium, sed & causam & dependentiam excludat, rebus creatis competere non potuisse pertendunt: quippe & ipsi independentem ac absolutam existendi necessitatem solius Dei esse supra monuimus & adstruximus. Eo tamen nomine fortè reprehendendi videntur, quòd oscitanter rerum nomina confuderint, dum independentiam, puramque existendi necessitatem (quam essentialem infinitudinem esse diximus) æternitatis nomine designarent: nimirum ecquæ alia æternitatis notio quàm sempiterna duratio? quid autem independentia à causâ aliquâ ad durationis notionem spectat? ista enim absoluta est, nullamque ad temporis fluxum *actionis* gerit, hæc autem nihil aliud est, quam respectus coexistentiæ ad jugè æternitatis successionem; quin & illi revera innititur, seu potius eam sequitur, quatenus necesse sit ut quod necessario & independententer existit, æternum existat, sed de Schol. opinione satis.

Quæ autem è contra objectantur, ejusmodi sunt omnia, quæ supra adversus successionis æternitatem objectata rejecimus. Ut si mundus ab æterno fuerat, sequeretur transactam fore æternam successionem; infinitos præteruisse annos, & tamen plures præteruisse menses, septimanas, dies, horas, &c. Martis, Jovis, Saturni circumvolutiones infinitas fuisse, & proinde, cum Sol, Luna, Venus istis velocius moveantur, illorum circuitus infinitis fuisse plures: infinitos homines decies mille abhinc annis fuisse, & tamen multas hominum myriadas istis postmodum additas fuisse:

fuisse ; Infinito capitum numero infinities majorem esse capilorum multitudinem, & ejusmodi reliqua, quæ cum adversus quodlibet infinitum pariter urgeri queant, & satis ex jam ante dictis in negotio æternæ successionis explosa & enervata videantur, non est ut novum negotium nobis facebant, aut ut eadem denuo recoctum eamus, sed eo potius lectorem remitti oportet.

Non possum itaque non laudare *Cl. Cartesii* institutum, qui acquiescere nōluit ratiocinio, quod ad Numinis existentiam demonstrandam ab impossibilitate seriei infinitæ in causis & effectibus deducitur. *Quia* (inquit) *per istam causarum successionem non videbar alio posse devenire, quàm ad imperfectiōnem mei intellectus agnoscendam, quòd nempe non possim comprehendere quomodo infinita tales causa sibi mutud ab æterno ita successerint, ut nulla fueris prima. Nam certè ex eo quod istud non possim comprehendere, non sequitur aliquam primam esse debere, ut neque ex eo quod non possim etiam comprehendere infinitas divisiones in quantitate finitâ sequitur aliquam dari ultimam, ita ut ulterius dividi non possit, sed tantum sequitur intellectum meum, qui est finitus, non capere infinitum.* Et propterea in capite de Dei existentia ita argumentum nostrum instituimus, ut non referat, an causarum successio finita sit an infinita. In *Cartesio* autem desideramus constantiam, quòd tertiâ meditatione disertè ab impossibilitate seriei infinitæ in causis & effectibus argumentatus est. *Qualiscunque* (inquit) *tandem mei assignetur causa, potest de illâ rursus queri an sit à se vel ab aliâ, nam si à se, patet ex dictis illam ipsam Deum esse, si autem sit ab aliâ, rursus eodem modo de hac alterâ quæretur an sit à se, vel ab aliâ, donec tandem ad causam ultimam deveniatur, qua eris Deus. Satis enim apertum est nullum hic dari posse progressum in infinitum, &c.* Cæterum Ego constanter nollem Dei existentiam iis fundamentis inniti, quæ si firma sint, infinitum non esse spatium (quod tamen esse omnium mentibus infixum est) ma-

In respons. ad 2^m
prim. object.

nifesto sequeretur; nullum enim ratiocinium aduersus infinitam causarum & effectuum seriem urgeri potest, quin quod pariter spatii immensitatem impetat, ut superius luculenter commonstratum est. Adde quod ita humanum ingenium procul effugere oporteat, quicquid infinitum est, ut omnia, quaecunque circa id deducere possimus, prorsus dubia sint, & incerta; adeo ut desinat etiam Geometriæ certitudo, si circa infinitum quodvis versaretur, ut supra subinnuimus. Næ quidem, ubi nulla certitudo haberi potest, ibi perquam exigui momenti sint necesse est qualescunque demonstrationes, quamvis illas alioqui diluere & labefactare non possemus.

F I N I S.

Σubijungitur quidam Typographica, Partim Importuno quodam Casu, partim Coniudam (Cujus autem dicere non licet) Incuriâ irrepperunt: Quorum alibi datâ Operâ præteritis; siue quoddam leuiores sunt, cuiusmodi sunt Aceci-
tuum Notulæ non rite & admodum affixæ, aliæque ejusmodi Apiculæ; siue quod speriores sint, quæ & primo inuitu se produnt, nec sensum perturbant: Reliquæ, quæ Lectori nimis attento molestiam creaturæ arbitror, sic velint

C O R R I G A N T U R.

Ep. Ded. p. 4. l. 18. leg. *Ut pote* ejus. lib. p. 1. l. 21. *potuerit*. p. 29. l. 21. *prima omnium materia*. p. 32. l. 5. *proinde*. p. 33. l. 22. *ut p. 33. l. 22. ab. p. 36. l. 6. inaequalitatem*. p. 38. l. 31. *millenas*. p. 39. l. 3. *unam*. p. 41. l. 13. *eundem*. l. 28. *quopiam*. p. 44. l. 23. *consilium*. p. 49. l. 17. *abrigeret*. l. 28. *consilio*. p. 50. l. 19. *partiantur*. l. 33. *insere* *potest* ante idem. p. 51. l. 1. *proximitate*. l. ult. *potuisset*. p. 52. l. 14. *opponantur*. p. 53. l. 10. *consilio*. l. 24. *26045*, & sic deinceps. p. 55. l. 25. *irritans*. p. 56. l. 27. *cumiat*. l. 28. *fidenter*. p. 58. l. 6. *interimantur*. p. 60. l. 21. *insere* *alteram* ante solstitial. p. 66. l. 1. *curios*. p. 69. l. 26. *pullularet*. p. 73. l. 14. *utrisque*. l. 29. *desiderant*. l. ult. *obliuiscuntur*. p. 83. l. 31. *conuolunt*. p. 84. l. 10. *vires*. p. 87. l. 31. *cessante*. p. 89. l. 3. *cessante*. p. 90. l. 27. *dispergat*. p. 93. l. 39. *spiritus*. p. 94. l. 1. *perplexa*. p. 96. l. 24. *insere* *fortissimè* ante concionatam. p. 97. l. ult. *dispergat*. p. 111. l. ult. *nutritioni*. p. 116. l. 31. *sequuntur*. p. 117. l. 16. *phantasia*. p. 123. l. 16. *unus*. p. 127. l. 11. *colores*. p. 135. l. 4. *Copernico*. p. 136. l. 21. *interualla*. p. 137. l. 32. *uociferatur*. p. 138. l. 24. *apparatur*. p. 139. l. 16. *utramque*. p. 143. l. 5. *potuerit*. p. 31. *Argentiniensis*. p. 149. l. 31. *ducentur*. p. 152. l. 7. *genuinam*. p. 153. l. 1. *mundi*. p. 157. l. 18. *latius*. p. 167. l. 31. *uatura*. p. 168. l. 24. *fit*. p. 170. l. 6. *ne*. p. 171. l. 19. *proveniat*. p. 174. l. ult. *ab*. p. 184. l. 13. *quorundam*. p. 187. l. 20. *habetur*. p. 188. l. ult. *predicatur*. p. 190. l. 26. *conuoluntur*. p. 193. l. 21. *quod*. l. ult. *transfer* ante ab initio lineæ ad finem. p. 200. l. 6. *maximè*. p. 201. l. 30. *immensum*. p. 204. l. 7. *Zweyßu*. l. 8. *deperit*. p. 214. l. 26. *2000*. p. 235. l. 2. *Antiquioribus*. l. 3. *Antiquioribus*. p. 273. l. 24. *diffinitio*. p. 287. l. 30. *Febovianus*. p. 291. l. 3. *possit*. *potuerit*. p. 299. l. 5. *dissolubile*. l. 7. *corruptilis*. p. 318. l. 16. *differentis*. p. 360. l. 17. *ut*. p. 366. l. 30. *pro crastino leg. bisterno*. *Cetera, Benigne Lector, tuum effragitant candorem.*

